

ادب الدين والدنيا ترجمہ

جزو ثالث

مترجمی
بایزید مجیز درساملرندن
احمد جودت

مؤلفی
ماوردی

از ادب پر نور کشتست این فلک
واز ادب معصوم و پاک آمد ملک

آمدی مطبعہ سی

دیون عمومیہ جوارنده سلطان مکتبی سوقاغنده نومرو ۱۳

۱۳۲۸

اسباب الفتك بشخصی بر واحساندر ، قلوب انسانه ایصال الطاف وقذف محبة و انعطاف ایتدیکی جهته جمعیت بشریه میاننده دوام الفت ومعاشرتک اسباب مهمه سندن صابلمشدر . آنکچون جناب حق ﴿ وتعاونوا علی البر والتقوا ﴾ آیه جلیله سیله قوللرینی بر واحسانه دعوت بیورمش وزد احدیتنده ممتاز اولان تقوایه مقارن قیلهرق بر قاندها مزیه ذاتیه سنی آرتیرمشدر . چونکه تقواده رضای الهی ، بر واحسانده ایسه رضای ناس متحقق اولمغله هر ایکی رضایی جامع اولان ذانک سعادت دارینی جامع اوله جنی آشکار اولدیغندن فرمان الهی هر ایکی سعادتک جمعنه قوللرینی دعوت اولمش اولیور .

عبدالله بن مسعود دیدیکه جناب رسالتپناه افندمزدن ایشتمکه ﴿ جبلت القلوب علی حب من احسن الیها وبغض من اساء الیها ﴾ یعنی قلوب بشر . احسانی کوردیکنه ، محبت ، فالغنی کوردیکی شخصهده بغض وعداوت ایتک اوزره مخلوقدر بیوردیلر . حکایه اولوندیکه جناب حق داود نبیه وحی ایلدیکه یا داود بنم نعمتیریمی صایوب قوللریک خاطرینه کتورکه بکا محبت ایتسونلر . چونکه آنلر ، لطفی کورمدکاری آدنه آثار محبت واطاعت کوسترمزلر . (ابوالحسن الهاشمی)

شعر

الناس کلهم عیا ل الله تحت ظلاله
فاحبهم طراً الیه ابرهم لعیاله

مأل

ناس . جناب حقلک سایه عاطفتهده یاشار عیالیدر . بونلرک نزد احدیتده انک مقبولی عیالینه احسانی زیاده اولاندرد . چونکه آنلرده عیالی اولدیغی جهتنه . انلره احسان بالآخره جناب حقه راجعدر . امدی بر واحسان ایکی نوعدر . صله ، معروف ، صله دیدیکمز . غرض وعوض ملاحظه سی اولمق سزین مالی محال

محموده و جهات مشروعه به بذل و انفاق اتمکدر که بوکاده بادی. نفس ناطقه نك
 کندیسیله تحلی ایتدیکی حذیه و سماح و سخاوت اولدیغی کبی مازعی دخی ینه
 نفس ناطقه نك جوهر ذاته عیب و شین ایراث ایدن بخل و امسا کيدر .
 آنک ایچون. جواد کریم اولان خدای مستعان (ومن یوق شح نفسه فاولئک
 هم المفلحون) قول شریف سبحانیسیله ارباب سماحتی فلاح ابدی . و نحتاج
 سرمدی ایله تبشیر بیورمشلردر که عکسی حالده شایان تذیر اوله جنی ذوق
 بلاغیدن حصه مند اولانلرک معلومیدر . روایت اولندیکه سید الکائنات افندمز
 (السخی قریب من الله عزوجل ، قریب من الجنة ، قریب من الناس ، بعید من النار .
 و البخیل بعید من الله ، بعید من الجنة ، بعید من الناس ، قریب من النار) یعنی اسخیا
 الله . جنته . ناسه یقین ، جهنمه اوزا قدر . بخیل . اللهدن . ناسدن اوزاق .
 جهنمه یقیندر . بیوردیلر . و ینه سلطان انبیا افندمز . مشاهیر اسخیا عریبدن
 حاتم طیک مخدومه خطاباً . جود و سخامی . احسان و عطایاسی سایه سنده جناب
 حق باباک اوزرندن سائر کفاراه تخصیص اولنان عذاب شدیدک بر مقداریخی
 قالدیردی . مألند . (رفع الله عن ابیک العذاب الشدید لسخائه) حدیث
 شریفیه جود و سخانک شرافت اخرویه سنی اعلان بیوردیلر . بخل و امسا کی
 کوش معالی منکوش محمدیه لرینه و اصل اولان زیرین العوامک صار یقندن
 طوتوب . یا زیر . بن سکا و سائر ناسه کوندلمش بر پیغمبرم . بنی کوندردن الله
 دیبوره . قولم انفاق ایتکه بنده سکا انفاق ایدیم . بخل و امسا ک ایتکه مجازاة
 قصدیه سنی محروم معیشت . دوچار مضایقه ایتیم مألند یا زیر (انا رسوالله
 الیک والی غیرک یقول انفق انفق علیک ولا تؤک فؤک علیک) بیوردیلر . ابوالدرداء
 روایت ایلدیکه فخر کائنات افندمز . هر کون غروب شمس زمانند . بهمه حال
 ایکی ملک یاربنا . ارباب انفاقه یسروغنا بخش ایله . ارباب بخل و امسا کده نفقه
 رینه مالنی اتلاف ایدوب دوچار خذلان ایله . ندای ملکوتیسنی بارگاه کبریاه
 ایصال ایدر مألند . مامن یوم الاولملکان نیادیان . اللهم اعط منفقاً خلفاً و ممسکاً
 تلفاً بیوردیلر . بر واحسانک نزد احدیتده کی حائر بولوندیغی شرافتی . بخل
 و امسا ککنده و خامتنی آکلامق ایچون اشبو آیه جلیله حقنده ابن عباسک

تفسیرینہ دقت ایستر (فاما من اعطی واتی وصدق بالحسنی فسئیسره لایسری
واما من بخل واستغنی وکذب بالحسنی فسئیسره لایسری) ابن عباس شویله
تفسیر ابیدیور . یعنی (من اعطی فیما امر) (واتی فیما حظر) (وصدق
بالحسنی) (یعنی بالخلف من عطائه) تفسیر مزبورہ نظراً آیه جلیله نك مأل
منیفی شویله پدر . اللهم امر ابیدیکی یرلره اتفاق ایدن ، نمی ابیدیکی محرماندن
پرهیز و بجانب ایدن ، و یردیکی ماله مقابل . خزینة غیب الییدن مع زیاده خلفنک
بخش واحسان بیوریله جعنی تصدیق ایدنلری شهبه سز یسار و ثروته نائل قیله جغم .
مشهور سوزدر که . جود وسخاسز ثروت و ریاست . عسکرسز ملک کیدر که
عسکرسز ملکک یازده حیول اعدا اولمی مقرر . ثروت بی سماحتکد ، غضب
الهی صرصریله محو و پریشان و یادکار قریه سبا اولمی غیر منکردر .
(حکما) کرم واحسان مالک بکجیسی در . کرم ایدن مظهر سیادت اولور .
بر آرزوها زیاده و یرن . قات قات مقابلنه نائل اولور . کشینک سخاسی کندینی
دشمنلرینه بیله سود یردیکی کبی . عکسی بولنان بخل امساک . کشینی اولادینه بیله
منفور کوستریر . مالک ابوسی احراری کوله قیلان . اعمالک خبرلیسیده مستوجب
شکران اولاندر . دیدی . (صالح عبدالقدوس)

شعر

ویظهر عیب المرء فی الناس بخاه ویسترده عنهم جیماً سخاؤه
تغط باثواب السخا فانی اری کل عیب فالسخاء غطاؤه

مأل

ناس ایچنده عیوبی افشا ایدن . کشینک بخل وامساکیدر . بالعکس سترعیوب
ایدن . طیب و طاهر کوسترن . کرم وسخاسیدر . سن اثواب کرمه بورونیکه باقی .
بن اولیله اعتقاد ایدرمکه هرعیوبک پوشیده سی احسان و کرمدر .
بروجه معروض . سخاوت نظر شریعت و قیاس عقنده ممدوح بر صفت ایسه ده
آنکده بر حد معینی وارددرکه تجاوزی اسرافدن معدود اولدینی جهته مذمومدر .
اوده لدی الاحتیاج کفایت مقداری بذل و اعطا وحسب الطاقه مستحقینه ایصال
عطا درکه حد مزبورہ کا ینبغی رعایتله اونه سنه تجاوز ایتمامک کوجدر .

انسانلر اُره-سنده کرم صفتیله شان المق سودا-سیله بعض طاسلاقلرک .
 مروته اندازه اولمز سوزینی دیله طولایوب سخا و کرم ایچون بر حد تعینی
 برنوع بخل عد ایتدکاریته تصادف اولنورکه [۱] بونلر. اشبو حرکتیرلیله. حدود
 فضائل انسانیهی جاهل اولدقلربی اثبات ایتمش اولیورلر. سبحان الله. اگر
 جود و سخا. وارینی محتاجینه ویرمکدن عبارت اولسه ایدی. عجیبا اسراف
 و تبذیر کبی شرعاً مذموم اولان صفتلرک موصوفی کیم اولوردی. و بونلرک
 ذمه و اجر اسندن نهیه دائر آیات واحادیثک نزول و صدورینه نه احتیاج قالردی
 امدی شو نظریه ایله سخا ک محدودیتی رهین مرتبه ثبوت اولدیسه حد مین
 دائره سندن چیقما یه رق اجرای زلال عطا ایدن کرما. کریم صفتنی بالاستحقاق
 احراز ایلدیکی کبی. حد معین مزبور خطوه انداز وصول اوله میان ناکسلر
 دخی صفت مذمومه بخل ایله بالاشتهار خالق و مخلوق نظرنده مقدوح و مذموم
 اولورلر. ایشته جناب حق ﴿ ولا تحسبن الذين یخولون بما آتاهم الله من فضله هو
 خیراً لهم بل هو شر لهم سیطوقون ما یخولوا به یوم القیمه ﴾ قول شریف
 سبحانیسیله زمره بخلا ک جزای اخرویسی تعیین بیور بیورلر. معاذ الله. دنیاده
 حرز جان ایدیلوب صاقلانان اموال و نفود. روز جزاده دهشتلی بر اژدر.
 بی امان صفتیله تمثیل بیوریلهرق صاحبک بوینه طوق واری صاریلوب قاتی.
 ایلکنی، دماغ و اعصابی کیره کیره تعذیبه مأمور ایدیلور. روایت اولندی که
 سلطان سریر لولا ک، علیه افضل الصلوات مادامت الافلاک افندمز ﴿ اقسام الله تعالی
 بعزته لایحاوره بخیل ﴾ یعنی بخیلی جناب حق جوار احدیتنه. بارگاه مجد و عزتنه
 قبول بیور میه جغنی مع القسم بیسان ایتدی. بیور دیلر. دیگر بر حدیثنده ده
 بخیلک طعامی مرض، کریمک طعامی شفادر مأئده ﴿ طعام البخیل داء و طعام
 السخی دواء بیور دیلر ﴾ بخلا. ظالمه نسبتله معذور واهوندیر دیان بر کیمسه یه.
 صوص. الله ظالمکده، بخیلکده بلاسنی ویرسون. کلام دهشت اناسیله هرا یکی
 مردار کده نظر شریعتده مظهر نفرین اولدیغنی اعلان بیوردی (بعض حکما)

بیت [۱]

نه دکولوم اولونسه ده سخا دن عد اولور اسراف کبارک مشربی یکدر هله ممسک حسابیدن

بخل . مذلت لباسیدر . بخیلک خلیل یوقدر . بخیل مالینک بکجیسی . وارثلربنک
باد هوا خزینه داریدر دیدی .

شعر

اذا كنت، جماعاً لما لك ممسكاً فانت عايله خازن و امين
تؤديه مذموماً الى غير حامد فيأكله غشواً وانت دفين

مالی

مالیکی طوبیابوب بخل ایدرسک سن انک اوزرینه امین بر خزینه داردن
بشقه برشی دکلسک . وفاتکدن صکره قره طوپراق آلتنده چورورکن . هم شایان
مذمت . همده محروم ذکر محمدت اولدینک حالده وارثلریکه یدیره جکسک . امساک
ایتدیگکدن ذم اولنورسک . وارثلرک [۱] دخی اویله حراملقمه یی بیر ایکن رحمتله
یاد ایتیه جکلرندن . اندنده محروم بولنورسک . بخل وامساک ایله متصف بر ذات
مجرد ریاستنه کوکئوب ثنا و ذکر خیر سوداسنده بولندقد . شعرادن بری انک
حقنده شو ییتلری سویلدی .

شعر

اراک تؤمل حسن الثناء ولم یرزق الله ذاک البخیلا
وکیف یسود اخو بطنه ین کثیراً ویعطی قلیلاً

مالی

کور ییورمکه . بخلک ایله برابر ذکر خیر امیدنده سک . حالبوکه جناب حق
انی بخلایه نصیب ایتیه مشدر . از ویروب چوق باشه قاقان ، نصل نائل سعادت .
مظهر سیادت اوله بیلیر . اوله مز .

حب ثنا . بذل وانفاق مروج . حب مال ایسه آندن شدتله مانعدر . بو جهتله
أردلرنده تضاد وممانعت ثابت اولدیغندن هر ایکیسنی جمع دعواسنده بولونان

بیت [۱]

نه دکلو مالک اواسه مرد ممسک کنج تارونه فنادن کوز یومونجه مالین ایالر کندیسین یر یر

کاذبدر. یا حب مالدن کچوب بذل وانفاق ترجیح والزام ایتلی . یا خود ذکر خیر
وثنای جمیل خیال خامندن کچمه لی .

شعر

جمعت اسرین ضاع الحزم بینهما تبه الملوک و اخلاق الممالیک
اردت شکراً بلا بر ولا صلا لقد سلکت طریقاً غیر مسلوک
ظننت عرضک لم یقرع بقارعة وما اراک علی حال بمتروک
لئن سبقت الی مال حظیت به فما سبقت الی شیئی سوی النوک

مألی

ایکی شی بیننی جمع ایتدک که حزم و احتیاطه مانعدر. بری ملوکه خاص اولان
کبر، دیگرى کوله لرك خصائصندن بولنان بخل وامساک. احسانسز مظهرشکران
اولمق ایسترسک هیات. چیقماز یوله سلوک ایتدیککه امین اول. ظن ایدیورسک که
بویله لککه طعن ولومدن قورتیه جتسک. قابل دکل بهمه حال مظهر طعن اوله جتسک
ماله نائلیتیه بکام اولدکسه ده. حماقتدن بشقه برشینه مالک دکلسک چونکه بخلیسک.
بخل صفتک هر درلو ذمائم اخلاقیه نک منبع خبیثی اولدینی درکار. باخصوصکه
سبب غضب الهی اولان بر صفتک نیجه خصائل رذیلیه وسیله اوله جنی آشکار
ایسه ده عرض ایده جکمز درت خصلته دها وسیله اولورکه آنلرک قبح و شناعتنی
تذکیر وتیان. قبايح سائرته نک ذکرندن مغنی اوله جنی مطالعه سیله بیامتزی انلره
حصر ایلدک. خصائل مزبوره شونلردر. (حرص) (شره) (سوء ظن)
(منع حقوق) شمدی بونلری. اخلاق نقطه نظر نیجه براز تشریح ایدلم (حرص)
مطلوب اولان شیئک طلب و تحصیلنده شدت کوستر ممکن عبارت (شره)
احتیاجنه کافی مقداری ازنه یوب محتاج اولمدینی شیلری چوغالته کمال تهالککه
چالشه مقدرکه اشبو جهت. حرص ايله شره میاننی فارقدردر. سالم ابن مسروقدن
روایت اولدیکه فخر عالم افندمز (من لا یجزیه من العیش ما یکفیه لم یجد معاش
ما یغنیه) یعنی مقدار کافی معیشته قناعت ایتمه ن . یشادینی مدتجه کنبدنی اغنا
ایدجک برشی بوله مز . بیوردیلر . (بعض حکما) (شره) طبایع لثیمه دندر

دیدى . اشبو حديث ايله جمله حكيميه . شره صفتك قبيح و شناعتى اعلان
ايچون كافيدر . (سوء ظن) بر كسه نك اهل و مستحق اولدينى صفة ممدوحه
اعتماد ايتامكدر كه عدم اعتماد مذكور . خالق حقنده ايسه شك و ضلالى انتاج ايدر
مخلوق حقنده ايسه صاحبه خيانت صفتنى قزانديرر چونكه انسانك بشقه لره
ظنى ، نفسنده كوردنكي مزيا و قبايح نسبتنده در . اكر نفسنده خير كورر سه
بشقه سنده انى كورور . شر كورور ايسه بشقه سنده شر اعتقاد ايلر .
مشهور مثلدركه طپراق چناق ، ايچنده اولان شئي صيريرر . شمدى بر معترض
چيقوب ديسه كه ، جنم . يوقاريدى سوء ظن ، حزم و احتياط اولمق اوزره توصيه
اولنيور ايدى . بوراده شدتله منع و تقبيح اولنيور . بو تناقض دكيدر .
جوابنده ديزر كه . يوقاريدى حزم و احتياط اولمق اوزره كوستريلان سوء ظن ،
ناس حقنده فنا اعتقاد بسله مك معناسنه دكلدر . بلكه ناسه ميل و محبتده افراط
وانلرك هوسات ناهموارينه بتون بتون انهماك ايله كندينى صالحو يرمكن منع
ودائما قوشقولى طور مقله امردر ، شمدى موضوع بحثمز اولان سوء ظن ايسه
ناس حقنده فنا اعتقاد بسيله مكدر كه بوراسى شدتله ممنوعدر شو ايكي معنايننده كي
فرق ايسه اظهر من الشمس در . (منع حقوق) شخص بخيلك نفسى ، سوديكي
شيدن آيرلغه رضا و مطلوبنى ترك خصوصنده انقياد و مطاوعت كوسترميه چكي
طبيعى اولمغله اذعان حق و انصاف ، مجانبت بنى و اعتساف كنديسندن مأمول
اولمدينى كبي ، حقوق ناسه تعرض ايتمى ، مبتلاسى اولدينى بلاى بخلك لوازمى
جمله سندنر . امدى منبع الرزائل وصفنه شاين اولان شو درت صفى طاقينان
وبالآخره انسان قياقتنده جانوار شكلنى آلان خبئى بخلادن صلاح و خير مأمول
اولمى كسه در خاطر ايدى چكى ظن ايمه يز . بلكه بونلر بر الای دشمن
انسانيدر لركه فائده لرندن كچك . مضر تلرندن صون صمدانى يه صيغونورز روايت
اولونديكه ، سيدالكائنات افندمز انصاره سرك ايچيكزده بيوككز كي مدر . ديو
سؤال بيورد قلرنده ، حرين قيسدر . اما براز بخلى واردر . جوانى ويرديلر .
بونك اوزرينه فخر عالم افندمز ، دهانه ايسترسكز بخلدن بيوك مرضى اولور .
بيورديلركه ، الحق اشبو حديث شريف (صفة بخلك ردائت و دنائتى) و نزد
معاليف محمدية قبيح و شناعتى و باخصوص عالم انسانيته اوردينى ضربه مضرتى

بیان حقنده طاش دیکمشدر. حتی حدیشک بخش ایتدیکی شدت بیان. اصحاب اوزرنده بشتهجه بر تأثیر بلیغ اجرا ایتش اولمیدرکه. درحال استفسار کیفیت شتاب ایله ﴿ وکیف یارسول الله ﴾ دیملری اوزرینه برای تفصیل. دهان عنبر افشان محمدیه لرندن شوپله کهر ریز حکمت اولمشدردر. اقوام سالفه دن وساحل بحر سا کنلرندن برقوم. متصف اولدقلری بخل ودنائت سوقیه اده صره نزولی درکار اولان مسافرینک اطعامی خصوصندن امتناع ایچون شوپله بر دیسه قوردیلرکه، قادیلریمز ارککارندن براز اوزاق بر موقعه اقامت ایتسون تاکه آمد شد ایدن مسافرله قرشی. نه یاپه لم اوده قادیلرمن یوق که طعام حاضر ایتدیرلم کبی، مسکینانه معذرتله صاومق قیوسی احیق بولنسون و بو سایه ده بزده شق روحز اولان مالزی خلقه یدیرمکدن خلاص اوله لم، قوم مزبور اشبو قرار موجب الادبارلری کرچه موقع اجرایه قویتمده مشکلات چکمامشدرسه ده قادیلرندن جدادوشن اشبو شهوتپرستان. بربرلینه فعل شنیع اجرا سنده دخی تردد ایتدیلر. و برلقمه اکمک اندیشه سیله عرض و ناموسلرینی فدادن چکنمدیلر او بر طرفده قادیلری یکدیکرندن استیفای شهواته باشلادیلرکه، خیللر ارککلی دیشیلی جمعیت بشریه برر فعل مردارک یایلمه سنه سبب اولدیلر.

بحلک مذمتی براقلمده بر آزده اسراف و تبذیردن بحث ایدلم. اسراف و تبذیر اربابی، حد سخایی تجارزلری سببیه ذم و قدحه لایقدرلر. بوندن بیوک مذمتی اولورکه جناب حق بونلرک حقنده ﴿ ان الله لایحب المسرین ﴾ قول شریف سببانیسیله کروه مسرفینی سومدیکنی تسجیل بیورمشلدردر. عاقل اولانلر ایچون بوندن بیوک زاجر اوله مز. فخر عالم افندمن ﴿ ماعال من اقتصد، یعنی امورنده اقتصاد اوزره حرکت ایدن دوچار فقر اولمز بیوردیلر. اشبو حدیت. کرچه صراحتاً اقتصادی مدح معروضده ایه ده عکسنی التزام ایدن مسرفینک ده ذم و قدحینه اشارتدن خالی دکدر. (مأمون) اسرافده خیر وبرکت یوقدر. خیرده ده اسراف یوقدر. نه قدر حوق خیر ایدیلورسه اوقدر باعث شایاشی الهیدر دیدی. (بعض حکما) کشینک دوستی اقتصاده رعایتی. دشمنی ایسه اسرافه مواظبتیدر. اسرافه کثره طیمانز، نمالندیریلان مال آز قالماز چوغالیر دیمشدر. معلوم اوله که اسراف ایله تبذیر کرچه یک نظرده متحد

المال کبی ظن اولونور ایسه ده حقیقتده آرالنده شویله بر فرق دقیق واردر .
 (اسراف) حقوق لازمه نك مقدارینی بیلمامك . مثلاً بش ویرلمه سی لازم اولان
 یرده اون ویرمك کبی که برکیمسه ، اوزرینه لازم اولان حقلک اون بش اولمیوب
 اون اولدیغنی بیلمامك و بیلممکه چالشماق اسراف عد اولونمشدر . تبذیر ایسه
 بویله دکلدر . (او) حقوق لازمه نك ویرلمه سی لازم اولان مواقعی بیلمامکدر .
 مثلاً اوزرینه زکات فرض اولان برکیمسه نه کبی کیمسه لره زکات ویرمك
 جائز اوله بیلیر ونه کیلره حرامدر . بوراسنی بیلمیه رك راست کلدیکنه . ویرمك
 تبذیردر که بو حال ، ذم و قدحه استحقاق نقطه سنجه اسرافنی یکمشددر . اوت
 تبذیردره شناعة زیاده در . اسراف ایدن ذات آز ویره جکی مقامده چوق
 ویردیکنده خطا ایتشددر . غایه باب . خطاسی زیاده خصوصنده در . اما تبذیر
 ایدن ذاتک خطاسی زیاده دائره سنده دکل بلکه جهل دائره سنده در بو وسیله ایله
 زواللی مبذر ، بالفعل حقوقه تجاوز ایدن ظلمه حکمنی آلیر . چونکه مال نه قدر
 چوق اولسه کافه ناسه بخش اولونه جق قدری بوله من هر حالده ویره جکی
 موقعی بیلمیان کیمسه لر حقلی حقسز واقعه صاچوب دو کرکن طبعیدرکه
 شرعاً ویرلمسی لازم اولان موقعی ترك ایله لزومسز کیمسه لره ویرمکده احتمالی
 واردرکه بوتقدیرده لازم الاعطا اولانلرك حقوقه تجاوزله ، ظالم صفتنی طاقمنش
 اولدی . معاویه ، هراسرافك یاننده بر حق ضایعدر . دیمشددر . (بعض حکما)
 غیر مستحقه ویرمك ایله ، مستحقندن منع ایتك . خطا نقطه سنجه بردر
 دیدی .

سخا صفتك تمامی ایچون یالکیز بذل مال کافی دکلدر . بلکه باشقه سنك
 مالنده کوزی اولماق خصوصینك انضمامیده لازمدر . دیمك اولیورکه تمام
 سخاوت ایچون امتناع طلب . بذل مان صفتلرینك اجتماعی شرطدر . بونی مؤید
 اولوق اوزره ، حکایه اولونورکه جناب حق ابراهیم علیه السلامه . بیلیرمیسك بن
 سنی نه ایچون خلیل اتخا ایلدم دیو وحی بیوردقده ابراهیم علیه السلام ، خیر یارب
 دیدی . بونك اوزرینه جناب حق بیوردیلرکه کوریورمکه ویرمکی سویورسك .
 آلمقدن خوشالانیورسك ، اشبو ایکی خصلتك سنده اجتماعی مقام خله کبی
 مقدس و عالی بر مرتبه چیقمکه سبب اولدی . (سهل بن سعد) روایت

ایلدیکه بر کیمسه رسول الله کلوب بکا برشی امر ایتکه آنکه عمل ایتدیکمه
الله وناس بنی سوسونلر دیدکده، حیب خدا، دلیل جنه الماوا افندمن شو یولده
کوهی فشان ارشاد اولدیلر . دنیا محبتنی قلبندن چیقارکه الله سوسین . ناسک
الندهکی مالده کوزک قالماسونکه . آنلرده سوسین (ایوب سختیانی) بر کیمسه ده
اموال ناسدن عفت و عیوبدن عفو صفتی اولمزسه شرافت و سیادت دعواسنی
ایده من دیدی .

(کسری) مخدومه یازدیکه احسانلرک چوق ایسه سن آنی آز کور،
الدیغک شیلر آز ایسه چوق کور، کریملرک سونجی ویرمکه، آلفلرک
سروری آلمقددر . صاقین بخیلی هیج بر وقت امین دولت یاپمه، یلانجی بی
حر ظن ایتمه، یقیناً بیاکه . بخله عفت و امنیت، یلان ایله مروت جمع اولمه
(بعض بلغا) شویله سویلدی . سخا ایکیدر . اک ایوسی ناسک النده کندن
استغنا ایله برابر بذل اموال ایتکیدر . جود و سخا زهدک غایه سی . زهدده جود
و سخا نک غایه سیدر . (بعض حکما) سخا کندی مالکله خلقه اجرای تبرع
و بشفقه نیک مالکده تورعدر دیدی .

شعر

اذا لم تكن نفس الشریف شریفة وان كان ذا قدر فليس له شرف

مآل

دعوی شرافتده بولونانلرک قدر و مزیه دینویه لری اولسه بیله مادامکه
علو جناب و شرف تفسیلری یوقدر آنلره شریف اطلاق چوق کوریلیر [۱] .
بخل و امساکنک عالم انسانیتده فصل مظهر نفرین و موجب غیظ و کین
اولدیغنی و عینیه نظر شریعتده یاعث عار و شین بولوندیغنی دلائل عقیده
و شواهد نقلیه ایله اثبات و تأیید ایلدک (الاشیاء تنکشف باضدادها) قاعده سنجه

پیت [۱]

لباس نوبنو صانمه قبا ی نخردر میرم دکل سرپوش کبه برسیاه احرامدن غیری
للتترجم

شمعی انک عکسی وضدی بولونان بذل و احسان صفتلرینک نزد سبحانیده نه کبی قبول وتلقی به مظهر اولدیغنی بیان و بوبابده لازم اولان شواهد قرآنیه وادله برهانیه نك اتیانیه کندیسی ایچون تعین اولنان موقع اجمالی کوسترمدل. کوسترمدله . بخل و امساک رذالتنی ایشیدنلر. استعدادلرنده وار ایسه بجانب و احترازه پویان اولدقلری کبی بذل و امسا ککده شرافتنی کورنلر. او شرفی غیب ایتماک داعیه سه جان آتهرق جمعیت بشریه نك امدادینه یتشسونلر (بذل و احسان) ایکی نوعدر (نوع اول) سائل طرفدن طلب وقوع بولمکسزین. مجرد کریمک فواره طبع کریمانهندن فیشقیران قوه سائقه کرم ایله حاصل اولان بذل و احساندر (نوع ثانی) سائلک طلب و سؤالی عقیبنده ظهوره کلان بذل و عطادرکه اشبو ایکی نوعک اولایکسی ایکنجیدن اشرف اولدیغند. تردد کوسترده جک عاقق تصور اولنه مز . حضرت علی یه صورمشلرکه سخاوت ندر. جواباً بیورمشلرکه ایسته مکسزین ابتدائی برصورتده وقوع بولان کرم و سخادر . ایسته دکدنضکره و یریلان حیادر . کرم و عطا دکلدنر . چونکه سائل ایسته مه سیدی و برمه جکدی . نه یابسونکه ایستدی اوطاندردی .

شعر

وفی خلا من ماله ومن المروة غیر خال
اعطاك قبل سؤاله وكفاك مكرودالسؤال

مآل

نیجه ارباب فتوت واردرکه مالی آزدر . لکن برشی ایسته مدن و یریر . شوصورتله سنی طبع سلیمک خوشلانمیدنی دیلنجیماک رذالتندن قورتاریر . بذل و عطا نك اشرفی اولان نوع اول ایچون علم اخلاق متخصصینی طقوز سبب بیان ایتمشلردر . (برنجی سبب) شخص کریمک . سد و بندینه قادر اولدینی برکدیک و ازاله سنه کلفتمزجه مکنتدار بولوندینی بر احتیاجی آب اشکاره کورمه سیدرکه کریم مزبورک مجبول اولدینی شیوه کرم و دیانت کندی شیویه

بر ملاحظه سوق ایدر . بنکه شو احتیاج صاحبی کوردم احتیاجنکده دفعنه حد اولسون قادیریم . اودونج ویریرسه نائل اجر اوله جغم شبهه سزدر . کرم واحسان طریقیه ویریر ايسهم دنياده مظهر شکران ، آخرتده نائل مکافات رحمان اوله جغم ينه شبهه سزدر . اشبو مطالعه نك تاثیر يله اجرای احسانه باشلار .

شعر

مالتاس الا آله معتمله للخير والشر جميعاً فعله

مأل

ناس . آلات عامله دن باشقه برشی دکدر . خير وشرك کافه سی انترک دست اعمالندن چيقار . (ايکنجی سبب) مالک اولدینی ثروتنده شخص کرم زياددلك واحتیاج بشريه سی اوزرينه فضلهلق کورمکدرکه بو سایهده تأمين مظهریت وتحصيل محمدت چاره سنک حصولی اذعان ایدرک مالنک فضله سنی ارباب احتیاجه بذل وانعام ودنياد . احرازینک نام . آخرت ایچونده تحصيل رضای علام اتمش اولور . بو آدمده . شایان تحسین ایکی حال واردر . بری مالنک احتیاجندن فضله لغی ادراک اتمه سی . دیگرى فضله مزبوردهی خزینة ادخارینه جمع ایتوب . آخرت ایچون ذاد وذخیره پیداسنه آلت وبوسایهده جمعیت بشريه یی امداد و معاونتنه مظهر قيلمقدر . اوت مالک زياددلکنی ادراک . مزیتدر . اولمه ایدی جهنمک کلام (هل من مزید) نی ایچروسنه آلوب . طویوب قانمقی بیلمیان حریصلر او مزیتدن محروم اولزلردی . آنلر دائماً محافل ومجالسده مالنک آزلغندن . احتیاجنک شدتندن بحث ایدرلر . نهاده دوشوندکلری ، اویقولرنده کوردکلری ماللرینک چوغالنه سی خصوصیدر . بناء علیه شخص کریم . مالنک زیاده لکنی که تقدیر اتمش برکره بو جهتله شایان تبریکدر . برده اشبو فضله یی معاصی به صرف ایتوب عالم مدنیتک انتظام شیرازه سنه صرف واستهلاك ایتدیکندن آروجه شایان تحسیندر (انتهى کلام المترجم) حسن بصری دییورکه ، سندن اجالال وتعظیم بکله یوب ابدال مالدن چکینان

کسه نقدر انصافسزدر . (هند بنت خسه) صورنیلرکه سنک نظر احترامکده
اک مهابتلی کیمدر . محتاج اولدینیم کیمسه در . جوابی ویردی .

شعر

وماضاع مال ورث الحمد اهله ولكن اموال البخیل تضيع

مأل

ابذل وانعام مقابلنده حمد وشکر قزانیلان . مال ضایع دکدر . ضایع
اولان انحق بخیل رذیلک مالیدر . (اوچنچی سبب) تعریض وکنایه طریقیله
عرض اولنان احتیاجه قرشی انعام وابدالدرکه مرد کریم، ارباب احتیاج طرفندن
بطریق الکنایه والاشارة سوق اولنان سوزلرک مندیج بولندیفی تعریضات
خفیه دن متأثراً، بر طرفدن طبع کریمانه سی، دیگر طرفدن تعریض مزبور دن
حاصل حیانتک هجوم ناکهانیسنه طیانهمیه رق درحال دفع احتیاجه دامن درمیان
تشیث اولور .

ایشته بر نمونه سی، فقرادن بری مرکب سوار اولدینی حالده اثنای راهده
والی مملکتیه تصادف ووالی مزبور، مرکبک نه قدر ضعیف دیدکده
فقر نه یاپسون زواللی مرکبک رزق بزم رزقزه تابعدر . بز طویارسه ق اوده
طویار دیر . بوسوز اوزرینه والی احسان ایدر .

آنک ایچون (اکثم بن صیفی) سیخا . فطانتک کوزلاسی . بخل ولثامت
تغافل مسیکنانه در . دیدی . حقیقه مرد سخی بر سحاب لطف وکرمدرکه دکل
ارباب احتیاجک قارشوسنده اشک ضراعت دوکدرک بسط مقال احتیاج اتمه سی
بلکه لسان حاللرینک شرح ایتدینکی نامه سیاه ادباری درک واذعان اتمک کبی
خوارق فطانت کوستره درک، جکرکه ضرورتدن فوران ایدن یاشلردن نم قاپار
ودر حال خضر فرخ پی کبی ضعفانک امدادینه یتیشه رک باغ امللرینی شاداب
لطف وانعام ایدر . (کثرالله امثالهم) بخل ولثامت اصحابنه کلنجه، بویادکارلر
استفاده لری اوغرنده مغلطه جذر اصم حله اقتدار کوستردکاری حالده

حضورلرنده بیک درلو تصریحات وتوضیحات ایله. سونن خانمانلر. محو اولان سامانلرک اعادة حیات واقبالی اوفاجق انعاملرینه وابسته بولندیغی یانهرق یاقیلهرق اکلاتلق ایستلیدیکی حالده ، هنبقه بی اذعان کسیلهرک بحیث بشقه طرفه نقل ایتمکدن اوطانملر . (اتمی کلام المترجم)

حکایه اولونورکه : (عبیدالله بن سلیمان) معتضد باللهک وزراتی درعهده ایلدیکی طوبیدیغی دیگر عبیدالله بن عبدالله (نام ذاته شو بیتلری یازوب کوندرمشدی .

شعر

ابی دهرنا اسعافنا فی نفوسنا واسعفنا فیمن نحب ونکرم
فقلت له نعماک فیهم آتمها ودع امرنا ان المهم مقدم

مأل

زمان ، بزم ایستدکلریمزی ویرمکدن چکینور. اما سودیکمز وتبجیل واعظام ایستدیکمز ذوانک آمالی کافی اسعاف اییدیور . بن اکا دیورم که سودکلریمزک مطالبی آتام ایت ، بزمکیلری بر طرف ایت ، انلرکی معتنا ومهم اولدیغندن تقدیمی لازمدر. عبیدالله بوییتلری اوقوینجه، قوجه شاعر مدح وستایش آراسنه ضرورت حالی فصل مزج ایلش دیهرک خدامنه احسان کوندرلمسنی امرایلدی.

شعر

ومن لایری من نفسه مذکر الها رأى طلب المستنجدین ثقیلاً

مأل

قلبنده سائقه حمیت بولونمیان کسهیه ارباب احتیاجک طلب وسؤالی آغیر کلیر .

(دردنجی سبب) مکافات ومقابلهدر. یعنی شخصی کریم. زمان بویا. احتیاجی زماننده برکیمسدن لطف وانعام کورمش بولونور . انسان عیید احساندر .

سوزی اقتضاسنجه کوردیکی بولطفه قارشى مكافات ایدهرک اسارت قلییه دن
قورتلق سوداسی . ضمیرینی طیرمالامقده دوام ایدر . دائما آرزوسی . بار امتنان
التدن صیریلوب چیقماق طرفنه معطوف اولور . بواشاده برده باقارکه اولجه
انعامنی کوردیکی ذاتک احتیاجی درکار . فی الحال یانغینی سوندررجه سنه امدادینه
شتاب ایله هم آنک ایشنی تسویه همده ایچریسنده کی مضایقه نفس یانغینی
سوندرمش اولور . اوت بوحرکتیه هم منتدن قورتلدی . همده نعمته قارشى
شکر ایله مقابله ایلدی دیمک اولدیکه شعار انسانیتده بودر . بعض حکما بودقیقه یه
رعایه . احسان کوله یاپار ، مکافات آزاد ایدر دیمشدر .

ابوالعاهیه

ولست ایلدی الناس عندی غنیمه ورب ید عندی اشد من الاسر

مأل

ناسک بکا انعامی . نظرمدده غنیمه دکلدیر . نیجه احسان بیلیرمکه اسارتدن
برباد حاله نتیجه لیر .

(بشنچی سبب) ریاست سوداسیله خلقلک تعظیم وتوقیری دعواسیدرکه
شاعرك

بیت

حب الریاسته داء لادواءله وقلما تجد الراضین بالقسم

مأل

ریاست سوداسی بر مرضدرکه دوا ناپذیردر . ذاتاً قسمت ربانی یه راضی
اولانی پک آز بوله بیلیرسک . دیدیکی کبی . شخص کریمک قلبنده سودای
ریاست وخلقلک قیام و تعظیمی آرزوسی یرلشمش بولونور . بونکده بشقه درلو
چاره سنی بوله مه نیجه خلقی کندینه منتدار وبالا خرده تعظیمنه اجبار اتمک
وبوسایه ده ریاست قایم ایچون کیسه انعامی آچوب کیمنک تأمین مطالبنه ،

کیمئکده تهوین احتیاجاتنه قوشاراق. بعض ادبانک. انسان انجیق احسانله ربط اولنور. مالنی بذل ایدن نائل آمال اولور. سوزلرینه امتثال ایتمش اولور .

شعر

اتر جوان تسود بالعاء وکیف یسود ذوالدعة البخیل

مآل

مشقئسزجه ریاستمی امید ایدیورسک بویله ایسه خطا ایدیورسک ، بخیل وتبیل اولان کیمسه لره سیادت اوزاقدر .

(آلتنجی سبب) دفع سطوة اعدا و رفع نفرت خصما فکریدرکه شیخمس کریم. صیانت عرض و ناموس و محافظه وقار و شرف مسئله مهمه سنک. خصمانک نفرتی مودته ، اعدانک عداوتی عیبته نقل و تحویل ایتدجکه حصول بوله میه جغنی اذعان ایدهرک بویولده فتح دهان کیسه ایله تأمین مطلبه موفق اولور .
(ابوتمام طائی)

شعر

ولم یجتمع شرق وغرب لقاعد ولا المجد فی کف امرئ والدرهم
ولم ارکا لمعروف تدعی حقوقه مغارم فی الاقوام وهی مغارم

مآل

شرق وغربی بر نقطه ده جمع ایتک کیمسه یه میسر اولمدینی کی. بخل و دنائتله شرف ذاتینک جمعی سوداسنده بولونانده موفق اوله مز. بن احسان و عطایا کی حقوقنه رعایت، تعظیمنه مبادرت بورج عد اولونور. برشی کورمدم. شوخالده ، عطایا غنائم ارباب ثروت دینسه روادری. بعض ادبا ، انعامی چوق اولانک معاونلریده چوق اولور دیدی .

(یدنجی سبب) شخص کریمک اولجه مظهر انعامی اولان کیمسه لراوزرندن

سایه عاطفتنی بردن قالدیردینی تقدیرده نعمت قدیمه یی اونوتهرق کفران ایتمه لری
خوف و اندیشه سیله طرز قدیم اوزره ابدالده دوام ایتمه سیدر . اوت احسانک
ارقه سنی کسن اهل احسان . میدان اعتبارده ضایع مثابه سنده در .

شعر

وسمت امرأ بالبرثم اطرحته ومن افضل الاشیأ رب الصنایع

مآل

بن برکشی یی احسانندن طولایی کریم طایمتش ایدم . او احسانتی کسدی
بنده آنی بر طرفه آتیویردم . اشیانک افضل انعامات دائمه صاحبی اولاندر .

(محمد بن داود الاصفهانی)

بدئت بنعمی اوجبت لی حرمة عليك فعد بالفضل فالعودا حمد

مآل

سن ابدال نعم کونا کون ایله باشلا یهرق بنی حرمتیه مجبور بر اقمشدک . دون ینه
او اسکی حاله ، عودت ایو شیددر .
(سکزننجی سبب) کریمک قلبنده علوریز اولان آتش محبتدر که فوران
ایده ایده مشتهیات نفسانیه سنک قضا سنه محل اولان محبوبنی مال و بلکه جانی
اوزرینه ترجیح ایله . اوغرنده ابدال اموال دن بر وجهله چکنمز بر حاله کلیر
اوت . نفسک محبوب شهوانیسنه میلی هرشیدن زیاده در .

شعر

فما زرتکم عمداً ولكن ذالهي الى حيث يهوى القلب يهوى به الرجل

مآل

نازنینم ، بن سنی اختیارمله زیارتیه کلدم . نه یاپه یم آیغم دائمه قلبمک میل

ایتدیکی طرفه کیدیور. بشنجی و آلتنجی و بوسکنزنجی قسملر عطاده داخلهده سخاوتدن خارجدرلر. یالکز ذکرلرینه باعث عطاده دخولایدرلر .

(طقوزنجی سبب) فعل کرمک شخص کریمدن صدوری هیج برسیبه استناد ایتیهرك. مجرد مفطور اولدینی شیوه کرم، سنجیه ابدال نعم سوقیه پذیرای حصول اولمه سیدرکه بومثللو کسهلر مستحق، محروم، مدوح، مذموم، نظر اعتباره آلمهرق راست کلدکلرینه انعام ایدرلر . (بشار) بونلردن برنی شویله ثنا ایلدی .

شعر

لیس یعطیک لارجاء ولاللاخوف لکن یلذ طعم العطاء

مأل

مدوح سکا بر شیئی امیدى . ویا خوفندن طولانی انعام ایتمز . بلکه بخش وعطادن آلمش اولدینی لذت. بذل عطاسنک باشلیجه سبیدر. بوکیلر حقنده ارباب تدقیق. اختلافه دوشمشلر . یعنی بونلری سخا ایله توصیف ایدرک مدح و ستایشنمی حکم ایتلی یاخود دائره سخادن خارج ، نه یاپدیغنی بیلمز. سرسم کروهندن صایهرق ذم وقدحلرینه می بورومهلی . ایشته بوراسی معرکه افهام علمادر . بونلرک مدوحیتلرینه قائل اولان بر فرقه دیدیلر که حقیقه طبعاً سخی، فطره کریم، جبلة جواد آرانیرسه کوستریله جک ذوات بونلردر. احسانلرینی هیج بر غرضه تماس ایتدیرمین ، لطفدیده لرینک حاللرینی بیله یش تدقیقه آلمغه تنزل ایتیمان احرار ابراردن زیاده سخانک ، کرمک منسوب الیهی عجا کیم اوله بیلیر . (ابوتمام)

شعر

من غیرما سبب یدنی کفی سبباً للحران یجتدی حراً بلا سبب

مأل

مدوح هیج بر سببسز لطف وانعامده بولونور . ذاتاً احرار ایچون

فقدان سبیدن بشقه سبب انعام اوله من . حسن بن سهل بوفرقيه مظاهرت
معرضنده دیدیکه . بن انعام واحسانی مستحققره ابدالی . انعامدن بیله صایمام .
بلکه مدیون اولدیغ بورجی ادا صایارم . اصل احسان . مستحق . غیر مستحق
آرامیوب همان انعام ایتمکدر . زیرا بوکبی شیلرک شرفی اسرافنده در . بوکا قرشی
بعض معترضلر . جانم اسراف حرامدر . دیدکارنده ، خیرده اسراف اولمز .
جوابی ویردی . (فضل بن سهل) شاشارم اول کسه لره که کندیلری
ما فوقلرندن امید الطاف ایتدکاری حالده مادونلرنده کی بیچارکانه لطافندن انتنا
ایدرلر دیدی . (یشار)

شعر

وما الناس الا صاحبك فنهيم سخی ومغلول الیدین من البخل
فسامح يداً ما لمكنتك فانها تقل وتثرى والعواذل في شغل

مأل

کوروشدیکک ناس ایکی قسمدر : ارباب سخا وکرم . الاری بخل وامساک
بوقاغوسی ایله باغلی اولان بخلائی دنانت اتما . سن ثروتک مساعد اولدینی قدر
ساحت ایتکه زنکین اولسه کده . زوکورت قالسه کده . ارباب مذمت سنی لوم
وتقیحدن فارغ بولونورلر .

علمادن دیگر بفرقه دیدیلرکه . بوکبی کرم . مددوخ اولان دائره سخادن
چیقارق . بالاخره مذوم اولان اسراف وتبذیر دائرسنه کیرر . اوت . غیر مستحقنه
احسان . آتی سویندیره چکی جهته ای برایش پابادی . ظن اولنورسدهده ایوجه
تدقیق ایدلکده موجب ندامت بر حرکت اولدینی کردکی کی تظاهر ایلر شویله که
هرکسجه معلوم بر حقیقتدرکه هیچ بر کیمسه نك ثروتی هرکسی نصیبه دار
استفاده ایله جک درجهده واسع بر مقیاسده اوله من . بناء علیه بر اهل ثروت
فرض ایدلمکه عرض اولوندینی وجهله مستحق ، غیر مستحق آرامیوب بین
ویسارینه درمپاش احسان اولسون . شمدی بو آدم . کافه ناسه ثروتی مساعد
اوله مدیغندن ابدال عطایا ایده من . بوراسی ضروری بر حالدر . شو حالده

بخشایشی بر قسم ناسه منحصر قالدینی واوده غیر مستحققره مصروف اولدینی تقدیرده ارباب استحقاقه ایده چکی معامله عجبا نه اوله بیلیر . جواب رد . ای شمدی تخم احسانی زمین شوره لرده اسراف ایدوب اصل قابل استعداد اراضی مشابه سنده بولنان ارباب استحقاقدن دریغ ایدن بر آدمه بوله جغمز صفت عجبا نه اوله بیلیر . هیچ شبهه یوقکه حجری واجب بر سفیه . اوت بر کوشک یامق سوداسیله قوجه بر شهری ییقان سفیه هیچ بر وقت شایان تحسین اوله مز اقدم نه حاجت . انسان ایچون سببسنز ، تمیز و تفریقسنز افعال اختیاریه به مصدر اولمقدن بیوک صفت مذمتی اولور . جناب حق (ولا تجعل یدک مغلوله الی عنقک ولا تبسطها کل البسط فتعبد ملوماً محسوراً) آیه جلیله سیله . بخل صورتیه قبض یددن منع بیوردینی کی . اسراف صورتیه ده بسط ید انعامدن نهی بیورمیورمی . دیمک اولیور که مذمت نقطه سنجه بخل ایله اسراف مساوی طوتولنجه هر حالده موضوع بحث اتخاذ ایتدیکمز نا اهله انعام ایدنلرک . مسرفینده داخل اوله جقلری آشکار . وبالاخره مذمتده اشتراکری بدیدارد .

شعر

وكان المال يا تينا فكننا نبذره وليس لنا عقول
فلما ان تولى المال عنا عقلنا حين ليس لنا عقول

مأل

اولجه الیمزه مال چوقجه دوشر . بزده عقلسنز کی ناحق یرلره صرف واسراف ایدردک . نصلکه بو حال یوزندن زوکورتله دک عقلیمزی طوبیلاق اما الله فضله برشی قالدی... هم برده وارکه . انعام سبب معقولسنز اولدقده شخص مکرم . محروم بر اقبالان اهل استحقاق طرفندن وبلکه سائر اهل انصاف جانبندن ذم اولدینی کی . مبلغ احسانی اومدینی قدر کوره میان غیر مستحققر طرفندن ذم اولنمزه شکر وثایه مظهریت نشئه سزجه یوز کوستره جکنده شبهه یوقدر نتیجه . بوکی عطیه نک منعی اعطاسندن افضل اولدینی ثابت اولیور که اشبو

حرکتی تعقیب ایدنلر. مدح یرینه ذمه مستحق. عقلسنر برالای سفها اولمقدن
باشقه برشی دکلدر .

بذل واحسان. سائل طرفندن وقوعبولان طلب و سؤال عقینده اولورسه
بوخصوصده معتبره اولان شروط ایکی وجهلهدر . برنجی وجه. سائل طرفنده
معتبردر . شو اجمالک تفصیلی شویلهدر . سائل طرفنده معتبره اولان شروط
اوچدر . (برنجی شرط) سائلک سؤال وطلبی بر سبب معقول مجبره مستند
اولمقدرکه بوصورنده سائل . ذل سؤالی ارتکابندن طولایی شایان لوم وتقبیح
دکلدر . آنک ایچون حکما . ضرورة انسانی عارسز ایدر . دیدیلر .

شعر

الاقبح الله الضرورات انها تعلم خیر الناس شر الطبايع
ولله در الاتساع فانه یبین فضل السبق من غیر سابق

مأل

های . ضرورتک الله بالاسنی ویرسون. اک ایی آدمیره . اک چرکین خوی
(دینمک) تکلیف ایدیور . آفرین زنکین لکه که اهل فضیلتک فضلنی اظهار
ایدیورده . جهایله میدان اوقوتدیریور .

شعر

اذا لم تکن الا الاسنة مرکباً فلا رأى للمضطرا لا رکوبها

مأل

مضطرا اولان کسه ایچون مزراقلر اوجنه اوطورمق لازم اولدقد
اوطورمقدن باشقه ماقول بر حرکت یوقدر .
کور یلیور یا . شمرا و حکمانک سوزلری ضرورة ملجه زماننده
سؤالی تجویز اتمکدهدر . بویه اولیوب شیئی مطلوبک حصولی . عدم حصولی
جائز . لکن حصول طرفی . مجرد اولویتده قالدقد اشبو اولویت شرف نفسدن

محروم اولان اهل مساحمه غلبه ايدرك درحال شيشي مطلوبك سؤالنه
قويولورلر. اما بويوزدن ذل ومسكنت ترتبايده جكمش. اوني هيچ آنديرمزلر.
وشو مذموم حالاريني تأويل ايچون بحترينك شو بيتنه صاريلرلر .

شعر

وربما كان مكروه الامور الى محبوها سبباً مامثله سبب

مالی

خوشه کلیان نیجه شیلر واردرکه ، اوته طرفده خوشه کیده جک چوق
شیلره سبب اولور که اشیاء مزبورده ایچون بشقه هیچ بر سبب بولنه من) اما
شرف نفس اصحابی، لاحق اولان شدته کوچی یتدیکی قدر مردانه کوکی
کره رک ، نفسنی صیانت ، علو جنابی محافظه غیرت ایدرده ، دکه بر احتیاج
طولانیسیله ناموسنی آیاقلر آلتنه آلدیرمغه تنزل ایتمز .

شعر

وقد یکتسی المرء خزانیا ب ومن دونها حالة مضنيه
کما یکتسی خسد حمرة وعلته ورم في الرئة

مال

کشی بعضکره کوزل قماش کیرده . خوشحال صانیلور حال بوکه او قماشک
آلتنده کی وجود خسته در . نته کیم یناقلری قیزا یرده ، کوزنا سکدن ظن اونور.
حال بوکه او یله دکل. جکر نده کی ورمک التهای یوزینه عکس ایتشدرد .
(علو جناب اربابی بویله جانکداز حاللره طیانیرده وحشی جانوارلرک بیله
تنزل ایتمدیکی مطالب شومیه . مطامع لومییه اقبال ایتمز) .

شعر

ولیس الیث من جوع بغاد علی جیف تعطیف بها الکلاب

مأل

ارسلان. آچلغه قاتلانیرده . کوپکلرک. اطرافنده طولاشدینی لاشیه تنزل
ایتمز . ارسلان کبی بر جانوار. علو جناب اظهارندن کیری قالمدینی حالده
حیواناتک اشرف واکرمی اولان انسانلر . بهمائک کندندن عالی بر خوی
صاحبی اولمه-نه راضی اوله مز .

شعر

علی کل حال یا کل المرء زاده علی البؤس و الضراء و الحدنان

مأل

کشی خسته اولسون. فلاکت کورسون. همه حال رزق مقسومنی بیه جکدر.
عالیجناب زاهدلردن برینه دیمشکرکه قومشوکن ایسته سهک بلکه امدادیکه
یتیشور . جواب ویرمشکه . بن دنیانک صاحبی اولان اللهندن بیله ایسته میورم .
زده قالدیکه بنم کبی عاجز انساندن ایسته یهیم ...

شعر

اذا افتقروا غصوا علی الضر حسیبه وان ایسروا عادوا سراعاً الی الفقر

مأل

انلر بر قوم نجیبدرکه مبتلای فقر و ضرورت اولدقلرنده صیقنتی یه کوز
یومارلر. تحمل ایدرلر . زنکین اولدقلرنده فقرا ایله همبزم اوله رق و آنلره
بذل واحسان ایددرک کندیلرده اوزمره یه تیز التیحا ایدرلر .
ضرورة اثناسنده طلب وسؤال بویله چیرکین اولونجه آرتق احتیاج ملجئ
یوغیکن جر وسؤال چیکانه کنه تنزلک . لثامه صریحه ، دنائت واضح اولدیغنده
تردد ایدیله مز . بوکیلرک نائل ثروت اولانلرینه بک آ ز تصادف اولونور .
چونکه بونلرک درکار اولان شودنائتلری جزاسی اوله رق چارپيله کلدکاری

ضیق معیشت ، حرمان ثروت. لازم غیر منفک اولورده دوکمدکری یوزصوی .
طامدقلری مطاعم مذلت قالمز . ابو تمام طائی بی هجو مقامنده (عبدالصمد بن
المعدنک) شوبیتی . دنائت مزبورده تصویرده کافیدر .

شعر

انت بین اثنتین تبر زلنا	س وکلتاها بوجه مذال
لست تنفک طالباً لوصال	من حیب او طالباً لنوال
ای ماء لحروجهمه یبقی	بین ذل الهوی وذل السؤال

مأل

سن ناسه ایکی خوی ایله کورینیورسک که هر ایکسییده داعی مذلتدر .
یا بر محبوبدن طلب وصال، یا بر زنکیندن طلب نوال ایتکدهسک . بویله ذل هوی .
ذل سؤال آره سنده قالان آدمک یوزنده صومی قالیر . رذیل و بد نام اولور .
حیاسزقله شهرت آلیر . (اکر بو ألق حریف ناموسه رعایت و دیلنجیلکدن
مجانبت ایتسه ایدی . امینم که غنایت سبجانی سایه سنده صیانت ناموسه مدار
اوله جق معیشت تدارکندن عاجز قالمزدی .

شعر

لا تطلبن معیشت بتذل	فلیاً تینک رزقک المتمدور
واعلم بأنک أخذ کل الذی	لک فی الکتاب مقدر مسطور

مألی

ذل و مسکنتله معیشت آرامه . شبهه یوق که مقدر اولان رزقک سکا کله جکدر
لوح تحفوظ ازلده سنک ایچون مسطور اولان ، شیئی الاجعکه امین اول
(ایکنجی شرط) طالبک مطلوبنی تأخیر و مسئولنی حکیمکدیرمه هیچ بر مساعد
میدان و موافق زمان بولونیوب در حال اجراسی واجب اولان شیردن اولمیدرکه
بو صورتده طالب . معذورین میاننده معدود اوله جغندن شایان تقییح اوله ماز .

نه ياپسون . تاخيري جائز دلككه بشقه درلو چاردهسنه باقوب ايسته ملك طريفته
 كيتسون . اكر بويله اولوبده ينه طلب و سؤالده بولنورسه او وقت لوم وتنشيعه
 سزاوار اولهجنی بدیدارد .

شعر

ابی اغضاء الجفون علی القذی یقینی ان لا عسر الا مفرج
 الا ربما ضاق الفضاء باهله وامکن من بین الا سنة نخرج

مالی

یقیناً بیلیرمکه . هر کوجلکک نهایتده بر قولایلق وارددر . ایشته بو حال .
 بنم کوز آغریسنه تحمل ایتمه می ایجاب ایتدی . چوق کیمسه لره میدان طارالیر
 مزاراقلر آره سندن کچرلرده ينه فلا کتدن قورتیلورلر . (اوچنجی شرط)
 سائل . عرض حاجت . بیان ضرورت ایده جکی کسه یی تحری وامتحانده بولنه رق
 ذاتاً یا کریم اولدیغندن و یا خود سائله حرمت مخصوصه سندن طولای مسئولی
 اسعاف . مطالبی ترویجه شتاب ایده جک کسه لری انتخاب ایتمکدرکه یوز صوی
 دوکدیکنه دکسون . یوقسه حیت طویغوسندن محروم اچقلره آب رو دوکدیکده
 هم مطلوبدن محرومیت همده بو یوزدن ملومیت درکاردر .

شعر

من کان یؤمل ان یری من ساقط نیلاً سنیاً
 فلقد رجی الی یجتی من عوسج رطباً جنیاً

مال

اچقلردن عطیه و کرم اومان ، دیکندن خرما میوه سی امید ایتش دیمکدر .
 حضورنده عرض احتیاج اولنه جق شیخص مسئول طرفنده معتبر اولان
 شروط اوچدر . (برنجی شرط) سائلک آچبقدن آچیغه سوبله سنه میدان
 ویرمیوب تعریض و کنایه سندن تنبه ایله . در حال اسعاف مطلوبنه شتاب ایتمکدرکه

بو صورتده سائل مذلتدن بر درجه یه قدر قور تارلمش اولور . نطقك افاده ایتدیكى دلالتی . حال دخی افاده ایلدیكندن . دلالة حاله برده تعریض نطقی انضمام ایدنجه کریم اولان ذاتك تصریحه قدر واردیر مامسی شیوه کرم اقتضاسیدر .

شعر

اقول وستر الدجی مسبل كما قال حین شکی الضفدع
کلامی ان قلتہ ضایع وفي الصمت حتی فما اصنع

مأل

کیجه پرده ظلامی اوز ایدیغنده بن قور بغانك شو سوزنی سویلرم . سویلسم ضایع اولور . صوصم هلاک اولورم . بنده شاشیردم . بعض اهل کرم واردرکه تعریضی اکلا دینی ومه تصده کره کی کبی واقف اولدینی حالد سائلی رذیل وبو سایه ده دینلجیلکدن واز کچیرمك فکریله ایشی اکلاماز لغه اورور . تا که سائل اچیقلا نیجه مطلوبنی اسماف ایدرسده حریفده رذیل اولور .

ابو تمام

من کان مفقود الحیا فوجهه من غیر بواب له بواب

مأل

حیاسر امرانك قاپوجیمی اولمسه بیله یوزلرنده کی اکشیلک . بوابلق وظیفه سنی ایفاده کافیدر .

(ایکنجی شرط) سائله قیرشو اظهار بشاشت . مرحبا دیهرک ابراز طلاق ایله توسیع میدان محبت ایتمکدرکه ایسته دیکنی ویردیکنده مظهر شکران . ویرمدیکنده ده بشاشتی سایه سنده معذور طو تلسون (حکما) دوستکی کولنج یوزله قارشیه که برشی ویروب شکرینی آله مزسه که باری چهره عبوس کوسترمیکدنطولانی نائل معذرت اوله سین دیمشلردر . ابن لشکک . حکایه ایدرکه (ابوبکر بن درید) برحاجه خصوصنده بر وزیره مراجعت ایدوب وزیر مزبور

حاجتی اسعاف ایتدیکی کبی فوق العاده صیقیلیر بونک اوزرینه (ابن درید)
شویبتلری سویلر .

شعر

لاتد خلنک ضبحرة من سائل فلخیر دهرک اک تری مسئولاً
لاتجین بالردوجه مؤمل فبقاء عزک ان تری مأمولاً
تلقى الکریم فستدل بشره وترى العبوس على اللثیم دلیلاً
واعلم بأنک عن قلیل سائر خبراً فیکن خبراً یروق جمیلاً

مأل

هیچ بر سائلدن صیقلمه . سنک حقهکده خیر اولان . سائل اولمیوب مسئول
اولما کدر . بارگاهکه امید ایله کلنله جواب رد ویرمه ، چونکه سنک املسکه
عالم اولماک . بقای عزتکه دلیلدر . کریمی کوریرسک . کوچ یوزندن کرمنه . اکشی
یوزلیلری کورورسک . دنائتلرینه . انتقال ایدرسک . معلومک اولسونکه سن یقین
زمانده ناسک ارزاق چانطه سی (مرجع أمالی) اوله جقسک بشاشته عرض
جمال ایتکه باق .

(اوچنچی شرط) سائلک املنی تصدیق . ظننی تحقیق ایله برابر کنندی
حالیله آنک حالی نظر ملاحظه دن کچیرمکدر چونکه اشبو احوال درتدر .
(۱) سائلک مستحق کرم . مسئول عنک قدرت وتمکن صاحبی اوله سیدر .
اشبو صورتده رد ایچون مساع اولمیوب اسعاف ایتک موافق شیوه مروتدر .
مکرکه مسئول عنه بخل و دنائت . تحمل رزالت اربابندن اوله . . نه کم
عبدالرحمن بن حسان بونلر حقبنده شو بیتلری سویلر .

شعر

انی رأیت من المکارم عندکم ان تلبسوا خزالثیاب وتشعبوا
فاذا تذوكرت المکارم مرة فی مجلس اتم به فتقنعوا

مأل

کورپیورمکه . سزجه کرامه . کوزل قماش کیمک . قازین طویورمقدر .
 بر مجلسده مکارم ذکر اولندقدده باری باشکزی اورتهرک کیزلنیک . بخلادن برینه
 صورمشلرکه . مالکی نه ایچون صاقلا یورسک . دیمشکه بر مصیبت زماننده امدادیمه
 یتشمک ایچون . بوکا قارشى بهی نادان حریف . بخلادن بیوک مصیبتى اولور .
 باشکه دانق دیمش اورمش . خبرک یوق . جوابی آلمش .

شعر

مَالِكٌ مِنْ مَالِكٍ لَا الَّذِي قَدِمْتَ فَأَبْذُلُ طَائِعًا مَالِكًا
 تَقُولُ أَعْمَالِي وَلَوْ فَتَشَوْا رَأَيْتُ أَعْمَالَكِ أَعْمَى لَكَ

مأل

تحصیل رضای باری اوغرند صرف ایتدیك مالدن بشقهسنه مالا دکاسک .
 هان کافه سنی کندى طوع و رضاك ايله او یولده طرح ایت . علم . علم دیوب
 طورپیورسک . هی زواللی . اینی باقسهك . سنی کور برافان عملکدر . چونکه
 سنی مغرور ایدیور .

ابوالعناهیة

خَزَنَ الْبَخِيلُ عَلَى صَاحِلِهِ أَذْ لَمْ يَشْقَلْ بِرَمِ ظَهْرِي
 مَا فَاتَنِي خَيْرُ أَمْرٍ وَضَعْتُ عَنْ يَدَاهُ مَوْئِدَةَ الشُّكْرِ

مأل

بخیلک بکا قرشی امساکی عین لطفدر . چونکه احسانى ارستمه یو کلیوب
 مدیون شکران ایتیهور . شکر کبی برمشقتی اوزرمدن قالدیران ذاتک لطفی
 انکار ایدم . سائلک بویه جه استحقاق ، کریمکده قدرتی ثابت اولدقدده ردا یتک
 قانون مروتجه مناسب کورلمدیه بردها شویله تدقیق نظر اولنور . عییا مطلوبنک

تأخیر اسماعافی خصوصندہ مضرت واری می . یوقی . تأخیر مضر ایسه . بذل
واحسانده عجله ایدرک سائله ویره جکی اوت جوانی ، فعلاً ، یایارم سوزنی عملاً
اثبات لازمدر . حکما دیمشلدردکه . سائلی الحاحه مجبور ایتمه دن ایشنی کورمک
أبروجه بر مروتدر .

محمد بن حازم

ومنتظر سؤالك بالعطایا واشرف من عطایاه السؤال
اذا لم یأتك المعروف طوعاً فدعه فالنزه عنه مال

مائل

او سنك عطایا ایسته مکه انتظار ایدیور . حالبوکه عطایا سندن زیاده
ایسته مک دها کوچ وشرفلیدر . مادامکه احسان سکا طوعاً کلیور آندن یوز
چویرکه اوده بر مالدر .

اگر تأخیر . داعی فوت یاخود بادی مضرت دکلسه . فضلا بو بایدہ اختلافه
دوشمشلدردر . بعضیسی اولی اولان . اولاً وعدایله اغزینی صولاندیروب برزمان
صکرده فعلاً انجاز ایدرک شیرینکام ایتکدرکه . بوصورتله کنیدیسی صفت وفا
ایله متصف اولدینی کی . سائلدبروعد . برده انجاز لذتیه ، متلذذ اولسون . فخرعالم
افندمز . وعدده آبروجه بر احساندر . مألده (العدة عطية) بیورمشدر .
(فضل ابن سهل) کنیدیسنن احسان ایستین بر کیسه یه شویله سویلدی .
بوکون وعد ، یارین انجاز ایدرمکه . سن طاتی خلیالزله متذوق ، بنده کرمایه یاقیشان
لباس وفا ایله متزین اوله رق هر ایکیمزده مستفید اوله لم . (یحی بن خالد)
برکسه به برشی وعد ایدرک یکیشدیروب . شمدی ویرمک اقتدارکرده ایکن
وعد ایدوب صاللامقده صماندر . دیدکلرنده بر ایش اولاً وعد اولنوب انتظار
جشنیسی طادیرلمزسه حصولندن صکره لذتی آکلاشلماز . وعد . چشنی . ائی انجاز
ایتمک طعامدر . طعامک طادینی اولجه طادوب کمال اشتها دن صکره بین کسه ایله
نجاه طعام بیان کسه نک الدینی لذت مساوی اولیه جنی طیعیدر . براقک بنی

حالمه. تا که بدن ایسته نیلان حاجت. وعد خمیر یله مایه لنسون. صکره ده کوزلجه
 انجاز ايله پیشسوب اکرام ایتدیکم آدمی ممنون ایتسون جوابنده بولوندی .
 (بعض بلغا) کوزل کوزل وعد ايله سائلک آغزینی نصل صولاندر دکسه
 اولهجه انعام ایتکه ثمره لسان ايله ثمره احسان برلشسون . یا مایه جغک شیئی
 وعد ایتکه یا یالان سوبلیدیکدن طولانی کنه کار یا خود عاجز قالدیغکدن طولانی
 شرمسار اولیه سک دیدی. علمادن دیگر فرقه . وعد ايله سائلی آرزو بوکی
 آلتده یورمقدن ایسه . در حال مسئولی بخش ایتک توقیت وانتظاردن اولادر
 چونکه وعد ايله وقت کچیشدیرن ذات. یا او کسه درکه حال حاضرده اقتداری
 یوقده تعلیق ایتدیکی زمانه آتمه مجبور اولیور. یا خود اقتداری وار اما. بخین
 اولدیغندن بردن انجازه جسات ایده. یوب یواش یواش نفسی الیشدیر مق
 ایچون امید ایتدیکی زمانه قدر کلام وعدی بی آغزندن فیرلاتیور . شو ایکی
 کسه ایچون بوکی معذرتلر نظر حکما ده مقبول دکدر . مادامکه حال حاضرده
 استطاعه سی یوقدر استقباله مجهول بر استطاعه ایچون سائلک ذهنی یورماملی.
 مادامکه طبعنده بخل واردر. نه وعد ایتلی. نه ده انجازی ایچون نفسی ریاضت
 و چله یه چکمه لی. شو حالده وعد ایدلیدی در حال انجاز ایتک بزم تحت التزامده در
 دیدیلر .

شعر

یا ایها الملك المقدر	دم امره شرقاً وغرباً
امنن بحتم حیضتی	مادام هذا الطین رطباً
واعلم بان جفاسه	مما یعید السهل صعباً

مآل

ای شرق وغریه حکمران اولان پادشاه . شو چامور یاش ایکن نیم حیضه
 فرمانمی تمهیر ايله . قورویه جق اولورسه قولایلر زوره انقلاب ایلر . یعنی زمان
 قدر تکده تنفیذ مطلبه شتاب ایت . صکره نه اولور ، نه اولمز .
 بو فکری التزام ایدنلر . علاوه مقال اوله رق شونیده در میان ایتدیلر .

وعد صورتنده سائلك انتظار آجیسنی طامسی . وقت مرهونی کلوب بردها
مراجعت مذلتی . شاید وعددن نکول الوردکده قلب قیرقینلغنی احتمالی . انجاز
اولونسه بیله چشمه احسانی بولاندره جغنده وسائلك بوکا قرشو شکر و محمدتی
کوشه یه جکننده شبهه یوقدر .

شعر

ان الحوائج ربما ازرى بها عندالذى تقضى له تطويلها
فاذا ضمنت لصاحب لك حاجة فاعلم بان تمامها تعجيلها

مائل

اوزون . اوزون وعدلر . قضا اولنان حوائجه عیب ایراث ایدر . احبابکه
یر حاجتی ضامن اولدکمی . امین اولککه اُنک درت اوجیله تمامی سیرعاً ایفاسیلهدر .
(ایکنجی حال) سائلك غیر مستحق . مسئول عنک غیر مقتدر اولمه سیدرکه
اشبوصورتده سائلی رد . مطالبی منع ایتمک عقلاً ، شرعاً جائز ايسهده . اثنای
ردده ابراز لیت واوزرینه برده بسط بساط معذرت ایدرک کنیدی ذم ووقد حدن
صیانت اولادر . چونکه عالمده هرزوکورده احسان اولغدیغنی کبی هر معذورك
حقننده منصفانه معامله اولنه مر . انصافی جلب ایچون معذرت مزبوریهی انلرک
ادراکنه حواله ایتیموب اُچیق اُچیق سويلك موافق حزم و احتیاطدر .
(ابوالعتاهیه) ناسک انصافسزلغنی شویله وصف ایلدی .

شعر

ایا رب ان الناس لا ینصفوننی فكيف وان انصفتهم ظلمونی
فان كان لی شی تصدوا لاخذہ وان جئت ابی شیاهم منعونی
وان نالهم بذلی فلاشکر عندهم وان انا لم ابدل لهم شتمونی
وان طرقتی نكبة فكهو الهما وان صحبتی نعمة حسدونی
سامنع قلبی ان یحن الیهم وانغض عنهم ناظری وجفونی
واقطع ایای بیوم سهولة اقضى بها عمری ویوم حزونی
الا ان اصفی العیش ما طاب غبه وما نلتہ فی لذة وسکونی

مأل

یارب. ناس بنم حقمده منصفانه معامله ایتدیورلر. بن آنلره انصاف ایله معامله ایتدیکمد، نیچون بکاظم ایدیورلر. المده برشی وارسه قایمغه تصدی، بن آنلردن برشی ایسته سم منع ایدیورلر. بوندن صکره قلبمی آنلره میلدن منع. کوزلریمی کرپیکلریمی آنلره باقمقدن یومه جغمده، ایاممی سهولتله کچیردرک. محنت کونلرینه مقابله ایده جکم. عیش و صفناک اعلاسی. انجاسی سکون ایله کچن کونلردر.

(اوچنچی حال) سائل مستحق، مسئول عنه غیر مقتدر اولمقدرکه بوززده، مسئول عنه دوشن وظیفه، سائلک احتیاجانندن الك اوافاغی اولسون ممکن اولدجه تسویه به جبر نفس ایدوب ناسک ذم و قدحنه سد چکمدکر. یاخود بوبادکی اعذار مشروعه سنی سرد وانیانه اسماع ایده مدیکند نظولانی کندینی معذور کوسترمکدر. (ابو نصر عتی)

شعر

الله يعلم انی لست ذا بخل ولست ملتئماً فی البخل لی عللاً
لیکن طاقه مثلی غیر خافیه وانخل یعذر فی القدر الذی حملاً

مأل

الله بیلیرکه بخیل دکم. وبخل ایچونده علل آرایانلر دنده دکم. بنم کبی عجزدنک مقدار طاقتی هرکسک معلومیدر. قرنجه بیله یوکلندیکی مقدارک آزغنده معذور کوریلور. بعض ارباب کرم واردرکه زمانیه مربع نشین اریکه اقبال ایکن. فلکک سله ادبارینه چارپیلهرق انعام واحسان وقضای حوائج قدرتی کندندن سلب اولمشدر. بوکبی ذواتک، الشدقلری حاجت روالقدن عجزلریله زمان اقبالارینه طوغری بر نظر تحسر فیرلاتهرق الدقلری باد سموم تأثرله بکیزلرینک درحال صاراردینی، کوزلرینک اشک تحسرله طولدینی مشهودمن اولمشدر.

شعر

و كنت كبا زال سوء قص جناحه یری حشرات کما طار طائر
یری طائرات الجو تخفق حوله فیدکر اذ ریش الجناحین وافر

مآل

بن قنادی کسلمش بر شهبازه بکزه دم که زوالل حیوان، و قتیله برابر او چدنی
قوشلرک کندی اطرافنده او چدقلرینی درین درین تماشا ایدهرک کندی قنادلرینک
قوتلی زمانلرینی متحسرانه خاطرلر. ایشته بن بو شهبازله همجال اولدم.
(دردنجی حال) سائل غیر مستحق، مسئول منه مقتدر بولمقدرکه بوصورته
نظر اولنور. اکر شخص کریم، سائلک عدم استحقاقنه باقهرق انعام ایتدیکی
حالده قدح و مذمت، هجو و شاعت قورقوسی درکار اینه، مجرد دفع بلا و صیانت
ناموس نیتیله بذل و احسانده تکامل ایتماک مستحسندر. فخر عالم افندمر
وقایه عرض او غورنده کشینک بذل ایندیکی مال صدقه در مألند، موقوفی به المرء
عرضه فهو صدقه) بیوردیلر. بویله براندیشه اولمدنی تقدیرده، ارباب تدقیقندن
بعضلری، سؤال طرفنده غلبه التزام ایدهرک و رجایه خسران، امله یأس و حرمان
ایله مقابله ایتک شیوه کرمه ملایم دکلددر. دیهرک ینه احساندن واز
چکلمامسنی مناسب کورمشارددر. مع مافیه تکرری حالنده منع اید اید طبع
کریمانه وهن عارض اولهرق بنخل و خساست طبیعه ثانیه اولمق احتمالی اندیشه سیله
هر حالده بنخشایشی کما ماک دها اولادر. اصمعی، کسائیدن شو بیتلری روایت
ایلدی.

شعر

كانك في الكتاب وجدت لاء محرمه عليك فلا تحمل
فما تدري اذا اعطيت مالا ايكثر من سماحك ام يقل
اذا حضر الشتاء فانت شمس وان حضر المصيف فانت ظل

مأل

ای کریم. سن کویا که قرآن کریمده . لا کله سنک اوزریکه حلی قبول ایتمز حرام اولدیغنی کورمشسکده کسه یه لا دیمورسک . احسانلرکده مالکک آزلی قورقوسی، چوقلنی ملاحظه سندن بریسک . قیش کونلرنده فقر ایچون شمس تابان، یاز کونلرنده ظل امن و امانسک . علمادن دیکر فرقه ده ، سائلک عدم استحقاقنی ملاحظه و بویه نا اهللره ابدالک، حقوق مشروعه و احتیاجات مبرمه یه صرف ایچون مدار عجز اولق مطالعه سیله مذکور سائلی رد و آندن ایدیلان اقتصاد ایله استقبالده ظهوری ملحوظ اولان مصارفک اسباب تسهیلنی تأمین ایتمک طرفنی توصیه ایتمشلدردر. بعض شعرا شوفکری ترویج ایچون شو بیتلری سونیشدر .

شعر

لا تجد بالعطاء فی غیر حق لیس فی منع غیر ذی الحق بخل
انما الجود ان تجود علی من هو لا جود والذی منك اهل

مأل

نا اهللره انعام ایله جو مردلک ایتمه ، بونلری منع ورد بخلدن صایلمز . جود حقیقی، اکا مستحق اولانلره صرف ایتمکدر، لکن بو خصوص اورتاده وعده دائر سوز جریان ایتماش ایسه در . یوخسه وعد سببیه ادایه مدیون اولدیغنی جهتنه سائلک عدم استحقاقنی اوکه سورده رک جواب رد و یرمک شیوه کرمه منافی و قدرت ادا و سبقت وعد ایله برابر عدم ایفا، بخل و دنائت و کذب و خساست صفیه توصیفه بادی اوله جنی طبعیدر . امدی کریم اولان ذات، هانکی صورتده اولورسه اولسون بر شیئی وعد ایتمدی . وعد ایله انجاز آره سنی اوز اتمه ملیدرکه بر و احسانی مقبوله کچمیوب شکرینی اداده سائلی تنکاسله دعوت ایتمه سین .

بشارین برد

اظلت علينا منك يوماً غمامة اضاءت لنا برقاً وابطأ رشاشها
فلا غيمها يحلّ فينا طامع ولا غيثها يأتي فيروى عطاها

مأل

بزم اوزریمزه سحاب وعدك کولمکسنی یاپدی . شمشکار چاقه برق قلبمزدده
امیدلر او یاندیردی اما یاغموری کیکیدی . بلوط آچیلمیورکه مایوس اولوب
طمعمن زائل اولسون . یاغموریده کیورکه صوسزلر صویه قانسوزلر . اغیا ایچون
وعدنن انجاز ایلدکن صکره (ایدالعلیا خیر من الیدالسفلی) حدیث شریفنی
درخاطر ایدرک غرور و سروره طالمق خوش نتیجه کتیرمز .

شعر

فانک لاتدری اذا جاء سائل انت بما تعطيه ام هو اسعد
عسی سائل ذو حاجة ان منعه من اليوم سئلوا ان يكون غد

مأل

سائله ایددجکک انعام ایله ، سنمی نائل سعادتسک . اومی ، بوراسنی بیله منسک .
مأمولدرکه قوغدیغک سائل برقاچ کون صکره نائل ثروت اولورده ، سن کوشه
ادباره آتیلورسک . آنجق سوبنه جک افتخار ایددجک نقطه . جناب حقمک
قوللرسک ارزاقنی آنک الیه استجابنه تقسیم ایددک مأمن ارزاق عباد ومصون
ادبار وبأس اولمه سیدر .

حکایه اولنورکه برکمه زهadden برینه ، مضایقه حالندن شکایت
ایتدکده ، زاهد من بور عیالک ایچنده رزقی الله اوزرینه اولمیان وارسه بزم اوده
کوندر جواب ظریفانه سننده بولندی . ابن سیرینک مجلسنه هر کون مرکب
سوار اوله رق دوام ایدنلردن بریسنی ینه برکون مرکبسن کوروب مرکبی نه یاپدک

دیدکده ، یعنی ، صمانی ویرمک آغیر کاندیده صاتمده، ییجک . صانکی صاندکده،
رزقینی خانه کده حبس ایده بیلدکی البته رزقنی ده برابر کوتوردی جسابی
ویردی .

ابن رومی

ان لله غیر مرعاک مرعی نرتمیه و غیر مائک ماء
ان لله بالبریه لطقاً سبق الامهات والاباء

مأل

سنگ مرعا کدن و صویکدن بشقه جناب حقک نیجه مرعا وصولری
واردر ، اللهک مخلوقات ایچون نیجه الطاف سبحانیسی واردرکه آنالر بالاردن
اول مقدردر . ارباب کرمک احسان و عطاده مطمح نظرلری آنجق رضای
باری اولمق لازمدر . نصلکه ابو بکره نک عمر بن الخطابدن حکایه ایلدیکی شو
وقعه اشبو لزومی واضح بر صورتده کو سترمکده در .

بر اعرابی حضور فاروقیه کلوب شو بیتلری اوقور .

یا عمر الخیر جزیت الجنة اکسی بیاتی وامنه
وکن لنا من الزمان جنة اقسام بالمه لتفعله

مأل

ای صاحب خیر اولان عمره . الله جزاکی جنت ایلسون . قیزلرم و انلرک
انالری عمر یاندر . اکسابیور ، زمانک آتدینی ادبار اوقونه قارشى بزه قاتقان
اول . الله عشقه شو رجالیمی اسعاف ایله (حضرت عمر) بودیدکارکی
یا نمازسه نه اولور دیدکده .

اعرابی

إذا أبا حفص لا ذهبنه

مأل

اوخالده مأبوساً دوز کیدرم دیدی (حضرت عمر) کیدرسهك نه اولور
دیدکده :

اعمرابی

يكون عن حالى لتسائه يوم تكون الاعطيات هنه
وموقف المسئول بيهنه اما الى نار واما جنة

مأل

عطای الهیه جمع اولونوب . اعطاده بولونانلرك طوراغی جنته ، منع احسان
ایدنلرك مقری آتش اولدیغی کونده بنم حالمدن سنده مسئول اولورسك
دیدکده حضرت عمر صقالی اصلانیرجهسنه اغلادقدن صكره ، كولهسنه
شوبله خطاب ایدر . آل شو کوملکمی شو اعمرابی به ویر . شعرندن ایچونمی
خیر بایکه سولدیکی قیامت کوننك دهشتدن ایچون . والاهی بوندن بشقهسنه
ملاك دكلم كه آئیده ویرهیم .

بروجه معروض . عطایاده رضای الهیدن بشقه بر شی کوزده دلمزسه شخص
کریم ایچون عندالهیده بیوک بر شرف بخش ایلر . انعام اولنان فقیرکده
ایچنه سیکر . یوقسه بعض نایختکان اغنیاده کورولدیکی کبی . انعام قرشولغنده
طلب شکر و ثنا و امید مکافات بولونورسه صاحبی مکر ملکدن چیقارده شکر
و ثنا اومدیغندن طولای مراثیلر زمرهسنه ، مکافات بکله دیکندن طولاییده تجار
زمرهسنه التحاق ایدرک نهشایان اجر و ثواب . نهده مستحق مدح و ستایش
اولور (ابن عباس) (ولاتمن تستکثر) ایهنك تفسیرنده (انه لا يعطی
عطية ياتمس افضل منها) یعنی برکسه بر عطیه قرشولغنده آندن اعلاسنی
کوزله مکدن نهیدر بیوردیلر . حسن بصری یایدیغت عملی چوق کورمه
دیگدر دیدی .

(ابوالعناهیة)

ولست يد اوليتها بغنيمة اذا كنت ترجوان تعدلها شكرا
غنى المرء ما يكفيه من سد حاجة فان زاد شيئاً عاذن الغنى فقراً

مأل

ویردیک نعت مقابلنده شکروشنا اومارسهك او نعمتدن صایلمز: کشینک
غناسی، احتیاجنی دفع ایدرجهك مقداره مالک بولونمه سیدر . بوندن زیاده سی بر
نوع فقردر .

معلوم اوله که. کریم. کرامت و لطف ایله، لئیم ایسه حقارت و عنف ایله احسان
واکرآمده بولنور . جود ایتسه کرهأ پیار .

شعر

رأيتك مثل الجوز يمنع لبه صحیحاً ويعطى خيره حين يكسر

مأل

بن سنی جویر کبی کورییورم که قیرمانجه ایچندن بر شی چیقماز سنده
قورقمانجه بر شی ویرمزسک . امدی ای کریم سنده حقارت و خوفی انعامکه
سبب قیلارق بر طاقم اراذل ناس زمره سنه داخل اولمه بلکه احسانکی مجرد
فطرت کریمانه کدن طولانی یاپ که بحق کریم صفتنه استحقاق کسب ایده سکن
یوقسه جبر واکراه طولانیسیله بیارسهك کریم دکل . لئیم نامیله یاد اونورسک

عباس بن اخنف

صرت کانی ذبالة نصبت تضى للناس وهی تحترق

مأل

بن قتدیلک قتیلنه بکزدیورم . کندم یانهرق خلقی تنویر ایدیورم . برک
ایکنجی نوعی. معروفدرکه اوده قولی. و عملی اولمق اوزره ایکی نوعدر . نوع
اولدن عبارت اولان معروف قولی کوزل سوز سوزلیک ، خلقه قرشو کولج
یوزلی بولمق و عرض محبت ایلکدرکه بونکده باشایچه باعث وسبی اخلاق
حسنه ورقت طبعدر . سخا محدود اولوب حدینی تجاوز اسراف اولدینی کبی

معروف قولى دخى محدود اولوب تجاوز اولوندقده يالتاقلق مرتبه سنه وارارق مذمومدر. حد معروفه رعایت اولوب اعتدال محافظه ايدیلیرسه نظر شریعتده مدوح ومأمور به اولان معروف قولى تحقّق ایلر . (ابن عباس) ﴿ والباقیات الصالحات ﴾ آیه جلیله سنک تفسیرنده ﴿ باقیات صالحات ﴾ کلمات طیبه در . دیمش (سعید بن جبیر) صلوات خمسّه ایله تفسیر ایشدر . ابوهریردن مروی اولدیغی اوزرد فخر عالم افندمن ﴿ انکم لن تسعوا الناس باموالکم فلیسمعهم منکم بسط الوجوه وحسن الخلق ﴾ یعنی ای اتم سنک کافّه ناسه اموالکیزی بذل اتمکه طاقتکز بتمز . باری کولچ یوز و اخلاق حسنّه ایله معامله کزی توسیع ایدیکز بیورمشلردر . روایت اولوندیکه حضور پیغمبرده اعرابینک برینک شو بیتلری اوقوندقده فخر عالم افندمن ﴿ ان من الشمر حکمة وان من البیان لسحراً ﴾ یعنی شعرك حکمت اولانی ، بیانک سحر اولانیده واردر بیوردیلر .

شعر

وحی ذوی الاضغان تسب قلوبهم تحیتک الحسنى فقد یرقع النعل
فان دحسوا بالمکر فاعفوا تکرماً وان دحسوا عنک الحدیث فلا تسئل
فان الذی یوذیک منه سماعه وان الذی قلو اورائک لم یقل

مأل

نیجه قبیله واردر که کولچ یوزله سنک بر سلامک . آنلرک کینلی کولکلرینی اسیر ایلر . مشهور مثلد که ییرتیق نعل یمانی قبول ایدر . آنلر سنک حقه که مکر و فساد ایدر لرسه عفو ایله اکرام ایت . سندن بر سوزی کیزلر لرسه صورمه . زیرا آنلرک سوزینی ایشتمک بلکه سکا اذا ویریر . ارقه کدن سویلنان . سویلنامش کبدر . عتابی به ، دائماً ناسی کولچ یوزله قرشولیورسک دیدکارتده . اذربشیله دفع بلا کوچدر اما ، کولچ یوزله دوست قزاقق مبدولدر . جوانی ویردی . (منشور حکمده) حیاسی آز اولانک احبابیده آزدردیندی .

شعر

بنی ان البر شیئی هین وجه طلیق وکلام لین

مأل

اوغلانجغزم . ایولک پک قولایدر . کولج یوز، طاتلی ، یومشاق سوز .

شعر

المرء لایعرف مقداره مالم تبین للناس افعاله
وکل من یمنعنی بشره فقل ما یمنعنی بماله

مأل

کشینک افعالی ناس ایچنده ظاهر اولمدیجه مقدار اخلاقی بیلنمز . یوزمه کولیه نك ، مالندن منفعت اولیه جنی اشکاردر .
نوع نائیدن عبارت اولان معروف عملی، ارباب مناصبک ، مصالح عبادک تمشیت اموری خصوصنده معاونت و مواساتده بولونمهلریدر . بوکاده باشلیجه باعث، ناس حقنده طبایع ارباب حمیتده مرکوز اولان خیرخواهلقدر . معروفک اشبو نوعی محدود اولمدیغی جهتله . نوع اوله مخالفدر . چونکه شو معامله خیرخواهانه نه قدر چوق اولسه بیه یسه ایکی منفعتی جامعدرکه . بری فاعله عائد اولان نیل مثوبات . وابقای نیک نام، دیکری مبروره عائد بولنان تسویه مصلحت، تخفیف مشقت خصوصلریدر . بونلر ایسه بر طاقم خیرلی ایشلردرکه ، نه قدر چوغالیرسه اوقدر مرغوب اولور . بناء علیه تعیین حده لزوم یوقدر . حضرت جابردن مرویدرکه . فخر عالم افندمز هر ایولک صدقهدر . مألنده ﴿کل معروف صدقه﴾ بیورمشلردر . دیکر بر حدیثنده دخی ﴿صنایع المعروف تقی مضارع السوء﴾ یعنی تسویه مصالح امتله ابولمکده بولونمق . انسانی هلاکدن قورتاریر بیوردیلر . دیکر بر حدیثده ﴿المعروف کاسمه واول من یدخل الجنة یوم القيمة المعروف واهله﴾ یعنی معروف اسمی کبی کوزلدر . یوم قیامتده اولجه

داخل جنة اولان ، ايولك و آنك اهلدير بيورديلر . حضرت على ، ايولككزه
كفران ايدنلرك حالى سزى ايولك ياقمقدن صوغوتمسون . چونكه برى كفرانده
بولونورسه ، بيكي شكرانده بولونور بيورديلر . شاعر حطیة ديدى

شعر

من يفعل الخير لا يعدم جوائزه لا يذهب العرف بين الله والناس

مأل

ايولك ايدن محروم مكافات اولمز . ناس ايله الله آراسينده ايولك ضايع
اولمز . بهمه حال مكافاتی کورولور .

رياشى

يدالمعروف غنم حيث كانت تحملها كفور ام شكور
ففى شكر الشكور لها جزاء وعند الله ما كفر الكفور

مأل

ايولك كرك اهل شكرانه، كرك اهل كفرانه ايدلسون هر زمان غنيتمدر .
شكر ايدنلر دنياده مكافاتی ويرمشلردر . كفر ايدنلر بوراده ايدرلر سده يوم
قيامته ايدهميه جكارينه امين اول .

امدى ارباب اقتدار، زمان قدرتلىنى فرصت، اوان مكنتلرني غنيتم بيلهرك
بوكون يارين ديموب درحال جمعيت بشريهيه ايولك اجر اسنه شتاب ايتليدرلر .
نيجه كسهلر كورلمشدر كه قدرتلك دوامنه كوكنهرك عاقبت لحوق عجز، فوات
فرصت سبيله ايولكدن محروم قالمشلردر .

شعر

مازلت اسمع كم من وائق خجل حتى ابتليت فكنت الواثق الحجل

مالی

قدرت نه کوکنوب نہایت خجیل دوشنلری ایشیدیر طوروردم . عاقبت
 اودرده بنده مبتلا اولوب خجیل اولدم .
 اکر بولرده دهرک مصائب کونیه سنی وقوعندن اول تفرس اولسه ایدی .
 خیر خواهلر خصوصندہ سرعت کوستره رک فرصت حاضرہ نی الدن
 قاجیر مزلردی . بوخصوصدہ عجلہ نیک لزومی اشبو حدیث شریف کوستریر .
 فیخر عالم افندمز . ہر شئیٹک برثمرہ سی واردر . ایولک ایتمک ثمرہ سی سریمآ
 اجر اسیدر . مآئندہ (لکلی شیئی ثمرہ وثمرہ المعروف تعجیل السراح)
 بیوردیلر . نوشروانہ بالانک بیوکی ندر . دیدکارندہ ایولکہ قدرت وار ایکن
 اجر اسندہ تکامل سبیلہ قدرتی الدن قاجیرمتمدن جوابی ویردی .

شعر

اذا هبت رياحك فاغتمها فان لكل خافقه سكون
 ولا تغفل عن الاحسان فيها فما تدرى السكون متى يكون
 وان درت نياقك فاحتلبها فما تدرى الفصيل لمن يكون

مال

روزکار اقبالک ایورکن غنیمت بیلده ، احساندہ قصور ایتمہ . چونکہ
 ہر متحرک بر سکونی واردر . دودک سود ویریرکن صاغوب سودینی یمکہ
 باق . بیلمزسک کہ یاوروسی کیمک اولہ جقدر . وزرای بنی عباسدن برینہ ، ظرفادن
 بریسی بر حاجت ایچون مراجعت ایدر ، دوچار تأخر اولدقدہ شکایاتی حاری
 شو شعرلری یازار کوندریر .

شعر

اما يدعوك طول الصبر مني على استئناف منفعتي وشغلي
 وعلمك ان ذا السلطان غاد على خطر ين من موت وعزل

وانك ان تركت قضاء حقى الى وقت التفرغ والتخلّى
ستصبح نادماً اسفاً معزى على فوت الضیعة عند مثلى

مأل

بنم اوزون اوزادى به صبر و تحملم . سنكده مناصب رفيعه اصحابك برى اولوم .
ديكرى عزل كې ايكى مخاطريه معروض اولدقلىرینه علمك ، هنوز ايشيمك
كورنسيه تأمين استفادهمه سنى سوق ايتيورمى ايشمك كورلمسنى بوش بر
زمانه تعلیق ایدیورسهك . امین اولكه قدرتك فوت اولوب بنم كې بر آدمك
ایشنى تسویهده تمکامل ایتدیككدن طولاي پشیمان و تعزیه به شایان اولورسك
فرصت قدرت وار ايكن تسویه مصالحه باقيكه شایان تبريك اولهسك .
واجب التوقیر ذواتدن برى . مصالحك تسویه سنده قصور ایدن بر والیه
شو بیتلری یازمشدی .

شعر

اعلى الصراط تريد رعية حرمتى ام فى الحساب ثمن بالانعام
لنفع فى الدنيا اردتك فانتبه لحوائجى من رقدة النوام

مأل

بكا حرمتمكى صراط كوپريمى اوزرندهمى ياباجقسك . يوخسه يوم قيامنده
حساب ائناسندهمى انعام ايددجكسك . افندى ، بن سكا آنجق دنيا ايچون
مراجعت ايتم . آخرت ايچون دكل ، كوزيكى آج بنم ايشمى كورمكه باق .
كثرت اشغالنى مدار معذرت طوتان بر وزيره (ابو على البصير) شو
بیتلری کوندردی .

شعر

لنا فى كل يوم نوبة قد ننوبها وليس لنا رزق ولا عندنا فضل
فان تعتذر بالشغل عنا فانما تناط بك الامل ما اتصل الشغل

مأل

بزم ایچون کونده نه توبتلر واردرکه آنلری بز رزقسنز کچیررز . سن
ایسه انعامکه کثره اشغالکی عذر طوتیورسین . آی اوغل . سنک مشاغلدن
قورتاک ممکنمی . سن اشغال ایچنده چالقاندیجه مصالح او نسبتده حضورکه تقدیم
اولونور .

معلوم اوله که انعام واحسان وبذل معروفک نشر واعلانی ناس ییتده
باعث اشتہار اولوب ارباب کرمک قلبنه بر نوع ناز واستغنائی منعمانه خطور
ایددرک عملک محو واحباطنه سبب اولمق احتمالی بولوندیغندن . اولنان اکرامک
کیزلی طوتلسنی ارباب ادب وعرفان شرائط اکرامدن صاعش لردر . بعض
حکما . ایولکی ایتدیگک وقت کیزلمکه . بشقه سندن کوردیگک ایولکی نشره
چالش دیدیلر .

رعیل خزاعی

اذا انتقموا اعلنوا امرهم وان انعموا انعموا باکتتام
يقوم القعود اذا اقبلوا وتقدم هیهتم بالقیام

مأل

آنلر انتقام آلمق ایسته دکارنده کیزله مز اعلان ایدرلر . اما انعام ایدنجه
کیزلمه چالیشیرلر . آنلر کلیرکن برای تعظیم اوطور آنلر قیام ایدرلر . آنلرک
یرینه کلنلرک هیبتی اوطورر . اما ستره چالیشیلورده مستور قالیرمی (نه کزر)
بالعکس ظهور واشتہار ، وضوح انتشارینه سبب اولور . چونکه نفوس انسانیه
کندیسندن کیزلنن شینک اظهارینه حریص اولمق اوزره مفضوردر . بهمه حال
نشر ایددجکدر .

سہل بن ہارون

خل اذا جئته يوماً لتسئله اعطاک ماملکت کفاه واعتذرا
يخفي صنائمه والله يظهرها ان الجليل اذا اخفيته ظهرا

مال

مدوح بر دوستدر که برشی ایچون مراجعتکده ، النده نه وارسه ویرر
وقصورینک عفوی ایچون معذرت عرض ایلر . ایولکلرینی کیزلر . اللهده
برر برر میدان چیقارر . ذاتاً کوزل شی کیزلندکجه میدان چیقار .
بخش اولنان عطایانک کرما نظرند آز و کوچک کورلمسی کبر وغرور
واستغنائی متجبرانهیه مانع اولهجنی مطالعهیه شرائط انعام جملهسنه ادخال
ایدلمشدر . حضرت عباس رضی الله عنه افندمز ، ایولک اوچ شبله تمام اولور .
(١) تعجیلی (٢) کوچک کورلمسی (٣) کیزلنسی ، تعجیلاً تسویه اولنورسه
ایولک ایدیلان آدمک ایچن ، سیکر . کوچک کورلیدیکی صورتده عندالله عظیم
اولور . کیزلنرسه اتمانیه میدان بولنور .

شعر

زادکالمعروف عندی عظاماً انه عندک میسور حقیر
وتناست کان لم تأته وهو عندالناس مشهور خطیر

مالی

سنک ایولکلرک سنجه حقیر ایسهده بنم نظرمده کیتدکجه بیومکددر .
سن آئی یایمیش کبی اونوتمقددهسک اوایسه ناس ایچنده مشهور و متعارفدر ::
اسقاط شکر واحباط اجرک قوتلی اسبابندن بولونان (امتنان) که ایتدیکی
ایولکلری باشه قاقق (اعجاب) که کندینه عجب وعظمت کتیرمک خضیصه لرندن
صاقمق . معروف عملی شرائطی جملهسنندن معدوددر آنکچون فخر عالم
افندمز . ایتدیککز ایولکی باشه قاققدن صاقینک که مستحق اوله جغکز شگری
ابطال ، اجر ومثوبائی قرین زوال ایلر مألنده ﴿ ایاکم والامتان بالمعروف فانه
یبطال الشکر ویحق الاجر ﴾ بیورمشلردر . بونی متعاقب ﴿ ولابتولوا صدقاتکم
بلمن والاذی ﴾ آیه جلیله سنی اوقومشلردر . (ابن سیرین) بر کیمسه نیک دیکر
بر کیمسهیه ، بن سکا شویله ایولک ، بویله احسانده بولندمی کبی من ایتدیکنی

ایشتدکده: (صوص) صاییلان ایولیکارده خیر یوقدر. کلامیله شخص مزبوری
اسکات ایلدی .

شعر

افسدت بلمن ماسدیت من حسن لیس الکریم اذا اسدی بمنان

مأل

احسان ایتدیکک نعمتی باشمه قاقه قاقه افساد ایتدک . کریم اولانلرک منان
اولماسی لازمدر .

ابو نواس

فامض لآتمن علی یداً منک المعروف من کدره

مأل

هایدی کیت . بکا انعام ایتدکارینی صایوب دوکمه . سنک بو حالک ایولیکاری
بولاندیرر . فناغه تحویل ایلر .

امام شافعی

لا تحملن لمن یمن من الا نام علیک منة
واختر لنفسک حظها واصبر فان الصبر جنة
من الرجال علی القلوب اشد من وقع الاسنة

مأل

کیمسه نک نعمته مظفهریتله بار منقی آلتیه کیرمه انسانلرک منتلرینک قلبه
تأثیریی مزراقلرک تأثیرندن شدتلیدر . سن هان تقسیم الهیه راضی وصابر
اولکه صبر بیوک سپر مدافعهدر . معروف عملینک شرائطندن بریده ، ایدیلان
ایولک نه قدر اوفاجق بر شیسسه بیله (مادامکه چوغنی یایمقدن عجز واردر)
آنی حقیر کورمامکدر . چونکه آزی حقیر کوروب ویرمکن اوطسانان

چو غندن ده عاجز اولدینی جهته هیچ ویرهیه جکی درکاردر. حالبوکه آرخیری
ایشله مک ترکندن افضل اولدینی بدهاتاً معلومدر. سیدالانیا افندمر (لایمعمکم
من المعروف صغره) یعنی ایولکک کوچکلکی سزی اجراسندن منع ایتسون
بیورمشلردر .

شعر

اعمل الخیر ماستطعت وان کان قليلاً فان تحييط بکله
ومن تفعل الکثیر من الخیر اذا کنت تارکاً لاقاه

مأل

خیر آز بیه اولسه کوچک یتدیکی قدر ایشلمه دن قالمه . چونکه خیرک
کافه سنی اجرایه وسعک احاطه ایده مر . سن بویه آزک اجراسندن چکنیرسهک
چوغک اجراسنه جرأت ایدمه جهک شبهه سزدر . باخصوص که ایولکار اینده
اویله لریده وارده که اجرا ایدنلره هیچ کلفت و مشقت ویرمز . شمعی
بو مثللولری مهمسه میهرک ترک واهمال ایتک روامیدر . صاحبک اهمیتمر
کوردیکی او ایشی جائزدرکه پست پایه ، بی سرمایه بیچاره کان ایچون مناصب رفیع
وقدرت بلغه حکمنده اولسون .

شعر

ظل الفی ینفع من دونه و ماله فی ظاه حفظ

مأل

اهل کرمک سایه سنده بشقه سی سایبان اولورده کندیلری اوسایه دن
محرومدرلر . چونکه ا کا تنزل ایتزلر .

ای کریم . شوراسی معلوم اولسونکه سنک برّ واحسانک وعطایا وانعامک
کافه ناسه شامل اولمق قدرتک خارجنده بر کیفیتدر . بو آنجق عمیم الاحسان
اولان الله مخصوصدر . حال شو مرکزده اولنجه ایدیله جک ایولک خصوصنده

ارباب فضل و وفای آریوب تخم نعمتی آنلره ابدال ایتمک لازمدر . تا که زمین شوره زاره آتیلمیوب دائماً نشوونماسنی محافظه ایتمش اولسون . سیدالبشر اقدمز ﴿ لاتسفع الصنیعة الا عند ذی حسب و دین ﴾ یعنی ایولک حسب و دین احتیاجندن بشقه سینه یاییلیبرسه منفعت ویرمز . ضایع حکمنده در بیوردیلر . وجناب حق بر قولنه خیر اراده بیوردقده ایولکنی ارباب وفایه صرف ایتدیرر مآلنده ﴿ اذا اراد الله بعبد خيراً جعل صنایعه فی اهل الخفاظ ﴾ بیوردیلر .

حسان بن ثابت

ان الصنیعة لا تكون صنیعة حتی یصاب بها طریق المصنع
فاذا اصنعت صنیعة فاعمل بها لله اولذوی القرابة اودع

مالی

احسان ، محل مناسبنه یاییلرزه ایولکدن صاییلمز . امدی سن بر ایولک ایتدیککده رضاء اللهی ملاحظه و یاخود اقرباه صرفه اعتنا ایت که مقبول اولسون . یوخسه ترک ایت . مذشور حکمنده ، ایولک بیلمیانلره ایولک ایتمکده خیر یوقدر دیمشدر . بوکی کافر نعمت اولان ارادل ایچون شاعر شویله بر تمثیل بیان ایلر .

شعر

حکما ار السؤ ان اشبعته ریح الناس وان جاع نهقم

مال

نعمت قدرینی بیلمیان نا اهللر ، کوتو خویلی اشک کبیدرکه طویدقده چفته آتار ، آجیققدقه اکیریر . (بعض حکما) مخصولاتک متداری ترلارک حالیه متناسبدر . ایو نارلادن کوزل محصول آنوب چوراق یردن مطلوب درجه محصول آینه مدینی کی بر طاقم کافر نعمتلره انعام ، موجب شکران دکل . ضایع حکمنده در دیمشدرکه شو قول حکیمانه بی بعض شعرا شویله جه نظم ایلهمشدر .

شعر

لعمرك ما المعروف في غير اهله وفي اهله الا كبعض الودائع
فمستودع ضاع الذي كان عنده ومستودع ما عنده غير ضائع
وما الناس في شكر الصنعة عندهم وفي كفرها الا كبعض المزارع
فزرعة طابت واضعف نبتها ومزرعة اكدت على كل زارع

مائل

یمین ایدرمکه ، نا اهلانه ایدیلان انعام ایله اهل و اربابنه ایدیلان اکرام،
برطاقم اشخاصک عهدۀ محافظه سینه امانات تودیعهنه بکنزر . برینه باقارسک که
امات مز بوردنی ضایع ایتمش . دیکرینه باقارسککه حسن محافظه سینه اعتنا
ایلسدر . ناس کوردکاری ابولکاره قارشو شکران و کفرانده ، طبق تارالره
بکنزرلر . بعض تارالا واردرکه اکیان تخمدن قات قات فضله محصول ویرر .
چونکه قوه نامیه سی فضله در . بعض تارلاده چورافلق اولدیغندن زراعتک
تخم امیننی محو وهبا ایلر . انسانلرک کیمسی فطرتنده کی نزاکت سوقیه
آز چوق کوردیکی نعمته قارشو مدیون شکران، کیمیسید، جوهرندکی خبائت
سوقیه هر نعمتی کندی مزیتک لوازمندن بیله رک واقف موقف کنران
اولور .

شمعی برازده لطفدیده لرک وظائفندن بحث ایدم . امدی برکسه دن
لطف کورن کسه لر حقنده ، لطف مز بور بر نوع قید اسارتدرکه آندن قورتاق
ایکی شیئک برینه وابسته در . بریسی، اکر کنیدی مقابله مکافات اید بیله جک
قدر صاحب اقتدار ایسه کوردیکی لطفی لطفله قرشوله مق . دیکری : اکر
او اقتداردن محروم ایسه منعک کرک حضورنده کرک غیابنده بیان تشکر
و ناس بیننده نشر و اعلان ایتک . روایت اولنورکه فخر عالم افندمز (من
اودع معروفاً فلینشره فان نشره فقد شکره وان کتمه فقد کفره) یعنی بر
کسه دن ابولک کورن، آنی نشر ایتسون . بویه یاپارسه شکر ایتمش . بالعکس

کتمه چالیشیرسه کفران نعمت ایتمش اولور بیوردیلر . حضرت عائشه
رضی الله عنها والده من بیوردیلرکه .

شعر

ارفع ضعيفك لا يجر بك ضعفه يوماً فتدركه العواقب قدماً
يجزبك اويثني عليك وان من ائى عليك بما فعلت فقد جزى

مائلی

بر ضعیفی دوشمش کوردکده دستگیر اولوب قالدر : زمان کیرکه آنک
کسب قدرت ایلدیکنی کورر سکده سنک لطفک قرضی یا مکافات یاخود حسن
شده بولونور . ذاتاً سنی ثنا ایدند آروجه مکافاة ایش صاییلور . شوخالده آنک
دوشکوندلکی سنی الداتسون . بوکون ناتوان یارین ، صاحب سامان اولمی
محتملدر . شعرلرنی اوقودیم ائاده ایدیکه شمس تابان نبوت افندمن تشریف
بیوروب . یا عائشه . شو المهدن بوله سی بهودینک اشعارینی بردها اوقو ، واللهی
بکا جبرائیل کلوب شو تباغاده بولوندی . قنهی آدمکه مؤمن قرداشنه
ایوانکده بولوب دعا وئسادن بشقه برشیه مقابلهده بولنسه حقیله مکافاتنی ایفا
ایتمش اولور بیوردیلر . (عبدالحمید کاتب) انعامه شکر ایتیمانی انعامدن یدنی
زمره حیوانات بی اذعاندن صای دیدی . بعض ادبا شویله سوبلیدی .

شکرا لاله بطول الثناء وشکر الولاة بصدق الولاء
وشکر النظیر بحسن الجزاء وشکرک الدون بحسن العطاء

مائل

اللهه شکر ، ثنا ايله ، رؤسایه شکر ، صداقتله ، اقرانه شکر ، حسن مامله
ایله ، مادونه شکر . انعام ایلهدر .

فلوکان يستغنى عن الشكر ماجد اعزة ملك اوعلو مكان
لما امر الله العباد بشكره فقال اشكر الى ايها الثقلان

مائل

عز و شرف، علو رتب شکردن مغنی اولسه ایدی. الله انس وجنه خطاباً
بکا شکر ایدیکیز فرماننده بولونمزدی .

امدی احساننی کوردیکنک فضائلنی بین الناس نشر ایدنلر ، حق نعمتی
ادا ایتیش اولورلر . یالکیز بر وظیفه دهال قالیرکه اوده اشبو شکرک دوامنه
مواظبتله نعمتک ازدیادینه چالشمقدر. روایت اولوندیکه خوارچدن بر قوم،
حضور حجاجه کتیریلوب بونلر آراسنده حجاجک اسکی دوستلرندن بری بولونور.
ظالم مسفور . دوستنه احسان، او برلرینک بوینک اورلمسنی فرمان ایدر. رجل
مزبور دونوب وطننه کلدکده ، خوارچ سرکرده لرندن (قطر بن خثانه) نک
دون کری یه دهه ، شو. اللهم دشمنیه بر محاربه دهال یاب تکلیفنه قارشنی، بنم باغلی
الاریمی بوقاغیدن صالیویران حجاج، کرم و احسانیه الاریمی باغلامشدر. ظالم
کویاکه بنی اسیر لطفی قیلمشدر . جوابنی وبردکن صکره شو بیتلریده
او قودی .

شعر

ءاقاتل الحجاج فی سلطانه	بیدر تقر بانها مولاته
ماذا اقول اذا وقفت بازائه	فی الصنف واحتجبت له فعلاته
انی اذا لاخوانه دناؤه والذی	شهدت باقیج فعلاه غدرا ته
ا اقول جار علی لا انی اذا	لاحق من جارت علیه ولاته
وتحدث الاقوام ان صنایعاً	غرسه لدی فحفظت نخلاته

مائل

عمتی آلان بر ال ایله، کیدوب ارقوه قاهره صاحبی حجاج ایله محاربه می
ایدهم . نه قدر مناسبتمز ایش، بویله یاپارسهم دنات و غدرینه افعالی شهادت
ایدن کسه اولدیغمه شهه یوقدر . میدان حربده قرشو قرشو طوروب بکا
ایتدیکی نعمتلرله حجاب سطوته یورینان حجاجه بن نه سویله بیلرم. دیه بیلرمیمکه

بنی طوتدیده جور ایتدی . اکر بویله دیرسم شایان تأدیپ واصلاح بر ذات اولورم . افوام عرب ایسه حتمده شویله مقالات طعنیه ده بولونورلر . ایشته کوردیکی نعمتله قرشی کفران ایله ، ابو جهل قارپوزینه بکزهین ذات دیرلر . شو بیتلری سویلیوب مضمونجه عمل ایدن ، ناسک اک زیاده شا کریدر .

شعر

لاشکرک معروفاً همت به ان اهتمامک بالمعروف معروف
ولا المومک ان لم یغضه قدر فالشیء بالتقدر المحتوم معروف

مألی

بکا بر ایولک نیتده بولوندیغکدن طولانی تشکر ایلم . چونکه ایولکه نیت ده بر ایولکدر . شاید ایولکه چالشوبده موفق اوله مزسهک ، سنی قینامه ، هر شیده تصرف بر تقدیره و بسته در . سنک نیتکده تقدیره توافق ایتدیکندن طولانی نچون لوم اولونه سک .

شاعرک شو سوزلرندن بر نوع شکر دها حاصل اولویورکه شکر مزبور نعمت اوزرینه مقدم بولونیور . چونکه نیت اوزرینه اولدیغندن طولانی هنوز نعمتک حصصولندن اول اجرا قیلنور . شکرک دیگر نوعلری ایسه بونک خلافتددر .

امدی شکرک اشبو نوع عجیبی بر قاچ وجهله پذیرای حصصول اولور . (۱) منعمک انعام واحسان ایددجکمه شاکرک کمالیه امانیتی بولنوب حصصولندن اول شکری تقدیمه شتاب ایتمکدرکه بوکی حسن ظنی بول : اصفیای امتدن بولونان شا کرینک ظنلرینی بوشه چیقاروب امللرندن محروم ایتک ایچون هیچ بر عذر مقبول اولماسی فکرندیم . (والا) بو بیچارلر شو بیتلری سوبلیان شاعرله همحال اولورلر .

شعر

قد اورقت فیک أ مالی بوعدک لی ولیس فی ورق الا مال لی ثمر

مأل

وعدكه آلدانهرق ، شاخ آمالم یشیلانوب یاپرائاندی . اما نه چایم ، میودسی
یوقدر . (۲) کوردیکی نعمتله قارشى شکرله متقابله و مجامله ایتمک اوزرد مجبول
اولان ذوانک تعجیل شکر تجیل نعمت ایچون شکرى تقدیم ایتمه-یدرکه بوکبی
خصله نجیبه اربابی بر زمره عالیهدرکه غرس ایدیلا ن تخم انعام ایچون کنیدیلرندن
اعلا مزرعه بولنه منر بناء علیه بویه معدن وفا اطلاقه شایان ذوقاتی تلطیف
واکرام ختم-وصنده تراخی ایتمامک کرما اوزرینه الزمدر . (۳) کوردجکی
نعمته مقابل رهن مقامنده تقدیم اولنان شکردرکه بوندر برافدقلى رهن شکرکه
مقابلی بولنان نعمته نائل اوله مزلرسه عکس العمل یعنی شکر نسبتنده ذم وقدر
وانشر فضاع طبیعیدر .

ابن رومی

وما الحقد الا توأم الشکر فی الفتی و بعض السجایا یسببن الی البعض
فحیث ترى حقداً علی ذی اسائة فثم ترى شکراً علی حسن القرض
اذا الارض ادت ربیع مانت زارع من البذر فیها فیهی ناهیک من ارض

مأل

کشینک طبعنده کی حقد وکین ، شکرک توأمیدر . ذاتاً اخلاقک یکدیگره
نسبت متقابله سی واردر . امدی کوتولاک ایدنه کینک نسبتنده ، ایولاک قارشولغندهده
شکر وئلاک طبیعیدر . بر ترا ، اکدییک تخم نسبتنده محصولات زائده ویرر
ایسه سکا کافیدر بشقه استه منر .

شکر نعمتک درکار اولان لزومنک بیانندن صکره برارزده کفر نعمتدن
بحث ایدم که اشیانک خدیله انکشافی نظریه سنه بر نمونه تشکیل ایلسون .
منعمک انعام و احسانتی بروجه معروض نشر و اعلان ایده جک یرده ستر
و اخفایه چالیشانلر ، کافر نعمت جاحد صذیمه عنوان مذمت اشمالیله شهرتینب
اولورلر . ووجهتله مسئولارینک اسعافنه بدل ، هر قیودن قوغولورلر . فخر

کائنات افندمز، ناسه شکر ایمان، الالههده شکر ایتمز مآلنده (من لم یشکر الناس لم یشکر الله) بیوره رق شکر نعمتک مدحی و کفر نعمتک قدحی اعلان ایتمشردر . (بعض ادبا) منعمنه شکر ایتمه یانلر قطع نعمته مستحق قدرلر دیدی بعض اهل ادب . حضرت علی به نسبت اولونان اشاعیده کی بیتلری بکا او قودی .

شعر

من جاور النعمة بالشكر لم	يخش على النعمة مغتالها
لو شكر والنعمة زادتهم	مقالة الله التي قالها
لئن شكرتم لازيدنكم	لكنما كفرهم غالها
والكفر بالنعمة يدعوا الى	زوالها والشكر ابقى لها

مآل

نعمتی شکر ایله قارشیلایان کسه زوالدن قورقز . انسانلر شکره دوام ایتمسه لردی . کیتدکجه نعمتلری آرتاردی . بوحقیقت (لئن شکرتم لازیدنکم) قول سبحانیسنک مؤداسیدر . لکن بعض ناسک کفران نعمتی انقطاعنه باعث اولمقدده در . ذاتاً قضایای مسلمهدندرکه نعمته شکران ، بقاشنه ، کفران ، زوالنه علامتدر .

صلاح انسان ایچون بالاده بیان اولونان اوچ قاعده نك ایکنجیدی اولان الفته جامعه نك اسبابنی بیان شعوراجتده مسکی الحتام اولدی . برازده ارجنچی قاعده نی تشکیل ایدن (ماده کافیه یه) دائر مباحث علمیه ، مقالات حکمیه ومحاورات ادبیه ایرادینه جناب حقدن توفیق طلب ایدم لم .

معلومدرکه شعوالم کون وفسادده . عجز و احتیاج انسانلرکده برعرض غیرقابل انفکاک کی اولدینی (وما جعلناهم جسداً لایأکلون الطعام) آیت جامیله سیله ثابتدر . امدی احتیاج مز بوری دافع وقوام بدن انساننی حافظ بولنان ماده معیشت بالکلیه منعدم اولدقدده ، درحال شعاه حیات دخی منطقی ، یوق بویله اولیوب جزئی برشی مفتقود اولدقدده بیان حیوانک قسماً معروض رهن اوله جنی

طبیعی‌درد. چونکه غیر ایله قائم اولان بر شیئک بکماله وارلغی، غیر مزبورک
ینه بکماله وارلغنه، کذا شیئی مزبورک اختلال و نقصانی، غیر مزبورک اختلال
و نقصاننه تابع بولندیغندن مادامکه حیات انسان ماده معیشت ایله قائمدر .
کمالی آنک کالنه ، نقصانی آنک نقصاننه وابسته‌در . وقتاکه ماددنک وجودی
دفع احتیاجده مدار کلی اولدی ایسه ، ماده مزبوردنک استحصالنه شتاب
و مخصوصده توسل اسباب لزومی آشکار اولمغله اسباب مزبوره مختلف
و مکاسب موقوف علیها متشعب بر صورتده یارادلمشدر . بویله اولیوب سبب
واحد اوزرینه کافه ناس حصر طلب ایدهرک تراحم ایتسه‌لردی میانه‌لرنده
اختلفه بدل، اختلاف و مشاجره حکمران اوله‌جنی بدیدار ایدی .

بولندن صکره جناب حق ، اسباب و مکاسب مزبورده وصول ایچون
قوللارینه عقل کی بر دلیلی ترفیق و مظهر توفیق بیورمشدرکه . هر بری بر
سبب و مکسبه صاریلهرق برینک عاجز قالدیغنی دیکری تأمین، دیکربنک عاجز
قالدیغنی ده اوبری تکمیل ایدهرک تعاون و تناصر ایله بازار مدنیت کرما کریم
دادوستد اوله کلمشدر . هر نقطه‌سندده بیکارجه حکم و مصالح مندرج بولونان
اشبو کیفیاتی واجب تعالی حضرترلری قرآن کریمده مقام امتنانده بر صورت
اعجاز کارانه ایله بیان بیورمشلردر .

(ربنا الذی اعطی کل شیئی خلقه ثم هداه) اشبو آیه جلیله‌نک
تفسیرنده اساطین مفسرین اختلاف ایتمشلردر . شویله‌که : (قتاده) (اعطی
ما یصلحه ثم هداه) قولیله تأویل ایش وریمز هر شیئک مابه‌الصلاحنی اعطا
واکا هدایت ایشدر . مآلنده بولمشدر . (مجاهد) اعطی کل شیئی صورته)
یعنی هر شیئه صورت و یروب صکره معیشته ارشاد ایشدر . یولنده تفسیر .
(ابن عباس) (اعطی کل شیئی زوجة ثم هداه لنکاحها) قولیله تفسیر
ایشدرکه جناب حق هر شیئه بر زوج و یروب آنکه چقلشمک طریقی
کوسترمشدر . مآلنده‌در . آنلر . تأمین معیشت ایدجکاری اشیانک نه زمان
ایکله‌جک نه زمان دیکله‌جکنی بی‌لورلر مآلنده (یعلمون ظاهراً من الحیاة
الدنیا) بیورلمشدر . دیکر بر آیه کریمده (وقدر فیها اقواتها فی ایام سواء

للسائلین) بیورلمش، عکرمه دیسور که هر بلدهنک کندینه مخصوص بر متاع خلق اولنمشدرکه اومتاع دیگر بلدهده بولنمز . اولیانلر ، اولانلردن تحصیل ایچون برای تجارت سیر وسفر اجرا ایدرلر . بوجهتله هر مملکت یکدیگرندن مستفید اولور . بوندنصکره واجب تعالی حضرتلری قولاریخی قزانچ یوللارینه هدایت واسباب معیشته ارشادی عنایت بیوردینی کبی هرکس کندی آرزوسنک اجراسنه تشبیه طریق معیشته سرمای دهشت اوله جق دواعی تغلب واستیلا وبوغاز بوغازه مشاجره وغوغایی صورت حکمانهده دفع ایددجک بر دین وشریعت وبر قانون عدالت وضع بیورمش واشبو دینک مصالح منازع فیهایی رؤیت وحقوق مشروعهیی تجاوزدن حراست ایچون حکم اولمق اوزره قبولی فرمان بیورمشلردر . ﴿ ولوابع الحق اهو انهم لفسدت السموات والارض ﴾ مفسرونه (حق) واجب الوجوددر دیدیلر . شو حالده مال آیت اکر واجب الوجود آنلرک ایسته دکاری آرزوزره تابع اولسهیدی . یرلر کوکرا انتظام مشهودندن محروم وزیر وزبر اولوردی . دیمک اولور . آنکچون تأمین معیشت، الهامه مربوط اولیبوب، عقل اکا دوعری مرشد هدایت ، دین ایسه قضی عدالت اولدیکه سعادت بشریهنک تمامی وعموم مصالحتک دوامیده بونی اقتضا ایدر .

بوندنصکره جناب حق بنی بشرک احتیاجاتی سد ومنافعنی استجلابه توصل خصوصنی ایکی وجهه تعلیق بیوردیکه بری (ماده) (دیگر کسب) ماده دیدیکمز . بذانها نامیه اولان اصول ثروتی اتخاذدن عبارتدرکه اصول مزبوره ایکی شیدر . (۱) نباتات نامیه (۲) حیوانات متناسلهدرکه اشبو ایکی اصله تمسک ایدنلر، غنائک اصل اصلینه تمسک ایتمشلردر . نصلکه واجب الوجود ﴿ وانه هو اغنی وافنی ﴾ بیورمشلردر . (ابو صالح مرحوم) آیه مزبوردهنک تفسیرینده ﴿ اغنی خلقه بالمال وجعل لهم قتیة ﴾ دیمشدر . بوکا کوره مال آیت ، مخلوقاتی مال ایله زنکین وبومالک اصولی اولان موادی اتخاذ دلالت ایدن آنحق اللهدر . دیمک اولور . اما کسب دیدیکمز، مادهیه موصلة وحاجاته مؤدیه اولان افعاله تشبث وایولده اجرای تصرفدن عبارتدرکه آنکده مابه الحصولی ایکی شیدر . (۱) تجارت وایدیلرنده یووارلانمق (۲) اجرای

منابع بایند، یورلمتدر که اشبو ایکی شی، دمنیجك ماده ایچون بیان ایتدیكمز ایکی شیئك فرعیدر . شو حالد، مواد مألوفهك اسبابی ومکاسب معروفهك جهاتی دوت شیئه ارتقا ایدیور . (۱) نمای زراعت (۲) نتاج حیوان (۳) ربح تجارت (۴) کسب صناعة، اشبو تقسیم معروضی (حسن بن رجا) مأموندن بویله جه حکایه ایدیور . مأمون دیمشکه ناسك معیشتلری دوت قسمة آریلر . (۱) صناعة (۲) تجارة (۳) زراعة (۴) امارتدر . بونلردن خارج، یعنی نه بر صنعته سلوك، نه ده زراعتنه تشبث ونه ده تجارتنه انهماك نه ده مصالح ناسی رؤیت ایچون امیر ویاخود قاضی ویاوالیلر کبی نصب نفس اهتمام ایتیانلر . ناسك بویسنه بر آغیر یوك اولورلر . اسباب مواد، اجمالاً شو تقسیمات اوزرینه قرارلشدیسه هر برینك توضیحاتنه کیریشهلم که اساس مطلب، کردکی کبی جلوه نمای بروز اولسون (برنجی سبب زراعتدر) که قونار کوچر اهالیدن اولیوب شهر وقصبه ویاخود کویلرده اختیار اقامت ایدن کیمسه لرك مدار معیشتی اولدیغی کبی، منفعة جهتیله ده او برلرینه فائقدر . آنکچون قرآن کریمده فی سبیل الله اتفاق ایدنلرك قات اندر قات ثوابه مظهریتلرینك بیانی ضمننده زراعتك آثارندن بولان بغدادی دانه لریله ضرب مثل ایراد بیورلمشدر . (مثل الذین ینفقون اموالهم فی سبیل الله کمثل حبة انبتت سبع سنابل فی کل سنبلة ماء حبة والاله یضاعف لمن یشاء) فخر کائنات افندمز . مالک خیرلیسی، صاحبی خواب استراحتده بولندیغی حالد بری طرفده آنک ایچون منفعت تأمین ایدن اراضیدر . مألنده (خیر المال ابن ساهرة لسن نائمة) بیورمشلردر . دیگر بز حدیثنده نعمت لکم الذیلة تشرب من عین خراة وتقرس فی ارض خوارة) بیوردیلر . یعنی خرما سنرك ایچون نه کوزل ایراددر . چاغلایان سولردن ایچر . حقور یرلره دیکیلور، هیچ مشققتی یوقدر . وخرمای ثنا حقنده شویله بر حدیث ده واردر . (هی الراسخات فی الوحل المطاعم فی المجل) مأل منبی، خرما چامورده پابند استقرار، موسمی حلول ایتدکده آچلق ایچون طعام شکر باردر دیمکدر .

(بعض سلف) مالک ایوسی، حقور اراضیده، چاغلایان پیکارددر که سن

اویورکن او اویوماز . جاغلار . وظیفه اسقاسنی ایفا ایدر . سن سفره کبدر
باشنده بولونمزسک، او ثبات ایدرک حاضر بولور. ایمان نباته غیرت ایدر .
وفات ایدرسک، عائله نك معیشتی تأمینده سکا یردم ایدر دیمشدر . حضرت
عائشه دن مروی اولدینی اوزره ، سیدالثلثین افندمن ﴿ اتمسوا الرزق فی خبایا
الارض ﴾ یعنی رزقکنزی ارضک اعماق خفاسنده تحری ایدیکز . زراعتله
مشغول اولوکز بیوردیلر. عباسیلردن متضد دیدیکه ، برکیجه رؤیامده حضرت
علی نی کوردمکه بکا اراضی نخس ایدوب آل بونی که خزائن ارضک اماختریدر
دیدي .

(کسری) (موبده) دیدیکه بنم تاجک قیمتی ندر . (موبده) عمیق
تفکردن صکره سزک تاجکز ایچون قیمت تصور ایدم . اکر وازایسه
ارده ابر نیسانک بخش ایلدیکی فیوضات نامیه درکه معیشت ناسی تأمینده بلدکه
تاج بهاسنه دکر جوانی ویردی . (عبدالله بن عبدالملک) ابن شهاب زهری یه
بکا بر مال کوسرتکه فریادمه یتشسون دیدکده (ابن شهاب) درحال شو
یتلری انشا ایدر .

شعر

تتبع خبایا الارض وادع ملیکها لعلک یوماً ان تجاب فترقا
فیؤتیک مالا واسماً ذامتانه اذا مامیاه الارض غارت تدفقا

مائل

یر آلتینی سور، ناداس یاپ. اللهده آفاندن محافظه سی ویاغمورله صوله مسی
ایچون یالوار. مأمولیکه ، دعا کی قبول ایدرده فیض وبرکت ویردرک واسع بر
ثروته ملاک اولورسک که یرک صونری قوریه او ثروت فشقیرمقده دوام ایدر.
فن زراعت منسوبنی اکین اکسکه ، اغاج دیکه نك هانکیسی راجح اولدیغنی
تدقیقه. اهمال ایتیوب یوبابده خیلی اختلافه دوشمشلر . هر ایکی طرفدن
سرد اولنه کلان دلائلی ایمان . کیتابمزده الزام ایتدیکمز اختصار پلانسه موافق
کمه دیکندن انلردن صرف نظر ایلدک . فقط شو قدر جق اولسون سولیکدن

کندی می آلامیه جفم . اکیفی ترجیح ایدنلر، زمان ادراکنک تیزلکنی ومنافعنک چوقلغنی، اغاج دیکمه یی ترجیح ایدنلر، اغاجلرک کوکارینک خیلی سنه لر ثبات ومیوه لرینک توالیسنی نظر اعتباره آله رق ترجیح ایدنه بولمشلردر . (ایکنجی سبب) (نتاج حیوان) حیوانات توره تمک ویتشسدرمکدرکه بر برده القای عصای استقرار وساکن قرا وامصار اولمایوب دائما بادیه دن بادیه به انتقال وراحله بند ارتحال اوله رق ایستدکلری صحرا ده مکین اولان خیمه نشینانه مخصوص بر طرز معیشتدر . بونک سبی ایسه، کوچیه طائفه سنک بر وجه معروض بر یرده دائمی صورته آراملری اولمایدنندن، هم معیشتلرینه یاردمی، همد قونوب کوچکه متحمل ونمائی صورته باقی اولان اموال منقله نک نقله درکار اولان مجبوریتلریدرکه، اموال مزبوره ده، منزل مقصوده ایصال ایدن ات، وسودی، یوغوردیه تلذذ دماغ و ادامه حیات ایدن اینک وصغیر مقوله سنندن بشقه بر شی دکلدر .

امدی طائفه مزبوره . حیوانات موصوفه یی یانلرنده طاشی یه رق وبونلرک تناسلنه دقتله اوره ددرک قوام وحیات موقتلرینی ادامه خصوصنه نصب نفس اهتمام ایدرلرکه، اشبو نتاج حیوانات حقنده، فخرالمسلین افندمز، مالک خیرلیسی نسل کثیر صاحبی اولان حیوانات ایله، آشیلانه رق چوق میوه ویرن خرمادر . مألنده (خبرالمال مهرة مأموره وسکة مأبوره) بیورلمش وخاصة قویون حقنده اولوب قویونک یاغی یمک، پیاغیمی روبادر . مألنده بولسان دیکر بر حدیثنده، (سمها معاش وصوفها ریاش) بیورمشلردر . ابوظبیان دیورکه بکا عمر بن الخطاب، یا اباطیان مالک نه کی شیلردیر دیوب بنده ایکی بیک غروش معاشمدن بشقه بریشیم یوقدر دیدگده، قریشدن برطاقم چوجتلر (امویلر) موقع ریاسته کچوب اوزریکه حاکم اولمهدن . زراعت وحیوان یتشدرمک کی حقیقی اسبابه توسله باقی آنلرک زماننده ایکی بیک غروش، سکا مال اولمز بیوردی . حکایه اولوندیکه بر قادین، ذات رسالتنهای یه کلوب، یارسول الله اوره دوب سوری یامقی ایچون بر قاچ قیون ایدیندم . اما بردرلو اوره ده مدم . نه بیایم . دیدیکنده قویونلرک نصلدر دیو سؤل بیوردیلر . قادین سیاهدر

دید که بیاض قویون آله بونله قارشیدیر که اورده دیکنی کورده سک بیوردیلر .
 اشبو امر نبوی، بالاده کچن ، انسانلر ، دائما اوزاقدن نکاح ایدیکز، اقربادن
 آلوب چوجقلریکزک ضعف وعدم نجاتنه سبب اولمیهیکز امرینک نظیریدر .
 (اسباب معیشتدن اوچنجهی سبب) تجارتدرکه زرع و نتاجک فرعیدر . بونک
 حقنده ده فخر عالم افندمزدن و بلغای حکمادن خیلی مدایج صادر اولمشدر .
 روایت اولوندیکه . سیدالکونین افندمز (تسعة اعشار الرزق فی التجارة
 والحرف والباقي فی السائبات) یعنی رزقن اوند طقوری تجارة وزراعتده . باقیسی
 طوار مقوله سی حیواناتددر بیوردیلر . (تجارة) ایکی نوعدر . بری مرکزده
 اوطوروب بشقه یرده اختیار سفر ایتمامکدرکه تجارتک اشبو نوعی ، ثروة کثیره
 ونفوس عزیزه اربانی نظرندده هیچ بر وجهله حائز اهمیت دکلددر . دیکری
 اموال داخلیدن خیلی مال استصحاب و اسفار بعیده و امصار اجنیهده تصادفی
 طبیعی بولنان مزاحمه کوکس و یردرک اورالردنده بر طاقم امتعه تجارتیه ایله
 عودت ایتمک صورتیله انخاذ اولنان تجارتدرکه اشبو نوع ، عزیمت وعودتده
 کثرة مخاطریه معروض اولمقله برابر . تأمین منافع نقطه سنجه اعم وافی اولدیغندن
 ارباب مروت و انخاب جرات و جسارتک شانه الیقدر فخر عالم افندمز (ان المسافر
 وماله لعلی تلف الا ما وقل الله) یعنی مسافرك کندی ومالی معروض خطردر . مکرکه
 حق محافظه ایده بیورمشلرددر . تورانده . شویله یازلمشدر . آدم اوغلی سفر ایت
 رزق و یرده یم .

(اسباب معیشتک دردنجیمی) صناعتدر . بوده صناعة فکریه، صناعت عملیه،
 صناعة مشترکه ناملریله اوچه آریایر . چونکه انسانلر . صنایعک جانلی آلاتیدر .
 آنلرک اشرفی صنایعک جنساً اشرفی، اراذلیده صنایعک جنساً ارذانی آرزو
 ایدر . زیرا طبیعت . انسانی دائماً جنساً ملایمنه بعث وتشویق ایلر . حکایه
 اولنورکه (اسکندر) بلاد بعیدهده حرب سفرینی فورمش، ارسطویهده برابرند
 بولمنسی تکلیف ایلشمسده (ارسطو) وجودینک ضعی اسنار حربیهده
 ضروری بولنان حرکات شاقیهه تحملدن مانع اولدیغندن بحثله عفوینی رجا ایتمش
 بونک اوزرینه (اسکندر) باری کیتیمو بسک . استیلا ایلدیکم مملکتلرده فصل

والی وقوماندان استخدام ایدیم ونه بولده اهلاییه معامله ایتمه لری لازم اولدیننی امر ایدیم بوکا دائر دستورالعمل اوله جق بعض پالانلر توصیه ایت دیمش . (ارسطوده) اهلایینی نظر تفتیش ومعاینه دن کچیرده ، ایخلرندن خدم وحشم ، دبدبه ودارات وحس اداره صاحب لری عسکر اوزرینه قوماندان تعیین ایت . تارلاسی اولوب ، اکوب یچمک ییلنلرینی د ، جبات اه واله مأمور ایت جوابی ویرمشدر . بروجہ معروض صناعتک اوچ قسمک اک سرفایسی . صناعة فکر ، اک ارذلی صناعة عملدر . چونکه عمل ، فکرک نتیجہ سیدر . اشبو صناعة فکر ایکی قسمدر . (۱) سیاست عباد . تدبیر بلاد کبی آراء صحیحہ نک نتایجندن صادره اولان تدبیراته انسانی وائف قیلان بر طاقم قواعد فکریه درکه بونک حفنده مستقل برکتاب (اسمی سیاست الملك) [۱] تألیف اتمشمدر . فقط کتابتک زخمی مساعد اولمیدنن اورداده ذکر ایتدیکم قواعد سیاستیه نک بر ازینی بورایه درجده معذورم (۲) افکار نظریه دن حادثه ومستتبعه اولان معلوماته دسترس اولمق ایچون وضع اولان قوانین فکریه درکه کتابتک مستقل بر بابی تشکیل ایدن فضل علم مباحثنده ، ذکرى کچمشدر . صناعت عمله کلنجہ بوده ایکی قسمدر . (۱) عمل صنعی (۲) عمل بهیمی ... عمل صنعی . تعاطی ، تعلم ومشقة تصوری حاوی اولدیننی جهته صناعت فکریه یه بر درجه یه قدر مناسبی اولمقله هرایکی قسمک رتبتاً اعلا سیدر : عمل بهیمی : مشاق ومزاحه تحمل ومذات ومسکنته آلات اولمندن بشقه برشی دکدر . (حمالق کبی) بناءً علیه اشبو عمل ، نفوس دنیه وطبایع رذیلہ اربابنک اقبال کوسـتردیکی بر مسلک ناهمواردز . (اکثم بن صبی) (لکل ساقطه لاقطه) یعنی هر دوشنی بر آلان بولونور دیمشدر .

[۱] بوندن طقوز یوز سنه یه یقین بر زمان اول کچن جناب مؤلف فقه ونفسیر وعلمو سائرده ید بیضا صاحبی اولدیننی کبی بو کون اوروپانک (موناسکیو) دفاترلریه بیه درس سیاست ویرن بر مجله سیاست تألیفنه مقتدر بوانیور . بو ذاتی کرک زمانک علماسندن وکرک قضاتندن اولمق اوزره دوشونلم . برده زمانزده عالم کچین . حاکم الشرعم دیه قورم صانان پیچاره کاک حالتہ عطف نیکاه ایدلمده تلاحت افکاردن بالاستفاده ترقیه مقابل هر صنفجه تدنی ایتدیکمزی اکلایه رق ترقیه چایشالم .

متلمس

ولا یقیم علی ضیم یسام به الا الاذلان عیرالحی والوتد
هذاعلی الحسف مربوط برمه وذا یشع ولا یرثی له احد

مائل

هیچ کیسه ، کندی حقنده ایدیلن ظلمه صبر ایدوب او طور مرز . یالکز
ایکی ذلیله آنک بری حمار دیگر قاز بقدر . حمار ، اسکی ایپ پارچه سیله ذلت
اوزره مربوط بولونور . قازیق ایسه باشی یارینیرده کیسه آجیاز اولور .
فکر ایله عمل بیننده مشترکه اولان صناعة بوده ایکی قسمه آیریلیر .
(۱) فکر غالب ، عمل اکا تابع ، کتابت کبی . (۲) عمل غالب ، فکر اکا تابع
(بنا) کبی بوا یکی قسمک رتبتاً اعلاسی . فکر غالب اولان . قسم اولدر .
امور کسبیه ومواد معیشت حقنده انسانلرک حالی اوچ شیدن خالی دکدر .
(برنجی حال) انسانک دفع حاجة ونفقه سنه کنایات مقداری طلب اولنمسی
ایله نه زیاده به تعدی وتجاوز نهده مقدار کفایه دن ناقص اولمیه بی آرزو
ایتمه سیدرکه بوحال ، احوال سائر نك الك ممدوحی وامورنده اقتصاد مشروعه
رعایت ایدنلرک مراننك اعدیلدر . فخر عالم افندمرز ، بکا جناب حق بر
طاقم کلمات وحی ایلدی که قولانغمه کیردیکی کبی قلمبدهده نقش اولدی . قالدی .
کلمات مزبوره شونلردر . مالنك زیاده سنی ویرن کیسه ایچون او فعلی
خیردر . ویرمیوب اساک ایتهمسی آنک ایچون شردر . اما کفاف مقدارنده
جناب حنك تکلیفی نزول ایتمز . یعنی مسئولیت ترتب ایتمز بیوردیلر .
(معاویة بن جنده) دیدیکه بن رسول الله یار رسول الله نقدر دنیالق بکا کافیدر .
دیدیکمده (مایسد جوعتک ویستر عورتک فان کان ذلک فذلک وان کان حمار
فبیخ بخ فلق خبز وجزء من ماء وانت مسئول عن مافوق الازار) یعنی
آچاغنی دفع ، عورتیکی ستر ایدمده جک مقداری کافیدر . اگر برده حمارک وارسه
بر پارچه یم ایله صو کافیدر . یوخسه سن ازارک مافوقدن مسئولسک
بیوردیلر . (اذ جعل فیکم انبیاء وجعلکم ملوکاً) نظم جلیلنک تفسیرنده
(ابن عباس ومجاهد) اوی ، زوجه سی برده خدمتجیسی اولان ملکدر .

دیدیلر . نفس الامرده بویله در . چونکه زوجه و خادم ، اوک افندیسنه مطیع واذی اولمقسزین بر طرفه بی پروا کیتمکدن محجور اولدقلرندن بر پادشاهه لازم اولان مطاع و فرمانروالقی انده جمع اولمش دیمکدر . امدی مقدار کفایه قناعت ایدن کیمسه لر اوزرینه حلال لقمه قزانغه چالشق و بوبابد حد شرعی تجاوز ایتمک . شبهه لی شیلردن صاقمق لازمدر . فخر عالم افندمن (الحلال بین والمحرام بین فدع ما یریبک الی ما لا یریبک فلن تجد فقد شیء ترکته لله یعنی حلال وحرام هر ایکیمی ظاهر ایسه ده بونلرک اردسندن بر طاقم شبهه لی شیلر واردرکه هانکیسندن اولدینی کسدریله من سکا شبهه ویردن براقده شبهه سزه انتقال ایت . الله ایچون ترک ایتدیکک شیئک ثوابی سندن مقعود اولمز . بیوردیلر . رسول الله افندمه ، زهد نه در دیه صوردقلرنده بیلمش اولاک که زهد الکده کی مالی اتلاف ، حلالی حرام ایتمک دکلدر . انجق زهد ، الکده کی مالن زیاده اللهک سفره سندنه کی نعمته کوکنمک و مصیبتک ثوابی ، نظر کده بقاسندن ارجح اولمقدر مألند (اما انه ایس باضاعة المال ولا تحرم الحلال ولكن ان تكون بما فی بدالله اوثق منك بما فی یدیک وان یكون ثواب المصیبة ارجح عندک من بقائها) حدیث شریفی اراد بیوردیلر .

عمر بن عبدالعزیز ، جراح بن عبدالله یازدیکه ، اللهک سکا حلال ایتدیکی شیلری بیله ترکه کوجک یترسه ترک ایت . چونکه چوق حلال ایچنده بولان کسه همه حال نفس حرامه میل وانهماک ایده جکدر . اهل تأویل (فان له معیشتة ضنکاً) آیتده اختلاف ایدوب (عکرمه) ضنک معیشتی کسب حرام ایله تفسیر ایلمش . (ابن عباس) ده اتفاق مقابله اللهک خلف احسان ایده جکنه ایمان ایتمانلرک اتفاقدر دیمشدر . (یحیا بن معاذ) درهم عقربدر . اتفاق ایدرسه ک افسون ایله قورتلمش اولورسک . بوخسه هیچ الک آما . دیدی بعض بلغا ، مالک خیرلیسی حالدن قزانیلوب فی سبیل الله اتفاق اولونان ، شریلسیده حرامدن آلینوب فناقی یولارنده استهلاک اولوناندر دیدی . فقهادن (اوزاعی) شو بیتلری چوق اءقوردی .

شعر

المال ينفد حله وحرامه يوماً ويبقى بعد ذاك ائامه
 ليس النقي بمثق لالهه حتى يطيب شرابه وطعامه
 ويطيب مايجنى ويكسب اهاله ويطيب من لفظ الحديث كلامه
 نطق النبي لئلا يه عنه ربه فعلى النبي صلاته وسلامه

مال

مالك حراممده، حاليله توكنير. حرامندن حاصل اولان وبلى حابا قايير .
 اهلى تقوا چيئانلرك يمهسى . ايجمهسى قزاجى . قونوشمهسى طيب ايلدجه حقيق
 متقى اوله منزل . بونى بزه خبر ويرن نبي معتمد . الله اكا صلاة وسلام
 ايتسون .

ابن معتمر سلمى ديديكه ناس اوچ صنفدر : زنكىلر ، زوكورتلر . اورته
 حاليلر ، زوكورتلر اولودرلر . مكركه قناعت ايدلر . زنكىلر سرحوشدرلر .
 مكركه مظهر توفيق عصمت اوله لر . خيرك چوغنى آراسهك ينه اورته
 حاليلدره آرامغه باق . شرك چوغنى ، زنكىلرله زوكورتلدره آرا . چونكه
 برىمى ثروتك بخش ايتديكى آزيغيله معروض ، ديكرى فقرك ايراث ايتديكى
 رذالته معروضدر . بوكيلردن كندىنى قورتاران بختياران بكت آذرر .

(ايكنجى حال) انسانك مقدار كفايهنى طاب و مواد معيشتى آرامقندن
 قاصر بولونمه سيدر كه اشبو نقصير اوچ وجهله اولور . تبلك ، توكل ، قناعت .
 تبلكدن طولانى طلب معيشته قصور ايدنلر . موجب نشاط وداعى اغتباط
 اولان ثروتدن محروم اوله رق جمعيت بشريه نك بويته دائىمى آغير بربوك . ياخود
 سوق ضرورت وسفالتله دوچار شقاوت . اولورلر . اوت فقر و ضرورت . انسانى
 حفره شقاوته يووارلار . فيخر عالم بيورديلركه : (كادالحسد ان يغلب القدر
 وكادالفقر ان يكون كفو) يعنى حسد و اصابت عين . قدره غالب ، فقرده كفره
 يقين اوله يازدى . (بزر جهر) اولومك فوقنده برشى وارسه وجود عافيتيدر .
 اكا بكزر برشى وارسه اوده غنادر . ديمشدر . نيل مصرده بولونان بر طاشك
 اوزرنده شو بيت يازلمش كوردى .

شعر

عقب الصبر نجاح و غنى ورداء الفقر من نسج الكسل

مأل

صبرك آرقه سنده فلاح و ثروت واردر. زو کورتا کک خرقه سی . ثبلمک
فابریقه سی ملسوجا تندر .

شعر

اعوذ بك اللهم من بطار الغنى ومن نهكة البلوى ومن ذلة العقر
و من امل يمتد في كل شارق يرجعنى منه بخط يد صفر
اذا لم تدننى الذنوب بعارها فلست ابلى ما تشعث من امرى

مأل

تکرم ، ثروت آزغینلی ، بلا و مصیبت زبونانی ، زو کورتک مذلتدن ،
هر طرفه اوزایوب عاقبت حظ و نصیبدن محروم براقن املدن سکا صیغینورم ،
ارتکاب ذنوب ایله ناموسم لکه لفسینده ، دنیوی ایشلرم پریشان کیتمش
آلیندرمام .

اگر بو تقصیر . توکله استناداً یابیلرسه . بو بر عجزدرکه آنک سببیه کندی
زو کورتا لکه دوشورمشدر . ونامی توکله تحویل ایدلمش احتیاطسزلقدر .
چونکه جناب حقل بزده توکل امری ، آنجق اسبابه تشبئه . هر درلو چاره
تخریسندن صکره . بشقه ملجأ حیل بولونمديغندهدر . ایشته بویه چاره تخریسندن
صکره . تیغ قضایه کردن اوزادیلور ایسه معذور کوریلور . یوخسه . نفسی
توکل پرده سی آلتنه کیزله یوب . مسکینلکه راضی اوله رق . جمعیت بشریه یی تعجیزه
هیچ بر عاقل . توکل نامی ویرمز . ابو قلابه ، دیدیکه حضور پیغمبریده بر
آدمک ذکرى کچوب . یارسول الله . شویله بر عابدرکه بزمله برابر حجه کیندی .
کاروان بر منزله ایندیمی باشلار نمازه ، تالقینجه یه قدر ، قالدیمی . ناقونونجه یه
قدر ذکر و تسبیح ایله اشتغال ایدر . دها شویله ، دها بویه ، یاپاردی ،

دیدکارنده ، ای ، آنک حیوانی کیم طوبور یردی دیوب . بز طوبور یردق دیدیکه زده
 ازیله ایسه ، براقک . شونی ثنا ایدوب طور مهیک ، سزک هپکیز آندن خیر لیدر ،
 اوسزه بر یوک اولمش بیوردیلر . یوق ، اکر تقصیر مزبور . زهد و قاعت
 مسلك مخلصانه مستد ایسه ، اشبو حال ، بر کره غنا و ثروتک ، هوی و قدرتک
 بخش ایددجکی . لایای اخروی و مصائب دنیوی نی . برده کندی نفسنک
 زمان ثروتده بوکی آزعیناغه استعدادیی پیش نظر دفته آلهرق اختیار یله ،
 فقری غنایه ، تقوانی هوایه ترجیح ایدن اهل الالهک کاریدر . بوجهته ممدو حدر .
 نته کیم شمع العرصات افندمز ﴿ ما من يوم طلعت فيه شمس الا وعلی جنبتهما
 ملکک یانیاں یسمعهما خلق الله الا الثقلین یا ایها الناس هلموا الی ربکم ان ماقل
 وکفی خیر مما کنروا لنبی ﴾ یعنی هر کون که کونش طوعار ، بهمه حال یمین و یسارنده
 ایکی ملکده برابر کلیر . بونلر ، انس و جنسدن ماعدا هر مخلوقک طویاجنی بر
 دورته ندا ایدر لکه (انسانلر) ربکزه اقبال کوسه تریکیز . حریص اولوب
 آخرتی اونوته بیکز که . آز اولوب کافی اولان . چوق اولوب ذکر الاهدن
 مشغول ایدن ثروتدن خیر لیدر بیوردیلر .

شعر

یا عائب الفقر الا تزدر	عیب الغنی اکثر لو تعتبر
من شرف الفقر ومن فضله	علی الغنی ان صح منك النظر
انک تعصی لتعال الغنی	ولست تعصی الله کی تفتقر

مآل

ای فقری تعیب ایدن کچ نظر : سن بو حالدن واز کجسه ک یا ، نظر عبرتله
 باقسه ک ، غنانک عیبی چوق اولد یغنی کوریرسک ، اکر نظر صحیح اهلندن ایسه ک
 کورمه ایسک که زنکین اولمق ایچون الله عصیان ایدیورسک اما ، فقیر اولمق
 ایچون دکل . فقرک غنا اوزرینه شرفنک علامتی ایشته بودر .

ابن المقفع

دليلك ان الفقير خير من الغني وان قليل المال خير من المثرى
لنفاؤك مخلوقاً عصى الله بالغنى ولم تر مخلوقاً عصى الله بالفقر

مأل

فقرک غنا اوزرينه، فقيرک زنکين اوزرينه فضل ور حجانسه دليل اولمق اوزره .
سنگ غنا سببيله الله عتمان ايدنه تصادف ايدوب . فقر سببيله عاصي اولانه
تصادف ايتمامک کافيدر . امدى شو ايکنجى حال (مقدار کفايه معيشتده
تقصير کوسترمک) شول کسهلر حقنده رهين جواز اوله بيليرکه ، آنلر نيتک
زمام انقيادى دست ايتاملرينه آلوب غناد واستکبارينک سورد سنى قيرمش
وبر درجهيه کتير مشلر درکه نصيحت ايتسلر درحال اجابت ايديبور . و آزه
قناعت ايتميان چوغهده قناعت ايتمز . قضيه سنى تسليمده تردد ايتيور . ايشته
نفسلرى بويله تربيهيه موفق اولان دوتيلر ايجون . طلب معيشتدن تقصير ، تجويز
اولونه بيلير . ايشته ، حسن بصرينک ، عمر بن عبدالعزیز يازدينى شو مکتوب .
عرض اولان حقيقتک بر نمونه سيدر . يازيبورکه : يا عمر . الله ايله استقنا ايدن .
بشقه سندن اکتفا ايدر . اللهدن بشقهيه اعتماد ايدن ، دوچار مشقت وعنا اولور .
ديناک آزيه طويميان ، طويلا ديناى چوق مال ايله دطويميه جفته امين اولميدر .
يا عمر ، سن مقدار کفافکه ملازمت ايله . نفسکى عفت و استقامته ايلشدير مغه
چاليش . فضله مال طويلا مقدن صاقين که حسابى ويرمک پک کوچدر . (بعض
حکما) الکدهکى ماله قناعت ايتمز سهک سنگ ايجون غنا پک اوزا قدر ديدى ،
حسن بصرينک توصيه ايتديکى ، بزم موضوع بحثمز اولان حاندرکه . عمر بن
عبدالعزیز کي آدم ايسترکه آنکله حاللنسين . اما ، نفسنه نصيحت ايتدجه قبولدن
اعراض . وقناعته ياشدير لمق ايستدجه آزعين آت کي کم آلمز بر صورتده
چيلغين نفسلى آدملر ايجون بوخالده بولونمق پک کوچدر . مکرکه طريق رياضتى
بالانزام . تدريجى بر صورتده ميولانى تنقيص ايديله . مثلاً ، اولجه پک نفرت
ايتديکى آزه ، اوکا بر آليشنجه دهآ آزه ، وهلم جراً اينديره اينديره ، غايه

مطلوبه و نهات مقصوده و اریله رق، او اسب جوچی. بویاکنچی حال دیدیکمز
 بینک طاشنه کتیروب. بردن اوزرنه آتالنه رق ضبط اولونه ده. حکمانک، خوشه
 کین شیلر کثرت ممارسه و تمرین ابله حاصل اولور. سوزلریزه تطبیق عمل
 ایدیه. یوخسه بردن اوزرنه هجوم ایدیه رک مقدار کتایه معیشتی طلبدن زهد
 و فتنه کیره و آلمق ممکن دکلدر. (اوجنچی حال، طاب معیشتده بولان کسه نک
 مقدار کتایه فساد اتمیه رک تزید ثروت آرزوسنده بولونمه سیدرکه اشبو
 حاله داعی. درت سبب واردر. (برنجی سبب) طاب کسبک زیاده مال
 و کثرت معیشته وابسته بولونان سهواته قایمه سیدرکه شهوت متبوعه کنیدی
 قیشقیرتدجه اکا وصول ایخون اتلافی لازم کلان مالی طلب ایده جکی درکار،
 سهوات ایسه غیر منتهای اولدیجی جهته. برندن فارغ اولدقدده اوتنه سنی
 آرزو ایده جک. آئیده تحصیل ایخون لازم کلان ثروت و موادی طلب اتمی
 طبیی بولونه جغندن آنکده غیر منتهای اوله جنی آشکار بولمغله، شو اسیر شهوت
 اولان سچاره. ایکی غیر منتهای قوت آردسند حتمور و راحتی مسلوب اولدیجی
 و نهایی سهواته، وصول ایله داسیر سهوات اوله مدینی کی. شهواته مغلوبیت
 و نچ و رطاسات مهالکیه مجبولیتله آرزوی سهوانیسی اوغرندده، بوقاعی قازیق
 دکلدر. نعمت عقلمدن محروم بهائم کی بن انسان مذموم و مقدوح اولور.
 فخر عالم افندمز. سیوردیلرکه: « من ارادله به خیراً حال بنیه و بین شهوته
 و حال بنیه و بین بابه و اذا اراد به سرّاً و کلاً انی نفسه » یعنی، الله برکسه به خیر
 مراد ایدرسه آنکله، شهواتی آراسنه. بلکه کدبله دلی آراسنه بیله کیردر.
 شر مراد ایدرسه، نفس ایله برابر صلیویریرد. شهوتنه قایر.

شعر

وانک ان اعطیت بطنک همه و فرجک نالامتهی الذم اجعلا

مآل

سن، قارنیکه ایسته دیکتی یدیر، فرجکده دیدیکجی جاب ایدرسه نک. سنی
 مذموم اولان شیلرک کافه سنی اجرایه سوق ایدرلر. [۱]

[۱] عاقلان دریر رانش نفس را استرکنده

لترترج

جاهلان اما بزیر نفس خود را استر است

(ایکنجی سبب) زنکین اولمق آرزوسی ، وجود خیرانه صرف واعطای مظلومین وفقرایه امداد رسا اولمق وطولایسیله ملتزم الہی اولان نظام کائنات وآسایش مخلوقانہ یاردمده بولمق نیتہ مقرون اولمقدرکہ اشبو نیت صاحببری اشبو آرزو لرنده معذور ، بایکہ تمدوحدرلر . آنجق کسب و تجارت یولند ، دکل حرام ، شہادتدن بیله حذر وشیوۂ زمان ومقدار امکانہ نظر ایدرلر افراط وتقریطدن مجانبت شرطدر . بو شرطہ رعایتلہ زنکین اولمقی کیم آرزو ایتمز . چونکہ ثروت ، مکارمہ آلت ، دینہ مدار معاونت ، اخوانہ ، سبب الفت ، پابند اخوتدر . برکسہ دن ثروت مفقود اولدیمی ، ناسک رغبتی آزالیر . خوف و اندیشہ لری هیچ قلمز ، کیت کیده حقارتہ بیله چار بیلیر . [۲] فخر عالم افندمز ، اهل دنیاسک شرف و حسببری شو مالدر مآلندہ (ان احساب اهل الدنیا هذا المال) بیوردیلر . (مجاهد) دیورکہ قرآنندہ کی خبرلرک کافہ سی مال معناسندر . مثلاً (وانه لب الخیر لشدید) (احببت حب الخیر عن ذکر ربی) (فکاتبوهم ان علمتم فیہم خیراً) (انی اراکم بخیر) آیاتندہ کی خبرلرک کافہ سی مال ایلہ مفسردر . وجہ تسمیہ ایسہ . وجوہ خیرہ صرف اولندیقی تقدیرددر . چونکہ خیرہ مؤدی اولان ، کندیدہ خیردر . اهل تأویل (ربنا آتنا فی الدنیا حسنة و فی الآخرة حسنة) آیہ سنک تفسیرندہ شویله اختلاف ایدیورلر .

(سدی) حسنة ، دنیاسدہ مال ، آخرتدہ جنتہ ، (حسن بصری) (سفیان ثوری) دنیاسدہ علم وعبادت ، آخرتدہ جنتہ ، دیورلر . (ابن عباس) دراهم ودنانیر ، دنیاسدہ جناب حقلک مهر حوائج اولہرق یراندیقی شیلردر . نیمز . ایچلمزلر اما ایش کورورلر دیدی . (قیس بن سعد) دعاسندہ ، یارب بنی حمد وثنا ، مجد و شرفلہ مرزوق آیت . چونکہ فعلسز حمد ، مالسز مجد و شرف اولہمز ، دیردی . (ابوزنادہ) نیچون مالی سورسک . مال سنی سومدیکک دنیایہ یاقلاشدیرمیورمی دیمشلر ، جواباً اوت ، یاقلاشدیریور اما

[۲] برکړه کښی دوشمه سین عالمده صیونیدن

شرندند محافظه ایدیور دیش . زنکینلردن بری، علمادن برینه اوغرامش .
 عالم مزبوری اکرام ایتمک تلاشیه کورنلر ، افندم بو حریفدن کوریه جنک
 بر ایشکیز وارمی دیو صورمشلر . عالم، خیر، لکن بن ارباب ثروته برمهابت
 کوریورم جوابی ویرمش . بر آدم (محمد بن عمیر بن عطارد) (و عتاب بن
 ورقایه) اون دیتک تأدیه سندن طولانی مجبور مراجعت اولدقده (محمد) دیتک
 بریسی بنم اوزریمه دیش (عتاب) کیری یه نه قالدیهه آئیده بن صامم ده نیجه
 (محمد) آه ، زنکین اولقی نه کوزل شیدر . انسانلره مدار معاونت اولویور
 دیدی .

اخنف بن قیس

فلو کنت متری بما کثیر لجبت و کنت له باذلاً
 فان المروءة تستطاع اذا لم یکن مالها فاضلاً

مال

زنکین اولسه ایدم بذل جود ایدردم . نه ییایم فضله مال اولدقجه آرزو
 اولنان مروتک اجراسنه طیانلر .

ابن جلال

رزقت مالاً ولم ارزق مروت وما المروءة الا کثرة المال
 اذا اردت رقی العلیاء یقعنی عما ینوه باسمی رقة المال

مال

مال ایله مرزوق اولدم . لکن مروتله مرزوق اولمدم . مروت دیدیکم
 مال چوقلغیدر . نه زمان مراتب علیه یوکسلمک ایسته سم حالمک ، یوفقه لکی .
 مالمک آزانی، او بنم ناممی حمیتله تزین ایده جنک شیلردن مانع اولور . منشور
 حکمده ، زوکورتلک پریشانلق ، زنکینلک شادمانلق ، احتیاج، رذیلک .
 مسکینلک در دیدی .

اوس بن حجر

اقیم بدار الحزم مادام حزمها واحری اذا حالت بان التحولا
فانی وجدت الناس الا اقامهم خفاف عهد یکترون التقللا
نخی ام ذی المال الکثیر یرونه وان کان عبداً سیداً لمرجحفلاً
وهم لمقل المال اولاد علة وان کان محضاً فی العشيرة مخولاً

مأل

بن، حزم وثباتی بولنان خانده، اوطورورم، باقدم که حزم، ثبات، انقلابه
اوغرائی . در حال اورادن کیدرم. بن ناسک چوغنی عهد ویمدنلرنده خفیف،
دونک بولدم . زنکین اولدیمی، آنکله آنا بابا برقردلش اولورلر. حریف کوله
بیله اولسه سید وقوماندان طانیورلر. زوکورت اولدیمی، آنکله اوکی قرداش
اولیورلر . اما او قبیلہ نك شانلی آدملرندن ایمش . مادامکه زوکورتدر هیج
اهمیتی یوقدر .

بشر بن ضریر

کفی حزناً انی اروح واغتدی ومالی من مال اسون به عرضی
واکثر ما اتی الصدیق بمرحباً وذک لایکفی الصدیق ولا یرضی

مأل

اقشام، صباح کیورده، ناموسی محافظه ایددجک برماله نائل اوله میورم .
دوستلریمله ملاقاتده مرحبانن بشقه برشی بیامیورم . حالبوکه قوری مرحبا
دوستلری خوشنود ایتمز .

شعر

اجلک قوم حین عمرت الی الغنی وکل غنی فی العیون جلیل
ولیس الغنی الا غنی زین النقی عشية یقری او غداة ینیل

مأل

سن زنکین اولنجه هرکس تعظیمه باشالار . ذاتاً زنکین . ناسک کوزنده مه‌بایلدر . بن غنا ا کا دیرمهکه مسافرله سفره ضیافت کشیده ایتدیکی اخشام ، فقرایه عطیه طاغیتدیغی صباح ، صاحبنه زینت ویرمیلدر : انسانی دوچار اندیشه احتیاج ایدن فقر ایله ، گرفتار شبکه طغیان ایدن ثروتک مذموم اولدیغنده کافه علما متفقدلر . آنجق اختلاف ، بوا یکدن وارسته بولونان فقر و غنانک هانکیسنک راجح بولندیغندهدر . برفرقة ، غنیک مقتدر ، فقیرک عاجز ، قدرتک ایسه عجزدن افضل اولدیغنی اوکه سورده رک غنانک رجحاننه . دیگر بر فرقة فقیرک تارک ، غنیک متمسک اولوب . ترک دنیا ایسه تمسکدن افضل اولدیغنی درمیان ایله فقرک رجحاننه قائل اولملردر .

مذهب اول ، دعوائ ریاست ، سودای جاد انتخابنک ، مذهب ثانی ، سلامت سوداسنده اولانلرک در .

بوا یکدن بشقه برده اقتصاد وتوسط اربابی واردرکه بولنر ، غنا ایله ثروتک ایکیمی آراسنده کی متوسط بر حالی ترجیح ایتملردر ، شو اوچ فرقةنک هر برینک مدعائرنی اثبات ایده جک شواهد شعریه ، مقالات حکمییه بالاده مناسب موقعلرده ، کچمشدر . (اوچنچی سبب) بر طاقم کچ بیلرک انقلابات زمانی پیش نظر امعانه آلهرق . استقبالده اولادلرنی دولاب انقلابانه چارپیله رق آج بیعلاج قالمقندن قورنارمق خیالیله . کندی نفسلرینه بیله صرف واستهلا کدن چکینه رک ادخار اموال ونقوده چالیشمه لریدرکه اشبه اشخاص رذیله . وادی طایفه چکدکاری زحمت . و آخرتده اوعرایه جملری شدید سؤالدن بشقه برقچ جهته لوم وتقییحه شیاندرلر .

(وجه اول) بونیر استقبالده مقدر اولان ادبازه شمیدن سد چکمک وجناب حقت رزاقیتنی آنجق کندی یوزلرندن بیسملک کبی سوء ظنلری اکدیرده جق حرکات باججه تعقیب ایتش بولنیورلر . حالبوکه اناهندن امیدی قطع ایتک . صاحبی محو ایدر . دیمشدرکه . اشبو نا بکارلر . کنیدیلرندن صکره وارثلرینک من عبدالله مرزوق اوله جملرندن امیدی کسمشدرلر کبی حاریل

حاريل . مال طويلا مغه چالشمه لری عاقبت هېسنگ سېب ادباری اوله جغند ،
شېبه یوقدر .

(وجه ثاني) بونلرک کندی نفسلرینک سقندن افراز ایله نوائب زمان .
مصائب دوران . هرکسی حالدن حاله تحویل ایتدیکی حالده . اولاد وعیالارینی
مسعود یاشاتقی فکرئنده بولونمه لری ، طویلا نکلری ماللرک بقاسنه وثوق واعتماد
کبی باطل بر عقیده نك کوکلارنده یرلشدیکی کوستیر . حالبوکه زمان بر حسوددرکه
کوزدیکدیکی شیئی همه حال تغیر وتارمار ایدر . زمان ایچون بونلرک خرمن
سامانی بر لحظه محو ایدوب وارثلرینی دیلندیرمک کوچ بر شیمیدر .

(وجه ثالث) بونلرک . ماللرینک منافعتدن محروم اوله رق طار بر معیشته
رضا کوسترمه لیدر . حالبوکه حکیمانه بر سوزدرکه . مال . یاسنگ ، یا وارثک
منفعتی ویا خود دفع بلا ومهلکه ایچوندر . صاقین شو اوچک اک شقیسی . یعنی
وارثلر ایچون مال طویلا یانلردن اوله (وجه رابع) جمع وادخار ایلدیکی
اموالک کسب وتحصیلی یوزندن چکدیکی مشقت ، قزاندینی وبال ومعصیت
قارشیلغنده ساعی محروم ، جاهد مذموم صفتلرندن بشقه بر صفت ومنفعته نائل
اوله مدیغیدر . چکدیکی مشقته قارشى باری بر جام صفا چکسه معقول بر ثمره
اقتطاف ایدیورم دیمکه صلاحیتی اولور . (هیهات) حکما دیدیلرکه چوق کسه لر
واردرکه صورتا کورینسان مسرتنه غبطه اولونور . حالبوکه او مسرت آنک
حقنده مضرتدر . نیجه کیمسه لرده واردرکه . مبتلا اولدینی خسته لئندن طولانی
هرکس حاله آجیر . بالاخره او خسته لک آنک ایچون عین شغادر .

شعر

ومن کلفته النفس فوق کفافها فاینقضی حتی الممات عنائه

مأل

نفس بر کسه یه مقدار کفایه دن فضله تکالیفده بولنورسه . حیاتک صوک
نقله سنه قدر مشقتدن قورتیه مز .

(وجه رابع) بوزوالیلك كسب وادخار وادیلرند قزانقلری و بال
یوزندن آخرتده دوچار حساب و نكال اولمایدركه بوجهتله حاللرینه آجینر
بدكه آغلانیر . حکایه اولنوركه عبدالملک خسته لی آغیراشوب ، چوجقلری ،
قارشیسنده آغلادقلری ائنده ، اوغلارم . هشام سزه دنیاقل قزانو یردی .
وبویوزدن سزه احسان ایلدی . سر اكا اغلامقله احسانده بولنیورسکیز . او
سزه قزاندیغنی براقیور . سزه ، اكا و باللر نی رافیورسکیز آه ، اکر الله هشامی
یارلغامزسه بیاردنك حالی پك کوتودر دیدی . محمود وراق بومعناری شویله
نظام ایستدی .

شعر

تمتع بمالك قبل الممات	والافلامال ان انت متا
شقيت به ثم خلفته	لغيرك بعداً وسحقاً ومقتاً
فجادوا عليك بوزر البكاء	وجدت غاهم بماقد جمعنا
وارهنهم كل مافي يدك	وخلوك رهنأ بماقد كسبتا

مأل

اولمزدن اول مالکدن استفاده چالش . یوخسه اولدکدن صکره مالک یوقدر .
سن او مال یوزندن شقاوت قزاننك . صکره بشقه سنه براقدنك . بویله مال ، ایراغ
اولسون . الله بالاسنی ویرسین . سن وارئلریکه مال ایله ، انلر سکا یلان ، یلان
اغلایشلرله جومردلک ایندیله . الکده آووجنده کنی آنلره براقدنك . آنلر
سنی قزاندیغك وبل ایله مرهون براقدیله . وای سنك حالیکه :: روایت اولندیکه
(عباس بن عبدالمطلب) فخر عالم افندمره کلوب . یارسول الله . بنی بربره والی کوندر
دیددی . (فخر عالم) یا عباس ، یاعم بنی سکا کافی اولان آز . اهلاک ایدن چوقدن
خیرلیدر : یا عباس : یاعم بنی ، نفسکی سلامتیه چیقارمقی ، موجب مسئولیت اولان
امارتدن خیرلیدر . یا عباس ، یاعم بنی ، بیلمش اولیکه امارتک اولی ندامت .
اورطه سی ملامت ، صوکی خسران یوم قیامتدر بیوردیلر . بونك اوزرینه عباس ،
امرای عدول مستقنا دکللی دیدکده ، فخر عالم ، بوقدر اقربا ارددسندده فصل

عدالت اجرا ایدد جکسک بیوردیلر . برکسه حسن بصری یه بن اولومدن خوشلائیورم دیدکده . سن مالی . کبرویه برافندک، خیره صرف ایدوب آخرته کوندره ایدک اوراده ملاقی اوله جغیکدن ، موت انله شادمان اولوردک نیدی . حکم منوره دندرکه، میتک مالنک کثرتی، وارثلره آئی تبر اونوتدیرر . ابن رومی شو معنای بر آزدھا شیشیردرک نظم ایلدی ،

شعر

ابقیت مالک میراثا لوارثه	فایت شعری مالبقی لک المال
القوم بعدک فی حال تسرحم	فکیف بعدهم حالت بک الحال
ملوا البکاء فما یبکیک من احد	واستحکم القیل فی المیراث والقال
الهنهم عنک دنیا اقبلت لهم	وادبرت عنک والایام احوال

مال

مالکی وارثلره برافندک . آد بیلسم که او مال سکا نه برافندی . سندنصرکه وارثلرک شادمان اما، سن نه حالدهسک . آنلر آغلامقندن بیقیدیلر . آرتق سکا آغایان . آجیان قلمدی . سوز میرات تقسیمندکی جداله انتقال ایتدی . سندن یوز چوبروب آنلره توجه ایدن دنیا ، آنلری سندن مشغول ایتدی . ذاتاً ایلم . مدار انقلابدر . مقدار کفایه قناعت ایتیوب زیاده طلبنده بولونمەنک دردنجی سیدی : شخص طالب، جمع مالی حلال اعتقاد ایددرک آنک ایچون فلبنک الک معتنا کوشه سنده بر موقع احترام تهیه واعداد ایتکدرکه انسانلرک انه چرکینی . مال ایچون حزن والم چکنلرک انه بدنجی بولمقله برابر . هر درلو لوم و تقیجه شایان کورلمش و بوکیار حقنده والذین بکزون اذهب والنضه الی آخره قول شریفیله تبشیر تهکمی اجرا بیورلمشدر . اشبو آیتک نزولی عقبنده فخر عالم افندمز ، آتئونک، کوشک الله بالاسنی ویرسین . بیوردیلر . بونی ایشیدن اغواب ارززینه کران کلرک عجباً هانکی مالی قرانهم دیهرک اختلاف ایتدکارنده حضرت عمر . هله طورک . بن مزه کیفینی . وانخا اکلا بیوریم دیسوب حضور بیغمبری یه کیردی . و بارسول الله اغنا بکنز هانکی مالی انخذ ایدد جسکارنده

حیرت‌ده‌در . دیدکده ، لسان‌ذا‌کر ، قلب‌شاکر . زوج‌نک امور دینی‌سند
 یاردم ایددج‌نک زوج‌ه طلب‌نده بول‌سول‌ر . بیوردیل‌ر . (ابو‌امامة) دیدیکه
 اصحاب صف‌دن بری وفات ایدوب خرقه‌سند بر دینار بولندقدده . رسالت‌پناه
 افندمز . ایشته بر آتش جهنم داغی بیورده‌شاردی . بر زمان صکره دیکر بری
 وژات ایدوب خرقه‌سند ایکی دینار بولندقدده ایکی داغدر بیوردیل‌ر خاطره
 کلیرکه زمان تمدیده . اصحاب ثروت و باردن اموال کثیره دارات وفیره اربابی
 کسه‌لر وفات ابتدیی‌ک حالد حق‌لرنده بویله بر مثالبه مصطفویه شرف‌وارد ارمیوب
 مدت عمرنده بر دینار بر اقبش کسه‌لر حق‌نده . نیچون بویله بر وعید . دهشت‌مای
 ورود اولسون . وهله اولاده بویله بر خاطره . ثانیاً اصحاب صف‌نک فباع‌تله
 بلاشتار اصحاب کزینک معاوانت‌تله تأمین اغوات بومیه راضی اولوب ترک دنیا
 ایدرک مسجد نبوی‌نک صف‌سند اختیار اقامت‌لری پیش تأمله قونورسه بردیناره
 مئانک اولمه‌لری . احوان زاهدانه‌لرنسه منافی دوشه‌جکندن اعتراض مزبورده
 محل قلمز .

شعر

اذا كنت ذامال ولم تك ذاندى فانت اذا والمقترون سواء

مأل

سن زنکین اولوب انعامده بولندج‌ه سنکله ارباب مضایقه بیننده فرق یوقدر
 مع مافیله ، کثرت اموال ، یوم قیامتده اوپله بر حسانی‌داعیدرکه انقرا ائدن وارسته‌در

امام شافعی

ان‌الذی رزق الیسار ولم یصب	حمداً ولا اجراً لغیر موفق
والجد یدنی کل شیء شامع	والجد یفتح کل باب مغلق
واحق خلق الله بالیم امرؤ	ذو همه علیا وعیش ضیق
ومن الدلیل علی القضاء وکونه	بؤس انابیب وطیب عیش الاحق
فاذا سمعت بان مجدوداً حوی	عبدالاً فاورق فی یدیه حق
واذا سمعت بان مخذولاً آتی	ماءً لیشر به خف فصدق

مأل

ثروتی اولوب، آنکجه اجر و ثنا قزانمازلر محروم توفیقدرلر . بخت و طالع هر اوزانچی یقین؛ امر دشواری تسهیل ایلر . جد و سعی، قبالی قبولری آچار . مخلوقات ایچنده اک زیاده اجمیغه لایق، همت علیا صاحبی اولدقلری حالدہ بنیق معیشتده بولنان کسه لر در . قضای الهینک مؤثر مستقل اولوب طبیعت و تصادفک عقل و درایتک دخلی ازلدیغنک ادله سنندن بریده فضلائک بختی وارون، حقانک آسایش و استراحتله ممنون بوللمه سیدر . بختیار بر آدمک الندکی قوری دکنکک درحال یشیللمنوب بیرافلان دیغنی ایشیدیرسه ک هیج طورمه ، اولدیغنه اینان . بختی وارون بر بیچاره نکرده ، صو ایچمک ایچون چاغلا یانه کیدوب درحال صویک کسلدیکنی طویارسه ک، تصدیق ایت، ادخار امواله مبتلا اولوب منهج رشید و سداددن غاوی، و طریق اعتدال اقتصادن انحرافله حفره هلاک ساقط و هاوی اولانلرک اک بیوک بلاسی ، سویدای درونلرینه مال سوکیسی، امل اوزونلغنی استیلا ایدرک و بونلرک اولکیسی طلبده حرصه ، ایکنجیسی بخل و شحه باعث اوله رق، دنیاده، آخرتده شایان مذمت، منفور امت اولمه لریدر . چونکه بخل . حقوق الهیه و بشریه نی ادادن مانع ، والدینسه عتوق و قطع رحمه باعث وداعی اولدینی جهتله منبع الرزائل واسوء الخسائل بولدیغندن ارتق بونلرله موصوف اولان خبثانک نه درجه لرده شایان نفرین اوله جنی آزاده قید اشتباهدر .

فیخر عالم افندمز، عبده ویریلان شیلرک اک کوتوسی، حرصه مقرون بخل ایله انساندن اراده نی نزع ایدن خوف و جباتدر .

مأئنده (شر ما اعطی الابد شح هالغ و جبن خالغ) بیورمشلدر . کله لم حرصه بو ، نفس و قلب اوزرینه . استیلا ایتدکده فضائل نفسیه نی کوکندن قازیر، صاحبی اشغال ایله عبادتدن آییریر . شهادتدن حذری قالدیروب محرمانه بوغار، بو اوچ خصله ایه ، جامعان الرذائل، سالبان فصائلدر . بونکله برابر کبر مشجه سنه چالیشان او حریرص، عجبا قسمتی اوزرینه برجه علاوه ایده بیلیرمی (اصلا) علاوه اید . جکی برشی وارسه . اللهمک غضبی، نفسنک تذیلی، روایت اولندیکه ، سید البشر افندمز، چالیشقان بر حریرص ایله نوبنو مظهر ازدیاد اولان

قناعتکار، هر ایکسی رزق مقسوملر نی طویلازلار . آندن برشی نقصان اولمز .
 شوخالده آتسه آتیلان پروانه کبی جایلاقدقه معنا ندر .
 مآلنده (الحریص الجاهد والتنوع انزائد یستوفیان اکلهما غیر منتقص
 منه شیء فعلام التهاافت فی النار) بیوردیلر . (بعض حکما) حرص، دین
 و مروتک مابه الفسادیدر . واللہی بن برکمه نی حریص کوردیمی . بهمه حال
 کندیسندہ بر ملامت حس ایلم دیشدر . (بعض بلغا) مقدرات الهیه غالبدر
 غلبه چالیشمقله مغلوب اولمز . ارزاق مکتوبه . شدت مطالبه ایله اله کیرمن
 اولیه اولنجہ، نفسکی مقدراته ارضا ایله نصیبکدن ماعدایه ، حرصله نائل
 اولهمیه جغنی ای بیل . چوق شیلر واردرکه طالبندن بشقهسنه نصیب اولمش، چوق
 سوت واردرکه صاغان آدمدن بشقهسی ایچمشدر . دیدی .

محمد بن حازم

یا اسیر الطمع الکاذب	فی غل الهوان
ان عز الیأس خیر	لک من ذل الامانی
سامح الدهر اذا عز	زوخذ صفو الزمان
انما اعده ذو الحرس	و اری ذو التوانی

مآل

ای طمع کاذبه اسیر اولوب . حقارت بوقاغوسسندہ باغلی بولنان حریص ،
 بیوده امنیه دوشوب ذلیل اولمقدن ایسه . مأیوس اولوب عزتی محافظه ایتک
 شبهه سزاعلادر . زمان . سکا مساعد اولمزسه ، صالیویرده صفوتلی دمنده نیل
 مطلبه چالش . حریص اولانلر زوکورتدر . آندن آزادله ایسه اصحاب ثروتدر .
 حریص ایچون بر غایه مقصوده یوقدرکه اورایه واردقه حرصنه خاتمه
 ویرسین . چونکه اومدیغنه نائل اولدیمی . اشبو نائلیت دها زیاده حرصنه رواج
 ویریر . املنی آرتدیرر . اومدیغنه واصل اوله مدیمی ، ملول و محزون اوله رقی
 بساط املنی دها توسیع ایدر . فخر عالم اقدمز ، آدم اوغلی اختیارلار . ایکی

خصلت کندنده قلیر . بری حرص ، دیکری امل ، مآلنده ﴿یشیب ابن آدم ویسقی فیہ خصلتان الحرص والامل﴾ عیساغنیہ السلامه دیشلرکه : کوریورزکه اختیارلرک حرصی کنجیلردن زیاده در . حکمتی ندر . جواباً بیورمشلرکه : آنلر کنجیلرک طأمققلری اذواقی طاندیلرده ، دماغلرنده اثر براقه رق حرصه دوچار اولدیلر . مسکین حریص . عقلنه اویوب حرصی براقسه ، سعادت تامه . قضایه رضا رزق مقسومه قناعتده اولدیغنی یقیناً بیله رک مستخرج البال یاشار ایدی . فخر عالم افندمز ، طلبده اعتداله رعایت ایدیکز . تلاشک معناسی یوقدر . مرزوق اولدیغکز رزق سزی سزدن زیاده آرار . اما محروم اولدیغکز شیئی حرصه اله کچیره مزسکیز . مآلنده ﴿اقصدوا فی الطلب فان ما رزقتموه اشد طلباً لکم منکم وما حرمتوه فذن تنالوه ولو حرصتم﴾ بیورمشلردر . روایت اولدندیکه جبرائیل . فخر عالم افندمزه دیدیکه : یا رسول الله . اللهم سلامی واردر . فرمان ایتدی که : حبیبم شو آتی اوقوسون . ﴿لا تمدن عینک الی ما تمعنا به ازواجاً منهم زهرة الحیاة الدنیا لنتهم فیہ﴾ بونک اوزرینه سیدالکونین افندمز . منادیلرده فرمان بیوردیکه ! اسواق وبازارده شویله ندا ایدیکز : آداب الهیه الیه متأدب اولمایانلرک دنیایه حسرتلرندن بورکلری پارچه لیر . بعض سلف دیدیکه . بعض کره چالیشوب چبالایان دوچار خسمران اولورده دنیادن یوز چویرن ظنریاب مطالب اولور . (بختری) شو معنایی شویله نظم ایلدی .

شعر

لم الق مقدوراً علی استحقاقه	فی الحظ اماناً قصاً و زائداً
وعجبت للمجهود یحرم ناصباً	کلفاً وللمجدود یغم قاعداً
ماخطب من حرم الارادة قاعداً	خطب الذی حرم الارادة جاهداً

مآل

نصیبندن ناقص ویا آندن زیادیه نائل اولان کورمدم . هرکس ، مقدر نه ایسه تمامی تمامنه آلیور . مشقت چکدیکی حانده محروم اولان بی بخت ایله

اوطوردینی یرده کلفتسزجه مظهر نعم اولان بختیاره شاشارم . اوطوردینی یرده محروم اولان ایله، مشقتدن صکره محروم اولان کسه نك یأس و غرامی بردکلدر . بعض ادبا : قناعت ، فقیرك عزتی ، صدقه ، زنکینك قلعه صیانتیدر دیدی .

شعر

انی اری من له قنوع یدرك ما نال اوتمنی
والرزق یأتی بلا عناء وربمسا فات من تعنی

مأل

ارباب قناعتی امید مشروعلرینه نائل ورزقلرینك مشقتسزجه کلدیکنی کورییورم . حالبوکه اویولده مشقت چکنلر بعض کره خائب اولورلر . قناعت اوج نوعدر . (برنجی نوع) اولیه جک قدرله اکتفا ، فضلاسه کوز دیکمه دن نفسی صرف و ابا اتمکدرکه قناعتك اکیوکسک طبقه سیده بودر .

شعر

اذا شئت ان تحيا غنیاً فلا تكن علی حالة الا رضیت بدونها

مأل

دائما زنکین یاشامق ایسترساک . ایچنده بولندیغک حالک ده اشنایسنه راضی اوله کور . مالک بن دنیا دیدیکه . ناسک اکی زیاده زاهدی . دنیا یه رغبتی اولیه جک قدری تجاوز ایتیلندر . ساقی کوثره منسوب شویتلری بعض ادبا دن ایشتمشم .

شعر

افادتسا القناعة ایّ عز وایّ غنی اعزّ من القناعة
فصیرها لنفسك رأس مال وصیربعدها التقوى صناعة
تحرّز حين تغنی عن بخيل وتنعم فی الجنان بصبر ساعة

مأل

قناعت . بزه يك بيوك بر شرف بخش ايلى . ذاتاً قناعتدن بيوك ثروت يوقدر . سن قناعتى نفسكه سرمايه اتخاذ ايددر . آندنصكره تقوا تجارتى ياب . قناعت زنكىنى اولونجه . بخلادن صاقين . بر ساعت صبركه بدل . نعم جنانه نائل اولورسك . (ايكنجى نوع) سدر مقدرن يوقارى مقدار كفايه قناعتله . بوندن فضله يي طلبدن صرف نظر ايتكدركه . احوال قناعتك اوسطى بودر . فيخر عالم افندمر . هر قولك رزق ايله كندى آره سنده معنوى بر پرده واردركه . قناعت ايتديكندى رزق اياغنه كاي . ايتيوب پرده مزبورده يي يرتماغه چاليشيرسه رزقندن زياده برشى قزانهر . حرص بهوده سى يانته قالير . مألنده مامن عبد الابينه و بين رزقه حجاب . فان قنع واقتصد . اتاه رزقه . وان هتك الحجاب لم يزدنى رزقه . [۸]

بختى

تطلب الاكثر فى الدنيا وقد تبلغ الحاجة منها بالاقول

مأل

آز ايله ايشك كوريلوب طورركن ، دنياده چوق مال ايسته يورسك .

ابراهيم بن المدبر

ان القناعة والعفا
ف ليغنيان عن الغنى
فاذا صبرت عن المني
فاشكر فقد نلت المني

مأل

قناعت وعفت . انسانى غنادن مستغنى قيلار . امنيه دن كچوب صبر ايدرسكه شكر ايتكه امنيه كه نائل اولدك . (اوچنجى نوع) موقف ظهوراته اوطوروب خزينة الهيدن نه سنوح ايدرسه اكا راضى اولمق . فضله كاييرسه ، حذف وطى

بيت

[۸] تلاش حرص يجا آدمى محروم كام ايلر كه دست رعشه دار ايله طولو پيمانه جمع اولمز

ایتموب. جیب قبوله آتمق، نقصان کلدیکنده. اکللی اوغرندنه آرقه سندن قوشماق درکه بوحال. درجات قناعتک اک ادناسیدر. صاحبی. رغبت ورهبتک هر ایکسنی جامعدر. رغبتی وارد درکه مقدار کنایه دن فضله نی فقرایه ویرمک دوشر ایکن ویرمدی. دیمک اولیورکه: رغبتی وار. رهبت واستغنای وار. چونکه نقصان کلدیکنده تکمیلی ایچون آرقه سندن قوشمیور. بوکیلر حقنده ذوالنون شویله دیمشدر. قناعتی یاغلی. بسرک اولانه هرچوربا خوش کلیر.

روایت اولندیکه فخر عالم افندمز (الدنيا دول فما كان منها لك اتاك على ضعفك وما كان منها عايك لم تدفعه بقوتك ومن انقطع رجائه مافات استراح بدنه ومن رضى بما رزقه الله تعالى قررت عينه) یعنی دنیا. دائماً انقلاب و تناوب ددر انده کی منافعت، ضعیف بیله اولسه ک سنی بوله جقدر. مضرت کله جک ایسه قوتیکله دفعه مقتدر نکلسک. فوت اولان شیردن امید ی کسنلر. استراحت بندنه، تقسیم الهی به راضی اولانلر مسرتددر بیوردیلر. ابو حازم دیدیکه. کندی کندیله دوشوندیکمه ایکی شی بولیورم. بری قطعاً بندر که یرلر کوکلر قوتیهلر وقتی کله دن تعجیل ایتسه هم حصولی قابل دکلدر. همه حال وقتی بکلر. بریده قطعاً بشقه سنک رزقیدر که بو. نه ماضیده. بنم ایدی. نه ده استقبالده بنم اولور. بنم حقم بشقه سندن، بشقه سنک حق دخی بدن مانامکه ممنوعدر. نیچون بوا یکی شی ایچون نفسی تلف ایدهیم.

ابو تمام طائی

ولا تأخذونی بالزمان وایسلی	تبعاً ولست علی الزمان کفیلاً
من کان مرعی عزمه وهوممه	روض الامانی لم یزل مهزولاً
لوجود سلطان القنوع وحکمه	فی الخلق ما کان القلیل قلیلاً
الرزق لا تکمد علیه فانه	یا بی ولم تبعث الیه رسولاً

مأل

بنی زمان ایچون مؤاخذه ایتیمک. او بنم اوشاغم دکل. بن اونک کفیلیده دکل. سزک کبی عزم وهمتلری امل جایرنده اوتلایانلر. دائماً ضعیف قالیر. سلطان

قناعت . حکمنی مخلوقاته تشمیل ایدیدی . آرز نامی . قالقار . هرشی چوق کوزو -
 کوردی . رزق ایچون اندیشه ایتمه . سکا مقدر اولان شینک تشریفاتیجه
 احتیاجی یوقدر .

ابن رومی

جری قلم القضاء بما یكون فسیان التحرك والسكون
 جنون منك ان تسعى لرزق ویرزق فی غشاوته الجنین

مأل

کلك قضا . اوله جق شیلری هپ یازدی . قوشوب تلاش ایتک فائده سزدر .
 رحم مادرده چوجق مرزوق اولدینی حالده . سنک رزق ایچون تلاشک . عین
 جنوندر . بز . مهالك ثروت ، موبقات شهوتدن حذر ایددرک . احسان ایتدکرند
 مظهر توفیق . منع ایتدیکی شیلردن تعویق بیورمسنی جناب حتمدن تمنی ایلرز .
 فخر عالم افندمز . اتمک خیر لیمی اول کسه لدرکه چوق زنکین اولوب آرمیدیلر .
 پک زو کورت اولوب دیلنمدیلر . مآلده (خیر امتی الذین لم یعطوا حتی یبظروا
 ولم یقتروا حتی یسئلوا) بیوردیلر .

ابو تمام

عندی من الایام مالو آه اضحی بشارب مرقده اغمضا
 لا تطلبن الرزق بعد شماسه فترومه شعباً اذا ما غمضا
 ما عوَض الصبر امروء الارأی ما فاته دون الذی قد عوَضاً

مأل

اوله حادثات بیایرم که . اویقو علاجی ایچسه . کوزینی یومئرز . همه حال
 سرزده ظهور اولور . رزقک قاچارسه آرقه سندن قوشمه . وقت مرهونی کلوب
 اوجوز لایحه سکا اقبال ایدجکدر . اولوقت مستغنیانه آلبرسک . فوت اولان
 شی مقابلنده صبری عوض قویان . اشبو تعویضده همه حال کار ایدجکدر .

- ﴿ باب ادب النفس ﴾ -

معلوم اوله که نفس ناطقه . مبدأ فطرتنده حلیه زیبای تأدیبدن عاری . و دیبای منقش تهذیبدن بری بر طاقم شیم و اخلاق مهمله اوزره مفظور اولمشدر . بونلرک ایچنده طبعاً قوانین ادبه موافق ، اخلاق مرضیه به مطابق اولانلرینک ده انکاری قابل دکلسهده . خارجدن تأدیب و تهذیبه هیچ برینک احتیاجی یوقدر دینلمش اولسه مظهر تسلیم اوله مز . فصل تسلیم اولونسون که او اخلاق محموده ، شیم ممدوحه نك قارشوسنده بر طاقم اعداد متقابله واردر که هوای مطاع ، شهوة غالبه کبی ایکی معاونه مظهر درلرکه اگر اخلاق محموده نك طبعاً ایولکه میال اولماسنه و یاخود عقلک فطانتنه کوکنه نك تهذیبلرندن غفلت اولورسه . اشبو امید بوشه چیقوب صاحبنک ادبدن عاقل قالدیغنه ، اخلاق مزبورنه نك دخی مزیتدن چیقوب . جهل صره سنه کیره جکنده شبهه ایدلمه ملیدر . زیرا ادب دیدیکمز دولتی . یاتجار عدیله ایله اکتساب . یاخود عادة استجسان واستحباب اولونان شیردن عبارة اولوب . وقایع عدیله بی حاده تجربه دن کچیرمدیجه یاخود هر برینک بر شی حقنده اصطلاح و مواضعلری و کوره نکلیری بولنان اقوامک عادات و مواضعاتنه وقوف تام حاصل اولمدیجه . او یله مجرد عقلک وقوف جبلی و اذعان فطریسنه و ایولکه طبعاً میلنه حواله ایله حاصل اولمغه تنزل ایتمز . خارجدن تأدیب و تهذیبه بهمه حال محتاجدرلر . افندم : دوشونولسونکه . عقل ادبدن اغنا ایله . هر عاقل تأدیبدن مستغنی اولسه ایدی . عقول زکیه لری وحی ایله مؤید ، نفس ناطقه لری ملء اعلا یه اتصال ایله مؤکد اولان انبیای عظام حضراتنک عقللریله اکتفاسی و ادبدن استغناسی لازم کلیردی . حالبوکه . قافله سالار انبیا . علیه من الصلوة ماهوازکی و اوفی افندمز . بن مکارم اخلاقی آتام ایچون بعث اولئدم بیوریور . حضرت عیسیایه . سنی کیم تأدیب ایتدی . دیورلرده کسه تأدیب ایتمدی . جاهلک جهلی آثار رذیله سنی کوروب آندن قاچندم . دیور . ایشته بونلر . انبیانک بیله ادبدن مستغنی اولمدیقلرخی پارلاق بر صورتده کوستیرلر . حضرت علی دیورکه . جناب حق . مکارم اخلاقی کندیسيله سرك آرا کزده واسطه مواصلة اولمق اوزره یارتدای . بر کسه اخلاق حسنه دن

برایه اولسون حرم قرب الهی به اتصال ایتک کافیدر . (اردشیر) دیدیکه
آدابک فضائلندن بریده . هر لسانده مظهر ستایش و محمّدت ، هر مکانده مدار
زینت و مفخرت ، يوم قیامته قدرده ذکرى باق اولمقدّر . (مهبود) ادبىز عالم .
شول خراب بنایه بکنزر که یوقاریسنه چیقّدقّه مخاطرّه هلاک آرناز . اول
قور، مش دره یه بکنزر که . دریناکی آرتدقّه صربلاشیر . اول بر قوّه نامیه سی
کوزل ، لیکن معطل قالمش تر لایه بکنزر که تعطیل و خرابیسی اوزادقّه بر طاقم
بربرینه قارشمش اوتلار یتشدیره رک قورتلر ، چقالاره مسکن اولمش دیدی .

(ابن مقفع) بزم اشجار عقولمزلک آشیمی اولان ادبه احتیاجمز . حواسمزه
قوت کلسون ایچون طامامه احتیاجمزدن زیاده در . طور اراغه کومولن تخم
یشیلنوب فیلیز ویره مدیکی کبی ، عقلمزی زلال ادبله تنمیه ایتدکجه عالم بالای
معرفة سایه انداز ترقی اوله مز دیدی . اصمعی حکایه ایتدیکه . اعرابینک بری
اوغلونه نصیحت مقامنده (اوغلجغزم) ادب بر عمود قویدر . آنکله جناب
حق عقولی تقویه وتشید . شرفدن معطل قالان حسبلری تزیین ایلدی . عاقل
نه قدر غریزه حسنه یه نائل اولسه . حسن و بهاسنی اعلان ایده جک ادبدن
مستغنی اوله مز . طوپراق نه قدر قوتلی اولسه . ثمراتی میدان بروزه
چیمقارده حق صودن مستغنی بولونه مز دیدی . بعض ادبا . آتشی اودونله علواندر
دیدیکک کبی . قلبی ادبله علوریز فیض خدا قیل . ادبی غنیمت بیل که اهل
رغبت سکا انجا ، اهل خوف و اندیشه صولتکدن تحرز ، اصحاب امل عدالتکه
مراجعت ایتسون دیدی .

شعر

فما خلق الله مثل العقول ولا اكتسب الناس مثل الادب
وما کرم المرء الا التقى ولا حسب المرء الا النسب
وفي العلم زين لاهل الحجي وآفة ذی الحلم طیش الغضب

مألی

الله . عقل کبی مخلوق یرآتمدی ، انسانلر . ادب کبی بر شی قزانمدی . کشینک

کرمی ، تقوایی ، شرفی ، نسبندن عبارتدر . علم ، ارباب عقولک زینتی .
غضبده اهل حلمک آفتیدر . اصمعی شو بیتلری انشاد ایلدی .

شعر

وان يك العقل مولوداً فلسفست اری ذا العقل مستغنياً عن حادث الادب
انی رأيتهما كالماء مختلطاً بالترب تظهر منه زهرة العشب
وكل من اخطأته في موالده غريزة العقل حاکی الهم في الحسب

مآل

عقل. ولادی بیله اولسه صاحبنی ادبدن مستغنی کوردمم . بن عقل و ادبی .
صو ایله طپراق اختلاط ایدرهك چنزار حصولنه مدار اولدینی کبی . آنلرده
اختلاط ایدمرك معرفتالله حصولنه مدار اولور کوردم . عقل غریزیدن محروم
اولانلر ایسه حیوانات عجمه بکزرلر . امدی براهین عقلیه ونقلیه ایله نفسک
لزوم تأدیی ثابت اولدی ایسه . تأدیب مزبورک قاچ وجه ایله حصولنه دائر
بحث ایتک لزومی درکار اولغله دیرزکه : تأدیبک لزومی ایکی وجهلهدر .
(۱) بابالرك اولادلرینی تأدیبک لزومی (۲) انسانلرك کنجلك واختیارلق
زمانلرنده نفسلرینی تأدیبک لزومی . بابایه لازم اولان تأدیب ، ثمره فوآدینی
آغوش تربیه سنه آلوب حس ایلدیکی استعدادی متعاقب بر طاقم مقدمات
ادبییه یی یواش یواش تلقتین . و مرأت مجالایه بکیزدین قلبنی انوار ادبله تزیین
ایتمکدرکه شمیدین انسیتله نشوونما بولوب . قلم تکلیفک دفتر اعمالنه یوریدیکنده
کندیسی ایچون مقاصد آدابک استحصالی کسب سهولت ایتسون .

چونکه هی شیئه استعدادله یرادیش قلوب معصومه . نه ایله استیناس ایتمش
ایسه آنکه طبیعتلشه جکی درکار اولغین . حال طفولیتده آلیشدیرلمزسه بیودیکی
زمان . بردنبره تأدینده عسرت چکیلر جکی آشکاردر . بناء علیه . جکر یاردسنگ
سمادتی آرزو ایتسی طبیعی بولنان بابالرك . اولادلرینی مینی مینی زمانلرنده تأدیه
آلیشدیرملری موافق حزم واحتیاطدر . قیخر عالم افندیمز ، بابالرك اولادینه

بخش ابتدیی عطا یا ایچنده. آداب حسنه تعلیمی ، عقلاً ، شرعاً چرکین اولان
شیلردن منع ایتمک کبی بر عطیه لری یوقدر . دآلنده ﴿ مانحل والدوله نخله
افضل من ادب حسن یفیده ایاه ، اوجهل قبیح یکنفه عنه ویمنه منه ﴾ بیوردیلر .
(بعض حکما) چوجقلرکزک اخلاق بوزولوب سزى دوجاو تلاش ایتمه دن
تأدیبلرینه قوشوکز . دیدی .

شعر

ان الغصون اذا قومته اعتدلت ولا یلین اذا قومته الخشب
قدینفع الادب الاحداث فی الصغر ولس ینفع عند الشیبه الادب

مالی

تازه شاخلری طوغرلتمق ایسترسهک طوغرولور . لکن قورومش قوجه
اردونلری طوغرلتمق ممکن دکدر . بونک کبی . چوجقلق ائناسنده اطفالک
تأدی قابلدر اما . تربیه سز بیویان قوجه آدملرک تأدیبلری قابل دکدر .

شعر

ینشو الصغیر علی ما کان والده ان الاصول علیها ینبت الشجر

مال

چوجق . پدریندن کوردیکی حال اوزره بیور . آغاجک داللری . کوکنک
قوته ، ضعفنه تابعدر . اما انسانک کنجلیکی واختیارلغنده کندی نفسنه لازم
اولان ادبه کلنجه . بویکی قسمدر . (۱) ادب مواضعه و اصطلاح (۲) ادب
ریاضت و استصلاح . ادب مواضعه و اصطلاح . عقلاک بالاتفاق کندیسی اوزرینه
دوامه قرار و یردکلری و ادباک حسن کوردکلری افعال و افکار و محاورات
واقوالی تقلید ایتمکدرکه اشبو قرار و اتفاقک بر تعلیل و استبطا و دلیل موجب
و حجت مقنعه یه استنادی لازم دکدر . مثلاً . زمره عقلاک . اثنای محاورده بر
کله نک ، بر ترکیبک ، بر ضرب مثلاً استعمالی حقنده مواضعه و اتفاقلری
و طرز تلبسلرنده بر ایکی درلو البسه اکتسا اوزرینه اتفاقلری کبی که بوکون

بری چیقسه ده ، افاده ایده جکی معنای ، مواضعه و اصطلاحدن خارج برلفظ ایله ادا . ویکی بر اصطلاح اختراعنه قالقشسه ، یاخود لباس و احتشامنده شو آنه قدر قبول اولنش ملبوساتی براقهرق بر طاقم نادیده البسه ایله ابنای جنس آره سنده عرض اندام ایتسه . عادت مألوفه ، مواضعه مقبوله یی چیکنه یوب بوکاده برعلت مقبوله وحادثه ضروریه بولمديغندن طولایی ، عقلاً تارك آداب ، مستحق ذم و عتاب اولور . حالبوکه . بدایت امرده بو آدمک حرکئی اوزرینه کوردنک و مواضعه تأسس ایتش اولسه ایدی . حرکت مزبوره حسن کوریه رک . دمینجک حسن کوریلانلر قبیح اولوردی . امدی بیان سابقدن آکلاشدیکه ادب مواضعه ، عقلاً واجب کوریلان شیلره بر جهته مشارک ، دیگر جهته مخالف دوشیور .

عقلاً واجب اولان شیلرک ترکی . فصل موجب مذمت ایسه ، ادب مواضعه نك دخی ترکی موجب مذمت اولدیغندن بونقطه ده برله شیورلر . واجب عقلینک خلافئی عقل تجویز ایتمز اما . ادب مواضعه نك خلافئی تجویز ایلر . اشبو نقطه ده ایریلیورلر . ادب ریاضت و استصلاح ، صوره قطعیه ده . بر حال اوزره قرار کیر اولوب ، عقل ، خلافئی تجویز ایتدیکی کبی ، عقلاً نك بيله صلاح و فسادنده اختلافاتی روا کورمیدیکی بر طاقم آدابدرکه . تعلیلات عقلیه ، دلائل نقلیه یه مرتبط اولدیگی جهته ، قسم اولک مخالفیدر . نفس ناطقه نك آداب مزبوره یه من عندالله ارشاد اولدیگی ﴿ فالفهمها فجورها و تقواها ﴾ آیتله ثابتدر . (ابن عباس) الهام مزبورک تفسیرنده ، نفسمزده ایشلیه جکمز خیری ، ترك ایتمه من لازم اولان شری بیلدیردی دیمکدر دیدی . آداب مزبورنك انشاءالله اشاغیده تفصیلاتنه کیردیکمزده . تعلیلاتی دخی بالوجوه قناعت وجدانیه بخش ایدر صورتده ذکر و بیان انده جکمز . امدی ادب ریاضت و استصلاحک مقدمات اولیه سی ، تأدب آرزو سنده بولنان کسه نك ، دائماً شهوات ایله امر ، طریق هدایتدن زاجر اولدیگی مبرهن اولان نفسه حسن ظنده بولنمسیدر . چونکه بویه یابارسه نفس . حسن ظنی فرصت بيله رک ، شرعاً مذموم ارلان اخلاق رذیله یی پرده تسویلات آلتنده کیزلرده ، کندیخی اخلاق فاضله صاحبی کوستریر . آنک ایچون فخرعالم افندمز ، ﴿ اعدی عدوک نفسک الی بین جنیک ثم اهلك ثم عیالك ﴾

یعنی. اڤ دهشتلی دشمنك، ایکی یانکده کی نفسکدر. آندن صکره اهلك، صکره ده عیالکدر بیوردیلر . بر بدوی قاریسی ، بینه دعا ایتدیکنده شویله سویلدی . الله . سنك نفسکدن بشقه هر دشمنکی هالك ایتسون دیمشدرکه : الحق، جاهله بر قارینك بیله . نفسك اڤ بیوک دشمن اولدیغی تقدیر ایدیشی جالب نظر دقتدر.

شعر

قلبی الی ماضرنی داعی یکنر اسقامی و اوجاعی
کیف احتراسی من عدوی اذا کان عدوی بین اضلاعی

مأل

نفسم ، بنی هالك ایده جك شیلره چاغریور . بویوزدن الم و کدرم چوغالمقدهدر . دشمنم. ایکی قبور غم آره سندد اولنجه ، حیله سندن نصل قورتیلهیم . نفسك حیله سی بو مرکزده ایکن . اكا حسن ظنده بولنق . او آزعین آتک کیفی آزیسنه و یروب اخلاقك فسادینه چیغر آچقدردر . اما متأذب ، حسن ظنی منع ایله ، مکر و تسویلاتنی دائما نظر دقتدن دور طوتمز ایسه ، نفس ، کنندینه منقاد اوله رق عصیانندن خلاص اوله جنی شبهه سزدر . حضرت عمر ، نفسك تدبیر و سیاستی و اقلیم بدنك حسن تصرفند ، بولونمیان ، عاجز کسه در دیدی . نفسه حسن ظن بویله اولنجه ، سوء ظنك نه کبی حکمی حائر بولندیغی وارد خاطر اولماق الدن کلز .

محققین اسلاف ، بوباده خیلی اختلافاته دوشوب ، کیمیسی نفسك هر نه قدر انسانی اهلاک ایدیجی مکر و دسائسی وار ایسه ده ، طریق هدایته سوق ایدیجی برده قوه ناصحه سی اولدیغی ده انکار اولونه مز . نفسه سوء ظنك جوازی صورتنده قوه ناصحه سی وسیله سیله اجرا ایتدیکی طاعات و مناحاتک کافه سندد هر برینی بر حیله نك مقدمه تسویلاتیدر دیهرک اتهام ایتکی استلزام ایده جکندن ، سوء ظن مز بوری روا کورمه مشلدردر . معافیله ، علاوه دیدیلرکه سوء ظن ، محاسنندن کوز یومق دیمکدرکه بونی پایان ایله . مساویسندن کوز یوموب

هر يابديغنى كوزل كوره رك . قبايچدن نهى ، محاسنه تشويق ايتيان آره سنده بر فرق كوره ميز . مادامكه كوتولكنندن صرف نظر مناسب اوله مز . ايولكلار نندند صرف نظر جائز اوله مز . (جاحظ) بيان وتين . نام اثرنده ديوركه : انسان ، نفسنه قرشى تهتمده عدالت ، وحسن ظند ، اقتصاد اوزره بولونمه ليدر . بويه يالليوب ، حد عدالت تجاوز اولنورسه ، صاحبي ظالم صفتيله لكهدار اولديغى كي نفسنده ذلة مظلوميني ايصال ايتمش اولور . ياخود نفسه حسن ظن خصوصنده حد اوسطي تجاوز ايتدكده . نفسندن امين اولان غافلرك دوشديكي ورطه لره دوشه جيكي شهه سزدر . نتيجه ، سوء ظن ، حسن ظن ايله اشتغال خصوصلرنده بر مقدار معين واردر . و او مقدارك هر ايكي طرفي ايچون وهن ضرر و مقدار جهل مقرردير . (احنف بن قيس) نفسه ظلم ايدن . غيه دها ظالمدر . بنيان ديني هدمه چليشان ، مجد و شرفي دها زياده هادمدر ديدى . علمادن ديكر فرقه ، نفسه سوء ظنك . طريق ضالادن شهراه هدايته سوق واغرا خصوصلرنده تأثير بليغى بولونديغندن . هر حالده حقنده اجراي تهتم وايغاي سوء ظن . موافق حكمتدر . چونكه نفسك جورى چوقدر . اوزمدكجه واز كچمز . آلداتمه سيده چوقدر . دائما تهتمله مدكجه آندنده كچمز . نفس بر محبوبه رعنادركه ناز واستغناسيله جور ايدر . حيل و دسائيله آلدادير . امدى نفسك صاحبي ، سوء ظن ايتمزسه جور و غرورى غلبه ايده رك عبادتك آزينه قناعت ايدر . شهه لى افعالها راضى اولمغه باشلار .

كشاجم

لم ارض عن نفس مخافة سخطها	ورضى الفتى عن نفسه اغضابها
ولو انى عنها رضيت لقصرت	عما تزيد بمثله آدابها
وتيت آثار ذاك فاكثرت	عذلى عليه فطال فيه عتابها

مأل

كشينك نفسندن راضى اولمى ، بالاخره دوچار غضب ايتك اوله جفتدن بو قورقودن ناشى نفسندن خوشنودلق كوسترمهم . اكر براز روى رضا

کوسترسه، آداب شریعتہ رعایتسدن واز کچر. بو دیدکاریمک آناری ظهور
ایتدیکسندن لوم وتویخک چوغالمه سنه سبب اولدیده نفسمه عتایی اوزاتدم .

ابوتام

ویسیء بالاحسان ظناً لا کن هو بانه وشعره مفتون

مأل

او ممدوح ، بابالر چوجقلرینک ، شاعر شعرینک مفتون محاسنی اولدینی
کی ایتدیکی احسانلره احسان نظریله باقر، بلکه سوء ظن ایلر .
ابوتامک، بوشعری. نفسه سوء ظنی مدایح صرهنه کچیردیکی حالده . کسه نك
تنقیدینه اوغرامدی. شو حالده . قول اخیر احتجایی. شعر مزبور ونقادک سکوتی
خصوصلریله ادعالرینی اثباته قالمیشه بیلرلر . امدی نفسه سوء ظنده بولنان
کسه، نفسنک کین فرصتده کیزله دیکی تصورات مهلهکی بی نظر ترصددن کچروب
ایستدیکی معصیت ایسه ویرمن. خوش کورمدیکی رشد وهدایت ایسه اجرانسه
جبر واغرا ایدرسه، مملوکی ایکن مالک ، مغلوبی ایکن غالب اولور. ابوهریردن
مروی اولدینی اوزره . فخرعالم افندمن، قهرمان، نفسنه غلبه چالاندر. مآلنده
(الشدید من غلب نفسه) بیورمشلردر. بعض خلغا . نفسی یکمکه قدرتیاب
اولان . قوتنک نهایتنه واصلدر . شهوتنه صبر ومثبات کوسترن . مروتک درجه
قصواسنده در دیدی . ادب ریاضتک واحترازی لازم اولان شیلرک تفصیلی ایچون
القی فصل ترتیب ایدرک. بوجه آتی بیاننه مبادرت ایدیورز. (برنجی فصل)
جالب الرذائل، سالب الفضائل اولان کبر وعجیک بیانی حقنده درکه بولر، کیمک
قلبنده یول بولورلرسه اوزوالایی نصیحت دیکه مک، ادبی قبول ایتمک خصیصه.
لرندن محروم ایدرلر . چونکه کبر. رتبه ومنزات وجلال ومهابته ، عجبده فضیلت
استناداً یاییله جفندن . شخص متکبر ایسه نفسی متعلمین ومتصحین صرهنده
بولوندرمنی منزلیتله متوافق ، شخص متعجبده متأدین صنفنده بولنقی فضیلتیه
متطابق کورده میه جکندن اصغای نصائح طرفنه یافلاشمیه جنی طیبی بولونمغه
هر درلو فضائلک نفسندن سلنه راضی اولور . ایشه بو جهتمه حائز اهمیت

اولدیغندن. کبر مباحثی. تقدیمه مناسب کورلدی. کبر و غرور. مقتوبلا، حرمان
الفت احبا، اغضاب اخوان و اودایه سبب یکانه درکه. دور اندیشان ایچون بوندن
بیونک مذلت اوله میه جغندن زمره متکبرین. جداً شایان تعزیه درلر. بونک
ایچون فخر عالم افندمز، عثمی عباسه خطاباً بیوردیلرکه : سنی اللهه شرکه.
مخنوقاته کبر ایتمه دن منع ایدرم. زیرا جناب حق. بو ایکی صفی طاقینانلردن
احتیاج و غضب ایدرلر. (ارد شیر بن بابک) کبر حقندده. اوه فضلہ قلمش بر
هماقندرکه صاحبی آنی صرف ایده جک یر بوله میوب کبره صرف ایتشدیر.
دیدى. حکایه اولئدیکه (مطرف بن عبدالله) مهلب بن صفره یه باقدیکه
مزمین جامه لر کیمش. صالینه صالینه کز بیور. در حال آرلرنده شویله بر
محاورده باشلار. (مطرف) یا ابا عبدالله. بو. اللهک، رسولنک سومدیکی یورویشه
سبب نهدر. (مهلب) سن بنی بیلیمورمیسک (مطرف) اوت بیلورم اما
شویله، اولک بر قاچ طمله مردار منی. نهایتک مردار بر لاشه. اولونلرک
آراسنده کی زمانده ایسه. بول ونجاست همالیسک.

شعر

وكان بالأمس نطفة مذرة	عجبت من معجب بصورته
يصير في الابد جيفة قدرة	وفي غد بحسن صورته
ما بين ثوبيه يحمل العذرة	وهو على تبه ونخوته

مآل

کندی صوره زیبا، قدّ دلاراسنه کوکنانلره شاشارم. دون مردار منی
ابدی. یارین. اؤکوزلم صورت. قبر ایچنده قوقش لاشه اوله جق. بوقدر کبریه
برابر. حال حاضرده نجاست همالغی ایدیور. مؤلف مرحوم دیورکه (مهلب)
محاوره معروضه ده کی جوابک خطا اولدیغنی ا کلامیان و بونکله نفسی آلدایانلردن
دکلدر. آنجق. اشبو صاحبه جواب. بوش بولنوب استغای مودت سوقیله
کندیسندن فلتة صادر اولمشدر. اصل حماقة صریحه. نافع بن جبیر بن
مطعمدن حکایه اولنان شو حالدرکه. مزبور. بر جم غفیر علمایه درس تقریر ایدن

(علاء الدین الحرقینک) خلقه تدریسه اوطورر. ودرس ختامنده شو جوهری
 یهورطلار . بیلیرمیسکیز . بن نیچون جمعیتکزه اوطورمق تزلزلسده بولندم .
 آنلرده . اوت درس دیکله مک ایچون اوطوردک دیدکارنده ، یوق یوق ، بلکه سنزک
 کبی ذوات یاننده تواضع صفتی قزانمق فکر خالصانه سیله اوطوردم . جوابی
 ویریر . کندینه عظمت ، مخاطبلرینه دنات اسناد ایدن شو حریف نابکاره
 نصیح ایتسه قبول ، لوم ایتسه واز کچرمی . هیات . (ابن معتز) دیدیکه ارباب
 نقص وجهل . ارباب فضیلت یاننده کی نقصانلرینی ادراک ایله کبر وغرور ایله
 جهل لرینی ستر و حقیر اولان قدرلرینی اجلال ایتک ایستلر ، یاپه بیلیرلرمی .
 (هیات) عجبه کلنجه . بود . اولکار کیزله مک ، کوتولکاری میدان چیتارمق ،
 هر درلو مذمتی صاحبه جلب ایتک کی هنرله مالک . دها بونک کبی نیجه
 مهالکه سبیدر . فخر عالم افندمز ، آتش ، اودونی محو ایتدیکی کبی . عجیده
 حسنانی محو ایدر . مآلنده (ان العجب لیاکل الحسانت کما یأکل النار الحطب)
 بیوردیلر . ساق کوثر . اعجاب . صوابک ضدی ، ارباب عقولک موجب هلاکیدر
 دیدی . (بزر جهر) دیدیکه . صاحبه حسد اولنمیان نعمت . تواضع ، صاحبه
 آجیمق لائق اولمیان بلا دخی عجیدر . کبرک سبب اولدینی بلانک نهاتی ، عجیک
 ایراث ایتدیکی جهل وغرامک غایه سی یوقدر . بونلر . بر طوفان فلا کتدرلرکه
 بیک مشقتله اله کیرمش محاسنی محو و اطفا و اشتها ایتش ، فضائلی احما ایدرلرکه
 هیچ بر فالقلمری اولمه ، بو حالاریله برده حقدو کین ، بعض وحسد و نفرتنه
 باعث اولملری نظر الهیده مقهوریتلرینی ارائه کافیدر . عمر بن حفص حکایه
 ایلدیکه . حجاجه . عراقی نصل بولدک . دیدکارنده جواب ویردیکه عراق کوزل
 یردر آما . اوراده بولنان درت کشتی یه یتشوب قانلرینی دوکمک صورتیه رضاء الهی
 تحصیل ایدیدم بمنوینیم دوبالا اوله جقدی . (۱) مقاتل بن مسمع درکه . سجستانه
 والی اولوب مواصلتده خوش آمدی یه کلنله بخشش ویرمش . بعد العزل مسجد
 بصریه کیردکده . عبید احسانی اولان اهلینک خرقة وعبالرینی یاغنک آلتنه
 سرمک صورتیه تجیل ایتدکارینی کورنجه . معیتده کی آدملره ، انسان بوشرفه
 نائل اولمق ایچون چالشمه لیدر . ایشه باق . بن وقتیه ایتدیکم احسانلرک ثمرانی
 شمدی شانلی بر صورتده اقتطاف ایدیورم دیدی .

بریده (عبداللہ بن ظبیان) درکہ بر حادثہ سماویہ دن طولانی. بصرہ اہالیسنہ عارض اولان دہشتک تسکینی ایچون منبرہ حیقاردق بر خطبہ بلیغہ ایراد ایتمش. جماعت ایچندہ کی ارباب ذوق. خطبہ نک تأثیر بلاغ و بیانیہ، بی اختیار. اللہ سنک کیمیلرینی ایچمزدہ چوغالتسون سسوزیلہ بر ندای تحسین فیرلا تمشلر. بونک اوزرینہ. خطیب پر اعجاب منبردن: اہالی: سز اللہ پک آغیر تکلیفدہ بولنیورسکز. ہیج بنم کی آدم یاردالمق قابلمی، اولسہ بیلہ: کثرتی ممکنمی زمزمہ سیلہ ہذیانہ باشلامشدر.

بریدہ (معبد بن زرارہ) درکہ. برکون یول اوزرنده اوطورورکن. بر قادین کلوب (یا عبداللہ) یول نصالدر طوغریمیدر دیہ تعریف ایستہ دکدہ، بہی روسی. بنم کی بر آدم. اللہک قولارندن نصل اولور. علو شام. سمو عنوانہ بو خطاب یاقیشمری دیہرک ہم یول کوسترمکدہ بخل ایتمش، ہمدہ اللہک قولغنی قبول ایتمامک حماقتندہ بولنمشدر. بریدہ (ابوشمال اسدی) در. اشبو یادکارده دودہ سینی غیب ایتمش. پر تلاش. آرقہ سندن آرایجیلر صالدرمش. و دیشکہ یمین ایدرمکہ. اگر اللہ بنم دودہ می کیری ویرمز ایسہ. نہ نماز قیلارم، نہ اوروج طونارم. نہایت. دودہ سی بولنوب کیفیتی تبشیر. و اراق نماز قیلہ می لازم کلدیکی اخطار ایتدکلرنده، شویلہ جواب ویرمش: یوق: بنم یمین اصراردر. مادامکہ یمین ایتدم قیلام. باق شومسکین ینوالزہ، نصل عجب کندیلرینی استیلا ایتدیده ایچندہ بواندقلری عصرده مستلزم عقوبت، صکرہ کلنلرک دیلارندن داستان عبرت اولہ حق سوزلری سویلکدن اوطانما دیلر. نہ حماقت، نہ رذالت، کرک بولر، کرک سائر عجب و تکبر اربابی. فطرہ اصلیلرینی وجہماً مبتلا بولندقلری عجز و مذلتلرینی انسانجہ دوشنسہ لردی، جناح عظمتلرینی ایندیرلر. عنساد واستکبارلرینی تواضع ولینتہ تحویل ایدرلردی. احنک شو سسوزینی دوشونہ لمدہ. بیلملکہ بزده مدار عجب اولہ حق برشی یوقدر. دیورک: ایکی دفعہ مجرای بولدن کچن کسہ نک کبر ایتہ سنہ شاشارم. بعض شعرا انسانی شویلہ وصف ایلدی.

شعر

یا مظهر الکبر اعجاباً بصورتہ انظر خلاق فان التین تثریب

لو فكر الناس فيما في بطونهم ما استشعر الكبر شبان وشيب
هل في ابن آدم مثل اترأس مكرمة وهو بخمس من الاقدار مضروب
انف يسيل واذن ريحها سهك والعين مرفضه والثغر ملعوب
يا ابن التراب وما كول التراب غداً اقصر فانك ما كول ومشروب

مأل

ای صورتنه کوکنوب غرور ایدن ، کیت خلیاه ده . اخراجاتکک نه قدر فنا قوقد یغنی کور . انسانلر قارنلرنده کی نجاستی دوشنسه لر ، نه کنجنک ، نه اختیارینک کبر خاطرلرینه بیله کیز . آدم اوغلنک اک مکرّم عضوی باشیدر . آندهده بش درلو ایکرده نه جک حال واردر . بورنی آقار ، قولاقلری چرکین قوقار ، کوزلری یاش دوکر ، دیشلری دائماً توکوک ایچنده ، ای طپراق اوغلی : طپراغک لقمه سی . واز کچ کبردن . سنده بو آج کوزلی فلکک لقمه وشرابی اوله جقسک .

کبردن حذر ، هرکس ایچون لازم ایسه ده ، دنیاچه قدر عظیم وخطب جسم احتیاجندن بولنان اغنیاء وارباب نفوذک حائز بولندقلری علو همت سوقبله نظرلرنده کیر ، حقیر ، کثیرقلیل کورنمک دائره احتماله بولونمقله . بونلر کبر و عجب مخاطره سنه هرکسدن زیاده معروضدرلر . بناء علیه توقیلری هرکسدن زیاده اولمق لازمه دندر (محمد بن علی) دیدیکه شرفا . دنیساده مالک اولدقلری هیچ بر شیئه اعتبار وعظمت و برمه ملیدر . تا که بو یوزدن کندیلرینه عظمت داعیه لری هجوم ایتیه . چوقدنبری سویانیر ایکی اسم واردرکه یکدیگرینه ضد اولمقله برابر بر معنایی افاده ایدرلر . بری تواضع ، دیکری شرف ، علمای کرام . کبرک اسبابی بیان معرضنده دیمشلردرکه : کبرک باشلیجه قوتلی سبیلری ، قوه قاهره ، نفوذ امر ، انقیاد اهالی ، کندینه کفو اولانلرله آز کوروشمک . حکایه اولنورکه بر قوم حضرت علینک آرقه سنده کمال اجمال ایله یورورلردی . حضرت بونلر ، یاهو براز آلا رغه طوروک ، پاپوشلریکوزک شاقیردییسی قولانمه کیرمه سون . بوکی حالار . احمقک قلبی افساد ایدر بیوردی . (ابن مسعود) آرقه سنده یوریان بر قومه . یاهو دونوک . بو حال . آرقه ده کیلر ایچون ذله ، اوکده کی ایچون

فته در دیدی . (قیس بن حازم) روایت ایلدیکه مهبات پیغمبریه سسندن دیتره مکه باشلایان برذاته ، فخر عالم افندمز ، یا هو کندیکه کل ، نه قور قیورسک . بن ، کونشده قورودولمش آتی اکل ایدن برخاتونک اوغلویم ، بیوروب خوفدن خلاصه عنایت بیوردیلر . اشبو کلام محمدی ، نفسک عجیبی قیرمق ، کبرک وسائلی ازاله ایتمک خصوصلرینی امته تعلیم حکمتنه مستنددر . فاروق اعظم ، برکون خلقی جامع طوبایوب منبرده وعظی اثناسنده . ای ناس ، بنم بیه جک بوله میوب خاله لرم طرفندن ویریلان آوج آوج خر مالرله کون کچیردیکمی بیلورسیکیز . آه اوکونلر نه کونلر ایدی بیورمشلر . حضاردن (عبدالرحمن بن عوف) والله یا امیر المؤمنین . نفسکزی پک تحقیر ایتدیکیز دیدکده ، سن نه سویلرسک . بن یالکیز قالدیغم وقت ، اوسک آجیدیفک نفس ، بکا نه سویلسه بکیرسک . سن امیر المؤمنینسک . سسندن افضل کسه یوقدر دیور . بنده آنک حد معروفنی بیلدیرمک ایچون بویه یایدم بیوردیلر . عجب ایچوننده برطاقم اسباب واردرکه اک قوتلیلرندن بریده ، نفق وتزویری مدار کسب واعتیاد ، طالقاولغنی شبکه اصطیاد اتخاذ ایدن کسه لیسان کروهنگ ، یالان یا کلش مدح و اطرا لیدرکه بونلر ، شاید بر ساده دله راست کلهرک بو طوزاغی اکا قورارلر . صایوب دوکدکاری مدایج کاذبه نک تأثیرینده حس ایدرلرسه ، بیجاره نک الذده ، آوجنده کنی یالایوب یوتدقدن صکره ، تنها قالدقنلرنده ، آلداندق شواحق دیهرک استهزا ایتمه دنده اوطانملر .

فخر عالم افندمزک ، برذاتک ، دیکرینی مدح وتذکیه ایتدیکی مسموع والاری اولدقده ، ممدوحک بلینی قیردک ، سوزلریکی طویارسه بردها فلاح بولمز . بیوردیلر . (بعض حکم !) کندینده اولیان صفتلرله مدح اولنمغه راضی اولان احققلر ، استهزا وسخریه میدان ویرمشلر دیمکدر . دیدی . روایت اولوندیکه . فخر عالم افندمز . (ایاکم والتمادح فانه الذبح ، ان کان احدکم مادحاً اخا ، لاحالة فلیقل احسب ، اولاً ازکی علی الله احداً) یعنی بربریکزی مدحدن صاقینک ، زیرا مدح ، ممدوحی بوغازلمقددر . شاید ایجاب ایدرسه ، مدح ایدن ذات ، بن بویه ظن ایدرم .

علم الله قرشي كسهي تزيه ايدهم . ديسون بيورديلر . كتب منزله سالفهده
وارد اولمشدركه . ايكي كسهيه شاشارم . بري كندنده اولميان صفتلرله مدح
اولنوب فرحناك . ديكرى كندنده اولميان صفتلرله ذم اولنوب غمناك اولانه .

شعر

يا جاهلاً غرّه افراط مادحه لا يغلبن جهل من اطراك علمك بك
اتنى وقال بلا علم احاط به وانت اعلم بالمحصل من ريبك

مآل

اى: دالقاووقلرك مبالغه كارانه مدايخنه الدانان احمق، سن كندني بيليرسك
دالقاووقلرك علمى ، سنك علمكه غلبه ايمه سين . چونكه انلر كوزلريني يوموب
بلا علم مدح ايديلورلر . اما . سن ، محصول افعال واحوالكي ده زياده بيلورسك ::
نفوس انسانيه ايچون منح وستايشه رغبت ، ثنايه ميل ومحبت خصوصيذك امر
جبللى اولدينى شو شعرده دخى كوستريليور .

شعر

يهوى الثناء مبرّز ومقصر حبّ الثناء طبيعة الانسان

مآل

بيوك ، كوچك ، كامل ، ناقص ، هرا انسان ثنايه ميل ايلر . ذاتا ثنايه محبت ،
طبايع انسانيه جمله سندنذر . (امدى شخص عاقل) برطاقم مداحلرك ، مدايح كاذبه
واقوال نفاق شائبه سنه ميل وانهما كدن نفسنى ضبط خصوصنده حزم واحتياطى الدن
براقمليدر . يوخسه ، بعض نو دولتلك ياديني كبي ، نفسنك دالقاووقلر مدايخنه
ميلنده مسامحه كوستردرك كيت كيده ، الدينى لذارند خيله سوقيه ، كمال اشتها ايله
انلرك سوزلرينه تمديد صماخ اعتبار ايدىجك اولورسه ، كندني حقيقي اسانلغه
لازم اولان فضائل مددوچه ومحاسن ممنوحه نك بمجى فرض ايددرك ، اوكي

مزایانك تحمیلندن محروم اولدقدن بشقه، بالاخره او مداحلرك مدایحی کاذب، ممدوحکده مذمت باطنیه ورذالت اخلاقیه سی صادق اولدینی تظاهر ایلر . صدق ایله کذبك اجتماعنده ، صدقك غلبه سی درکار اولمغله، مذمت باطنیه، بیچاره نك لازم غیر مفارقی اوله رق قالیر . ایشته بو، دالقاووقلرك اوینادقلری برخدعه درکه بوکا روی رضا کوستردنه، عاقل دیمک اسرافدر . برده ، شخص عاقل بیلملیدرکه مدح و ثنایی وسیله جر منافع عد ابدن دالقاووقلر، ممدوح طرفندن اقبال کورورلرسه . او، قورت مصالی کبی، توکنمک بیلمیان مدیحه لرنده اسراف و اطرا ایدرلر . یوق ، بالعکس سوزلری قبولدن محروم اولورسه، مأیوساً اوخلدن واز کچرلر . بناءً علیه مداحلری ، انما تهمت آلتنده بولندیروب سوزلرینی احتیاط ایله تلقی ، ودرحال تصدیقندن شدتله توقی ایتملیدر .

همی صادق اولان مدایح پک آز، اکثریسی کاذب اولانی دخی پک چوقدر بونک ایچوندرکه فضلالی اسلاف ، مدحده تجاوزله، یالانچیلق ویا الطافلق لکمه سیله متهم اولمقدن احترازاً ، دیلارینی مدحه آلدیرمازلردی . فخر عالم افندمز . «لانیکنوا عیابین، ولا تکنونوا لعابین، ولا متهاذین، ولا متماوتین» بیورمشدرکه ای اتم، چوق عیب کوریحی، ولغت اوقویحی، وبربریکزی چوق مدح ایدیچی وکندینی، موتوا قبل ان تموتوا . سرینه مظهر اولمش کوسترن مرانیلردن اولمیکنز مآئنده بولمشدر .

ابوبکر صدیق رضی الله عنه افندمز ، کندینک مدحنی ایشیتدکجه . ربم : سن نبی، بندن زیاده بیلیرسک، بنده نفسیمی مداحلردن زیاده بیلیرم : تگرم : بنی انلرك ظن ایتدکارندن خیرلی قیل . انلرك بیله میوب نزد احدیتکده معلوم اولان قصورلریمیده عفو ایله ده ، بنی بوزلرك سوزیله مؤاخذه ایله دیو دعا ایلردی .

شعر

إذا المرء لم يمدحه حسن فعاله فمادحه يهذى وإن كان مفصلاً

مائلی

کشی بی کندی ایشلرینک کوزللیکی مدح ایتدکجه، مداحلرك غلغله، مدایحی

فصیح بیله اولسه هذیاندر . بعض کسه لرده مدح و ثنایه تمایل، او راده لره وارمشدرکه کندینک شناسنی ایشتمدیمی ، بولندینی مجالسده کندینی ینه کندی ثنایه باشلار. بوکیلرک شوحالی، اوج سبیدن خالی دکدر. یا، بنم واجب التقدير اولان فضلمدن خلق غفلت ایدیور. یاخود غافل دکلر اما . حسدلرندناشی مجالسده سولئورلر کبی توهمانده بولنه رق، باشلار ظنبور مدایحیله کندی کندینه ایرلایوب ظییرلامیه. یاخود، چویره جکی دولاب استفاده ، کندینک خلق آره سنده استقامتله شهرتنه وابسته بولنورده ، ائی تأمین ایچون کندینی ستایش و صدق ایله ارایش و یرمک ایستر. یاخود ، یالکیز بک افندینک طبع والالری، کندی شناسنی ایشتمک و موضوع بحث مجلس اولدیغنی کورمکه سونیمکه اشدیغندن خلقک بوباده کی طورغونلغنی کورنجه، باشلار ذاتنک مزیانندن بحثه، انسانی کولدییره جک اولان بوحا، موسیقی ایله اکلنمکه آلمش و تنها قالدینی یرده کندی کندینه نغمه زن اوله رق اکلن کسه نک حالته بکزر. هانکی سببه مستند اولورسه اولسون. کندی کندینی مدح ایتک، جهالت صریحه، رذالت بشیعه دن بشقه برشی دکدر .

شعر

وما شرف ان یمدح المرء نفسه ولكن اعمالاً تدم وتمدح
وما کل حین یصدق المرء ظنه ولا کل امحاب التجارة یربح
وما کل من ترجو لغیبک حافظاً ولا کل من ضمّ الودیعة یصلح

ملال

کشی کندینی مدح ایتک، شرف دکدر . ایشلیدیکی عمل خیر اینسه مادم، شر ایسه قادح اولور. انسان هر وقت ظننده صادق اوله مز، تجارک هپسی کار ایده مز ، هر اومدیغک کسه حفظ اسرار ایتمز ، هر امانت برافدیغک آدم صالح اولمز. خائن ده بولنور.

شخص عاقل، قلوب صافیه اربابی اولان اخوان و اودا، عیوب و محاسنی کوسترمه ده آینه مجلا کی اولان اصداق سندن رجا واسترحام ایتمه لیدرکه، کندندن

صادر اولان فالقلری اخطار ایتسونلرده . سیئات مزبورہ دن واز کچوب درحال حسناہ بالتحویل شہراہ نجاتی بولسون . چونکہ انسان کندینہ حسن ظندہ بولدیغندن ، مساویسنی کورہ مدیکی کبی ، طالقاولرک دخی بوخصوصی اراثہ ایتہلری خلاف معتادلری اولدیغندن ، امید سلامت ، یاران باصفانک اخطارات خیر خواہانہ لرنده قرارلاشیر . آنک ایچوندرکہ ، شفیع الامم افندمز ، مؤمن ، مؤمنک آیینہ سیدر . آیینہ ، عیوب ومحاسنی کوستروب تسویۂ عیوبہ سبب اولدینی کبی ، مؤمنده ، دیگر مؤمنک عینی کوردکده بالاخطار اصلاحنہ سبب اولور بیوردیلر . حکمدان برینہ ، عیبک سکا کوسترلمسنی ایسترمیسک ، دیدکارندہ ، اوت ایسترم اما ، بکا خیرخواہ وامین اولدیغ احباب طرفندن اولورسہ ، جوابی وردی . حضرت عمرلہ ، ابن عباس آرسندہ کی محاورہ آتیہ اشبو جوابہ یقین بر معنادہدر . (عمر) یا ابن عباس ، حصہ کیمی والی کوندرہ لم . (ابن عباس) بر کمسینی کوندرکہ : سنجہ شایان اعتماد وفرمانکہ مطیع ومنقاد وحفکده خیرخواہ صفتلرینی حائز اولسون . (عمر) اولہ ایسہ بوصفتلری حائز . آنحق سفسک . بناء علیہ ، سنی کوندرہ لم . (ابن عباس) خایر . سن بندن منفعت کورہ مزسک) چونکہ سنک بکا ، بنم سکا صداقتمز اولدیغندن ، یکدیگریمزک عینی اخطار فکریلہ ، دائما سوء ظندہ بولونورز . بوده تعطیل معاملاتہ بادی اولور . اما بشقہسی سزہ دائما حسن ظنلہ بافہ جغندن ، منفعت مأمولدر . امدی اسباب کبر . مواد عجب ، بوصورتلہ ازالہ اولوندیمی ، قلدبہ کبرہ بدل ، تواضع ، عجبہ بدل ، مودت تمکن ایدر . بوده ، اسباب کرامتک اک بیوکی ، مواد نعمتک اکتولیدی ، نظر ناسدہ مرغویتک اک مؤثر سببیدرکہ ، ناس آنکله بغضہ بدل ، محبت بسلر ، بعض حکما دیدیکہ : اوچ شیدن بری اولان ، اوچ شیئہ نائ اولور . اسرافندن بری اولان ، عز واقبالہ ، بخلندن بری اولان ، شرف بین الماسہ ، کبردن بری اولان ، کرامتہ نائل اولور . رتب ومناصب ، اخلاق . ناس اوزرنده متفاوت صورتہ اجرای تأثیر ایدر . بعضیسنی کوررسککہ ، فطرتندہ مرکوز اولان دنائت . بونجہ زماندر کیزلنمش اولدینی حالده ، سوق قدرلہ جاء وجلال ومال ومنالہ قونونجہ دنائت مستوره بوسکوردک چهرہ نمای نحوست اولورده ، کسی پی بکنامک . اسکی دوستلرینی طانیماق کبی هیچ اومولیان حالات کورلمکہ باشالار . دیگرینیدہ

کوردرسککه ، اوج اعلاى اقباله طوغرى يوكسدكجه ، سويداى قلوبنده مودوعه اولان طهارت ونجابت اقتضاسيله ، اونسبتده اخلاق حميده ، فضائل جميله سى عيون ناسده شعشه زاي تحسين اوليور .

بونكده سبب ظريفانه سى شودرکه : انقلاب احوالك ، انسانلر اوزرنده كى تاثيرى ، شرابك تاثيرينه بکزر . فصلكه ، برايكى قدح ام الحباثدن يووارلايانك ، فلبنده كى سرائر ، فکرنده كى ضمائر ، طيشارو اورييورسه ، قطع مراتب ، نيل مناصبده ، فطرنده كى طهارة و خباثى ميدانه چيقارمق كى بر تاثيره مالكدر . باخصوص ، ترقى تدريجى اولمايوب هجوم ناكهاني كوستيرجه سنه توجه ايدرسه بچاره سرمست اقبالك كوستره چكى اطوار و تخالف افكاره دكه كيتسون . (فضل بن سهل) كشينك منصى ، كندى مزيتك فوقنده ايسه ، كبرلنكه باشلار . آندن اشاغى ايسه ، تواضعى آرتير . ديدى . (بعض بلغا) ناس ، نائل اولدقلرى مناصبده ايكي قسمدر . بر قسمك شرف و مزيتى ، غيرت و حيتى سابه سنده نائل اولديغى منصب ، كنديسيله شرف بولوركه بوكيلر ، دائما تواضعلرغى آرتيرلر . ديكر قسمى ايسه ، مزيت ذانيه دن محروم اولديغى حالده ، منصبه رعاية مظهر اجلال اولان احقرلردرکه ، بونلر كبر و غرور ايله سرمست اقبالدرلر .

ايكنجى فصل

حسن خلق ، يعنى خوى كوزللكنه دائر بياناتى محتويدر . خواجه انديا اقتدمز صلى الله عليه وسلم . جناب حق ، سزك ايچون دين اسلامى انتخاب بيوردى سزده اودينه ، حسن خلق وسخا ايله اكرام ايديكز مألنده (ان الله اختارلكم الاسلام ديناً فاكرموا بحسن الخلق والسخاء) بيورديلر (احنف) برجماعته خسته لغك انك شدتليسنى خبر ويره يى ديوب . آنلرده اوت . ديدكلرنده ، آلچق خوى ، فاحش لسان ديدى . (بعض بلغا) كوزل خويلى كسه ، نفسك بلاسندن وارسته اولور . ناسده ، كندى شرندن امين اولور . كوتو خويلو كسه تك ناس بلاسنه دوچار ، كنديسيده آنك يوزندن مشقت ايچنده در ديدى .

شعر

اذا لم تتسع اخلاق قوم تضيق به فسيحات البلاد
اذا ما المرء لم يخلق ليبياً فليس اللب عن قدم الولاد

مألى

اخلاقى كوزل اولميان قومه ، كنديش صحرالر طاركلير . كشى فطرتاً ليبي
(عاقل) اولمدنجه ، جوق يشامقاه ذكاسى آرتمز . امدى بر كسه نك اخلاقى
كوزل اولورسه خالص دوستى چو غالير . دشمنى آزالير . كوچ ايشلرى قولايلاشير
كندينه قيزغين اولانلر يومشار . آنك ايچون فخر عالم افندمز ، (حسن الخلق ،
وحسن الجوار يعمران الديار ويزيدان فى الاعمار) يعنى كوزل خوى وفومشويه
حسن معامله ، خانه لرى معمور ، عمر لرى زياده ايدر بيور مشلردر . (بعض حكما)
كوزل خوى ، ارزاق خزينه سيدر . ديدى كه : بونكده سبى ، اخلاقى كوزل
اولانلرك . دمينجك عرض اولنديغى وجهله ، دشمنى آز . دوستى چوق اولميسيدر .
فخر عالم افندمز بيور بيورلر كه : (احبكم الى احسنكم اخلاقاً . الموطنون اكنافاً
الذين يالفون . ويؤلفون) (مأل) سرك بنم يانمده السوكيلى اولانكيز ، اخلاقى
زياده كوزل ، يومشاق خويلو ، هر كسله حسن معاشرتي بول اولاندر .
حسن خلق ، كوچ يوزلى ، كوزل سوزلى . طارغينلنى آز اولمقدين عبارتدر كه
فخر عالم افندمز . لشبو حديثنده بيان بيور بيورلر (اهل الجنة كل حين لين
سهل طليق) يعنى اهل جنت ، كندينى حقير كوسترن ، يومشاق خويلو ، كوچ
يوزلى اولاندر . اشبو ذكر اولنان اوصاف ايچون بر طاقم حدود معينه ومواقع
مستحقه واردر . فصلكه شاعر سويلدى .

شعر

اسفوا واكدر احياناً لختبرى وليس مستحماً صفو بلا كدر

مأل

بعض كره ، صافى وليتلى بولورسه مده ، بعض كرده ، بولانيق واكشى يوزلى

بولونورم . دائماً صفوت ولینت ، ایو بر شی دکدر . شاعرك ، اكشی یوزلی
بولنورم دیمه سی ، بد خوی وبد سیرت بولونورم دیمك دکدر . چونكه بو ، خوش
كورلمز و تمییب اولنور بر حالد . مقام افتخارده سویلنمز . آنجق ، شرعاً
مذموم اولان یرلرده احبانه موافقت کوسترمه م ، طارغین اولورم دیمكدر .
امدی عرض اولندیفی وشو شعردن استنباط اولوندیفی وجهله ، اخلاق حسنه
ایچون بر مقدار معین واردركه تجاوز اولندقدده حسن خلقدن حیقار ، اخلاق
ذمیمه دن بولنان ، یالطافلق ومنافلقدن عبارت قالیر . بوايكي صفتله موصوف
اولانلركده دوستاغنه اعتماد اولنمز . فخر عالم افندمز ، ﴿ شرّ الناس ذوالوجهین
الذی یأنی هؤلاء بوجه وهؤلاء بوجه ﴾ یعنی شرار ناس ، شول ایکی یوزلیلردركه
بونلره کلیر بردرلو ، آنلره کیدر بشقه درلو سویلر . بونلر ، عندالله عزیز و معتبر
اوله مز بیوردیلر . (سعید بن هروء) بنم ، یارم یوزم ، یارم اسانم اولوب ، منظره
قییحه صاحب اولملغم ، ایکی یوزلی ، ایکی دیللی منافق اولملغمدن ده خیرلیدر
دیدى .

شعر

خلّ النفاق لاهله وعلیك فالتمس الطریقا
وارغب بنفسك لن ترى الاعدوا او صديقاً

مالی

نفاق اهلنه براق ، طریق استقامته سلوك ایت ، نفسكه مراجعت ایت كه
انسانلری یادشمن ، یادوست بولورسك .

ابراهیم بن محمد

وكم من صديق ودّه بلسانه خؤن یظهر الغیب لا یتدّم
یضاحكنی عجباً اذا مالقیته ویصدفتی منه اذا غبت اسهم
كذلك ذوالوجهین یرضيك شاهداً وفی غیبه ان غاب صاب وعلقم

مالی

چوق دوست وارد درکه، دوستلنی دیلنده در. آرقه یه کلنجه، خیانتدن کیری قلمز . عهد و ذمتنه وفا ایتمز . ملاقاتزده یوزومه کولر. آرقه مدن، ذم و غیبت مزراغیله اورور. ایکی یوزلی کمسه لر، حضور کده سنی خوشنودایدر. غیوبتکده صاب و علقم دینیلان ایکی اغاج کبی آجی میوه ویرر .

کوزل خوبلی ، آدم لره بعض اسباب عارض اولورکه، انشی عروضنده، لیت و تواضعی کیدرده، غلظه و خشونه ، کلیر . (برنجی سبب) ریاستدر . اوت ریاست . باشنه سایه انداز اولدینی کمسه نك . چار جابوق اخلاقنی بوزار . احباسنه قرشی معامله قدیمه و مجامئه صمیمه سنی دیکشدریر . بوده . اکثریا ، حوصله سی طار، طبیی لئیم اولاندرده کوریلیر . آنک ایچون مشهوردرکه زمان ریاستنده غرور ایدن . هنکام عزلنده ذایل اولور دیرلر . (ایکنجی سبب) منصبندن دوشمکدرکه شدت اسف ، قلت صبرندن طولانی ، بیچاره مسند دوشکونینك حوصله سی طارالیر . اوکوزلم ، یومشاق خوبی خرجینه شیر . (عمار بن یاسر) کبی بر مرد تقی بیله . ولایتدن عزل اولونجه . بو برمه ایدیکه امرکن طاتلی ایدی . لیکن آبریلیسی کوچدر . دیهرک تأسفندن کندینی آلامدی . (اوچنجی سبب) زنکیلمکدرکه . صکرده دن کوره ، طبع لئیم اربابنده پک تیز اجرای تأثیر ایلرده ، ذاتاً مستعد فساد اولان اخلاقی ، بردن بوزولور .

ریاشی

غضبان یعلم ان المال ساق له مالم یسقه له دین ولا خلق
فمن یکن عن کرام الناس یسئلنی فاکرم الناس من کانت له ورق

مال

او بر غضبلی کسه درکه . دین و اخلاق حسنه نك بخش ایتدیکی شرفی . مال و ثروت بخش ایدر اعتقاد ایلر . کیم بکا ناسک اشرافنی صه رارسه . جوابنده آلتون ، کموشی اولاندر دیه جکم .

شعر

فان تكن الدنيا انالك ثروة فاصبحت ذايسر وقد كنت ذاعسر
لقد كشف الازراء منك خلائقاً من الملوّم كانت تحت ثوب من الفقر

مالی

دنیا. سنی ز نکیں ایدرک، زو کورتلک، غنایه تحویل ایتدی، اما فقر و ضرورت خرقه سی آلتنده مستور اولان اخلاق ذمیمه کی میدان چیقاردی:: ثروت. بوکی اشخاصک اخلاقنی بوزمقده فصل مؤثر ایسه. زو کورتلکده. تصحیح اخلاقده اونسبتده مؤثر در. بونی اثبات ایچون، سکا برشی حکایه ایدیم. (قتیبه بن مسلم) شام اهالیسنک. بغض و عداوت و عدم اطاعت کو ستر دکلینی حجاجه یازار. اوده تحریر اتنده شویله توصیه ایدر. اهالینک ارزاق و مواجیلرینی یاواش یاواش کس. آچ قالسونلرکه اطاعته مجبور اولسونلر. ابن قتیبه اشبو ظالم بی امانک امرینه توفیق حرکت ایدنجه. زواللی اهالی. درد معیشت و سوق ضرورتله طویلانوب، عفو لیرینی رجایه شتابان اولورلر. (قتیبه) ینه حجاجه بو حالی یازنجه (حجاج) ایوتدقیق ایت. کیمده اطاعت خصوصنده جدیت حس ایدرسهک آنک ارزاقنی ویر دیه جواب ویردی. حقیقه، فقر و ضرورت. اللهم دهشتی بر اوردوسیدرکه، آنکله جباریه نی تذلیل. عاصیلری کردانده انقیاد ایلر فخر کونین افندمز، الله آدم اوغلنی اوچ شایله ذلیل ایتسه ایدی باشلیرینی برشینه اکزلردی. زو کورتلک، خسته لک، اولوم. مألنده ﴿لولا ان الله تعالی اذل ابن آدم ثباتاً، ما طأ رأسه لشيء. الفقر و المرض و الموت﴾ بیوردیلر.

(دردنجی سبب) فقر و ضرورتدرکه اشبو حاله مبتلا اولانلرک. یافقرک مستلزم اولدینی مذلندن عارلنق و یاخود فوت اولان ثروت قدیمه سنه تأسفدن طولانی اخلاقی بوزولور. فخر عالم افندمز. فقر، کفر اوله یازدی، حسد، مقدرانه غلبه ایده یازدی. مألنی ناطق ﴿کادالفقر ان یکون کفرأ. وکادالحسد ان یغلب القدر. بیوردیلر﴾ یعنی ضرورة، صاحبنی کفره یا قلاشدریر. حسدده محسودنده

او قدر تأثیر کوستری که . سلب نعمت خصوصاً قدره غلبه اید جک ظن
اولور .

ابو تمام

واعجب حالات ابن آدم خلقه یضلّ اذا فکرت فی کنه الفکر
فیفرح بالشیء القلیل بقاؤه ویجزع مما صار وهو له ذخر

مائل

آدم اوغلنک اک تحف حالی . خویلدیرکه . فکر تعمیق ایدیلیرسه . انسان
شاشیرر . باقارسککه . بقاسنه امین اولمدینی برشیله سوینیر ، فوت ایتدیکی نعمتک
زواندنطولاییده . باشلار فریاد و شکایت . بوکی فقرانک بعضیسی . درلو امنیه لرله
کوکلی اکیهرک ، ضرورتک تأثیراتی ازاله ایدر . کرچه امنیه ومالیخولیسارک
طوغری چیقدیغنه از تصادف اولنورسده ، هیچ اولمزسه ایچ صیقیندینسک
اندفاعی ، یاخود حیث حصوله چیققدده مسرت ایقاعی ده انکار اولنه مز .

ابوالعاهیه

حرّک مناک اذا غنمت فانه مراوح

مائل

مرافلاندیغکده . امل طور باسنی قورجاله که . امنیه لر . دفع غم روزکار
ایچون بیوک یلپازدر .

شعر

اذا تمنيت بت اللیل مغتبطاً ان المنی رأس امواک المفاليس

مائل

امل قورونتسیله یانارسهک . زنکین یانارسک ، امل ، مفلسلرک سرمایه سیدر .
(بشنجی سبب) قلبی اشغال ، ذکای فیکری ابطال ایدن غم والمدبرکه . صبروسامانی

محو ايدر . تحمل طغارجنى بىرتار . كيمه هجوم ايدرسه . اخلاقنى بوزار .
غم . سم هلاهلدر دىنشدر .

شعر

همومك بالعيش مقرونة فما تقطع العيش الا بم
اذا تم امر بدانقصه ترّقب زوالاً اذا قيل تم
اذا كنت فى نعمة فارعها فانّ المعاصى تزيد النعم
وحام عليها بشكر الا له فان الا له سريع النقم
حلاوة دنياك مسمومة فما تأكل الشهد الا بسم
فكم قدر دبّ فى مهلة فلم يعلم الناس حتى هجم

مأل

معيشتك غم والمه مقروندر . سن طريق زندكانى يى المسز قطع ايده مرسك
بر ايش تمام اولديمى ، نقصان باش كوستير . تمام خبرنى طويدكى . زوالنه منتظر
اول . ايچنده بولنديغك حالده نعمتك قدرنى بيل ، عصيان ايمه ، چونكه معاصى
نعمتى محو ايلر . دنياك طادى زهرله ممزوجدر . ديمكه ، بال بيورسك اما
أنيده زهرله ، نيجه تقدير الهى واردركه . قهردار ، قهردارده ، وقتى كلنجه بردن
هجوم ايلر .

(النجى سبب) وجوده هجوم ايدن علل وامراضدركه ، وجودى قوتندن
دوشوردىكى . اخلاقيد محور اعتدالدين فيرلاتهرق سوء اخلاقه تحويل ايلر .

متنبي

أله العيش صحّة وشباب فاذا وليا عن المرء ولّى
واذا الشيخ قال اف فاملّ حياة وانما الضعف مالا
واذا لم تجد من الناس كنواً ذات خدر ارا دت الموت بعلا

مأل

اسباب معيشت . كنجاك ودينجلكدن عبارتدر . بونلر يوز چويرديمى . يشامقده

یوز چویرر. براختیار، اوف دیرسه. ظن ائمه که حیاتندن اوصاندی. خیر، بلکه
ضعف و ناتوانی، اُنی بو سوزه مجبور ایتشد. مستوره برقادین، کندینه کفو
بوله مینجه اولومله تزوجه راضی اولور. دنیا، ویردکاری گیری آلیز. کاشکی
بو جو مردلکی بخل اولایدیده، ویردیکنی ائمه ایدی. (یدنجی سبب) سنک
کاله وصولیه، قوتک زواله یوز طوتمسیدرکه. بوحال، جسده تأثیر ایله، اُغیر
یوکلره تحملدن اَلیقویدینی کی. عین تأثیری نفسده اجرا ایله، اولجه صبر و تحمل
ایلدیکی شقاق و نزاعه کوکس کردهیه رک، درحال حدت و غضبه، بلا موجب
اخذ انتقام و خوینزلغه سوق ایلر.

منصور نمری

ما کنت اوفی شبابی کنه عزته حق مضی فاذا الدنیا له تبع
اصبحت لم تطعمی کل الشباب ولم نشجی لغصته فالعذر لا یقع
ماکان اقصر ایام الشباب وما ابقى حلاوة ذکراه الی تدع
ماواجه الشیب من عین وازمقت الا لها نبوة عنه ومرتدع
قد کنت تقضی علی خوف الشباب اسی لولا یعزیک ان العمر منقطع

مال

شبابک شان و شرفتی، کالیله ایفا ایده مدن کچویردی. دنیا، اکا اویارق
کیتدی. ای نازنین، سن، شبابک مصیبت زوالنی هنوز طاتمادیغکدن، بو یوزدن
محزون اولمادیغکدن، سکا بوباده عذر قبول ایتدیرمک قابل اوله مز. شاشیورمکه
کنجلاک کونلری. نه قدر قیصه. وکچمش اولان حلاوتی الآن طور ییور.
اختیارلغه هانکی نظر طوقونسه درحال قورقوب بشقه طرفه انعطاف ایلر.
عمرک فصل اولسه، برکون اولوب دوکنه چکی، سنی تسلی ایتسه ایدی. شبابک
فوتندن طولای حزنکدن، اولمک راده سنه واریردک.

شورایه قدر سرد اولان اسباب، سوء خلق عمومی احداث ایدر. بوندن بشقه
برده سوء خلق خصوصی احداث ایدن سبب واردرکه، اوده برشخصک دیکر
شخصدن نفرتندن حاصل اولان بغض خصوصیدرکه. اشبو بغض. یالکنز

مبغوضك داننه قرشی اولمغه ، سوء خلقده اونسبتده خصوصیدر . امدی سوء خلق ، اسباب معروضه دن هانکی سبب ایله حادث اولدیه ، انك زوالیله ، اوده زائل اولور . مثلاً فقر سببیه حادث اولان خویشزلیق ، انك زوالی و غنائك توجهیه زائل اولور .

اوچنجی فصل حیا حقنده در

معلوم اوله که ، خیر و شر برطاقم معالردر که آنره وقوف ایچون کندیلرینه دلالته موضوع اولان صفات کورلمدکجه هیچ بر طریق یوقدر . (عرب) شو حقیقی بیان ایچون ، کشینك اخلاقی صورمه ، یوزینه باق که سکا خبر ویرسین دیمشدر .

عمر بن سلم

لاتسئل المرء عن خلاقته فی وجهه شاهد من الخیر

مائل

کشینك اخلاقی صورمه . چونکه یوزنده ، آنی تعیین ایده جك ، خیر کبی بیوك شاهد واردر . امدی خیره علامت ، حیا ، شره علامت ایسه فحش کلامدر که نفس الامرده خیر اولان حیانك ، دیگر خیره دلیل اولمسی ، شر اولان فحش کلامکده ، دیگر شره دلیل اولمسی بیان و اثباتدن مستغیدر . فخر عالم افدمز ، حیا ایله سکوت ، شجره ایمانك ایکی شاخی ، فحش کلام ایله ، بیان ، نفاق ایکی بوداغیدر . مألنده ﴿ الحیاء والعی شعثان من الایمان ، والبذاء والیان شعثان من النفاق ﴾ بیوردیلر . حدیث مز بورده کی عی ایله بیانك معنای متبادرلری اعتبار اولنورسه ، معناده ملایمت بولنه مز . چونکه (عی) مرامنی افاددن عجز ، بیان ایسه مقصودی کمال طلاقته ادادن عبارتدر . بونلرک برینك شاخ ایمان ، دیگرینك شاخ نفاق اولمسی ، خلاف نفس الامر اولدیغندن ، مؤلف مرجوم ، تحریر مراد پیغمبری ضمنتده دییورکه : حدیثده کی (عی) صمت و سکوت ، بیان ایسه ، سوسلی لقردی سویلک ، فصاحت چاتلامق فکر فاسدیه تکلفاته قویولمقدن عبارت اولمق انسیدر . حتی شو حدیثده ، بون مؤیددر که سیدالکائنات

افندمز ، ایچیکزدن اک سومدیکم ، کوه زه ، یا کشاقلردرکه ، فصاحت صاتمق
ایچون تکلف ایدرلر مألده (ان ابعضکم الی الثارون ، المنفیهون ، المتشدقون)
بیوردیلر . دیگر بر حدیث شریفده ، حیا ایماندنر . ایمان ایسه جتنده در .
فحش کلام ، جفاندنر . جناده آتشد در . مألده : (الحیاء من الایمان والایمان
فی الجنة والبذاء من الجفأ والجفأ فی النار بیوردیلر . (بعض حکما) کسوه حیایه
بورونلرک عیبی کسه کورمز . اناجلرک حیاتی صو ایله اولدینی کبی . چهردنک
حیاتیده حیا سیله در دیدی .

صالح بن عبدالقدوس

اذا قلّ ماء الوجه قلّ حیائه ولاخیر فی وجهه اذا قلّ ماءه
حیائک فاحفظه علیک و انما یدل علی فعل الکریم حیائه

مألی

یوزک صونی آزالنجه ، حیا سیده آزالبر . ذاتاً بویله یوزده خیر یوقدر .
حیا کی محافظه یه دقت ایله که ، کریمک حیا سی فعلی اوزرینه دلیلدر . حیا ،
برخصیصه درکه ساب اولدینی کسه یی چرکین ایشلردن منع ایتمک قابل دکلدر .
او حیا سز . ایستدیکنی اجرایه فرط اقدام ، آرزوسنک توجه ایتدیکی یره
باد بانکشای اهتمام ، بر ذیل بدنام اولور حیقار . فخر عالم افندمز ، بیوردیلرکه
آدم علیه السلامدن بری ناسه انتقال ایتمش سوزلردن بریده شو سوزدر . ای
آدم اوغلی . اوطانمزسه ک . دیلدیککی یاپ . اشبو حدیث شریفک مألی شو بیتلر
تقلید ایتمکده در .

شعر

اذا لم تخش عاقبة الیالی ولم تستحی فاصنع ماتشاً
فلا والله ما فی العیش خیر ولا دنیا اذا ذهب الحیاء
یعیش المرء ما استحیا بخیر ویبقی العود ما بقی اللحاء

مائی

مصیت کیجہ لرینک عاقبتک و خامتندن قورقماز. اوطانغز سہک . ایستدیککی
یاب . یمین ایدرمکک. حیا کیتدکدن صکره یاشامقده خیر یوقدر . کشی . حیا
ایتدجک مسعود یاشار . اغاج بیلہ قبوغی طور دجہ صاغلام طورور . یوخسہ
قورور محو اولور . عرض اولسان حدیث شریفک مضمون منیفی ،
حیاسزلری فعل معاصی یه تشویق و اغرا اولمیه جنی درکار اولدیغندن .
فضلائی اسلاف . بوبایدہ واضح بر تأویل بولمق ایجون اختلاف ایتشلردر .
(ابوبکر محمد الشاشی) اشبو حدیثک معناسی ، حیاسزلق ، پردہ حیائی قالدیران
کسہنی ایوبی کوتوبی نظر اعتبارہ آلمیہرق دیلہ دیکنی یامغہ قیام ایلہ کسہنک
منع و نصیحتہ قولاق ویرمز برحاله کتیریر . امدی سعادت اخرویہ آرزو ایدنلر .
جذاب حیا ایلہ نستر ایتک لازمہ دندر . تاکہ کنسینی افعال غیر مرضیہدن
آلہ بیلسون دیدی . ابوبکر رازیدن حکایہ ایدن بر ذاندن ایشتمکک حدیثک
معناسی . ایشلمہسنی تصمیع ایتدیکک افعالی نظر تدقیق و معاینہدن کچیر . موجب
عاروشین و مقتضی حیا و کین اولمیانلرینی آیردہ . آنلری بلا قنور ایشلہ . یعنی
یایدیغک ایش کوزل اولدیغندن سنی اوطاندرمیہ جق درجہدہ ایسہ ، درحال یاب
دیمکدر دیدی . شو فکرہ نظراً ، حیا ، افعال اوزرینہ حکم تعیین اولنیورده
اوطانغی مستلزم اولانی منع ، اولمیان تیجوز اولنیور . ہر ایکی توجیہ کوزل
ایسہدہ . کلام پیغمبری . آنحق معرض ذمدہ سوق اولندیغندن توجیہ اول .
ہر حالہ راجحدر . لکن توجیہ ثانی یی ترجیح ایدر . دیگر بر حدیث واردرکہ
لفظ شریفی شودر . ﴿ ما احیت ان تسمعہ اذناک فأتہ وما کرهت ان تسمعہ
اذناک فاجتنبہ ﴾ یعنی ایشتمہسندن خوشلانیدیغک فعلی یاب . طویمہسندن
نفرت ایتدیکک شسیدن حذر ایت . توجیہ اولل احمائی دیورلرکہ : احادیث
محمدیہنک کافہسی ، متفقہ المعانی اولمق لازم دکدر . یکدیگرینہ مضاد اولماق
شرطیلہ ، مختلف معناری افادہ ایتک . حکمت و فصاحت نقطۂ نظر نیجہ دہا اولادر .
بناء علیہ ، حدیث اولل توجیہ اولہ و بو حدیث کندی معنای صریحہ حمل اولنمقده
بأس یوقدر . شو حالہ ، توجیہ اول راجحدر والسلام . معلوم اولہ کہ انساندہ

حیا اوج قسمدر (۱) اللهدن (۲) ناسدن (۳) دندندن ، اللهدن حیا . امرینه امتثال ، نواهدسندن حذر ایله در . فخر عالم افندمن . (استحيوا من الله عز وجل حق الحياء) یعنی اللهدن حقیله اوطانیکز بیوردقده .

انتخاب : اللهدن حقیله اوطانق فصلدر دیو صور دیلر . بونک اوزرینه سیدالکونین افندمن ، باشی و آنک حاوی اولدینی کوز ، قولاق و سائرینی ، بطنی و اکا طولدردینی شیلری حفظ ایدن و حیات دنیا زینتی ، اولومی ، قبرد ، چورومینی خاطر دن چیقارمیان . کسه . بحق اللهدن اوطانقش اولور . مألده (من حفظ الرأس وما حوى والبطن وماوى وترك زينة الحياة الدنيا ، وذكر الموت والبلی . فقد استحيا من الله حق الحياء) بیوردیلر . مؤلف مرحوم دیورکه برکیجه عالم منامده . خورشید آسمان رسالت افندمنی کوردم . میانه مزده شو محاوره جریان ایلدی . (بن) یارسول الله سبب نجاتم اوله جق بر وصیتده بولنورمیسکز . (رسول الله) یا ابا الحسن . اللهدن حقیله اوطان . ناس چوق بوزولدی . (بن) انسانلرک فصل بوزولدیغنی لطفاً ایضاح بیورورمیسکز . (رسول الله) بن اولجه چوجقلرک یوزینه باقار . سبالرنده بشاشت و حیا آثاری کورر ایدم . بوکون ینه باقیورم . آندن اثر کورده میورم . ینه مؤلف ، حکایه سنده دوام ایدیور . دیورکه : اشبو محاوراتدن صکره ، دهان حکمتفشان احمدیه لرندن نیجه نصایح و مواعظ ده اساله بیوردیلر . اما التفات پیغمبری ایله غشی اولدیغمندن . از برنده قالمدی . بویوزدن چوق متحسرم . دقت بیوریلدور یا . حضرت پیغمبره رجا ابتدیکم و صایانی بیله مقدمه حیا ایله تمهید ایتمه دن اجرا بیورم دیلر . دیمک اولدیکه حیا . هر عبادتک ، هر اسباب نجاتک مقدمه الحیثی ایش . برده انسانلرک بوزولدیغنه چوجقلرک حیا سز لغیله استدلال بیور بیورلر . چونکه چوجقلر نه یپارسه بلا تکلف محبول اولدینی فطرتک آثارینی کوستیرر . آنلر حیا سز اولنجه . بویه بیویوب تحت تکلیفه کیرنلرک حیا سز اوله جفی شبهه سذر . روایت اولندیکه (علقمة بن علاثة) یارسول الله بکا وعظ ایت دیدکده : سلطان انیا افندمن ، قومکک مهابتیلرندن اوطانديکک کبی اللهدن ده اوطان . مألده (استحي من الله استحياتك من قومك) بیوردیلر . اللهدن

حیا ، دینک قوتی . ایمانک سختدن نشئت ایلرکه صلابت دینییه سی اولان ، بهمه حال
اللهندن قورقار . آنک ایچون فخر عالم افندمز ، حیآنک آزایی کفردر .
مأئنده (قلّة الحیاء کفر) بیوردیلر . چونکه حیآنک آزایی . اوامرینه مخالفی
موجب اولغله ، اشبو مخالفتک کیت کیده کفره قدر وارمسی دائره احتمالدر .
دیگر بر حدیثده (الحیاء نظام ایمان فاذا انحلت نظام الشیء تبدّد مافیہ) یعنی .
حیا ایمانک مدار انتظامیدر . بر شیئک نظامی بوزولنجه ، اجزاسیده پریشان
اوله جغندن . حیاسزلرک ایمانیده قرین زوالدر . بیوردیلر .

اما ناسدن حیا : انسانلره اذا و آچیقدن آچیغه فسق و فجور اجرا
ایتمکدر . آنک ایچون فخر عالم افندمز ، اجرای معصیتده اللهندن قورقان .
ناسدنده قورقار مأئنده (من اتقى الله اتقى الناس) بیوردیلر . روایت اولوندیکه
(حذیفه بن الیمان) جمعه نمازی ایچون جامعه کلدیکه . ناس نمازی قیلمش ،
جامعدن چیقمشله . درحال ، ناسدن اوطانیمانده خیر یوقدر دیو سویلنهرک تبدیل
طریقله عودت ایلدی .

بشار بن برد

ولقد اصرف الفؤاد عن الشیء ء حیاء وجهه فی السواد
وامسک الناس بالعفاف وامس ذا کراً فی غدٍ حدیث الاعادی

مأل

بن بر شیدن حیا ایدهرک قلیمی چویریرم . اما محبتی کوکلده باقی قالیر .
یارین حقمده دشمنلرک سویلیه جکاری سوزی خاطر ایوب نفسیمی عفته جبر
ایلرم . حیآنک بونوعی . مروتنک کالی ، قلبک ثنایه میلندن ایلری کلیر . آنک
ایچون فخر عالم افندمز ، (من اتقى جلبب الحیاء فلا غیبة له) یعنی حیا
روباسنی اوزرندن آتالره غیت یوقدر بیوردیلر . (الله اعلم . تأویل حدیث
سویلهدر . ناسدن حیائی قالدیرانلر . مروتنسز اولدقلرندن ، علناً اجرای شهواته
قیام ایدرلر . کیزلی بر شیلری قالمزکه غیت اولسون . بلکه هرکس آراسنده
مشهور و منفوردرلر . ابو هریره دن روایت اولندیغنه کوره . فخر عالم افندمز

(مرثیة الرجل ممشاه ومدخله ومخرجه ومجلسه والقه وجلیسه) یعنی کشینک
مروتی : یورویه جک ، کیره جک ، چیق-اجق مکانی ایله قونوشدینی احبابی .
دوشوب قالقدینی رفیقیدر بیوردیلر .

شعر

ورب تمیحه ما حال بینی و بین رکوبها الالحیاء
اذا رزق الفتی وجهاً وقاحاً تقلب فی الامور کما یشاء

مأل

نه چرکین ایشلر واردرکه آنلرک اجراسندن ، اوطانمقدن بشقه مانع
یوقدر . کشینک، عارسز . اوطانمز یوزی اولورسه . دیلدیکنی یاقمده یووارلانیر
کیدر ، ابو فنا دیمز . همان یابار .

شعر

اذا لم تصن عرضاً ولم تخش خالقاً و تستعج مخلوقاً فما شئت فاصنع

مأل

عرضکی صاقماز ، اللهدن قورقماز . قولدن اوطانمزسهک . دیله دیکیکی یاپ .
اما کشینک نفسندن حیاسی . عفت واستقامت وزمان خلوتنده معاصیدن مجانبتهدر .
بعض ادبا دیمشدرکه : برکسه . آشکارا ، اجراسندن اوطانیدینی شیئی کیزلی
یپارسه . نفسنک کندی نظرنده هیچ قدر و مزیتی اولمیدینی اثبات ایدر .
بر قوم . مجلس عشرتلیرینه دوام ایدن . برذاتی . بر معتاد برکون ینه چاغیردقلرنده
بتم ستم قرقه واردی . آرتق ستمدن اولسون اوطانوب بو ایشدن چکلمکه
قرار ویردم جوابنده بولنور .

شعر

فمرّی واعلانی وتلك خلیقتی وظلمة لیل مثل ضوء نهاری

مأل

بنم کبزلیم نه ایسه. آشکارامده اودر. ایشته خویم بویله در. کیجهم نصلسه کوندزمدده اویله در. حیالک بونوعی. نفسک شرفی، اخلاقک کوزل اولد یغندن ناشیدر امدی انسانک شو اوچ وجهله حیاسی تمام اولدقده، اسباب خبرک کالنه مظهر واسباب شرک کندنن تباعد وانتفاسیله مبشر. جمعیت بشریه آرمسندده فضیلتله مشهور. ونیک نام ایله مذکور اولور.

شعر

وَأَنی لَیثِنِی عَن الْجَهْلِ وَالْخَنَا وَعَن شَتَمِ ذِی الْقُرْبَى خِلَافِی اَرْبَع
حِیاءَ وَاسْلَامَ وَتَقْوَى وَطَاعَةَ لِرَبِّی وَمِثْلِی مَن یَضُرُّ وَیَنْفَعُ

مأل

بنی فسق وفجور دن، معامله جاهلان دن، افرایه سوکوب صایمق دن. آلیقویان درت حالدر. حیا: اسلام — تقوا — طاعة الله — یوخسه بنم کبی بر آدم. خیزده ایشلر. شرده. یوق. شو اوچ حیادن بر بنی انسان اخلال ایدرسه. اجتماعی تقدیرنده کی کمال نسبتبنده نقصانه دوچار اولور. ریاشی دیورکه: ابو بکر صدیق: شو ایکی بیتلرله تمثیل بیوررلردی.

شعر

وَحَاجَةُ دُونِ أُخْرَى قَدْ سَجَتْ لَهَا جَعَلَتْهَا لَلَّتِی اخْفِیْتُ عُنْوَانًا
أَنی کَأَنی اَرِی مَن لَا حِیاءَ لَهُ وَلَا اِمَانَةَ وَسَطَ الْقَوْمِ عَرِیَانًا

مأل

سن بر ایشی بر اقوب. او برینه انتقال ایدیورسک. یابدقلمریکی کبزلدکلرینه عنوان اتخاذا ایدیورسک. بن، حیاسمز، امنیتسز آدملری کائنات ایچنده چیلاق اوطورهش کبی فرض ایدرم.

دردنجی فصل

حلم و غضب بیاننده در

محمد بن حارث الهلال : روایت ایلدیکه . جبریل امین . آستان محمدی به نزول ایله . یا محمد . سکا بر آیه کتیردمکه دنیا و اخرتده موجب سعادت اوله جق مکارم اخلاقی جامعدر آیه مذکوره شودر . (خذالعفو . وأمر بالعرف . واعرض عن الجاهلین) دیدی . (سفیان بن عینه) روایت ایلدیکه اشبو آیه نازل اولدقده فیخر عالم : جبرائیله صوردیکه بوکا دایر بر آرز تفصیلات ویرسون . اوده . الله صورایمده . جوانی کتیریرم دیوب کیندی . بر زمان صکره عودتله . یا محمد . رَبِّک امر اییدیورکه . قطع رحم ایدهنه . سن وصلة اجرا ایله . سنی محروم ایدنی ، سن بخشایشکه سوبندیر . سکا ظلم ایدنی ، عفو ایله . دیدی . هشام . حسندن روایت ایلدیکه . فیخر عالم افندمن : سزندن بریکزن : ابو ضمضم : کبی اوله میه جقمی او : اوندن چیقارکن . یارب بن عرضیمی . ناموسیمی قوللرک اوزرینه تصدق ایتدم آنلر حقمده بر شی سوبیلر لرسنه عقاب ایتمه دیردی . مألئیده ایعجز احسدکم ان یکون کابی ضمضم کان اذا خرج من منزله قال اللهم آتی تصدقت بعرضی علی عبادک) بیوردیلر . دیگر بر حدیثنده (ان الله يحب الحلیم الحی ویغض الفاحش البذی) یعنی الله . حلیم . اوطاناساق کیمسه بی سور . کوتو سوزلی . غضبناک کیمسه بیده سومن بیوردیلر .

شعر

واکره ان اعیب وان اعابا	احب مکارم الاخلاق جهدی
وشر الناس من یهوی السبابا	واصفح عن سفاه الناس حلماً
ومن حق الرجال قلن یهابا	ومن هاب الرجال تهیووه

مالی

مکارم اخلاقی . وار قوتلمه سومرم . بشقه سنی تعیب ایتمدن . وکندم تعیب

اولونمەدن خوشلانمام. ناسىك بىكا سىب ايدىلرئىنە عفو وحلملە معاملە ايدىرم انسانىك كوتوسى. سو كوشمەنى سۈدەندىر. رجالە تعظيم ايدەنە، تعظيم ايدىرلر. تحقير ايدەنك ايسە مەھابىتى قللىز. امدى سلامت عرض. راحت بدن. حمد و ثنايە استحقاقى تامين ايتدىكى جەھتلە : حلم : اخلاقك اشرفى وذوى العقولە لايىق اولان شىعارىك بىوكيدىر . حضرت على . حلىمىك حلمى يوزىندن قزاندىغى اك اولكى تجارت. كافە ناس كىندىنك ياردىمچىسى اولمقدىر بىوردىلر. حلمىك تعريفى. نفسى هيجان غضبىدن كىرى المقدىركە بۇدە . بر طاقم اسبابە مستنددر. اونه قدر ارتقا ايدىن اسباب مزبۇرە . بروجە آتى بيان اولنور . (برنجى سبب) جاھللارە مرحمتدىركە منشئى قلىبدەكى رقتىدن عبارتدر : ابوالدرءاء : كىندىنە اطالە لساندە بولان بر كىمسەيە . ياهو بنم ذىمەدە او قدر ايلرى بە كىتمە . بر آزدە صلحە ميدان براق . چونكى بز ، حقمزدە عاصيانە حر كىتدە بولنانلرە . الممە اطاعتدن بشقە بر شىلە مقابلە ايتەيز دىدى . بر آدم (شەئى) يە شەئىم ايدوب جوابىندە ياهو . اكىر بن دىدىكىكى كى فنا ايسەم ، اللە بنى عفو ايتسون . دكل ايسەم بىكا تجاوز ندىن طولانى حاصل اولان كىناھكى عفو ايتسون دىدى . حضرت عائشە رضى اللە عنہا خدمتچىلردن برىنە غضب ايدوب تىكدىرە عزم ايتدىكە يىنە رجوع ايدەرك ، عشق اولسون تقوايە ، غضبىنك اولانلرە شفا ويرمەيور بىوردىلر . حضرت معاويە فقرايە قئاس توزيع ايتدىكى انساندە بر اختيار فقير . حصە سەنە دوشن قئاشى بكنمىوب . بن بونى معاويەنك باشنە اورمىجىم دىو يىمىن ايتىش ايدىكە . مؤخرأ بوحالى معاويەيە حكايە ايتىش . معاويەدە . ايشتە باشم نذرىكى ايفا ايلە ، فقط بىندە سىنك كى اختيارم . يواش اور دىمىشدر .

(ايكىنجى سبب) غضبە كان ذاك نە زمان اولسە قهر و غلبەيە اقتدارىنە اعتمادى اولمقدىركە بوسا يەدە حاصل اولان سەئ صدر : تسكين غضب و تمكين حلمە ، باعث اولور . فخر عالم اخذمىز (اذا قدرت على عدوك فاجعل العفو شكراً للقدرة عليه) يعنى دشمنكى تىكىلە قدرتىك وارسە او نعمتىك شكرىنى عفو ايلە ايفا ايت بىوردىلر . بعض بلغا : مقتدىرك عفو يە . فقيرك جومردلىكى ، مكارمىك اك كوزلىدر دىدى . (اوچىنجى سبب) غضبە كان ذاك شرف نفس

وعلو همت اصحابندن اولمسیله، سوکوب صایمخی ناموسیله متناسب کورمیوب. حلمی
الزام ایله سیدر. حکما دیورلرکه، شرف نفس. یالکز بذل مکارم دکلدیر. بلکه
تحمل مکارهده او جمله دندر.

شعر

لا یبلغ المجد اقوام وان کرموا حتی یذلّوا وان عزّ والاقوام
و یشتّموا فتری الالوان مسفرة لاصفح ذلّ ولكن صفح احلام

مأل

انسانلر. عز و شرفلرینک تزايدی نسبتند. الزام تواضع، کندیلرینه سوکولوبده
یالکز عفو حلمانه ایله. کوچ یوزله مقابله ایتدیکجه، مجد و شرفده ترقی ایده مزلر
(دردنجی سبب) کوتولک ایدن کسه یی حقیر کوره رک. اوغراشمغه تنزل
ایتمامکدرکه. بوده بر نوع غرور ایسهده. حلمک اسبابندن معدوددر. (مصعب
بن زبیر) عراق والیسی ایکن. عسکره بخشش توزیع ایدردی. بو ائشاده
پدرینک قاتلی (ابن عمر و بن جرموز) ی بخششی ویرمه ایچون آراتدیروب،
انتقام قورقوسیله. فرار ایتدیکنی طویونجه، مسکین جاهل. بن پدرم سببیله اوپله
پست پایه فرومایه لردن انتقامه تنزلی ایدرم ظن ایدیور. راست کلنسه کز
سویلیک کلسون. عطیه سنی آلسون دیمشدر. بونی طویان ظرفای ناس، کبر
اما، کوزلدر دیمشدر.

شعر

اوکما طنّ الذباب طردته ان الذباب اذاً علی کریم

مأل

سینهک، هر ویزلادجه قوغارمیم. بویه یپارسم، سینهک بندن خیرلیدر.
بریی احفه سوکر. و تکرار ایلر. احنفدن جواب مقابله کورمینجه. دیرکه:
یاهو. بوذات. بنی حقیر کوریور، جوابه تنزل ایتیور.

شعر

نحبابك لؤمك منجى الذبا ب حتمه مقلذيره ان ينالا

مأل

سينكده كى نجاست. هلا كدن قورتاردىنى كى. سنكده دنائتك. سبب نجاتك اولدى. (ابن هبیره) به برى سسوكر. ابن هبیره : يوزنى چويرير. حريف حريف، سكا سوكيورم. بشقه سنه دكل. ديو باغرنجه، ابن هبیره : بنده سندن اعراض ايدييورم جوابنى ويرر .

شعر

فاذهب فانت طليق عرضك انه عرض عز زت به وانت ذليل

مأل

نفس الامرده سن ذليل اينده كده، ناموسك عز يزدر. هايدى كيت. عرضك سنى قورتاردى. يوخسه ايشك فنا ايدى .

عمر بن على

اذا نطق السفية فلا تجبه فخير من اجابته السكوت [۱]
سكت عن السفية فظن انى عيبت عن الجواب وما عيبت

مأل

اراذل ناس. سكا لاف آتارلرسه. جواب ويرمه آنلره جواب ويرمكدن سكوت خيرليدر. بن سفيهدن سكوت ايدييورمده، جوابدن عجزيه حمل ايدييور. حالبوكه بويله دكل.

(بشتجى سبب) كوتواك ابدنه قرشى جواب ويرلرسه. فحش ايله مقابله وهذيانله معامله لازم كلوب. بوگاده شخص حليمك مروت كامله سى مانع بولمغله حلم ايله صاوشديره رق نفسى او كى فحشياتدن محافظه ايلك فكريدر .

[۱] جدليكارانه خاموشى كى رنكبن جواب اواز.

بعض حکما : سفیہک سفاهتہ تحمل . آنک کی سفیہ اولمقدن ، جاہلدن
یوز چویروب جواب ویرمامک ، مجادلہ ایدوب اکا بکزمکدن خبرلیدر دیدی .

القیط بن زرارۃ

وقل لینی سعد فالی ومالکم ترقون منی ما استطعتم واعتق
اغرمک آئی باحسن شیمه بصیر وائی بالفواحش اخرق
وان تک قدفا حشنتی فقهرتی هنیثاً مریثاً انت بالفحش احذق

مالی

بنی سعده سويله كه : سزكه بنم آرامده نه حصومت واركه . كوچكز
يتديكي قدر بنی كنديكزه كوله ايدیورسكزده . بن كنديمی آزاد ایدیورم .
یوخسه . بنم اخلاق جيله م اقتضاسيله صبره ملازمت و فواحشدن غفلتم . سزی
الدادارق جرائمی ویریور . سن بكا نه قدر كوتو سويلیوب اوزرسكه . فحش
و هذيانده مهارتكدن طولای بن سنی تبریک ایدرم . (الشی سبب)
هرزه كوله قوشی فضل و احسان و قلبرینی یومشادوب نتیجه ده ایتدكرینه
پشیان ایتك فكر کریمانہ سیدر . اسكندره . فلان وفلان كسه لر . شان ملوكانه كزه
شین ویره جك سوزده بولنیورلر . بونلوك جزاسی ویره كزده امثاله عبرت
اولسه لر دیتدكه : بن آنلری عقاب ایدرسه م . حقهده سويلدكری سوزلرده
معذور اولورلر . حاللرینه براقوب . جنسایتلرنده عذر سز قالله لری ده زیاده
موافق حكمتدر دیش . وشو كلام اسكندرانه ، فضل و احسانه سيوك نمونه
اولمشدر .

حنف : دیشكه . بكا بر كسه وشمملك ایتدیمی . بن اونی اوج صفتك بریه
قاوشوله رم . بندن اعلا ايسه احترام . اشاغی ايسه قدریمی آندن اعلا كویروب
بد معاملیه تنزل ایتهم . بكا همعیار ايسه . عفو و احسان ايله معامله ایدرم . اما
خلیل . شومضمونی آلوب . سويله نظم ایشدر .

شعر

سألزم نفسي الصلح، عن كل مذهب وان كثرت منه الى الجرائم
فما الناس الا واحد من ثلاثة شريف و مشروف ومثل مقدم
فاما الذي فوقى فاعرف قدره واتبع فيه الحق والحق لازم
واما الذي دوني فاحلم دائماً اصون به عرضي وان لام لائم
واما الذي مثلي فان زلّ او هفأ تفضلت ان الفضل بالفخر حاكم

مآل

هر كنهكارك صوچنی عفوہ . نفسیمی جبر ایدرم . بكا قرشی اجرا ایتدیكى
جرائم چوق بيله اولسه . تأثیری یوقدر . ناس اوچ طبقه در . یابندن شرفلی ،
یا اشاغی ، یاخود مساوی ، بندن یوقارینك علو قدرینی بيلهرك حقه متابعت
ایدرم . یعنی معامله سنی خوش کوروب مقابله ایتهم ، اشاغی به حلم ایله معامله
ایدرك ناموسیمی محافظه یی عادت ایدیندم . اما بوخصوصده لوم ایده جكار .
حکمی یوق . مساویلرکده ذلة وهفواتی فضل واحسان ایله قرشوله رم . هر
مفخرته حاکم . آنجق فضل واحساندر .

(یدنجی سبب) هذیانہ باشلامش . دها سویلنکه ایستکلی بولنان رذیلک
آعزینی طوتمق فکر احتیاطکارانه سیله آکا قرشولق ویرمکدن چکنمکدر
حکایه اولوندیکه . هرزه کولردن بری : ضرار بن قعقاعه : والهی : هسانی بر
سویلرسهك . اون ایشیدیرسك . دیمش : ضرارده شویله جواب ویرمش . والهی
اون سویلسهك . بر شوز بيله ایشتمزسك : حضرت علی ایله (عامر بن مره)
آره سنده شو محاوره جریان ایتدی . (حضرت) انسانلرك احمق کیمدر .
(عامر) کندینی ائک عقللی ظن ایدن . حضرت . ائک عقللی کیمدر (عامر)
سفهانك هرزه لرینه سکوت ایله جواب ویرندر .

شعر

وفي الحلم ردع للسفيه عن الاذى وفي الخرق اغراء فلانك اخرقا
فتقدم اذ لاتنفعنك ندامة كأندم المغبون لما تفرقا

مأل

حلمده . سفی اذان واز کچرمك واردر . مجادلهده ایسه . بالعکس جور
واذایه تشویق واردر . عقلکی باشنه طوبیلاده . جدال ایته . یوخسه آلیش
ویرشده آلدانوب بعدامفارقة پشیان اولانه ندامت فائده ویرمدیکی کی . سنده
پشیان اولورسك : چه فائده :

شعر

قل مايدالك من زور ومن كذب حلمی اصمّ واذنی غیر صماء

مالی

ای سفیه . دلك دوندیکی . عقلک ایردیکی قدر یالان سویله ، افترا ایت . بنم
حلم صاغیردر . اما قولاقلم دکل : سوزیکی طویارم . لیکن حلم ایله معامله ایدرم .
(سکزنجی سبب) هرزه کویه جواب ویراسه . عقوبه ملحوظه دن اندیشه
درکه اشبو سبب . بر نوع قورققلقی ایسهده . بعضکره وخیم بر نتیجه مک اوکنه
سد چکه جکندن . موافق احتیاط کوریلور .

شعر

ارفق اذا خفت من ذی هفوة لیس الحليم کمن فی امره خرق

مأل

ارباب هذیانک جدالندن قورقارسهك . رفقه بولون ؟ حلیمتر ، جدالجولر بی
دکدر . (طقوزنجی سبب) سفیهک کچم شده وقوعبولان لطف وانعامی خاطریله
برنوع وفا کارلقددرکه . حلیم نه زمان سفیه قرشولق ویرمک نیتنده بولونسه لطفی
کوردیکندن طولانی . کندینی کیری آلیر

شعر

ان الوفاء علی الکبریم فریضة والائوم مقرونة بذی الاخلاف
تترى الکبریم لمن بعاشر منصفاً وترى اللیثم بجانب الانصاف

مألی

کریم اوزرینه . عهدہ وفا فرضدر . آندن خلف ایدنلر . آلققدر . کریم اولانلری ، قونوشدقلرینه منصف . آلققلریده انصافدن اوزاق کوردرسک . (اونجی سبب) هرزه کوی حفره تأدیه دوشورمک ایچون فرصت بکله مک نیتله التزام سکوتدر . اشبو فکر . ارباب ذکاک بر نوع حیلہ سیدرکه . آنکه ادبسرلردن انتقام آلرلر . آنک ایچون : بعض ادبا : جاهلک غضبی سوزنده . عاقلککی فعلندهدر . (ایس بن قتاده) (تعاقب ایدنیا ویحلم رأینا : : ونشتم بالافعال لا بالتکلم)

مألی

عقابی الیمز . حلمی عقلمز یاپار . بز شتمی فعلاً پیارز، قولاً دکل

شعر

وللکف عن شتم اللیم تکرمأ اضر له من شتمه حین یشتم

مأل

لیشه شتمدن کچمک ایله علوجناب کوسترمک، سبب و شتم ایله قرشوله معدن مؤثردر . اعدی بونکله . اسباب حلم اونه بالغ اولیورکه . بونلرک بعضیسنک دیکردن افضل اولمسی . سبب مفضولک نتیجه سی اولان حلمک مذموم اولمسی اقتضا ایتمزسهده هر حالده حلمک . اسباب معروضه نك اك افضلنه استناداً اجرا اولمسی اولادر . اکر حلم . بوسبیلردن هیچ بریته تماس ایتمز ایسه اکا حلم دینمز . آنک آدی مسکنت . ذلتدر . چونکه عرض اولدینچی وجهله حلم : نفی هیجان غضبدن ضبط ایتمک اولدیغندن ناموس وحیثیه طوقونور سوزلری طویوب هیجان غضبه دوچار اولمیاندر . حلم دکل . ذلیل . مسکین حیتمسزدر ، نتیجه . حلم . هیجانله برابر ، اسباب معروضه نك بریته استناداً غیظی یوتمقدر . حکما دیدیلرکه . اوچ کیمسه ، اوچ یرده تجربہ اولدقجه بیلنمز . سیخی زوکورتکده . بهادر . حربده . حلم غضب زمانده

شعر

لیست الاحلام فی حال الرضا انما الاحلام فی حال الغضب

مأل

حلملر، خوشنودی زماننده بللی اولمز . بایکه غضب حالنده تعین ایدر .

شعر

من یدعی الحلم اغضبه لثعرفه لا یعرف الحلم الا ساعة الغضب

مألی

حلم دعواسنده بولنازلی قیزدیرکه حالته واقف اوله سک . حلم، غضب زمانندن بشقه وقت بیلنمز . (نابغه) حضور پیغمبریده شو ایکی بیقی اوقومشدی .

شعر

ولا خیر فی حلم اذا لم یکن له بواذر تحمی صفوه ان یکدرا
ولا خیر فی جهل اذا لم یکن له حلیم اذا ما اراد الامر فاصدار

مأل

زالال ناموسی بولانمقدن محافظه ایدم جک قدر شدتی بولنیانک . حلمنده خیر یوقدر . قرشوسنده ایستدیکنی اجرایه قادر . حلیم بولونیمان جهل وسفاهندده خیر یوقدر . نابغه بوبیتلردن طولای نه اسکات ایدلمش . ندهم تکدیر ایدلمش انسانی قیزدیرمحق شیلره دوچار اولدینی حالده کندننده غضب حسنی بولامایانلر شجاعت . عارلانقی، حمیه غیرت . اخذانتقام کبی خصائل انسانیه نک کزیده لرندن محروم اولمشلر دیمکدرکه . بونلر دیکر فضائل ایله تزیین ذات ایتسه لر بیله . آنلر نظر اهمیتدن ساقطه کندیلریده مذله اوچوروملرینه طوغری هابط اولورلر . بعض حکما : عفو : کرمایی فصل اصلاح ایدرسه، سفهای اونسبتده افساد ایدر

دینی. (عمر بن عاص) سفها کزه اکرام ایدیکزکه سزری موجب عار اوله حق
شیلردن محافظه ایدر لر . (مصعب) بر قومك سفهایسی آزالنجه ذلیل اولور .
بیوردیلر . (ابو تمام)

والحرب ترکب رأسهانی مشهد عدل السفیه به بالف حلیم

مأل

حربه : بر میدانده جرأت ایدرسك كه آنده بر سفیه. بیک حلیمه بدلدر .
بوسوزلر. انسانی غضبك تحت انقیادینه کیروب همان قیزدپرچی بر حال
ظهورنده کسوب بیچمك. قیروب یکیرمکه دعوت دکلدر . چونکه بو حال، حلم
حمارینك سلب ایتدیکی فضائلدن زیاده. جانوارلق رذائلنی داعیدر. بلکه طبع
انسانیده غضبك لزومیه برابر. هیجانی زماننده الزام احتیاط ایله سوره سنی
قیرمق و نائرة مدهشه سنی حلمیه سوندوروب . لازم کلان مدافعه بی بشقه بر
سفیه حواله ایتك طریقنی اراء . مقصود بالا فاده در . عرب دیرکه : بر اودن
نه چیقارسه او کیمر . خیر چیقارسه خیر ، شر چیقارسه شر کیمر . (ابن درید)
ابو حاتم شو بیتلری روایت ایلدی .

شعر

اذا امن الجهال جهلك مرة	فعرضك للجهال غم من الغم
فعمّ عليه الحلم والجهل والقه	بمنزلة بين العداوة والسلام
اذا انت جازيت السفیه كما جزى	فانت سفیه مثله غير ذی حلم
ولا تعضبن عرض السفیه وداره	بحلم فان اعيا عليكم فباصرم
فيرجوك تارات ويخشاك تارة	ويأخذ فيما بين ذلك بالحزم
فان لم تجد بداً من الجهل فاستعن	عليك بجهل فذاك من الحزم

مأل

جاهلار بالکلیه غضبکدن امین اولورلرسه. ناموسکی یغمایه قالقیشورلر ، شو
حالده ، حلم و غضبیکی تعمیمه ایت یعنی کیزله : آنلری صلح ایله عداوت آره سنده

براق. سفیه سفاخته مجازات ایدرسهك. سنده آنك كبی سفیه اولورسك. سفهایه
 سب و شتمدن صاقین، حلم و مدار ایله معامله ایت. اوده فائده ویرمزسه قطع الفت
 ایله. تاكه، سنكه كورشمكه راغب و انقطاع الفتدن هارب اولسونده، حزم
 و احتیاطله كوروشسون. باقدقكه جاهلانه معامله دن بشقه برشی کارکر اولمیه جق.
 کندی کبی سفهای اوزرینه تسلیط ایت. حلم و غضبك تدبیری حقنده بولدیغ
 اشعارك اك متینی بولردر. اشبو تدبیر، یا شرنندن قورقودن، یا خود کندیسيله
 مقارنك هر نه دنسه لزومندن ناشی بسبتون آتيلمسی جائز كورمیلانلر حقنده در
 یوخسه. نه خیری اومولور. نه ده شرنندن قورقولور. جهلانك بسبتون حبل
 اختلاطی كسمك. موافق مسلك صدق و صوابدر. ایدی برکسه بوجه معروض
 قوه غضبیه مالک اولوب، لکن اكا رام اولمقندن نفسنی قورتارسه هم قوه
 غضبیهك جالب اولدینی فضائی جامع اولور. همده اكا انقیاد ایتدیکندن
 طولانی ردائلندن امین بولور. اما حلمی براقیر، غضبه انقیاد ایدرسه، طریق
 صواب. نظر درایتندن غیب اولور. حلمك ذکر اولنان اسباب عشره سندن
 غافل بولور. بر درکبه اینرکه، بیان ایتدیکی رأیلرک اساسی چورولر. رشد
 و ذکاسنك تملی خراب، سرد ایتدیکی دلائل مجروح، استعمال ایتدیکی حیل،
 تأثیرسز اولور. نفس ناطقه سنه. بدننه، غضبدن متحصل اوله رخنه لر آچیلورکه
 آجینمغه شایان ایکن، کسه آجیمز اولور. آنك ایچون بعض حکما. سوق غضبه
 حدینی تجاوز ایدنك. خطاسیده چوقدر دیدی. سلمان، یا علی. بنی اللهك
 غضبندن ایراغ اید. جك برشی کوستیرمیسك دیدکده: حضرت علی، یا سلمان
 غضب ایتمه. بیوردیلر: بعض بلغا، غضبنی یودان. مغضوبنی ییلدیرر دیدی.
 بعض ادبا: هیچ بر شی. یورکیکی چربان غضب کبی حزن ایراشنده مؤثر
 دکلدر دیدی. امدی حزم قوی، عقل مستوی انضباطنه لایق اولان. غضبنه
 حلمله مقابله. آنی ایجاب ایدن بر طاقم دواعی و اسبابی ده حزم و احتیاط ایله
 رد ایتکدر. بویه یابانلر. عاقبت محموده، سیره مقبوله ایله بکام اولورلر. حکما،
 حزن ایله غضب آره سنده بر طاقم وجوه فارقه بیان ایدیورلر. (۱) غضبك
 سبی. بر کسه نك کسندن اشاعی اولان بر ذات طرفندن، ینه کندی حقنده

خوشلانمدينى برحالك صدورى ، حزنك سببى ايسه ، فوقنده كوردىكى آدمك
 كندى حقنده روا كوردىكى ناخوش برحالك صدورى در . (۲) غضب ، داخل
 جسدن قاينايه رق طيشارى فيرلار . حزن ، بونك عكسنددر . آنك ايچوندركه
 حزن اولديرر . زيرا زهرى داخلده قالير . لكن غضب اولديرمز . زيرا
 زهرى طيشارى فيرلار (۳) غضبدن حادث اولان انتقامدر . حزنن عارض
 اولان . علل واسقامدر . معلوم اوله كه . اطباى قلوب اولان علمائى كرام حضراتى
 هجوم غضب حيننده . سوره سنك تسكينى ايچون بر طاقم اسباب مدافعه ومعالجه
 معنويه بيان ايتملردر . آنلره توسل اولندقدده ، غضب يرينه حلم كى برخصاة
 جيله قائمه اولور . (۱) هجوم غضبى متعاقب واجب الوجودى ذكر ايتمكدر .
 ذكر مزبور . خوفى ، اوده طاعنى جالب اولديغندن ، مبتلاى غضب اولان
 ذات . آداب الهيه ودعوت سببحانيه اجابته . درحال تسكين غضبه جبر نفس
 ايلر . آنك ايچون جناب حق (واذا ذكر ربك اذ نسيت) بيورمش .
 مفسريندن عكرمه ، نسيانى غضبه تفسير ايتشددر . ديكر آيتده (واما ينزغنيك
 من الشيطان نزغ فاستعذ بالله انه سميع علم) بيورمش ، وزغ . غضب ايله تفسير
 اولنش ومأل آيه جليله . حليم . سكا شيطان جانبدن غضب كليرسه . اللهه التجا
 ايله كه : او ، جاهلك جهلنى ايشيديجى وازاله غضب ايددهك اسبابى بليجيدر
 ديمك اولمشدر . تورانده شويله يازمش ، اى آدم اوغلى . غضب زماننده بنى
 ذكر ايله كه : بنده سنى غضب الهيه زماننده رحمتله ياد ايديم . عذابله
 اهالك ايتيميم . حكايه اولنوركه . ملوك فرسدن برى ، بر كاغد يازهرق وزيرينه
 تسليم ورضي ائناسنده درحال كندينه كوسترلمسنى فرمان ايتشدى . كاغد
 مزبورك مندرجاتى شو ايتش . نه اولويورسك ، غضبدن نه فائده كورييورسك .
 سن بربرسك . زير حكمدكه اهلاليه مرحمت ايله كه : اللهم سكا رحمت
 ايلسون . (عبدالله بن مسلم بن محارب) هارون رشيد . يا امير المؤمنين . بنم
 حضوركده كي ذلندن زياده ، حضورنده ذليل اوله جفك . وبني عقابه قدرتكدن
 زياده . سنى قهرم قدرتى دركار اولان الله حرمتنه عفويكى طلب ايدرم . ديتش . هارون .
 قدرة الله ذكرى دهشتيله كوشه يوب . اطلاقى امر ايتشددر . روايت اولنديكه :

فیخر عالم افندمز، قسوت قلبدن شکایت ایدن برذاته. قبرستانه کیت [۱] آنلردن عبرت آلدہ. قسوتک زائل اولسون بیوردیلر. ملوک طوائفدن برینک غضبی زماننده ملوک سالفه نیک تربہ لرینک اناخترلری اوکنہ آتیلیر. درحال حلمه دونردی. آنک ایچون حضرت عمر. اولومی چوق خاطر لایان. آزه راضی اولور بیوردیلر .

(۲) غضبه کلن ذاتک بر حالدن دیگر حاله انتقال اتمه سیدر . مثلاً اوطور سیورسه قالمق، ایاقده ایسه اوطور مق و بو وسیله ایله دفع غضبه چاره جو اولمقدرکه : مأمونک تسکین غضب خصوصنده اتخاذا ایتدبکی مسلک بودر . (۳) غضبک انتاج ایدہ جکی ندامة ومذمة انتقام و آنک یوزندن توجہ ایددجک ملامتی خاطر له مقدر . ملوک فرسدن (ابرويز) اوغلی (شیرویه) یازدیکه، اوغلم، سنک برسوزک نیجه قانلر دوکمکه ، دیگر برسوزک نیجه جانلرک خلاصنه سیدر . امریکاک نفوذی اغزکدن چیقماسنه مقارندر . احتیاط اوزره بولون ، اثنای غضبکده سویلایوب خطا اتمه دن ، لونکک تغیرندن ، وجودکک زبون اولمسندن کندیکی محافظه ایت . زیرا ملوک ، قدرتی سببیلہ قهر ، حلمی سببیلہ عفو ایلر . بعض حکما : کوجک یتدیکنه غضب، عجز ، یتدیکنه دناشتدر دیدی .

شعر

واذا ما اعترک فی الغضب المزة فاذا کر تذلل الاعذار

مآل

حال غضبکده کبر وغرور حس ایلدکده ، یاپه جفک جنایتک عفو ی ایچون معذرت بیسان اتمه نیک مذلتنی خاطر له ده واز کچ غضبدن (۴) عفوک ثوابی اخطار ایله ، نفسی غضب اوزرینه قهر ولوم ایدهرک برجهته ثوابه رغبت، دیگر جهته عذاب آخرتدن نفرت ایتدیروب حلمه مجبور ایلکدر . فیخر عالم افندمز ، (ینادی منادی يوم القيمة . من له اجر علی الله عز وجل فلیقم ، فیقوم

بیت [۱]

استخوان سرکه پردندان بکورستان دراست خنده دارد برکی کورا غروری براسراست

العافون عن الناس) یعنی قیامتده بر منادی چیقوب، الله اوزرنده ثواب الهجنى اولان اياغه قالقسون دیو ندا ایلر . ناس ایچندن عفو و صفحه آلیشانلر قالقارلر بیوردیلر ، بونک اوزرینه (فمن عفا واصلح فاجره على الله) آیتنى اوقودى . فخر عالم افسدمز ، دیگر بر حدینده (الحیر ثلاث خصال فمن كن فيه فقد استكمل الايمان ، من اذا رضى لم يدخله رضاء فى باطل ، واذا غضب لم يخرجه غضبه من حق ، واذا قدر عفى) یعنی خیر اوچ خصلتدر . کیمده بولونورسه ایمانى کمال بولور . بر کسه نك معیشتی دوزکون اولور . آروب باطله میل ایتمز . قیزدیغی وقت حقدن طیشاری چیقمز ، قدرتی وارکن عفو ایلر ایسه ، او کسه اوچ خصلتی جامعدر بیوردیلر .

برکسه ، عمر بن عبدالعزیزه ، کوجندیره جک سوز سویلدکده : عمر ، بنی قهر و غلبه مه کوکندیروب بوکون ایتدیکم انتقامه بدل قیامتده انتقام اولنقلقم ایچون . شیطانک مکربنه دوشورمک ایسته یورسک . کیت ، الله سنی رحمت ایلسون دیه صاودى . (۵) شخص غضوبک قزاندىنی توجهنی ، غضبی سببيله نفرتة تحویل ایتمک فکریدر . فخر عالم افسدمز ، کشى عفو ی سببيله عز و شرفدن ماعدا برشی زیاده ایتمز . عفو ایدیکزکه : الله ده سزى عفو ایتسون مألنده (ما ازداد احدٍ بعضو الا عراً فاعفوا یعزکم الله) بیوردیلر . (مأمون) ابراهیم بن مهدیه . بن سنک حقه کده خیلی مشاورده بولوندمسه ده ، هپ قتلکی کوسه تریدلر . لکن بن سنک مزیتکی قتلکدن فائق کوره رک عفو ایتدم ، دیدی . بوکا قرشی ابراهیم ، قتلمچی کوسترنلر ، سیاست عادتى کوسترمشلر ، سن ایسه معتادک اولان عفو ایله ، نصرت آرزوسنده بولونمشسک ، اولدوررسه ک بوبابده امثالک پک چوقدر . عفو ایدرسه ک نظیرک یوقدر . دیمشدر . ودرعقب شو شو بیتلری اوقومشدر .

شعر

البرّ بی منک وطأ العذر عندک لی فیما فعلت فلم تعذّل ولم نلم
وقام علمک بی فاحتجّ عندک لی مقام شاهد عدل غیر متهم

لئن حجتك معروفاً منت به انى لى اللؤم احظى منك بالكرم
تعفو بعدل وتسطو ان سطوت به فلا عد منك من عاف ومنتقم

مأل

سنگ بکا احسانک ، ایشلیدیکم جنایتده عرض ایتدیکم عذری قبولکدر .
بو یله بابارسه ک : لوم و تعیب اولونمزسک . بئم حاله علمک ، متهم اولمیان شاهد
عادل مقامنه قائمدر . و الهی ، بکا ایتدیگ احسانلری انکار ایدرسه ، مظهر
اولدیغم کرم نسبتده ، لومه مستحق اولدیغمده شهه یوقدر . عفو ایدرسه کده ،
قهر ایدرسه کده عدالت ایتمش اوله جقمسک . الله سنک کبی عفو وقهره مالک
بادشاهک یوقلغنی کوسترمسون .

بشنجی فصل

صدق و کذبک بیانی حقنده در

کذبک قبح و شناعتی ، کاذبک دنائتی کوسترمک خصوصنده ، شو ایکی آیه
جلیله ، اهل اذعان ایچون کافیدر . اصدق القائلین اولان جناب حق (ثم نبتل
فنجعل لعنة الله على الکاذبین) (انما یفتی علی الله الکذب الذین لا یؤمنون
بآیات الله) بیوردیلر . فخر عالم افندمز . حضرت حسنه خطاباً : (دع ما یریبک
انی مالا یریبک فان فی الکذب ریبة و فی الصدق طمانیة) یعنی سکا ریب و کآن
ایراث ایدن شیلری براقده ، ریب و کآنمز شیلری آل . چونکه یلان ، مورث
ریب ، صدق ایسه موجب اطمیناندر بیوردیلر . دیگر بر حدیثده (رحم الله
امراً اصلح من لسانه ، و اقص من عنانه ، و الزم طریق الحق مقوله ولم یعود الخطل
مفصله) یعنی لساننی دوزلتن ، دیزکینی کری آلان ، سوزنی طریق حقندن
آیرمیان ، دیلینی هدیانه آلیشدیرمیان ، الله رحمت ایلسون بیوردیلر . صفوان
ین سلیم ، روایت ایلدیکه : سید الکائنات افندمزه صورمشلرکه : مؤمن قورقاق
اولورمی . جواباً اوت بیورنجه ، ینه صورمشلرکه : بخیل اولورمی ، ینه اوت
بیورمش . تکرار صورمشلرکه : یلانجی اولورمی . بیورمشلرکه : خایر ، مؤمن

کامل یا انجی اولمز. ابن عباس (ولاتلبسوا الحق بالباطل) آیه سنک تفسیرنده ،
صدق کذب ایله قارشیدیر مابیکیز ، دیمکدر دیدی .

شعر

وما شیئاً اذا فکرت فیہ باذهب للمروۃ والجمال
من الکذب الذی لاخیر فیہ وابعدها بالبهاء من الرجال

مآل

حقیقت بنیانه دوشونه جک اولورسه که ، مروۃ و جمال و حسن و بهای رجالی
محو خصوصنده ، یالاندن بیوک بر شی بوله مزسک. یلان ، نیمههیی، اوده بغضی
اوده عداوتی مستلزم ، عداوت دخی امنیتک دشمنی اولدیغندن ، شو واسطه لوله
کذب ، فنا عاقبتلر ، مردار نتیجه لر ، انتاج ایلدیکندن طولانی، دیه بیلیریز که :
هر شرک جالبی، هر مذمتک کاسیدر. آنک ایچون مشهور سوزدرکه : طوغریسی
آز اولانک، دوستیده آذر . وفا ایله خلف، امور استقبالییه داخل اولدیغنی
کبی، صدق ایله کذب، اخبار ماضیهیه داخل اولور. امدی صدق، کچمش بروقههیی
اولدیغنی کبی ، اخبار ، کذب ، دخی کچمش بر شیدنی آنک خلافنه اعلامدن
عبارتدر. صدق ایله کذب ایچون بر طاقم دواعی واردر. لیکن صدقک دواعیسی
لازمه ، کذبکی عارضه در . بونکده سببی، صدقک ایولکنی عقل موجب،
شریعت آنی مؤکد . کذب ایسه ، عقلک کنندیسندن مانع ، شرعک زاجر
بولونمیسدرکه : بر شیتک شرع اجراسنه دعوت ، عقل آنی تأکید ایدرسه
دواعیسنک اصل و غیر منفک . دیگر شیدن شریعت ناهی عقل مانع اولورسه
آنکده دواعیسنک عارض اوله جنی بیناندن وارسته در . صدقک عقلاً ، شرعاً
حسن. کذبکده بوشرفدن حرمانیله مستهجن اولدیغنی و بوجه تله صدقک دواعیسی
اصل و غیر منفک ، کذبکی خلافه ملابس اولدیغندن ناشیدرکه . طوغری
سوزلرک ، ناس بیننده اشتهار ایده حد توارنه وارمسی جائز . یالان
سوزلرک ایسه ، کمال جدیتله اشاعه سنه چالیشلدیغنی حالد او رتبهیه وصولی غیر
جائز بولونمشدر . زیرا اتفاق ناسدن عبارت اولان توار، دواعیسنک اجتماعنه

وابسته ، صدق دواعیسیده موجب استفاده اولدینی جهتله ، منفعت پیشنده کزن ناسک کندیسنده بالاتفاق خبر ویردکاری شیئک کذب اولمسنه عقل احتمال وپرمیه جک بر صورتده کلاملرینه اعتماد اولتقی جائزدرکه : تواترده بوندن بشقه برشی دکلدر . اشبو حال ، کذبده بولنه من . چونکه آنک دواعیسی صدک دواعیسی کبی نافع اولمدقندن بشقه ، بلکه مضراتی محقق ، عقل واذغانی اولان انسانلرک ایسه ، کوز کوره مضرّ اولان شیلرده اجتماعی متصور اولمادیغندن ، کذب نه قدر شیوع بولسه ینه تواتر درجه سنی بوله من . نتیجه ، صدق دواعیسی نافع اولدیغندن ، ناسک اتفاق ممکن اولمغله کیننده تواتر موجود ، کذب بونک عکسنه ملابس اولدیقندن ، کیننده ناسک اتفاق غیر قابل اولمغله تواتر مفقوددر . صدق وکذب دواعیسی بروجّه آنی پیش انظسار قارئنه عرض ایلرم .

صدق دواعیسی شونلردر . (۱) عقلدر . اوت عقل . انسانی دائماً کوزل شیلره باعث ، جرکین شیلردن مانع اولدیغندن ، منفعتندن واز کچک . موجب مضرت اولان کذب قبیح وشناعتنی مدرک ، ضدی بولن ان صدقه داعیدر . شمعی بری جیقبوب مقام اعتراضده دیسه که : کتب ادبیه تتبع اولندقدّه ، برطاقم غلو ، اغراق مرتبه لرینه واردیرلمش ، مبالغه لی مداح و هجویاتی ناطق قصائده تصادف اولنیورده ، اّما کوزل سوبلنمش ها دیهرک مظهر تحسین اولیور . عقلاً ادراک اولان معانی کاذبه نک تحسینی ، ینه عقلک مانع کذب اولمسنه منافی دکلیدر . ایشته ، ازدینک ، بعض شعرايه اسناد ایتدیکی شعرآنی او مبالغات جمله سندنر .

شعر

توهمه فکری فاصبح خنده	وفیه مکان الوهم من فکرتی اثر
وصافحه کئی فآلم کفه	فن لمس کئی فی انامله عقر
ومرّ بقلبی خاطراً فجرحته	ولم ارشیئاً قطّ یجرحه الفکر

مالی

فکرم اونا زینک حسن و آنی عمیق برحس عاشقانه ایله توهمه طالیده

واهمه مك تأيیرندن، یناقلرنده اثر پیدا اولدی. الم الیله مصافحه ایتدیده، اوزرین
البرخی اینجندی. حتی پرمقلمی بوندن یارملندی. کؤکلده اوفاجق بر جولان
ایتدیده، مجروح و بیتاب قالدی. علمده، فکردن مجروح اولور. برشیده
کورمامشدم. عباس بن احننك شو سوزلریده، اشبو مبالغهیه همان یقیندر.

شعر

تقول وقد کتبت دقیق خطی الیها لم تجبت الجلیلا
فقلت لهما نخلت فصار خطی مساعدة لکاتبه نخیلاً

مالی

نازنینمه، اینجه یازی ایله نامه یازمشدم. نیچون قالین یازمک دیو صورددقه
دیدمکه: بن، عشقکه زبون اولدیغمدن، خنطمدن بکا بکنزهیه رک اینجندی.
بز بواعتراضک جوابنده دیرزکه: بوکچی شیلر تشبیهده مبالغه ایله، صنعة شعرده
ابراز قدرت معرضنده سوق اولونمقله برابر، قرائن حالیهده مقرون اولدقلرندن
نصب قرائندن معرّا اولان کذب لکه سندن وارسته درلر. چونکه کذب،
خلاف حقیقت اولدیغندن قرینه دن کچک. دهاترویحجه چالیشیلر. بونلرده
ایسه، معنای حقیقی مقصود اولدیغنه آروجه قرائن واردر. (۲) صدقه
مواظبتک لزومی، کذبک محظوریتی بیان ایچون وارد اولان دیندر. اوت
دین، صدقک دواعیسننددر. مادامکه عقل کذبک قبحی معلندر. دین، اکا
رخست ویرمرز. بلکه شریعت، عقلک ناقص برافدیغی نقطه لری بیلنه تحت منعه
آلیر. چونکه عقل، جلب منفعت، دفع مضرت بولونمیان یرلرده کذبی منع
ایتمش ایسهده، تأمین منافع ایده جک یرلرده تجویز ایلمشدر. لکن دین بونلرک
هیچ برینه جواز قبوسنی اچامشده بو جهته عقل، اوزرینه زائد بولونمشدر.
(۳) مروتندر. اوت مروت کذبدن مانع، صدقه باعثدر. چونکه مروت،
مستکرمه اولان شیلردن بیلنه مانعدر. نرده قالدیکه عقلاً شناعتی مدرک اولان
یالانی تجویز ایتمسون. (۴) صادقلرک استقامتله بین الناس اشتهار ایدوب
سوزلری رد اولنماق وکندیلمی میدانه چیقوب رذیل اولماساق سوداسیدرکه

اشبو داعی، دیگر لرندن زیاده قوئی حائزدر. آنک ایچون بعض بلغا، رجوعک
حقه، میلک صدقه اولسون. حق قوتلی یاردجی، صدق، اک کوزل ارقداشدر
دیمشدر.

شعر

عَوْد لسانک قول الصدق تحظ به ان الاسان لما عودت معتاد
موکل بتقاضی ماسنت له فی الخیر والشر فانظر کیف ترناد

مألی

لسانکی طوغری به آلیشدرکه نائل مثنوبات اولهسک. چونکه لسانی نیه
آلیشدرسهک آتی عادت ایدر. لسانی خیر وشردن هانکی یوله آلیشدردکسه
آتی طلبه آماددر. آرتق ایو دوشون، هانکیسنی التزام ایدرسهک ایت.
ایشته صدقک دواعیسی بونلردر: کذبک دواعیسنه کلنجه: (۱) جلب
منفعت، دفع مضرت فکریدرکه. شخص کاذب، مطلوبنه وصول قصیدیه اعمال
حیل و خدعه ایدرک، یالانجیلنی مدار غنیمت بیلوب نفسنی اکا آلیشدرر.
حالبوکه قییح اولان شی خیر، شر اولان شی حسن اولمدیغی و دیکنسدن
اوزم، آصمه دن ابو جهل قاربوزی اقتطاف اوله میه جفی طییعی بولمقله، یالانجیلر
اکثریا اومدقلردن محروم قایلرلر. فخر عالم افندمز. صدق آراییکز. هر نه
قدر او یوزدن هلاک اوله جفکز موهوم اولسه بیله عاقبتی نجاتدر. کذبدن
قاجیکز. صورتا نجات کورسه کز بیله، صوکی هلاکدر. مالنسد (تحرّوا
الصدق وان رأیتُم فیهِ الهلکة فان فیهِ النجاة وتجنّبوا الکذب وان رأیتُم فیهِ
النجاة فان فیهِ الهلکة) بسوردیلر. (عمر بن الخطّاب) والله، طوغریلق رتبه می
تنزیل ایتسه (ایتمزیا) یالانجیلقده ترفیع ایتسه (ایده مزیا) ینه صدق ترجیح
ایلرم دیدی. جاحظ: صدق ایله وفا ایکیزدز. صبر ایله حلم ایکیزدر. دین و دنیا ناک
صلاحی بودرده وابسته در. بونلرک ضدلری، هر فسادک، هر تفرقه و عنادک
منشأئیدر. (۲) یالانجینک، سوزینی بالانندیروب مجلسده متکلم وحده اولمق،
سامعینک اصغاسنی دعوت ایتک فکریله، میدان کلامک هر وادیسنده جولانه
مساعد بولسان کذبی التزام ایتمه سیدز. کذبک بودرلوسی، همت آلچقلغندن

منبعث اولدینی جهته برنجی قسمدن دها فنادر . جاحظ دیدیکه . برکسه یلان سویلدیمی ، نفسنده کی دنا تی میدان آتمشدر .

ابن مقفع : هزل و ظرافت قصدیه یلان سوزلری صلیورمه . زیرا بوکی یالانلر ، حق ابطالده سرعت کوستیر دیدی . (۳) یالانچینک ، عداوت ایتدیکی کسه دن انتقام قصد خائنه سیله ، جیب رذالتدن اویدوردینی قبایحی دشمن اولدینی شخصه نسبت ایتمه سی . واشبو فعلی کندی ایچون غنیمت ، دشمنی ایچون سهم قاتل ، سم هلاهل اعتقاد ایتمه سیدرکه . اشبو نوع ، کذب و افترای جامع بولنقی اعتباریه یوقاریکی نوعلردن دها مدهشدر . آنک ایچون شریعت : دشمنک ، دشمن اوستنه شهادتی قبول ایتماشدر . (۴) یالانچیده دوعی کذبک بر قاج دانه - سنک اجتماعیه ، نفسنک یلان سویلک خصوصنده بیوک بر مامره و ملکه یه صاحب اولمی ، وعاده طبیعه ثانیه در . سوزی حکمنجه ، کذبک شناعتنی بیلدیکی حالده ، واز کچمک بیله ایستمه کلفت و عسرته تصادف ایتمه سیدر . یالانچیلر اوزرند ، بعض امارا واردرکه . کندیلرینی تجربه دن بیله کچیرمکسزین امارات مزبورده دلانیه یالانچی اولدقیری اکلاشیلر . (۱) تلقیندر . شوبله که : یالانچینک کال کفتمله اکلاتغه چالیشدینی اراجیفک آراسنی کسهرک ، سنده آنک کلامنی نأ کیدآ برطاقم علاودلر تلقین ایدرسک . اوسنک آغزکدن آلدینی علاوانی کندی سلسله اکاذینه قاهره صایوب دوککه باشلار . سن بوندن اکلارسک که . اولجه سویلدیکی سوزلرده یلان ایش . (۲) تشکیکدرکه : یالانچینک سرد ایتدیکی مقدمات کاذبه نک بعضینه برای تشکیک بر ایکی سوز قارشیدیرمحق اولورسهک ، درحال دوچار شک اولورده سوزندن رجوعه بیله یلتنیر . زواللی یالانچ ، بنیان کذبنی اوجه تشدید ایدمدیکندن ، افواجق بر تشکیک ، ماسکه تزویرانی قالدیرارق یوزینک قاردهنی میدان چیقاردی . (۳) یالانچینک ترجمان روی سیاهی اولان باطل سوزلرک برینی رد و ابطاله قالفیشسهک ، درحال دیلسزکی قاهره ، باشلار صاحبه صایان مارتاوالار آتغه ، نه یاپسون . کلامنی اثباته مقتدر ، زمره صادقیندن دکلکه ، میدان محاورده بی پروا آت اویناتسون . آنک ایچون ، ساقی کوثر بیوردیلرکه : یلان : صحراده کی سراهه یکزر . ایلرینه کیدلدکجه موهوم

اولدینی آچیغه چیقار . (۴) یالانچینک یوزندن جلوه نمای تکذیب اولان سیاهی کذااین و ذلة متوهمیندرکه . اکثریا یالانچیلرده تصادف اولدینی وجهله اورته ده کسه نك تکذیب و اهاتی یوغیکن ، ذلیلانه مسکینانه اوطورور . قالقارلر . کرچه بونلرک قورنازلری بر درجه یه قدر او مسکنتی اعتدال دمله تعدیل ایتمک ایسترسه ده ، مسکنت مذکوره طبیعی اولدیغندن او یله جعلی مدافعهلرله مندفع اولمز . بلکه یالانچی اولدیغنی اثبات ایده جک قدر آثاری باقی قالیر . آنک ایچون حکما : کوزلر ، لساندن زیاده نماندر . انسانلرک یوزی ، قدرندن یاپیش آینه لردرکه کیزله مکه چالیشدقلری اسراری بیلدیرلر دیدی .

شعر

تریک اعینهم ما فی صدرهم از العیون یؤدی سرّها النظر

مأل

آنلرک کوزلری ، سینهلرنده کی اسراری کوستریر . فصلکه ، نبعان ایدن کوزلر (پیکار) ایچنده نه وارسه ناظره کوستریر ، برکسه نك ناس اره سننده بر قاج دفعه کذبى ظساهر اولوب رذالت تمغاسیه اشتهار ایتدیمی آراتق قائل معلوم اولمیان یالانلر ، اورته لقدمه دونن هذیانلر ، هپ اوزواللینک بوینه صاریلرده ، اعتیاد ایتدیکی جنایت کذب ، کنه کار ایتدیکی کبی ، خلقلک بيله کندی علمینه افترا لینه سبب اولور .

شعر

حسب الکذوب من البلیة بعض ما یحکی علیه
فاذا سمعت بکذبة من غیره نسبت الیه

مأل

یالانچی نك اوزرینه ایدیلان افترا ، بلا جهتيله کافیدر . زده بر یالان ایشیدلسه ، اکا نسبت اولتور . بیچاره یالانچی ، بولکه کی اوزرندن سیلمک ایچون

نه قدر طوغریلق کوسسترسه ، برکزه تزکیه سی وزولدینی جهته ، تهتمدن قورتوله مز . سوبلدیکی سوزلرک هیچ برینه صدق احتمالی ویرمز .

شعر

اذا عرف الکذاب بالکذب لم یکد یصدق فی شیئی وان کان صادقاً
ومن آفة الکذاب نسیان کذبه و تلقاه ذا حفظ اذا کان صادقاً

مألی

یالانجی، کذبه شهرت آنجه ، سوزی طوغری بیله اولسه ایناندرمز . کذابک آفاتندن بریده ، یالانجی اونوتوب ، طوغریسنی حفظ ایتمه سیدر . کذابک شناعت وقبحی بر تفصیل بیاندن صکره علاؤه مقال اوله رق دیه بیلریزه . حرب و اصلاح بین ائناسنده ، دشمنی مغلوب ایتک . وایکی کشینک عداوتی صلحه تحویل ایتک نیت خیر خواهانه سیله مقالات کاذبه سردینک جوازینه دائر فولاً فعلاً احادیث شریفه شرفوارد اولمشدر . شو قدر وارکه جواز مزبور ایچون کذابک تصریح طریقیه اولیوب توریه وایهام طریقیه اولمی شرتدر . کذبدن تنفیر وشناعتی تقریر بیوران سنت ، کذب صریحک اباحه سی حقنده ممکن دکل وارد اولمز .

ایشته او توریه جمله سندرکه : سلطان انیا افندمز . اثنای غزاده ، ردای شریفه بورونه رک احبابدن خالی برکوشه ده ازوا نشین ایکن بر شخص مجهول کلوب (تمن انت) یعنی سن کیملردنسک دیدکده : بطریق التوریه (من ما) بیورمشدر . کلام مزبورک ، ما اسمنده کی قبیله مصروف اولمسیده محتمل ، مبدأ فطرت اولان صویه مصروف اولمسیده جائز اولمغه ، رجل مزبور ، قبیله اسمی اولسنی ذهنتجه قرارلاشدیره رق سکوت ایتمش ، مراد پیغمبری ایسه ایکنجی معنادن عبارت بولونمشدرکه . اشبو جواب محمدی ، هم لمصلحه اخفای ذات ، همده خبرک صدقی تأمین ایشدر . حکایه اولونورکه فخر عالم افندمز ، مکّه مکرمه دن هجرتسرای مدینه یی معیت رسالتپناهیلرنده ابو بکر صدیق بولنسدینی حالده تشریف بیوررکن ، تصادف ایتدکاری اقوام

عرب ، فخر عالمك كيم اولديغنى بيلمك قصديله ، ذاتاً معلوملى اولوب رسول اللهك آرقمسنده ياساچى وارى كيدن ابو بكره ، يا ابابكر بوكيمدر . ديدكلرنده ، بطريق التورية ، برقولاغوزدركه . يول كوسترمك ايجون پيشكاهمه كيدر جواڭنى وىرمش ، عربلر ايسه بوسوزى طريق حسنى قولاغوزى معناسنه صرف ايدهرك قناعت ايدرلردى . ابو بكرك مرادى ايسه ، طريق معنوى بولونان دين قولاغوزيدركه . رسول اكرم افندمرك ، شو معناه قولاغوزاڭنى ظاهر در . سيدالبرايا افندمز ، تعريضاتده كذب سورى به مساعده واردر . مألنده . (ان فى المعارض لمنذوحة عن الكذب بيورمشلردر . معلوم اوله كه صدقك بعض انواعى واردركه . قبح وشناعت ، اراث مضرتده ، كذب مقامنه قائم ، بلكه آندن فضله دركه . آنلرده ، غيبة ، نيمه ، سعايه در . غيبة ، حسد وغدردن حادث اولان خيانتدركه : حقنده) ولا يغتب بعضكم بعضاً ايجب احدكم ان يأكل لحم اخيه ميتاً) نازل اولمشدر . يعنى لحم اخوانك بعدالوفات اكلى حرام اولديغى كجى . صاغلقلرنده غيبتلريده حرامدر . روايت اولنديكه ، وقت سعادت نبويهده ايكي قادين ، رمضانده ناس غيبتيله اشتغال ايدرلردى . كيفيت ، فخر عالم افندمزه خبر وىرلدكده بيورديلركه : او ايكي قادينلر ، حلالدن صائم اولورلر . حرامدن افطار ايديورلر . اسماء بنت يزيددن روايت اولونديكه رسول اكرم افندمز . (من ذبّ عن لحم اخيه بظهور الغيب . كان حقاً على الله ان يحرم لحمه على النار) بيورمشلر . وىركسه مؤمن قىرنداشك غيبت اولنديغى كوروب مدافعه ايدرسه ، جناب حق آنك وجودى جهنه حرام ايلر . مألنده بولنمشدر . (عدى بن خاتم) غيبة ، اراذل ناسك اوتودر ديدى . (حسن بصرى) غيبة ، قادينلرك ميوه سيدر . بيوردى . وىركسه ابن سيرينه ، بن سنى غيبت ايتمشدم . حقكى حلال ايله ديدكده ، اللهك حرام ايتديكنى بن نصل حلال ايلرم ديمشدر . ابن سماء ، مورث عيب اولان شيلرى ايشله يوب ، غيبت وافشاى عيوبكده ناسه ياردم ايتمش اولمه ديدى .

شعر

لا تلتمس من مساوى الناس ماستروا فیهتك الله سترأ عن مساویكا
واذکر محاسن ما فیهم اذا ذکروا ولا تعب احداً منهم بما فکا

مائلی

ناسك كيزلديكى فناءلىرى آراشديرمهكه ، الله ده سنك عيوبكى ميدانه
آتمسون . محاسن ناسى ذكر ايت ، عيوبنى ذكر ايمه . احتمالكه او عيوب
سندده واردر .

ناسى غيبتله اشتغال ايدنر ، مقام اعتذارده ديرلر . بز بوسوزلىرى كندىمز
اويدور ميورزيا . بلكه كافه سى صدق و صوابه مقارن و بر فاسقك فسقى معاندركه
بونكه غيبتدن معدود اولمدينى شو حديثله ثابتدر . (ثلاثة ليست غيبتهم
بغيبه ، الامام الجائر ، و شارب الخمر و المعلن بفسقه) يعنى اوچ كشينك قبايحى
تعداد ، غيبه صايئز . (۱) پادشاه ظالم (۲) شارب الخمر (۳) آشكار افسق اجرا
ايدن ، كرچه بونلرك مقام غيبتده سويلدكلى سوزلر ، طوغرى بيله اولسه
سرى اولى اولان اسرارى فاش و اعلان ايتدكلى جهته ، صوابدن ينه اوزاق
دوشمشلر و استدلاللارنده حق قزانه مامشلردر . بونلر كه ، اسرار خلقى افشايه
آلشمشلردر ، كيت كيده ستر و اخفاسنى آرزو ايتدكلى اسرارى بيله اعلاندن
كندىلرينى آله مزلر . فساد اخلاق شرارده سى كندى منفعتلرينى بيله ياقار
قاويرر . ابو هريره روايت ايلديكه . فخر عالمه غيبت ندر ديه صورلدقده :
مؤمن قرنداشكك ايشلديكى كوتو بر صفى سويلدكركه . اكر آنده صادق
ايسهك غيبت ايتمش ، كاذب ايسهك افترا ايتمش اولورسك . مآلنده (ان تقول
لاخيك مافيه ، فان كنت صادفاً فقد اغتبتته وان كنت كاذبا فقد بهتته بيورديلر .
(عبدالرحمن بن زيد) (لا يسخر قوم من قوم) آه سنده كى سخريه دن مراد ،
بر مسلمك . فسقى اعلان ايدن ديكر بر مسلم فاسقى استيزا ايمه سيدر ديدى
بر مسئله دينيه استفتاسى اچون حضور پيغمبرى به بر قادين كلوب ، عودتى
اثناسنده ، فخر عالم ايله حضرت عائشه آره سنده شو محاووه جريان ايلمىدى
(عائشه) اشبو قادين نه قيصه در . (رسول الله) صوص يا عائشه غيبت ايمه
(عائشه) اولميان بر صفى سويلدمكى غيبت اولسون . (رسول الله) اولانى
سويلديكك اچون غيبت اولدى . يوخسه افترا اولوردى . ديمش . اما دمينجك
اوچ كسه نك غيبتكك جوازينه دائر مقام استدلالده سرد اولنان حديث ، اشخاص

مزبور دنك افعالىنى ، انكاره محمولدركه . فاسق مجاهرى افعالنن طولانى
يوزينه قارشى تكدير وانكار ايله ، عيبنى ستره چالشمق ايله ، فاسقك شهر و غيتى
آر سنده فرق اولمغله ، حديث مزبور ، غيتكارانه هيچ بوقت دليل اوله مز .
اما نيمه (قوغوجيلىق) شرعاً مذموم اولان غيتيه برده دنائت و غدر علاوه سيله
آره لرنده محبت تأسس اتمش ايكي دوستك شيرازه مصافقتى پریشان ،
سينه لرنده كى مخالفتى مبدل بعض وعدوان ايلكدر . رسول اكرم صلى الله
عليه وسلم افندمز ، احباب كزينه . سرك شرليكنزى خبر ويره يممى بيوروب
آنلرده اوت يار رسول الله ديدكارنده شويله بيورديلر . ﴿ من شراركم المشائون
بالنميمة ، المفسدون بين الاحبة ، الباغون العيوب ﴾ يعنى ناس آره سنده
قوغوجيلىق ايله كزوب اخوانك بيننى بوزان و عيبلرينى آرايان سرك
شرار كز دندر . ابو هريره دن مروى اولان ديكر بر حديثه ، ﴿ ملعون
ذوالسانين ، ملعون كل شقاق ، ملعون كل قتات ، ملعون كل منان ﴾ يعنى
ايكي يوزلى ، ايكي ديللى ، ناس آره سنده عداوت القايدن ، قوغوجيلىق ايدن ،
ايتديكى احسانى باشه قاقان كسه لر ملعوندر بيورديلر .

سعايته كلنجه ، بو ، اوچ قسمك اك دهشتليسيدر . چونكه اشبو صفة
ذميمه نك مبتلاسى ، غييه ، نيمه اوزرينه بر مذمت دهه علاوه ايله . پادشاه
ووزرايه بر كسه حقنده تزوير و نفاق ايدرك ارباب مناصب جاه و جلالتدن ،
اغنيايى مال و منالندن ، فقر ايايى اهل و عيالندن دور و مهجور ايلكدركه . تزويرك
بوندن فنا سيده هيچ بر ملتده بولونمز . فخر عالم افندمز ، ﴿ الجنة لا يدخلها
ديوث ولا قلاع ﴾ يعنى جنته پزه دنك ايله ، خانمان سوندر يچى ، مزور ، كيرمز .
بيورديلر . (ديوث) زنپاره ايله روسي بيننى جمع ايدندر . وجه تسميه سى
ايكيسنك آره سنى جمعه مدار اوله جق سوزلرى سويله سى در . (قلاع) ملوك
وامرا ياننده ، بر كسه نك موجب هلاكى اوله جق سوز سويلكدركه . وجه
تسميه ، سوز سويلديكى كسه يى مالنن ، جانندن منصبتدن قلع و مهجور
ايمه سيدر . بعض حكما ، مزور . يا تزويراننده صادق ، يا خود كاذبدر . صادق ايسه
امانته خيانت ، كاذب ايسه مخالف مروت و حميت اولديفندن هر ايكي تقديرده

رذالندن سالم قلمز ، دیدی . بعض بلغا (نیمه) دناات ، امرایه تزویر ، خیانت ، و شناعت ، هر ایکسی غدرک اساسیدر . بونلرک صاحبزندن بجانبت و مسلکارندن مباعدت لازمه دندر دیدی . فضل بن سهل ، کندینه برکمه حقنده تزویر ایدن برخفیه نك آئنه شو یازیلری نقش ایتش ایدی . بز تزویری قبول ایتیکی ، تزویردن فنا صایارز . تزویر ، شناعت دالات ، قبولی ده اكا اذن ویرمکدر . ای ناس ، حفظ حرمت ، ستر عورت ایتیمان بوکی اراذلدن صاقینکز (اسکندر) برکمه بی تزویر ایدن مزوره خطاباً دیدیکه : سنك اوکا نسبت ایتدیکك شو سوزلری ، او سکا عزو ایتسه ده بزده قبول ایدوب سنك محوکه یوروسهك خوشکه کیدرمی دیدکده . (مزور) خیر ده نیجه : (اسکندر) اوبله ایسه سنك بشقه لره شرک طوقا نمسون . تا که سکا ده بشقه لرکی طوقا نمسین دیوب قوغمشدر . روایت اولوندیکه . جناب حق ، موسی علیه السلامه ، یاموسی قلمرو نبوتکده ، مزور بر آدم واردرکه . کیم اولدیغنی سوبلیه مم دیو وحی ایش . حضرت کلیم . یارب . او حریف شثامت الیف کیم ایسه لطفاً بیلدیریکزکه سوردم چیقارهیم دیدکده : یاموسی رواهیدرکه . قدح و ذم ایتدیکم نیمه بی کندم بیایم . جوابی آلمشدر .

آلتنجی فصل

حسد و منافسه نك بیانی محتویدر

حسد ، اخلاق ذمیه دن برخلقدرکه . حاسدك بدننی ، دیننی افساد ایدر . حتی جناب حق (ومن شر حاسد اذا حسد) قول شریفله حاسدك شرندن استعاذه ایله فرمان بیورسیورکه : حسدك هیچ بر مذمتی اولسه بو حال کافیدر . فیخر عالم افندمز : (دَب الیکم داء الالم قبلکم ، البغضاء والحسد ، هی الخالقة حالقة الدین لخالقة الشعر والذی نفس محمد بیده لا تؤمنوا حتی تحابوا ، الا انبئکم بامر اذا فعلتموه تحاببتم افشوا السلام بینکم) یعنی سزندن اول کچن امتلرک بغض و حسد مرضی سزه ده سرایت ایلدیکه ، مرض مزبور ، دینی افساد و امحا جهتیله ، باشده کی تویلری ازاله ایدن اوسطورده بکزر . یمین ایدرمکه

بغض ، حسدی براغوب ، بینکزده پیوند محبت وقوعبولمدتجه ، مؤمن کامل اوله مزسکیز . دقت ایدک ، سزه مدار محبت اوله جق شیلری سویایه یم . بربریکزه سلامی چوق ویرک بیورمشلردر . امدی سیدالکونین افندمز، اشبو حدیثیه حسدک مضرتی وانی محو ایدوب تخم مودتی کشنکاه قلبه اکه جک انجق سلام اولدیغنی ، امته اخبار بیوریورلرکه : قرآن کریمده بوکا موافق اوله رق نازل اولمشدر . (ادفع بالی هی احسن فاذا الذی بینک وینه عداره کانه ولیّ حمیم) (مجاهد) آیه مذکورده نک تفسیرنده دییورکه : معنای جلیل شویله در . حنینم ، سلام ایله کوتولرک فنالغنی دفع ایت . یوبله یاپارسهک ، باقارسک که . سنکله آردسنده عداوتی اولانلر ، سکا خصم واقربا کبی دوست اولمشلر .

شعر

قد یلبث الناس خنیاً لیس بنیهم ودفیزرعه التسلیم والالطف

مآل

انسانلرک خیلی زمان، آردلرنده محبت اولمدیغنی حالده سلام وملاطفه ، بینلرینه تخم محبت القا ایلر . بعض سلف دیدیکه : حسدک شاعتی اکلاملی که رده ، کوکده ، اک اوّل اجرا ایدیلاّن عصیان آنکله در . کوکده کی ، ایلیمسک آدم علیه السلامه ، رده کی قابیلک هابیلی قنایله نتیجه لئن حسددر . بعض حکما د قضای الهی یه راضی اولان ، کسه یه غضب ایتمز ، اللهک ویردیکنه قناعت ایدن ، حسد ایتمز ، دیدی . بعض ادبا ، ظالملر ایچنده حسوددن زیاده مظلومه بکزر کسه کورمدم . فصل مظلوم دکادر . او بیچاره که ، دائماً وایلا کنتان . غم واندوهله حالی پریشان ، قلبی اشغال کونا کون ایله حیراندر دیدی . بعض شعرا شو معنایی شویله نظم ایتدی .

شعر

انّ الحسودالظلوم فی کرب یخاله من یراه مظلوماً
ذا نفس دائم علی نفس یظهر منها ما کان مکتوماً

مال

ظالم بی امان ، حسود بی سامان ، اوپله برغم و اندوهه مبتلادرکه ، کورنلر
ظالم دکل، مظلوم ظن ایلر . قلبنده کی آتش حسدک تأثیریه مهالکانه نفس نفسه
آه ایتمکده ، دروننده کیزله مک ایتسندیکی اسراری ایسته میهرک طیشاری
آتمقدهدر .

حسد بر صفة رذیله درکه . دائما اقران و اقارب ، شرکا و مصاحبیلر جانبیه
توجه برله ، حسدک بونلرک نعمتک ازدیادینی آرزو ایتسی لازم ایکن، بالعکس
زوالنی آرزویه مجبور ایلر . حسدک بوندن بشقه مضرتی اولسه بیله کئندندن
مجانبت ینه عین کرامت صاییلیر . حسدک مضرتی بوکاده منحصر قالمایه رق ،
محسوده ضرر ایتدیکی حالده حسدک ایچنده بر قورد کبی ، هم وغم ، درد و الم
ایله محو ایدر بیتیریر . حضرت معاویه ، خصائل ذمیمه ایچنده حسدن عادل
بر خصلت یوقدر . محسوده طوقونمز ، حسدی قتل و اتلاف ایلر ، دینی .
اصمعی دیدیکه : براعرابییه ، ماشاءالله ، عمرک نه قدر اوزون دیمشدم . جواب
اوله رق ، اوت حسدی ترک ایتدم . آنک ایچون یاشایورم دیدی . بر کمسه ،
شریح قاضییه ، سنک حضورکده خصمانک کورولتیلرینه صبرک ایله ، حکمیات
اسلامیه ، دقائق شرعیهیه وقوفکده حسد ایدیورم دیدکده (شرح) بو حسد
نه سکا منفعت . نهده بکا مضرتدر دیدی .

عبدالله بن معز

اصبر علی کیدالحسو دفان صبرک قاتله
فالنار تأکل بعضها ان لم تجد ما تأکله

مال

حسودک مکرینه صبر ایت ، سنک صبرک آنی کبرتیر ، آتش . یاقه جق
بوله مزسه کئدینی محو ایلر . حسدک ماهیتنه کلنجه ، حسد ، افاضل ناس ،
افاخم اشخاصک احراز ایتدکلی امور خیریهی چکمیهرک حسودک حزن

و تأسفیدرکه . منافسه بوکا مغایردر . مرکز تحقیقندن بعید بولونان بعض قوم ایسه امور خیریه ده کی منافسه بی حسدله بر طایبق کی غلط صریحه بولوندیله . حالبوکه منافسه ، اضرار نیته مقارن اولمیهرق . افاضلک نائل اولدقلری شرفه نائلیتله آنلره کندینی بکرتمهک چالشمقدر . حسد ایسه اضرار نیته مقرون بولندیجی جهتهله . آره لرنده فرق کلی ظاهر . و اشبو قومک ظنلرینک خلاف حقیقت اولدینی باهردر . چونکه حسدک غایه سی . افاضلک نعمتدن محروم قلمه سندن عبارتدر . اما فضیله مزبورده نک حاسده وصولی ملحوظ دکادر . شو فرقدن اکلاشلدیکه منافسه ، صاحبی اکتساب فضائله داعی اولدیغندن . دکل حسد کی بر خصله رذیله یه شریک رذالت اولوق ، آیروجه بر می یسندن صایلمسی بجمادر . فخر عالم افندمز . (المؤمن یغبط والمنافق یحسد) یعنی مؤمن کاملی غبطه ایدر ، منافق . حسد ایدر بیورمشلدر .

شعر

نافس علی الخیرات اهل العلا فأنما الدنیا احادیث
کل امرئ فی شأنه کادج فوارث منهم و موروث

مآل

ارباب شرفه منافسه یه چالش . چونکه دنیا بر طاقم خیالات کاذبه دن عبارتدر . هرکس کندی ایشنده کاسدر . کیمی وارث کیمی موروثر . معلوم اوله که : حسد ایچون اوج داعی واردرکه . هر بری بولوندیجی شخصی حسده دعوت ایلر . (۱) شخص حاسدک محسوده قرشی بر مصلحتندن طولانی بغضیدرکه . محسود اوزرنده جلوه نمای ظهور اولان فضائل انسانیه و مناقب شریفه یی کوروب کانون قلبندن بغض ایله قاریشق بر حسد در فورانه باشلار . حسدک بنوعی . کرچه انواع ثلاثه نک مضرتجه اک دهشتلیسی ایسه ده بغض مزبور محسودن بشقه سینه تجاوز ایتدیکنندن خصوصیتده قالیر . (۲) محسود اوزرنده بر طاقم فضائل و کمالات شمعشه پاش اولدینی حالده

حاسدك اوفضيلتدن محرومى، وصولنه چاليشسه بيله عجزى مقرر اولمغله محسودك بوكى فضائلده كندينه تقدم و امتيازنى چكهميه رك حسد ائمه سيدر كه . عجزى مقرر اولسه ايدى . حسد مزبور باش كوسترميه چك ايدى . اشبو نوع ، اوچ نوعك اوسطيدر . چونكه حاسد . مادوننده كيلره حسد ائيموب ، آنجق حسدينى تفوق و امتيازنى هضم ايدمه مدىكى كمسه لره حصر ايتديكندن شائبة عمومندن بدرجه يه قدر مبرا ، مع مافيه عجز ايله قارشق اولديفندن منافسدن خروج ، حسده دخولى هويدادر . عجز بولنسه ايدى زوال نعمت آرزو ائيمور . بلكه فضائلده اشتراك ايچون منافسه ايديمور ديه رك بجا كورينور ايدى .

(۳) حاسدك طبعنده ، عمومى صورتده فضائلى چكهمامزلك اولمه سيدر كه اعلى ، ادنى ، اعدا ، احبا ، كيمك اولورسه اولسون . حليه فضيلتله مزين اولمى آنك نرزدنده مقبول اولمه مز . تدبير و تصرف ، يد اقتدارنده دكلكه ، نعم مزبورمى برلظه ده محو ايدمه رك قلبى راحت بولسون . حاسد ، جناب حقك ديلديكنه بخش ايدمه كاديكي عطايى لاهوتيه يي محسودك اوزرنده كوردنجه ، ديش تجر داده رق سينه سنده قاينايان حسد چوملككنك دومانى كوكلره چيقارق حزن و الم ايچنده بيروده اصرار وقت ايلر . لذن كلن بر شى وارسه اوده عطايى سببجانيه نك محسودنده مبذوليتندن طولايى اللهه قرشى عاجز قلبنده ، مردار نفسنده آتش غضب اوياندرمقدر كه . اشبو حالك كندى حقتنه نه كى نتايج وخيمه انتاج ايدمچكى وارسته اشتباهدر . اما برى طرفده ، كندينك مظهر اولدينى نعمتلك حد و پايانى يوق ائمش . آنى نظر اعتباره آلمز . باقدينى شى . محسودك نعمتى . اومدينى شى . او نعمتك زواليدر . حسدك اشبو نوعى ، انواع سائرمنك اك مرداريدر . چونكه بو نوعك صاحبي ايچون راحت ، اميدى ايچون غايت يوقدر . يا صاحب نفوذ و قدرت ايسه محسودك شمع اقبالنى سوندروب كويا اخذ انتقام ايدر . يا خود بوقدرتدن محروم ايسه . يانارق ياقيله رق كندى شمع حيات بى لزومنى ينه كندى صوغوق نفسيله سوندير .

عبدالمجيد كاتب ديديكه : حسود ، زهر ايچيرن كمسه كيدير كه . ويرديكى زهر . ايچن كمسه يي هلاك ايدرسه آنكه غم و همى زائل اولور ديدى . شايدان دقدر كه . ناسك حسدى فضل و نعمت و ظهور ثروة نسبتنده در .

برکسه نك نعمت و دولتی چوق ایسه ، حسد جینسیده اوقدر چوقدر . آز ایسه
حاسد لریده اولسبته آذر . چونکه آنلرك حسد طمرلرینی تحريك ایدن
محسود اوزرنده نعمتك ظهوری اولغله ، ترايد ظهور مقدارنجہ حسد دخی
ترايد ایدمجبکی طبعیدر . ایشته بو دقیقه به مبنی اولمیدرکه : فخر عالم افدنم ،
امورکوزك حصوله ، کیمسه به آچامق ، کیزله مک صورتیله استعانه ایدیکزکه
نعمت صاحبیری محسود اوله گلشدر . مآلنده (استمیزوا علی قضاء الحوائج
بسرّها فان کل ذی نعمة محسود) بیوردیلر . حضرت همر : برکسه اوزرنده
نعم الهیه تجلی ایتکه باشلادیعی ، همه حال بر حسد جیسی بولنه جقدر . بر آدم
اوقدر طوغری ، مستقیم الاطوار اولسه ینه برغمازك غمزندن . حاسدك حسدنن
قورتیله مز دیدی .

شعر

ان محسودنی فانی غیر لائهم قبلی من الناس اهل الفضل قد حسدوا
فدام لی ولهم مآبی وما بهم ومات اکثرنا غیظاً بما یحجد

مآل

حاسد لر بکا حسد اید بیورلرسده بن آنلری قیناسم . بندن اول ارباب
فضیلت هب حسد اولوندی . بنم نعمتم ، آنلرك حسدی دوام ایتدی . لکن
جو غیده غیظ و المنسندن محو اولدی : چوق کره حسد ، محسودك فضل
و کرامتی ، حاسدك خزی و دناؤتنه دلیل اولور . نعلکه ابوتامک شو بیتدی
بو حقیقی ناطقدر .

شعر

و اذا اراد الله نشر فضيلة طورت اتاح لها لسان حسود
لولا اشتعال النار فيما جاورت ما كان يعرف طيب عرف العود
لولا التخوف للعواقب لم يزل لا حاسد النعمی علی المحسود

مآل

الله بر نعمتك انتشارینی اراده بیوردقده . حسدجیلرك لسانتی اونعمته

مسلط قیالارده آنلر محسودك عدم لیاقتندن بحث ایتدیکجه، نعمت مز بوره ناس آره سنده شهرت آلیر .

آتش اوذ اغاجنی یاقسه ایدی ، کوزل قوقوسی انتشار ایده مزدی . حسد ، فنا نتیجه لر ویرمه ایدی . حاسدلرک نشر فضائل یوزندن محسودلر اوزرنده چوق نعمتلی اولوردی . نه چاره که ایش نشر فضائلده قالمیورده ایقاع مفسده فیرلایور . حسدك مادی و معنوی ، حسی ، وجدانی مضرتی تقدیر ایله برابر . طبعنده حسد جاننه میلان و نیجه غالبانه سنده مغلوب و ناتوان اولدیغنی درك و ایقان ایدوب بویه بر درد خانمانسوزك ایقاع ایده جکی مضرتك بالکلیه دفعی خصوصنده چره آرایان کسه نك . آتی الذکر اموره اعتنا ایتسی لازمه دندرکه اعتنای مز بور ، عزم جدی به مقارن اولدقده ، مرض حسدی کو کسدن کسه چکنه امینم .

(۱) حسدن اجتناب خصوصنده دین مینه اتباع ، واجب الوجودك وضع ایتدیکی آدابه رجوع ایله اوله بر خلق ذمیعی طاشیدیفندن طولانی نفسنی تحت قهره آلوب واز کچیرمکدر . طبایعک نقل و تحویلنده عسرت درکار ایه سده ، ریاضت و تدریج ایله کسب سهولت ایده جکی ونفسه خوش گلیانلرینک کیت کیده خوشنه کیده جکی قابل انکار دکدر . کرچه (من ربه خلقه ، کیف یخلی خلقه) یعنی برکسه بی که . خالق یار آتمشدر . مغبور اولدیغنی خویندن نصل کچر : قول مشهور نیجه ، تبدیل اخلاق استبعاد ایدیلیر سده ، مقصد مز بستیون اخلاق مطبوعه دن کچمک اولیوب ، انجیق خلق اصلی اولمز سه باری کفاته حاصل تخلقدن محروم اولمز دیمکدر .

ابوتمام

فلم اجد الاخلاق الا تخلقاً ولم اجد الافضال الا تفضلاً

مالی

انسانلرک خویرلرینی تخلق بولدم ، خلق جیبلی . دکل ، افضال وانعام دیدکارینی تفضل بولدم ، فضل حقیقی دکل . یعنی هبسی یایمه در . (۲) حسدك

نتایج وخیمه ، مساوی مستهجنه سی استقبال ایله . نفسی قهر و تذلیل و طریق
حسدن سبیل رشد و سداده تحویل آیدن عقلدرکه : اشبو دواى عقلی ، نفوس
زکیه ، همم علیه اربابنده بولونور . کرچه ارباب همت ، ذاتاً بوکبی دنائت
محققه دن قدرینی تنزیه ایده گلش ایسه ده ، احتیاط اولق اوزره بیسانه لزوم
کورلدی .

شعر

ابی له نفسان نفس زکیه ونفس اذا ما خافت الغلم تشمس

مأل

او ، بر طاقم قبا بحدن مارلوب امتناع ایله . چونکه آنک ایچون ایکی نفس
واردر . بری اخلاق ذمیمه دن منزله اولان ، دیگرى ظلم و اعتسافدن قورقدقه
مدافعه ده غدد ادن (۳) حاسد ، حسدك مضراتك دخی آنک تركنه وابسته
اولدیغنی و بویه رجوده مضر اولان برخصلتك ، قوینده ییلان بسار کی قلبده
طاشیمه نك خلاف حزم و احتیاط بولدیغنی بیله رك ، در حال ترك واهمال و تأمین
سعادت حال ایتمه سیدر .

شعر

بصیر با عتاب الامور کائنات یری بصواب الرأى ماهو واقع

مأل

ممدوح عواقب اموره واقفدر . بر درجه که : استقباله سر نمای ظهور
اوله حق وقایعی بیله رأی صوابیله تخمین ایله . (۴) حاسدك ، ناسك کندن
تفرت ایتدیکنی حس ایده رك ایله روده اشبو نفرت سوقیله پا ازاله وجودینه
قالقشمه لری یاخود ناموسنه موجب . لامت اوله حق بر شی بولاشد برمه لری
قورقوسیه مرض مز بورك قلبندن اخراجنه شتاب ایتمه سیدر که : بالآخره
عداوته بدل ، مودت ، مضرت به بدل ، منفعت تأمین ایده جککنده شبهه بوقدر .

ابن العمید

داوی جوی بجوی و لیس بجازم من یستکف النار بالخلفاء

مالی

مرضی مرض ایله تدای به جالیشیور . آتشی قوری اوتله سوندرمک
ایستینلر خلاف احتیاط وبصیرت حرکت ایدنلدر .

مؤمل بن امیل

لا تحسبونی غنیاً عن مودتکم انی الیکم وان ايسرت مفتقر

مالی

سز بنی محبتکزدن مستغنی ظن ایتیهک . بن نه قدر زنکین اولسه مینه
سزه محتاجم . (۵) حاسد . قضای الهی وتقذیرات سبجانی به کردنداده رض
وتسلیم اولوب محسودک نعمتدن نظر استرقابنی منع ایلمکدرکه . بوحالده بولنانلرک
فراغ بال، سعادت حال ایله یاشادقلری مشهود باصره امتحاندر . یوخسه حسدک
ویردیکی هوای رقابت سوقیله نعمت مزبورده بی محسوده مناسب کورمیه رک
سلبنه چالشمق قضا و قدره میدان اوقومغه بکزرکه بو صورتده مغلوبیت
ومحرومیت قطعیدر . آنک ایچوندرکه (اردشیر بابک) قضا بزه اویمازسه بز
اکا اویارز دیمشدر .

محمود وراقی

قدر الله کائن حین یقضى وروده
قد مضى فیک علمه و انهی ما یرید
فارد مایکون ان لم یکن ما تریده

مال

جناب حق، برشیثک حصولانی اراده بیوردیمی . همه حال یرینی بوله جتدر .

حقكده علم و اراده الهیهك نفوذی محققدر . اكر سنك ارادهكه . موافق
كلزسه ، آندن واز كجیده ، اللهم اراده سنه منقاد اول . امدی بر كسه ، عرض
اولنان بش سببك برینه تمسكه مرض حسده مداوات و استعمال رشد ايله
سالك مسلك نجات اولورسه . حسدك غرام واسقامندن قورتللق شرفه مظهریتله .
نقصان برینه ، ازدیاد ، مذمت برینه محمدت قزائیر . البت . نفسی هواوی مذمتدن
منع و موجب ملامت اوله جق یولاردن دفع ایدن كسه یی ، كندی یولاری
نفسنه تسلیم و آنكه مجاهدهدن صرف نظارله مستوجب لوم و تقنین اولانلرله
قیاس ایتدیكمزده ، اولكینی عزم قوی ، حزم جلی اصحابندن بولوروز . حاسد ،
مرض حسده بویولده تداوی ایتمه یولده شهواتنه او یارق حسدنده دوام ایدرسه
طبیع لئیمنه منقاد و مغلوب اولدینی جهتنه ، بروجیه آتی درت مذمتله موصوف
اولور . (۱) حسدك راقیدینی حسرت و غرام و جسده کی ابتلای سقامدركه
نه حسرت مزبورهك انهایسی . نده سقام مذکورك بشفاسی . بولند یقندن صورت
دائمهده ، زواللی حاسد جندره ایچنده بولنور . (۲) حاسدك قدرینك بن الناس
انخطاطی دركه . بونكده باشلیجه سببی هر كسك نفرت و مجانبیتدر . آنك ایچون
حسود شرف بوله مز . مألئیده کی (الجسود لایسود) سوزی مشهوردر .
(۳) ناسك مقت و عداوتیدر كه : حاسد ، عباد الله ایچنده هیج بردوسته
موفق اوله میوب بویوزدن دوچار خسران اولور . فخر عالم افسدمز ،
(شر الناس من یبغض الناس و یبغضونه) یعنی ناسك کوتوسی . ناس اركا .
اوناسه بغض ایدندر . بیوردیلر . (۴) حاسد ، محسود اوزرنده . جلوه نمای
بروز اولان نعمتلی اكا مناسب کور میوب تقدیر سبحانی . خلاف عیدالت
و مباین حقانیت صایه رق ، فعال لما یرید اولان الله معارضده بولونمق ،
و معاذ الله بویوزدن غضب الهی به چارلقدر . سید البكائیات افندمز ، آتش
اودونی محو ایلدیکی کبی جسده حسناتی محو ایلر . مألئیده (الجسد تأكل
الحسنات كما تأكل النار الحطب ، بیوردیلر) (عبدالله بن معمر) حاسبده ،
بیكناهلره بغض ایدر ، كندی مالی اولمیان شیثه بخل ایدر ، الینك ایرمدیكنه
طالب اولور دیدی .

امدی بر كسه بویله بر حاسد النعم ، دشمن فضل و کرم اولانلره تصادف

ابتد کده وظیفه سی، شرندن الله صیغتمق، قوردینی دام تزویردن چکینمک،
 کندینه مقارنتدن پرهیز و اجتناب ایتمکدر. چونکه بونلر، او یله خسته درلرکه .
 مرضلری اوکولمز . دوالری بولونمز . آنک ایچون دینمشدرکه : نعمت
 حسدجیلری ، او نعمتک زوالنی کورمدکجه خوشنود اولمازلر . بعض حکما :
 برکسه طبعاً مفسد ایسه یانه یاقلاشمه . قلب اعیان محال اولدینی کی، آنک
 اصلا حیده محالدر . (عبدالحمید کاتب) حسود ایله دوست اولمقدن ، یرتیجی
 ارسلانه یاقلاشمق خیرلیدر دیدی .

محمود وراق

اعطیت کل الناس من نفس الرضا الا حسود فانه اعیانی
 ما ان لی ذنباً الیه عامته الا اظواهر نعمة الرحمن
 و ابی فما یرضیه الا ذاتی و ذهاب اموالی و قطع لسانی

مالی

هرکسی کندمدن خوشنود ایلدم . لیکن حسودی خوشنود ایتمکدن عاجز
 قلدیم . ا کا قرشو بیلدیکم برقصورمده یوقدر . وار ایسه ، اوده نعمت الهینک
 اویزرمده تجلیسیدر . بن . آنی خوشنود ایتمک ایستدکجه او امتناع ایدر .
 ایسترکه . کندیم پریشان ، مانم محو و تباه اولسون . لسانم کسپلسون . فخر
 عالم افندمز ، (ثلاثة لا یسلم احد منهم ، الطیرة و سوء الظن و الحسد) یعنی
 اوچ خوبدن کسه قورتوله مز ، تشأم ، سوء ظن ، حسد ، خاطریکه تشأم
 کلیرسه . یواکدن دونمه ، دوام ایت ، سوء ظن ابتدیککده . تحقیقه یلتنمه ، حسد
 ایدرسه ک نفسکده باری قالسون . بشقه منه ظلم و تجاوز ایتمه بیوردیلر : ادب
 ریاضة و استصلاح شوراده ختامه ایردی . بوندن صکره کی مباحث ، ادب مواضعه
 و اصلاحه دائردر .



فهرست جزؤ ثالث

صفحہ	
۲	اسباب الفتك بشنہی قسمی تشکیل ایدن برّ واحسان حقندہ کی آیات واحادیث شریفہ ومقالات حکمیہ
۴	سخا ایچون برحد وارمیدرکہ تجاوز اولئسدقدہ اسراف مذموم باش کوسترسین
۷	صفت بخلک مستلزم اولدینی (حرص) (شره) (سوء ظن) (منع حقوق) صفتلرینک تفصیلی
۹	بخل یوزندن ارککلری لواطہ ، قادینلری سویجیلکہ دوچار اولان برقوم حقندہ کی حدیث شریف
۱۲	ایستہ مکسزین اجرا ایدیلاں احسان ایچون علم اخلاق علماسی طرفندن بیان اولان طقوز سبیک بیانی
۱۹	مستحق ، غیر مستحق ، ابو ، کوتو دیمیوب راست کلدکلرینہ احسان ایدنلرک مدح ویاذمی حقندہ کی اختلافات
۲۲	اخلاقیون طرفندن جائز کوریلان جر وسؤالک شرائطک بیانی
۲۶	کندینہ عرض احتیاج ایدیلاں زانده اجتماعی معتبراولان شرائط
۲۸	سائلده نظر اعتبارہ الینہجق درت شرطک بیانی
۳۶	کثرت عیال. مضایقه احوالندن شکایت ایدن برزانه حکمادن برینک مسکت برجوابی
۳۷	براعرابینک حضرت عمرله لطیفہ کونہ برماجراسی
۳۹	معروفک. قولی وعملی نامیلہ ایکیه تقسیمی

صفحه	
۴۳	ظرفادن برينك . وزرادن برذات حقنده يازدينى زيمكدير آميز اشعارى
۴۳	ايولكك اوج شيله تمامى حقنده حضرت عباسك بر نطق ايله امتنان واعجابك شناعى
۵۰	نااهلار ايله، اهل ومستحققره انعام آرمسنده كى فرقى ناطق اشعار حكيمانه
۵۲	حجاجك لطفنى كورمش خوارجدين برينك حجاج ايله محاربه يه دعوت ايدلدكده سويلديكى اشعار
۵۵	كسب معايش وجلب منافع خصوصنده انسانلرك مشتركاً چالشمليرينك لزومى ايله آرارلرنده تكون ايدن اختلافاتك رفعى وعدل ونصفتك جالبى ايچون برقانون الهينك وجوبنك بيانى
۵۷	نوع بنى بشرك تحصيل معايشى خصوصنده مدار اولان (ماده) وكسبك ونباتات وحيوانات يتشديرمه نك نظر شريعتده، موقى
۵۹	حيوانات يتشديرمه نك على الاكثر كوچه طائفه سنده بولنديغلك حكمتى
۳۱	صناعتك (صناعنه فكريه) (صناعة عمليه) (صناعة مشتركه) ناماريله اوچه تقسيمى
۳۳	كسب معيشت خصوصنده انسانلرك اوچه آريلدينى
۳۳	اهل عظالتك عجز وكسلانه توكل نامى ويرمليرينك خطا اولدينى
۳۹	انسانلرى جمع ثروته دعوت ايدن درت سببك بيانى
۷۳	فقر ايله غنائك هانكيسنك راجح اولديغلك بالوجوه بيانى
۷۵	مأموريت طلبنده بولنان حضرت عباسه، فخر كائنات اقدمزك بيانات حكم غايائى
۸۱	قناعتك تفصيلى حقنده بيانات مقنعه
۸۵	نفس ناطقه نك تأديب و تربيه يه احتياجى وبوبابده فلاسفه وكبراى امتك بيانات شافيه لرى

صحنه	
۸۶	ابن مقفعك بر تمثيل غريبي ايله. اصمعيدين نقلاً براعراينك اوغلونه اجرا ايتديكي وصايا
۸۷	بابالرك اولاديني قاچ طريق ايله تاديب ايدم جكنك بياني
۸۸	ادب مواضعه ، ادب رياضتهك تقسيات و تمرعاتي
۹۰	نفسه سوء ظنك جواز ، عدم جوازي حقدتهكي اختلاف
۹۲	كبر وعجبك بر تفصيل بياني
۹۴	حجاجك درت كشينك قاني دوكمديكندن طولاني بيان تاسفي
۹۶	اسباب كبرك بياني
۱۰۱	حضرت عمرله عباس آره سنده مأمورين ووكلايه درس انتباه ويره جك جدي بر محاوره ، كوزل خوي حقدته شرفوارد اولان آيات واحاديث
۱۰۵	كوزل خويلولري چركين خويلو يان احوالك تفصيلاً بياني
۱۰۶	حجاجك شام اهاლისني دائره اطاعته آلمق خصوصندهكي سياست عجيبيه سي
۱۱۰	حيانك تفصيلي
۱۱۳	حياتك اوچ قسمه تقسيمي وهربرينك تشريحي
۱۱۷	حلم و غضب صفتلرينك بياني
۱۱۸	انساني حلمه سوق ايدن سببك تفصيلي
۱۲۷	حزني غضبدن تميز ايدن اوچ وجهك بياني ايله هجوم غضب انساننده تشبث ايديله جك اسباب مدافعهك سرد واتياني
۱۳۰	عمر بن عبد العزيزك حلمندن بر نمونه و ابراهيم بن مهدي ايله مأمونك ماجراسي
۱۳۱	كذبك دواعيسنك قبح و شناعتي حقدتهكي آيات واحاديث واقوال حكما
۱۳۳	صدقك درده قدر چيقان دواعيسنك بياني
۱۳۵	كذبك دواعيسنك تشریح و تياتي

- ۱۳۶ یالانچیلرک یالانچی اولدقلرینہ دلالت ایدن امارات
- ۱۳۸ یالانک جائز اولدینی مواقعک بیانی ایلہ غیبت، نیمہ، سہایہ صفتلرینک
نظار شرع وعقلدہ مقدوحیتی
- ۱۴۲ حسد ومنافسہ حقندہ کی آیات واحادیث واقوال حکما
- ۱۴۴ حضرت معاویہ، قاضی شریح و بلیغ براعراپینک حسد حقندہ کی نطقلری



﴿ ادب الدین والدنیا ترجمہ سی ﴾

مؤلفی :

ماوردی

مترجمی :

بایزید درسعالمزندن برغمہنی :

جودت

مثنوی

از خدا جویم توفیق ادب

بی ادب محروم ماند از لطف رب

آمدی مطبعہ سی

دیون عمومیه جوارنده سلطان مکتبی سوقاغنده نومرو ۱۳

۱۳۲۷

بسم الله الرحمن الرحيم

الحمد لله ذي الطول والالاء وصل الله على سيدنا محمد خاتم الرسل والانبياء
وعلى آله واصحابه الاتقيا (اما بعد) رهين راده تحقيق اولان امور جنبه سندن دركه
مطالب دنيويه ودينه نك شرف رشاني نتايجنك شرفي و بخش ايتديكي منافعك
چوقاقني ايله متناسب و آتبق او منافع نسبتنده مطالب مزبور نك تحصيلنه عنايت
واهتمام واجب اولور واشبو اهتمام سايه سنده ده اقتطاف ثمرات حاصل اولور عالم
كيرودار ايجنده جلوه كر شهود اولان امورك كافه سني بر نظرد ايماندن كچير سهك
قدر و مزيتجه اعظم ، تايمين ايدده چكي منفعتجه اعم اولان قسمك آنجق دين و دنيانك
مدار استقامتي اخرا و اولانك مابه الانتظام صلاحی اولان شيلردن عبارت اولديغنه
صورت قطعيله ده حكم ايدرز . اوت عباداتك بحتي استقامت دينه وابسته بولنديني
كبي سعادة دارينك تماميده دنيانك صلاحنه موقوفدر شوو حالده بري عبادتك
انتظاميني ديكر يده سعادتات اتمامي تايمينه كافل بولنديني جنبه استقامت دين ، صلاح
دنيا ، شانلرينه اعتنا و تحصيلاري ادرغرنده اقتحام مشقت و عنايه شايان اولان امور
معظمه دن اولدق قلري شبهه سزدر بناء عليه بن شوو كونايله نه تطويل و امالال نده
اساس مطلبی اخلاص ايتكمسرين بر صورت متوسطه عادلانده دنيا و دينك آدابنه
اشارت و بونلرك احوالی حقه ده اسلاف كرامتك اجمال ايتدكارى حقايقك تفصيلنه
مبادرت ايتكم ايستهم سهوات فهم ، وضوح حقيقته مدار اولور فكريله بر طاقم
امثال حكما ، آداب بلغا ، اقوال شعراي دخی محينه بيانه ضم و عذر ايله فنيانك
مسائل عميقه سي ايله ادباتك اقاريل رقيه سني جمع ايتكم آرزو ابلدم .

مسائل بيانده التزام ايتديكم شواحولك اسلام طرق اولدينده شبهه ايتام چونكه
قلوب انسانيه فن واحدن بيتوب فنون مختلفه ره رغبت خصلتي اوزرينه ببولدر
حضرت علي كرم الله وجهه بيورديلركه بدنار يورلدني كبي قلوبده يورلور ابدی
نفس ناطقه به يكي بكي حنائق حكيمه اهدا ايدرلك يورغو نلغندن قورتلريك ساق
كوژنك شوسوزندن آتش را-ينم درس اوزرينه اشعار ادبا . ضروب امثال حكيمانك

در کار ارلان تاشیط قلبه خدمتی نظر مطالعهدن دور طوتمیوب عرض اولنان
مسلكه توفیق حرکت ایلدم مسالك بیان ایچنده اشبو مسلك بر مکاندن دیگر مکانه
انتقاله بکزرکه انتقال مکانی فکره نشوده وجلا ویردیکی کبی حقائق علمیه سر دنده ده
مسلك تفنن و طریق تجدده سلوک ، نفس ناطقه به بشقه جه بر انشراح سانجانه ده
بار لافلق بخش ایلر بوفکره مبنیدرکه مأمون خلیفه تدبیر امور ملکده اعمال فکر
واندیشه ایتدیکی ائنده تحصیل نشئه غرضیه ساکن بولندیغی سرائک دائر لرینک
برندن دیگرینه کبر و ابوالعتاهیه ک شوییتنی تکرار تکرار اوقوردی .

شعر

لا یصلح النفس اذکانت مدبرة الا التفتل من حال الی حال

مأل

قوة مفکره تدبیر و تفکر ائناسنده یورولنجه آتی بر مکاندن دیگر مکانه
انتقالدن بشقه برشیء دیکانیدر دمز .

شو کتابک محتوی اولادینی مباحثی بش باب اوزرینه وضع و ترتیب ایتدیکی
مناسب کوردم .

برنجی باب، عقلاک فضیلتی هوانک مذمتی . ایکنجی باب، ادب عامک مزیتی .
اوچنجی باب، ادب دینک حقیقتی . دردنجی باب، ادب دنیانک کیفیتی . بشنجی باب،
ادب نفسک ماهیتی خصوصاً عارینی بیانی مشتملدر . بن، آنجیق الملهک معاونتدن
استمداد و بر خصوصده بخشایش سببانیسی طلب ایدرم ذاتاً معین و حفیظ اولمق
جهتیه ادب بکا کانیدر بشفه سندن مدد بکنم .



باب فضل العقل و ذم الهوى

معلوم اوله كه مرفضيتك براساسى و هرادبك بر مرجع و مأبى اولقى لازمه دندر فضائل انسانيه و آداب بشريه نك اساس عدم الاندراسى ايسه جناب حقك دين ايجون اصل. دنيا ايجون همد قيليدي عقلتدر (اوت) اساس عقلتدر چونكه فياض مطلق انسانلره دينك وجوبنك كمال عقله وابسته بولمى تقدير و امور دينويه نك احكام عقله توفيقاً تدبيرنى تيسير بيورمش بونكله برابر هم و مأربك اختلافى اغراض و مقاصدك عدم ائتلافى جمعيت بشريه نك شيرازة انتظامنه خلال و يرميوب بالعكس كافه سنى عقل سبيله نقطه واحده ده جمع ايلمشد و انسانلره فرمان بيوردينى امر عبادتى ايكيه آيرمش بر قسمى عقلاً واجب اوله رق شريعت غرالى تأكيد و تشديد ايلمش بر قسمى دخى عقلاً جائز، شرعاً واجب اولمشد امدى عقل امر عبادتك هرايكي قسم نك اصل و عمادى ، مدار استنادى اوليور آنكچون سيدالكائنات افندمز. كشى. على كې صاحبى شهر ا هدايته ارشاد ورطه هولنك هلا كدن ابعاد ايدر برشى قزانمى مألنده (ما اكتسب المرء مثل عقل يهدى صاحبه الى هدى او يردده عن ردى) حديث شريفيله شناسنده و هر شي نك برديركى مدار قوامى واردر كشينك عمل نك دره كيده عقلتدر امدى كشينك ربه عبادتى عقلى مقصدار نجه در ايشتمديكز مى فاجر لر بيله عذاب اليم اخننده. قابضة قولى ائنانده. لو كننا نسمع ان نعدل ما كننا فى اخطاب السعير) ديه اظهار ندامتده بولمجهتدر مألنده بوانن لكل شى عمل دعامة و دعامة عمل المرء عنه فبقدر غنائه تكون عبادته لربه اما سمعتم قول الدجاء لو كننا نسمع ان نعدل ما كننا فى اخطاب السعير ، كلام منيفيله نكلام مدح و اطرا سنده بولمشددر (سمع من الخطاب) كشينك امدى. عقلى، حسبي. دينى، مروى. اخلاقيدر ديمشدر (حسن بعمرى) خدا بر كسيه نازل احسان بيوردقده آنك سبيله همه حال برمبله كدن قور تاردر نيمشدر (بعض حكما) عدل. آرزو ارلنان شيلرك افضل و ازجى جهل ابسه قيررب تغييريجى دشمنلرك اوبجيدر ديدى (بعض بلغا)

مواهب الهیهنک خیرلیسی عقل . مصائب کونیهنک شرلیسی جهلدر دیدی (بعض ادبا) هرکشینک دوستی، عقلی دشمنی . جهلیدر دیمشدر شعرای عربدن برذات . عقلک شویله ستایشند . بولنیور شاعر مزبور ابراهیم بن حساندن (بزین الفتی فی الناس صحة عقله) (وان کان محظوراً علیه مکاسبه) عقلک صحتی ناس ایچنده کشییه زیتبخش اجلال اولور . اما کسب نجاتنده بختی وارون ایمش مزینته ضرر ویرمز (یشین الفتی فی الناس قلة عقله) (وان کرمتم اعراقه ومناسبه) عقلنک قلتی فکرینک سقامتی ناس ایچنده کنندینه غیب ایراث ایدر . امانساب بیوک یردن ایمش چه فائده (یعیش الفتی بالعقل فی الناس انه) (علی العقل یجری علمه وتجاربہ) کنشی ناس ایچنده عقلیه تأمین معیشت ایدر چونکه علم وتجربہ سی عقله وابسته در تحصیل معیشت ایسه علم وتجربہ سز ممکن اوله مز (وافضل قسم الله للمرء عقله) (فلیس من الاشیاء شیء یقاربہ) تقسیمات الهیهنک افضلی عقلدر اشیا ایچنده عقله یقین برشی یوقدر (اذا کمل الرحمن للمرء عقله) (فقد کلت اخلاقه ومأربہ) رحمن برکسهنک عقلنی تام ویررسه آنک اخلاق وحوایج سائرده سی تمام دیمکدر : یینه معلوم اولسونکه حقائق اموری معرفت وحسنات وسیئات بیننی فرق وتمیز آنجق عقله پذیرای حصول اولور ایمدی تفصیلاتنه کیرشمک ایسته دیکمزده . عقلی . ایکی قسمه آیدررز (قسم اول عقل غریزی) (قسم ثانی عقل مکتسب) (عقل غریزی) اصل . عقل حقیقیدرکه آنک ایچون برحد تعیین اولمشدرکه مدار تکلیف آنجق اوراسیدر خدمعین مزبوری تجاوزده ایتمز نقصانیده قبول ایتمز انسانلرک حیوانات سائردهن مدار امتیازیده بوعقلدرکه نه زمان انسانده تمام اولورسه عاقل نامنی آلیر ودرکه نقصاندن حد کاله واصل صفتنی قزاینر نصلکه (صالح بن عبد القدوس) شویبتیه اشبو حقیقتی کوستریور (اذانم عقل المرء تمت اموره) (وتمت امانیه وتم نبائه) کشینک عقلی تمام اولدقدده امور ومقاصدی بنای اعمالیده تمام بولور : مفسریندن امام ضحاک (لیتذر من کان حیا) آیتنی (من کان عاقلاً) ایله تفسیر ایتمشدر علمای کرام عقلک ماهیت وصفتی حقنده اختلافه دوشهرک مذاهب شتی حصوله کلمشدر شویله که برقوم . عقلک حقائق معلومات بیننی فرق وتمیز ایدن برجوهر لطیف اولمسنه ذاهب اولمش وبونلرده عقلک محلی حقنده اختلافدن قوریتیه میوب

برطائفه محلی دماغ اولمسنه قائل اولمش وشومدعاسنی دماغ . محل حس اولمغله اثباته
 يلتتمش (طائفه اخري) محلی قلبدر زیرا قلب . معدن حیات وماده حواسدر
 دبمشدر . عقلك جوهر لطیف اولمسنندن عبارت اولان شومذهبك ايكي وجهه
 فسادى ثابتدر (وجه اول) علوم حكيميه ده بيان اولنديني اوزره جواهر
 كائناتك متنايله اولمسی ثابتدر شو حالده بعضيسنك ايجاب ايتديكنی ديكرينك
 ايجاب ايتمه سی صحيح اوله من بلکه ايجاب واقضای وظيفه ده متساويه الاقدام
 بولملری لازمه دندر بوراسی تسليم اولننجه شخص عاقل كندينك وجوديله
 عقلينك وجودندن مستغنی اولمق لازم كلير چونكه عاقلده . بر جوهر اولوب عقلك
 ايضا ايتديكي مصلحتی بالنفس ايضا ايتمسيه استغناسی لازمدر مقصدمزی بر آرز
 تشریح ايدلم مثلاً فرض ايتد ككه عقل جوهردر شخص عاقلك جوهر اولديني
 ذاتاً معلومز . امدی عقل ايچون بروظيفه واردركه اوده ادراكدر آنى بشقه برشی
 ايضا ايدمه من ديسه ك قرشومزدن بر سائل چيقوب ديه بيلير كه شخص عاقلده . جوهر
 اولديني جهته آنكده بو وظيفه ن كوره بيلمسی جائزدر والا جواهر ك متنايله اولمسی
 قضيه سنی بوزمش ارلورز بناء عليه عاقل كندی باشنه بو وظيفه ن كورد كده
 ادراك خصوصنده عقلمن استغناسی لازم كلير كه اوده مطلوبمز ایدی اشبو فساد
 زده دن لازمكلى عقلك جوهر اولمسنندن اويله ايسه اوده باطلدر (وجه ثانی)
 جوهر ك بذاته قیامی باطل اولديني ينه حكمانك جمله مقررانندن بولمغله عقل
 جوهر اولسه عقلسز جسم بنفسه قائم اولمق جائز اولديني كبی عاقلسز عقلك
 وجوديده جائز اولمق لازم اولور يوايسه باطلدر امدی عقلك جوهر اولمسيده
 باطلدر علمادن ديكر فرقه . عقلی (المدرك لاشيا على ما هي عليه من حقائق المعنى)
 ديه تعريف ايتمشلر وبر وجهله صوابه ياقلاشمشلر ايسه ده ديكر جهته بمراحل
 بعيد دوشمشدردر چونكه ادراك صفات حیدن اولوب عقل ايسه عرض
 اولديني جهته متلذذ متلذذ مشتهی اولمه نك كنديله قیامی محال اولديني كبی عرض
 بولنان ادراكك قیاميده محالدر يوخسه قیام العرض بالمرض استحاله سی باش
 كوسترر امدی شوقولك بطلانیده رهين راده شوتدر .

متكليمندن بر فرقه ديكرده عقلی . جمله علوم ضروريه دن عبارتدر ديو تعريف
 ايتمشلر سده تعريف مز بورك متضمن اولديني اجمال ومشمتمل اولديني احتمال

سببیه غیر محصور اولوب حدلرده ملتزم بولنان عدم الاجمال والاحتمال قضیه سینه منافی دوشدیکندن رتبه قبولدن ساقطدر سوزلرینک صحقی. فکرلرینک جیادتیله محکوم اولان دیکر برفرقهده. عقل. مدرکات ضرورییه علم حاصل اولمقدن عبارتدر دیمش و علم مزبوریده ایکیه آیرمشلردر (نوع اول) حواس خمسۀ ظاهره واسطهسیله حاصل. علم (نوع ثانو) حواس واسطته احتیاجمس ایتمکسزین نفس ناطقهده ابتدا واقع اولان علمدر نوع اوله مثال ایسته نیرسه. بصر واسطهسیله مرئیات مدزکیه، سمع واسطهسیله اصوات مدرکیه، ذوق واسطهسیله. مطعومات مدرکیه، شم واسطهسیله رواج مدرکیه، لمس واسطهسیله اجسام مدرکیه تعلق ایدن علمی کوسترمک کافیدر.

ایمدی انسان. حواس یاردمیه اشیاء مذکورده ادرک ایتدیکی تسلیم اولننجه برنوع. صفت علمک کندینه ثبوتیده تسلیم اولنمق طبعیدر اما دینیله جنت که انسان ایکی کوزلرینی یومدقده اشیائی بیله میور شو حال آنی کامل العقل و صاحب العلم اولمقدن چیقارمزمی (خیر. اصلاً) چونکه عوارض و موانع خارجیهدن قطع النظر مجرد بالاده بیان اولنان ادراکانه قابلیت اثبات علم خصوصنده کافیدر (نوع ثانییه) (وساطت حواسدن معرا اولان علم) مثال اولمق اوزره برشئت وجود وعدمدن خالی اولمایشنه (موجود) حدوث و قدمدن خالی اولمایشنه واحد اثنیندن اقل اولمهنه اجتماع ضدینک محال اولمهنه تعلق ایدن علمی کوستریرز شونوع علمک سلامت. حال. کمال عقل شرطیه عاقلدن انتبازی هیچ بروجهله جائز اله مز ایمدی عاقل شوا یکی نوعله مدرکات ضرورییه عالم اولنجه کامل العقل وصفنه شایان اولور عقله. عقل تسمیه سی حقتده شویله برزجه بیان اولنیورکه (عقل) صاحبی شهواتنه انهماک ایله افتاده حفره هلاک اولمهدن منع ایتدیکندن دودنی فرارندن منع ایدن بوقاغی معناسنه (عقل الناقیه) تشبیه طریقیه تسمیه اولمشدر بودقیقه تسمیهیه اشارتاً عامر بن قیس. عقلک. سنی شرعاً ناسزا اقوال و افوالدن منع ایدرسه حقیقه عاقلسک دیمشدر متکلمینک عقل حتمده کی قول اخیرینی مؤید خیلی احادیث تحیحیه وارد اولمشدر ازان جمله بری سید الکائنات افندمزدن روایت اولنوب عقل. حق ایله باطل یئنی فرق وتمیز ایدر قلب ایچنده بر نوردر مألوسده (العقل نور فی القلب یفرق بین الحق والباطل) حدیث شریفدر عقلک جوهریتیه قائل اولمیانلر محلی

قلبه اثباته مجبور اولدیلر زیرا قلب محل علومدر قال الله تعالى وتبارك (افلم یسیروا فی الارض فتکون لهم قلوب یعقلونه بها) شو آیت کریمه ایکی شیشه دلالت ایدیور بریمی عقلک علم ایکنجیسی محلی قلب اولدیغنه (یعقلون) ده ایکی تأویل وارد (۱) یعلمون (۲) یعتبرون بها ایشته عقل غیری حقیقده کی مقالات مجله بولردن عبارتدر اما عقل مکاتب دیدیکمز. عقل غیری نیک بتیجیسی اولوب نهایت المعرفة، صحة السیاسة، اصابة الفکرة. ماهیتلر نیک هیئت مجموعی سیدر اشوع عقل. استعمال اولندقدی نما. اهمال اولندقدی نقصان پذیرا اولمغه کندیسی ایچون برحد معین بیانی غیر قابلدر نمای مزبور ایکی وجهک برسیله حاصل اولور (وجه اول) ذوالانسان اولان حیوانات سائریه لجام. مانع سیرو خرام اولدینی کی عقل ایچوند، هوای نفسانی و شهوات حیوانی طرفندن برمانع بولندقدی استعمال اولونه اولونه کثره تجارب و ممارسه امور سببیه نماسیدر بونک ایچون قوم نجیب عرب شیوخ آراسنی ثناده بولنه کلمش حتی ایچلرندن بعضی شویله دیمشدر مشایخ. اشجار و قار و منابع الاخباردر آنلرک آندقلری اوق نشانکاهدن تخلص. فکر لری و هم ایله اختلاط ایتمز. سنی بر فعل قیچک اجر اسنده کورسه لر در حال منع و ارشاد. فعل مشروعلک ایفاسنده بولسه لر. بذل معاونت و امداد ایدر لر. بعض حکما طرفندن. آراء شیوخه ملازمت ایدیکز چونکه آنلردن ذکاء طبیعت، فرط درایت مفقود اولسه بیلر پیشگاه مشاهده لرندن چوق عبرت انکیز ماجر الرکمش قولالقرنده تغیرات کونیه نك آثاری طنین انداز اولمش اولدیغندن هر حالده اصابت فکره مالکدر لر دیمشدر حکم منشورده. کشینک عمری اوزارسه قوای بدنیه سی نقصان کورسه بیلر عقلک قوتی مزداد اولور دیمشدر وینه بوقیلدن اوله رق ایام. جاهلی تأدیب ایتمدکجه یقاسنی صالمن دیندی بعض حکما، تأدیب ایسترسه ک تجارب. کافی وعظ ایسترسه ک انقلاب دوران و افیدر دیمشدر بعض یلغا، تجربه. عقلک آینه سی غرور. جهلک میوه تلخا سیدر دیدی بعض ادبا. کچمش کله جکدن خبر ویرمک. ارباب ذکا نک تجربه لری. عبرت جهتیله کافیدر دیدی بعض شعرا عقلک نظاماً شویله ثناسنده بولاندیلر .

شعر

المتر ان العقل زين لاهله ولكن تمام العقل طول التجارب

(۹)

مأل

کورمدکی که عقل اربابنه زینت تمامی ایسه تجربه لرك چوقلغندن عبارتدر .

دیگر

اذا طال عمر المرء فی غیر آفة افادت له الايام فی کرها عقلاً

کشینک عمری آفتدن مصون اوله رق کچرسه ایام. کلوب کچمه سنده آکا عقل علاوه ایدر .

عقل مکتسبک نمانسک وجه ثانسی

اشبو نما فرط ذکا وحسن فطنة سابه سنده حاصل اولور که حدس وتجربه ایچون بروقت مهمل اولمقمزین مجر دسانحاتک پارلاقلغندن عبارتدر ایمدی بوجودده فکریه. عقل غریزی مایه سیله امتزاج ایتدکده، نمای عقل مکتسب. نتیجه سی اقتضاف اولنور اکثر کنج لرده مشهود اولان رزانه عقل، رصانه فکر کبی که نمای مذکورک آثار متجلیه سیدر حتی هرم بن قطبه نام ذاته. عامر بن طفیل «علقمة بن علائه» میانه لرنده تحدث ایدن بر مسئله ده حکم اولمی ایچون کلدکارنده (هرم) یاشلری کنج. ذهنلری کسکین کیمسه لره مراجعتکن لازمدر دیه رک اختیار لغنی اوکه سورمش وبوسوز آنلری باشندن صاومق ایچون فی رلاتش بر معذرت صوریه اولمقله برابر آنلر عقل و حکمه موافق و صدق و صوابه مطابق کوردکاری بو فکری تعقیب ایله اولوقت سنک کوچکلکی عقلنک چوبکلکی ایله بین العرب مشهور اولان اوجهله کیتمشلر لعین مسفورده حکمدن امتناع ایتیه سیله مره ثانیه ده هر مه مراجعتلرنده اجرای حکمه مبادرت ایشدر که حکم مزبور حقنده لید شو یتتی سولیشدر .

بیت

یا هرم بن الاکرمین منصباً انک قداوتیت حکماً معجباً

مأل

ای آناسی باباسی منصب جهتیله اکرم اولان هرم. یا هو سن. حکم عجیب، فکر

مصبی ایلہ جناب حقندن مظهر بخشایش اولمشکدر. عرب یبندده مشهور سوزدرکه
مشاوره بی دأما کنجبلرله یاپیکز چونکه آنلرک نسیاح فکریه لری قدم زمان
طوقونامش اختیارلق رطوبتیه چوروماش بر طاقم جید فکیرلردر (نته کیم
شاعر دیور)

رأیت العقل لم یکن انهاباً ولم یقسم علی عدد السنینا
ولو ان السنین تقاسمه حوی الالباء انصبه الیننا

مأل

کوردمکه (عقل) یغما ایلہ قزانلیور انسانک یاشی نسبتدده ویرلیور اکر
سنه لر عددنجه عقلده تقسیمات یابلسه بابالر هپسنی آیر اولاده برشی قالمزدی .
اصمی دیورکه فصاحت و بلاغتیه بی مفتون ایدن بر عرب چو جو غنه . ایسترمیسک که
آحق اولق شرطیه یوز بیک غروش آلهسک دیدیکمه جوابنده خیر دیدی
صوردمکه نیچون. دیدیکه قورقارمکه حماقت برکون بر جنایت ایقاع ایتدیررده مبلغ
مزبور ی کوتوردکن صکره کندیمی اوزرمده جبا قالیر: نظر عبرتله باقلسون که
کبر سن. کثره تجاربه مالک. سالخوردلرک بیله عجری محتمل بولنان شو جوانی
فرط ذکاسی، جودت قریحه، سی ایلہ فصل استنباط ایلدی .

ابن قتیبه نکل و حکایه ایتدیکی فقره آتیه ذکا و فطانتیه دلالت و موجب
حیرت اولمقده صبیء مذکور حکایه بسندن دهها زیاده در . شویله که حضرت عمر
سوقاقده او یونله مشغول چو جو قلدرد تصادف ایدوب مهابت عمریه الجاسیله عبدالله
بن زبیردن ماعداسی حضرتی کورنجه فرار ایدرلر حضرت عمر چو جقلرک
فراری، ابن زبیرک عدم فراری سببی کندندن صوردقده ابن زبیردن شو جوانی
آلیر. یا امیر المؤمنین کندمده شهبم یوقکه قورقوب قاچه یم یول طار دکله توسیع
ایچون چکیله یم باقکیر اشبو جوابک متضمن اولدینی فطنته وقوه ذکایه و بدهت
جوابیه که فصل کندیسندن لومی قالدیردق آروجه حجت اقامه ایلدی افندم.
ذکا ایچون غایت. جودت قریحه ایچون نهایت یوقدر .

حکایه اولندیکه خلفای امیه دن سلیمان بن عبدالملک دیار رومدن کتیریلان

برطاقم اسارانك بويینی اورمقله فرزدقه امر ايدر فرزدق. اشبو خدمتن
 عفونی استرحام ایدرسهده بردلو قبول ایتمز والینه برکسمز قلیج وپروب
 خدمته مبادرتی تکلیف ايدر فرزدق. بن بوقلیج ایله ایش کوره مم سلسله
 اجدادمدن رغوان لقیله ملقب مجاشع نام کسهدن موروث قلیج ایله اورورم
 دیوب کنندی قلیجیله اسارادن برینه اوروب قضارا قلیج کسمه نیجه خلیفه
 وحضارک خنده استخفافه قویولدقلرینی کورن فرزوق بالبداهه زیرده کی
 یتلری سویلر .

ایعجب الناس ان اضحکت سیدهم خلیفه الله یستسقی به المطر
 لم ینب سیفی من رعب ولادهشی عن الاسیر ولكن اخر القدر
 ولن یقدم نفساً قبل میتها جمع الیدین ولا الصمصامة الذکر

مالی

باعث فیض ورحمت ولباس خلعة خلافت وکندیلرینک سیدی بولنان
 ذاتی کولدر دیکمدنطولانی ناس تعجبمی ایدیور بنم سینم خوف وحیرتندناشی
 اسیردن دونامشدر انحق قدر الهی انک موتی تأخیر ایتمشدر الی باغلی اولمق
 وسیف صارم وپولاد بولمق ایله هییج برنفس کنندینه مخصوص مماتدن اول اماته
 ایدبله مز . بعده قلیجی قینه قویهرق شونلری سویلدی .

مان یعاب سید اذا صبا ولا یعاب صارم اذا نبا ولا یعاب شاعر اذا کبا

مالی

(برسید دیشان حسب البشریه خفته میل ایتمکه عیلمناز و برسیف قاطع
 کسمه مکله یرمز و برشاعر قباحت لسانیهده بولمغله قینامز . بوندنصره
 او طوروب . ظن ایدرمکه شو ماجرامی (ابن المرغه) یعنی جریر . طویسه
 بنی شویله هجو ايدر دیدی وچیتدی کیتدی بیت شودر .

شعر

بسيف ابى رغوان سيف مجاشع ضربت ولم تضرب بسيف بن ظالم

مالی

اجدادكك سيفيله اوروب عربده شجاعتی وکسکین قلیجیه مشهور
ابن ظالم نام کسه نك قلیجیه اورمدکده آنکچون کسمدی .
فرزوق چیققدنسرکه (جریر) کلوب ماجرا کندینه حکایه اولورسده
شعر مزبوردن خبر ویرلمز درحال جریر .

بسيف ابى رغوان سيف مجاشع ضربت ولم تضرب بسيف بن ظالم

بیتنی انشاد ویا امرالمؤمنین (ابن القین) یعنی فرزوق . حقنده سویلیدیکم
شوییتی طویسه . ظن ایدرم شویله جواب ویرر دیدی .

ولا نقتل الاسرى ولكن نفكهم اذا اثقل الاعناق حمل المغارم

سلیمان فرزوقك فراست سابقه سنه یعنی جریرك سویله یه جکی شعری
سرعت انتقالی وپارلاق سانحاتی ایله بولدیغنه آفرین اوقور برزمان صکره
فرزوقه جریرك سویلیدیکی شعر مذکورى خبر ویردکلرنده بالبداهه شوییتلری
انشاد ایدر .

كذاك سيوف الهند تنبو ظباتها وتقطع احياناً مناط التائم
ولن نقتل الاسرى ولكن نفكهم اذا اثقل الاعناق حمل المغارم
وهل ضربة الرومى جاعلة لكم اباعن كليب اواخاً مثل درام

مالی

هندستانه منسوب اولان ابی قلیجلك حالى ایشته بویله در کسکین اولان

اوجلری کسمه یی ویرر بعضا اولور که نسخه لی بویونلری بیه کسیرر .
 بزاسیرلری اولدرمین بلکه آنلری تکالیف شاقه آلتنده کوردیکمزده قید
 اسارتدن قورتاریرز براسیر رومی یی قتل ایتمک سزک ایچون کلب وائل نسلندن
 بریدر یاخود دارم بن مالک کبی بربرادر حاصل اتمک قدر برشرفیدر .

فرزوقک محجوبیتله نتیجه لنان شو حالی ادبای عرب میانه سنده شیوع بولدی
 حتی حکایه اولنور که عباسیه دن مهدی حضورینه اسرای رومدن برنی
 کتیردکارنده حضورنده بولنان شبیب بن شیبیه خطاباً شونک بوبنی اور
 دید کده شیب یاامیر فرزوقک وقعه سی معلوم و یچاره شو آنه قدر عجز ایله
 ملومدر بنده او . لومه مظهر اولماق اوزره بواشیدن عفو کزی رجا ایدرم
 دیمش مهدی دخی بن سنک شرفک ایچون بوتکلیفده بولنشدم دیهرک عفو
 ایدرسد، زواللی شیب حاضر بالمجلس اولان شاعر ابوالهولک شوطعنه سندن
 قورتیه مامشدر .

جزعت من الرومی رهو مقید	فکیف ولولاقیه وهو مطلق
دعاک امیر المؤمنین لقتله	فکان شیب عند ذلك یفرق
فنج شیباً عن قراع کتیه	وادن شیباً من کلام ملنق

مالی

ای شیب . اسیر باغلی اولدیغی حالدده قتلندن اندیشه ایدییه رساک عجیا
 باغلی ازلمسه نه ییاجتساک امیر المؤمنین سنی اسیرک قتلنه چاغریور سن اندن
 قورقیر رساک پادشاهم شیبیه حرب ضرب تکلیف اتمه سوسلی سوسلی لاقردییه
 چاغریه باق فصل اجابت ایدر حخته مقارن : ایسه فرزوقک رقه سنده شایان
 تعجب اولان یر . هر ایکی قریحندک جیادتی دکل ، توارد خاطرین یعنی هرایکی
 طبع شاعره نک فکر واحده اتحاد لریدر .

آنکچون حکما . عقلک علامتی . فهمنک سرعتی ، نایه سی . وهمنک یعنی کشف
 وتحمینک اصابتدر دیمشدر در جزده نریحه وسرعه خاطر نعمته مظهر اولان
 ذوات ایچون سؤ ال نه قدر مشکل ییله اولسه جوابدن عجز یوقدر نیته کم ساقی

کوثر حضرت علی کرم الله وجهه . بوقدر خلق کثرت و ازدخامیه برابر جناب حق فصل . بسط میزان حساب ایدر دیه صور دقلزنده آنلرک کثرة و ازدخامیه برابر فصل آری آری رزقلرینی یتشدیر بیوسه اویله جه حساب بیورر جواب مسکت و الزامیسنی و یرمشدر (عبدالله بن عباس) بعد خراب البدن ارواح نزمیه کیدر سوائنه یاغ توکیدیکنده قندیلک آتشی نزمیه کیدیورسه ارواحده اوریاه کیدر جوابنده بولنمشدر شواییک جواب . سائل مستر شده اذعان ، منکرینه حجت قهر و خذلان یحش ایدن اجوبه مسکته قیابندندر حضرت عیسی نک ابلیسه و یردیکی جواب هرندقدر جودت قرینهدن منبعث اولیوب و حی ربانی ثمره سی ایسهده اجوبه مسکتهدن اولمقده جوابان سابقانه التطاق ایدر شویله که (ایلیس) حضرت عیسی علیه السلامه کورینور و میانه لرنده محاوره آتیه جریان ایدر (ابلیس) یا عیسی سن اعتقاد ایدیورسکنکه جناب حق تقدیر ایتدکجه سکا بر مصیبت کلز شوعقیده نک صدقنی کوسترمک ایچون شوطا غلک ذروده سندن کندینی آت سلامتک مقدر ایسه قور تیورساک (عیسی) یاملعون الله ایچون قولنی امتحان قدرتی ثابتدر لکن قول ایچون الاهی امتحان صلاحیتی هیچ بروقت یوقدر : بوکی جوابلر و حی صمدانی ایله اسعاد بیوریلان انبیای عظام حضراتی ایچون جای استغراب دکادر انجیق سایان استغراب اولان یالکنز جیب اندیشه و خاطر بداعت پیشهدن بوکی ظریفانه جوابلری صیروب چیقار آنلردر فتم بن عباس روایت ایدر که علی بن ابی طالبه . سما ایله ارض آراستهده نقدر مسافه واردردیه صور دقلزنده دعوات مستجابانه طی ایتدیکی مسافهدر دیمش بونت اوزرینه مشرق اله مشرب اواسندن مسافه نه قدردر دیدکیراند کونشال بر کرکات مسالار ایدر بیوردیلر اهدی شوسوزالار ایلمز ایتدیلر اولسورن ایستر حقیقی اولسورن هر حالده سائل مسکت درسمشدر اما بسط و تمهید اولنان سوز ایکی وجه عقل مکاسبده اجتماع ایدر سه یعنی فرط ذکا و جودت حدس . سلامت قرینده . طول تجارب هرر زمان زکوة اختیار سبیل عقلک تمهیدده انظمام ایدر سه اکا عقل کامل . حاجنده سائل کامل فاضل بالاسم احتیاق دینور و سوز پیغمبریده بر کسمه حقهده (احباب) خیر ایله شده بولندقلزنده رسالتیه افندمن عقلی نصایدر بیورمشلر بوکا

قرشو اصحاب . شویله عبادتی . بویله اخلاقی . شریله فضائل و آداب واردر دیه صایوب دوکدکارنده ینه . عقلی نصیلدر بیورمشلر اصحاب . حیرت ایدرک یارسول الله بزمودحک عبادات و طاعاتی تعداد ایدیورز سز . عقلندن سؤال بیوربیورسکیز . حکمتی . اکلامدق دیدکارنده بیورر که احق عابد . جهلی سبیلله فاسقک فسقندن بیوک فلاکتاره چاربیلیر : انسانلر ربنه عقلی مقصدارنجبه کسب قرب ایدرلر .

عقل مکتسبک ازدیاد و تناهیسی انسان ایچون فضیلت و موجب مسرتیدر یوخسه حقنده موجب نفرت و بالای مستلزم الکاء بتیدر علمای کرام . بونقطهده اختلاف ایتشلردر انلرن برکروه ، خیر ، ررزلیتین ارسنده حد متوسط اولدیغی کبی فضائلدن هر بر (فضیلت) ده هراییکی خصصات ناقصه نک آرسنده برخصصه متوسطه در عقلاک تناهی و ازدیادی تقدیرنده حاق وسطی چکوب حد فضیلتدن چیقاجنی بدیهی اولمغله ازدیاد و تناهیسنه هیچ بروجیه فضیلت دیهمیز دیمشلهر حکما . اسکندره ، ای پادشاه هرایشکده اعتداله رعایت ایله زیاده عیب ، نقصان ایسه عجزدر دیهرک اجرای نصیحت ایتشلردر صاحب الشریعه المطهره افندیمر ایشلرک خیرلیسی اورتیه حالده اولانیدر معناسنده اولان (خیر الامور اوسطها) حدیث شریفیله ارشاد امت بیورمشلردر حضرت علی کرم الله وجهه امورک خیرلیسی اورتیه سیدر چونکه اولده ، آخرده ، هراییکسنک مرجعی وسطدر دیدی .

قال الشاعر

(لا تذهب فی الزمر فرطاً : لا تسئلن ان سئلت شطناً : وکن من الناس جیداً ورسناً)

مالی

امورکده افراط و کسوفدن برشی ایستدکده السراح و ابرامده تجاوز طرفته کیتمه کافیه ناس ایچنده اورتیه حالای ادم اول .

بونلر عقل مکتسبک ازدیادینک منافی فضیلت اولدیغنه برده شویله دلیل کتیه دیلر دیدیرکده عقلاک زیادهسی . احیی بکر ، حیل ، دها و دسائسه سوق و اغرا

ایدر بوايسه مذموم، صاحبه ملومدر (باقسه ك أ) (عمر بن الخطاب) ابوموسی- الاشعری به زیادك والیككن عزانی امرایتدیکنده (زیاد) حضرت عمره یاخلیفه سبب عزم . بكا برجهتدن وقوعبولان حدتکزمی . یوخسه بیت المال مسلمینه خیاتم می دیه صورددقه هیچ برشیدن دكل بلکه سنك علك . دها . مرثبه سنده یارلاق و مزداد اولدیغندن سنك کبی برداهی بی ناس اوزرینه برابر کران تحمیل ایتش اوله جغمندن خوفدندر جائزكه . طغیان عقلکه . ایدجكك ظلم بكا راجع اولور دیدی . انکچون افراط عقل جسدا یچون مضردر سوزی . قدیم سولینیر بعض حکما . سبیل رشاد و منهج سداده دلالت ایدجك عقل سکا کافیدر دیدی بعض بلغاده . حوائج دنیویه و اخروییه کافی اولان قلیل . سبب طغیان . موجب خذلان اولان کثیردن خیرلیدر دیدی .

علمدان فرقه دیگر فرقه اولانك عکسنی بالادعا عقلك زیاده لکنك آیروجه بر فضیلت اولمسنه ذاهب اولمش وشو بولده استدلاله قوبولشدن فضائلك زیاده لکنك مستوجب نقص و مذمت ارمسی مطلق دكل یلکه کندیسی ایچون بر حد معین بیان ارلنن فضائل محدوددك طاشقین بولمسنه منحصردر زیرا حد معروفنی تجاوز ایدن هیچ بروقت فضیلت نامنی قزانمیدنی کبی مذمته منسوب اوله جنی شبهه سزدر قهرمانلقد . حدشجاعتی تجاوز ایدن بهادر تهورده . سخاوتك حیز معیننی تجاوز ایدن طاسلاق دخی اسراف و تبذیر نسبت اولندیکی : عقل مکاسب ایسه هیچ بروجه بکا قابل تطبیق دکلدر زیرا عقل مزبورده زیادهك . امور کثیردی فرط درایت ، ظنون غالبده حسن اصابت ، ماضی و استقباله ممکن مرتبه معرفتدن عبارتدر بوايسه کندیسنه قطعاً صفت نقص و برلیه جکی کبی فضیلت ایله توصیف مزده فرسخ نریخ حقمز واردر بونی مؤید و ناسك افضل عقار زیاده اولانیدر معناسنی مفید ارمان (افضل الناس اعقابهم) کلام حکمت ارتسام پیغمبریمی دخی روایت اولمشدر برده . عقل هر زرده اولورسه اولسون شایان الفتدر مآلنده کی (العقل حیث کان مألوف) حدیث شریقی زیاده عقلك فضیلتنی بر تاندها اثبات ایتزمی مفسرینك بعضی (قل کل یعمل علی شاکته) آیتده کی شاکته (بحسب غلبه) ایله تفسیر ایشدرکه بوده حقیقت معروضه بی کرده کی تأیید ایدر قاسم بن محمد دیورکه عرب (من لم یکن عقله اغاب خصل الخیر

عليه كان حفته في اغلب خصال الخير عليه) دیدی . یعنی برکسه نك خصائل
خيريه سنك . چوغی عقلی اولمزه آنك هلاکی اویوزنددر دیمکدر (حکم
منشورده) هرشی چوغالیرسه اوجوزلر لکن عقل چوغالدجه رواج بولور
قیمتی آرتار دینشدر . بعض بلغا دیدیکه عاقل عقلی یوزندن ارشاد ورائی یوزندن
امداده مقرون اولوب دائماً سوزی طوغری فعلی ممدوح اولور جاهل ایسه
جهلی یوزندن اغوا : هواسی طرفندن معصیته . سوق واغرا اولنوب سوزی سقیم
فعلی ذمیمدر ابن لکک بکا پدرینک آتیده کی شعری اوقودی .

شعر

من لم یکن اکثره عقله اهلکه اکثر مافیه

مالی

(برکسه نك وجودنده اکثر اولان عقلی دکلسه آنک هلاکی کیندنده اکثر
اولان شی یوزنددر)

اما قول اول طرفدارانک دلائلنده درمیان اولنان حیل و دسائس : مکرو
وساوس بزم عندمزدده دخی مذمومدر . چونکه بونلرک صاحبی . عقلنک فصله سنی
شره صرف ایتدیده مستوجب مذمت اولدی . خیره صرف ایدیدی بالعکس .
شایان مدح وستایش اولوردی . مغیره بن سفیان . حضرت عمری . شویله ثنا ایدیور
والله عمر . کمسه یه خدعه ایتمکدن افضل یعنی مبرا و کندیسنه خدعه اولتمقدن
اعقل یعنی معرادر دیدی حضرت عمر کندیسنی شویله وصف ایدیور بن
حیه کار دکل حیه کارلرک دام تزویرینه دوشنلر دنده دکل .

علمای کرام (زیاد) و آنک نظائری . عقلنک فصله سنی شره صرف ایدن
کمسه لرک عاقل تسمیه اولنوب اولنه میه جفنده اخته لاف الیه . دلائل قویه سردایتدیلر
برفرقه سی دیدیکه دکلگی که بونلرده نعمت عقل زاردر بن بونلره عاقل دیمکدن
چکنمهم : دیگر فرقه دیدیلر که خیر ایله دین . مرجبات عقلدن اولدنی جهته

دکلیکه بونلر مقتضای عقله عمل ایتیوب جانب شره پویان اولدیلر . بن بونلره عاقل اسمنی چوق کوررم : دیه جکم برشی واریسه صاحب رویت . مالک فکر کردن عبارتدر . آنکچون بعض عقلا . عاقل اللهک امر ونهی دوشونن کسه در دیمشدر حتی علمای شافعیه دیورلرکه برکمه . مالک ثلثی انسانلرک الک زیاده عقللیسنه وصیت ایلدم دیسه اشبو وصیت . زاهد ومتقیلره مصروفدر زیرا عقله مطیع ومنقاد اولوب امله الدانیمان ومتهی ء یوم التناداولان انجیق بوزمرء ناجیه زهادر لقمان بن عامر . ابوالدرداء حضرتلرندن روایت ایدیورکه مسند پیرای کرسیء رسالت افندمز . ابو عامره خطاباً (یاعویر ازددعقلاً ترددمن ربک قرباً وعزاً) یعنی یاعویر عقلکی زیاده اتمکه چالشکه ربکه قریب اولاسین بیوردیلر (بن) (ابو عامر) انام بابام سکا فدا اولسون یارسول الله عقلمی نصل زیاده ایدیم دیدیکیمده (اجتنب محارم الله وادفرائض الله تکن عاقل اثم تنفل بصالحات اعمال تردد فی الدنیا عقلاً وتردد من ربک قرباً وعزاً) یعنی حرامدن اجتناب . فرائض الهیهی ادایه شتاب ایتکه . عاقل اوله سین . صکره اعمال صالحه ایله نوافله دوام ایت که دنیاده عقلک وربکه قریب زیاده لشسک داریندم عزیز اوله سین بیوردی (بعض ادبا) حضرت علی یه منسوب اولان اشعار آتییهی بکا او قودی .

ان المکارم اخلاق مطهرة فالعقل اولها والدين ثانيها

والعلم ثالثها والحلم رابعها ، والجود خامسها والعرف سادسها ، والشكر تاسعها واللين عاشرها

والنفس تعلم اني لا اصدقها	ولست ارشد الا حين اعصيا
والعين تعلم من عيني محدثها	من كاد من حزبه اومن اعاديا
عينك قد دلتنا عيناى منك على	اشياء لولاها ما كنت تبديها

مالی

مکارم انسانیه ، برطاقم اخلاق معدوده مطهره در (۱) عقل (۲) دین (۳) علم (۴) حلم (۵) جود (۶) ایولک ایتک (۷) اقربایه احسان (۸) صبر (۹) شکر (۱۰) خلقه یوه شاق معامله : نفسم یقیناً بیلیر که بن انی اغرائتنده اصلاً تصدیق ایتهم

رشد و سودامی . اكا مخلقتدن بشقه بریده ارام . ذاتاً انسانك كوزی . قونوشدینی
أدمك دوست و یادشمن ارلدیغنی طانیر . سنك كوزلرك . بئم كوزلریمه . بر طاقم سرائر
قلیه كوسترر كه كندیكه قالسه . ممكن دكل اظهار ایلزرك .

معلوم ارله كه عقل مكاتبك عقل غریزیدن انفكا كیكه بر شخصده مكاتب
موجود . غریزینك مفقود . اولمه سیدر اصلاً جائز دكلدر چونكه . عقل مكاتب
عقل غریزینك نتیجه سی اولقله برشینك نتیجه سی ایسه اوشیدن ایرله میه جنی
بالداده ثابتدر . اما غریزینك مكاتبیدن انفكا کی كه بر شخصده غریزی بولوب
مكنسب مفقود اولمقدار جائزدر . صاحبیده هر فضیلتدن محروم ، هر درلور ذالته
محكوم بر ذات تحت اولمق اوزره طانمشدر . ناخذای سفینه شریعت افندمز . احق ، طیراق
دستی کیدر یمایی . تعمیری . قبول ایتمز مألنده (الاحق كالفخار لایرفع ولا یشعب)
بیور دیلر . دیگر حدیثده . احق : اللهمك الزیاده سومدیكي كسه در چونكه انی . اشیانك
اك قیمتداری اولان عقل كبی بر نعمت عظمادن محروم ایتمشدر مألنده ،
(الاحق ابغض خلق الله الیه اذ حرمه اعز الاشياء علیه) بیور مشلردر بعض
حكما ، عقله احتیاج . ماله احتیاجدن چركیندر . بعض بلغاده . جاهلك دولتی عاقل
مدار عبرتیدر دیدیلر . ملوك ایرانیه دن نوشروان ایله وزیر ی بزر چهار ارده سنده
محاوره آتیه جریان ایلدی (ن) انسان ایچون اك خیرلی شی ندر (بزر چهار)
معیشتی تأمینه کافی . عقلدر (ن) اوبولتمزسه (بز) عیبی اورته جك اخوان واحبا
(ن) اوده بولتمز ایسه (بز) ناسی كندینه جلب ایدده جك مال (ن) اوده اولمزسه
(بز) لسان ساكت . قلب صابر (ن) اوده اولمزسه (بز) خاتمان سونیدرن موته
انتظار ایتمكدر ، ارد شیرین بابك دیدیكه عقل . ایکی نوعدر بری عقل مطبوع .
دیگری مسموع . بولنرك برینك بولندیغنده دیگری بولتمزسه هیچ بر فائده سی
كور یله مز : ارد شیرك بوسوزینی بعض شعرا شوافل علیه افاده ایلدی .

و لا ینفع مسموع	فمطبوع و مسموع	رأیت العقل نوعین
و ضوء العین ممنوع	كلا ینفع الشمس	اذا لم یك مطبوع

مألی

بن عقلی ایکی نوع بولدم بری مسموع یعنی . تجربی و مكاتب ارله جق

دیگری مطبوع یعنی عقل غریزی. کوز ضیای بصیردن محروم اولدقده، کونشك
 ضیاسی رؤیت اشیاده کافی و نافع اولمدینی کبی. عقل مطبوعك (غریزینك)
 بولندینی موقعده. عقل مسموع. ایشه یارامز، بعض عقلای. جامع الفضائل
 احقیده مورد الرذائل اولمق اوزره شویله توصیف ابلدی (عاقل) سودیکی
 کسه حقند امداد و نصرتی ابدال. دشمنلك ایتك ایستدکده کندی قدرینی
 ظلم کبی شناختدن. بالا کوره رك دوستنی عقلیه مسمود و بختیار. دشمنی دخی
 عدلیله خجیل و شرمسار ایدر، برکسه یه احسانده بولنسه. مقابلنده شکر بکه من
 کندینه کوتولك ایدلسه. یا بر طاقم. اسباب عذر ملاحظه. یا خود عفو و صفحله
 معامله ایدر. ایشه عاقل بویله در. احق ایسه همضال همد مضلدر انسیت ایچون
 کندینه یا قلاشلسه کبرلنور، کندن قاجلسه کدرلنیر، استنطاق اولنسه تخلف. حاله
 ترك ایدلسه تکلف ایدر. آنکله اوطورمق موجب حقارت، اوکا اویوب غوغا
 ایتك مستلزم محنت. قونوشمق. مجلسنده بولمق مورث عیب و شین. دوستلنی
 منتج ضیروکین، مقاربه سی. عمای قلبی. مقارتنی. شقای ابدیدر. حتی ملوک فرس
 شخص عاقبه غضب ایستدکلرنده. بر جاهل ایله بریرد. حبس و بونی بیوک جزا
 صایارلردی.

احق. کوتولك ایدرده. احسان ایتدی ظنیله. شکر ایله قرشولق استر
 ایولك ایدر. کوتولك ایتدی ظنیله استغفای قصورده بولنور. احققلرك مساویسی
 انقضا. عیوبی اتمهای قبول ایتمز. غایه سنه وارلدی ظن اولنان فنا لنگك. کوزلجه
 تدقیق اولنسه اوتسه نده آندن بیوک آندن آلچق آندن مهلك آندن آجی
 برفالنی ده سرنمای فضاحت اولور (سبحان الله) احققلرك احوالندن
 اولوالابصار ایچون نقدر عبرت. معتبرین ایچون نقدر منفعت واردر
 (احنف بن قیس) دیدیکه احق هرشی از برنده ضبط ایدر. بری طرفدن
 کندی نفسنی درحال اونوتور. بعض بلغا دیدیکه دنیانك جاهله اقبالی تصادف
 و اتفاق. عاقلدن ادباری ایسه عقلی یوزندن استحقاقیدر شوخالده جهل
 سببیه اقباله نائلیتك. جهله رغبتکی جلب. عقل سببیه مطالبدن مهجوریتك
 عقلدن نفرتکی ایجاب ایتسون. چونکه جاهلك دولتی ممکناندن ایسه عاقلك
 دولتی بهممه حال واجباننددر. برشیثك امکان ذاتیسی ایله وجوب عرضیسی

يکسان اوله مز . برده وارکه جاهلک دولتی وطنندن جدا دوشوب دائماً
عود وانتقالی آرزو ایدن غریب بی نوا . عاقلک دولتی ایسه هیچ مفارقته
رضا کوسترمین خصم واقربا کیدر اوله ایسه . کشتی . عقلسز نائل اولدینی
حالت جلیله ، فضیلتسز احراز ایتدیکی رتبه رفیعیه باقوبده فرحناک اولمه سون
زیرا جهل . انی نعمتدن تیز . جدا دوشوروب منصبندن ابرایدرده ، رتبه دنیه
و قیمت اصلیه رده سنه فیلاتوب آتیورر . هم نصل . هرعیبی اعین ناسده
تظاهر . ذنوبی تکاثر ایدوب . طالقاقولری مذمتده . دوستلری عداوتنده بولندینی
حالده (نعوذ بالله من الادبار) ای ارباب فضیلت معلومکنز اولسونکه شخص
عاقلک فضائلنک انتشاری نسبتد . شخص جاهلک رذائلی اشتهار ایدرده
ایچنده بولندینی عصرده ، رذیل وبدنام اولدینی کبی اخلافده ماجراسی داستان
و کندوسیه ضرب مثل اولنور . ایشته عرض ایده حکم حکایه . بوفکری نصل
تأیید ایتدیکنی شمدی اکلارسکنز (عطا بن جابر) روایت ایدیورکه بنی
اسرائیل ایچنده . حمقله متصف بر آدم . مالک اولدینی مرکبی اولتادیرکن . خالقنه
عبادت نیتیه اوللی غالباً . جناب حقه شویله برمناجانده بولنور یارب بنم حارم
کبی سنکده برحمارک اولسه ایدی . هرایکسنه برابر . یم ویرردم دهرک دریادل لکده
بولفق ایتدیکنی . طویان اوزمانک نیسی شو احمق حریفک تأدیپ واصلاحی
قورمش ایسه ده . جناب حق . بن هرکسی . عقلی مقدارنجه مثاب و مأجور ایدرم
کلام و حیسیه نبی مذبوری فکرندن منع بیورمشدر حضرت معاویه نک
امر حکومتده استخدام ایلدیکی کلب قبله سندن برینک مجلسنده . مجوس ملتیتک
اعتقاد اتندن بحث آچیلدقده . کلبی مزبور غیرته کلهرک : الله مجوسه لعنت ایتسون
انالرنی نکاح ایدیورلر . والله . بکایک درهم مقابلنده . بوفعلی تکلیف ایتسه لر
یا پام دهرک کویا ابراز حمیت ایلدیکی . معاوییه واصل اولنجه . اللهم بولاسی . عجا
راز ده ویرلسه یاه جقمی دیر ودر حال عزل ایدر .

مشاهیر حمقاندن . ربیع العامری یمامه قطعه سنده والی تعیین اولندقده . مزبورک
ایلك اجرا آتی بوغوشورکن کبرن برکلبک قصاصی صورتیه باشلار . شعرا دن
برسی بو کیفیتنی نظماً شویله استهزا ایدر .

شهدت بان الله حقاً لقائه وان الربيع العامرى رقيق
اقاد لنا كلباً ولم يدع دماء كلاب المسلمين يضيع

مالی

بن حشر جسمانی وقوع عیوب و جناب حق ملاقات اولنه جفنه . و ربیع عامرینک
شبه سز احق اولدیفنه شهادت ایدرم . حریف حماقت ایف ، کلجی . کلب مقابلنده
قصاص ایدوب کلاب مسلمینک قانی بیله ضایعنه راضی اولمدی نزهده قالدی انسان .
افندم . جهلک عیوبنه غایت . حقانک جمعیت بشریه یه ایقاع ایتدکلری مضراته
نهایت یوقدر ، شعرادن برذات . شوییتله بوحقیقتی کویادر .

لکل داء دواء یستجاب به الا الحماقة اعیت من یدواویها

مالی

هر مرضک بردواسی وار ایسهده حماقت . مداواته چالیشانی عاجز بر اقایر
برمرض مزمندر (نعوذ بالله منها) .

للمترجم .

حکمت و اصول کتابلرنده عقلک شویله بر تقسیمنه ده ا تصادف اولنور
عقل هیولانی ، عقل بالملکه . عقل بالفعل . عقل مستفاد . چونکه نفس ناطقه یه
مبدأ فطرته علوم و ادراکاتدن خالی لکن انلره استعداد ایله متصف اولمق
اعتباریله . عقل هیولانی دینور . اشبو استعداد . چوجعک کتابته استعدادی
منزله سنده در . بوندنصره نفس ناطقه ضروریاتی . بالفعل ادراک ایدوب اندن
نظریاتک حصونه استعداد ایله متصف اولمق اعتباریله عقل بالملکه دینور
اشبو استعداد ایسه شخص امینک تعلم کتابته استعدادی منزله سنده در
بوندنصره . نظریاتی ادراک ایدوب . ایستدیک زمانده کسب جدید زحمتنه دوچار
اولمقسزین استحضاره قدرت بالفعل ایله متصف اولمق اعتباریله عقل بالفعل دینور
بوده . کتابته قدرتی اولوب بالفعل یازمیان و ایستدیک زمان یازه بیلمک اقتدارنده

بولنان كمسه نك استعدادی منزله سنده در نظریات . نفس ناطقه نك پیش ادرا كنده
دائماً حاضره و مشاهد اولمق اعتباریله عقل مستفاد دینور بوده . بالفعل كانبك
یازی ابله اشتغالی منزله سنده در .

مثنوی

تاجه علمه است در سودای عقل	تاجه با پهناست این دریای عقل
صورت ما اندرین بحر عذاب	می دود چون کاسه هابر روی آب
تانشد پر بر سر دریا چو طشت	چونکه پر شد طشت در روی غرق کشت
عقل پهناست و ظاهر عالمی	صورت ماموج یا ازوی نمی

عقل حقنده . دهها زیاده تفصیلات آریانلر . ابن جوزینك منهاج القاصدين
صدرای شیرازینك . اسفار اربعه . غزالیك احیا نام کتابلرینه مراجعت
بیورسونلر . انتهى كلام المترجم .

فصل فی الهوی

اما هوا دیدیکمز هر خیره مانع ، عقله ضد و مدافعدر چونکه اخلاق رذیله یی
انتاج . و افعال فضیله یی اظهار و ابراج . ابدرك مروءه پرده سنی یرتماغه چالیشیر
عقل ایسه بوکا قطعاً راضی اولمز عقل . جانب رشد واستقامتی کوسترر هو . شر
ومعاصی به سلوك ایچون کافه مداخلی آچار (عبدالله بن عباس) هوی : اللهم
بشقه معبود باطلدر دیوب (افرأیت من اتخذ اللهه هوا) آیه جلیله سنی اوفودی
مفسریندن (عکرمه) آیه جلیله آیه یی شویله تفسیرایدیور (ولکنکم فنتم انفسکم)
یعنی بالشهوات (وتربصتم) یعنی یالتوبه (واربتتم) یعنی فی امرالله (وغرتکم
الامانی) یعنی بالتسویف (حتی جاء امرالله) یعنی بالموت (وغرکم بالله الغرور)
یعنی الشیطان : ادیب دیستان اسرار لولاك . علیه افضل الصلوة مادام النجوم والافلاك
افندمزدن روایت اولندیکه (طاعة الشهوات داء وعصيانها دواء) یعنی شهوات
عظیم برمرض . اکمخالفت . دوا در بیوردیلر (عمر بن الخطاب) شو آزعین نفسکیزی

شهوآندن کبرو آلیک . زیرا او . برمنظره یه مالکدرکه . غایتله شره مائل اولد یغی
یک نظرده اکلاشیلیر . حق آغیر . ومنکر باطلی خفیف ودلبذیر کوریر خطالری
ترك . توبه ایله معالجه یه چالشمقدن خیرلیدر . چوق نظره واردرکه تخم شهوات
اکر . آرزومانلق شهوة . حزن طویل کتیریر دیدی حضرت علی کرم الله وجهه
بن سزك ایکی شیشکزدن قورقارم بری هوا و آرزو کزه اتباع . بریسیده طولامل
هوایه اتباع . انسانی حقدن چویرر . طولامل . آخری اونوتدیرر . اصل قورقولمغه
شایانده شوایکی خالدز بیوردیلر (شعبی) دیدی که (هوایه) هوا تسمیه سی صاحبی
درکه سفلایه اسقاط ایتدیکندندر یر (اعرابی) هوی هوان ومذلتدر لکن اسمی
غلط اوله رق اسقاط نون ایله سویلنیر دیدی برشاعر اعراینک شوسوزینی
آلوبشویله نظم ایتشدیر .

ان الهوان هو الهوی قلب اسمه فاذا هويت فقد لقيت هوانا

حکم مشورده دیندیکه هواسنه انقیاد کوسترن . کندی دشمنک دست خسارینه
هر بر آمال ومقاصدنی تسلیم ایتک کبی خطاده بولور . بعض حکما (عقل) امین
دوست ، هواده مجبور الانقیاد دشمندر ذیمش . بعض بلغاده ناسک افضل هواسنه
عصیان ایدن ایسه . دنیاسنی ترك ایدن هزحالده بوندن افضلدر دیمشدر
(هشام بن عبد الملك)

اذا انت لم تعص الهوی قاذك الهوی الى كل مافيه عليك مقال

بیتنی نه کوزل سویله مشدر .

مالی

سن هوا که عصیان ایتیه رك . اتباع ایدءجك اولورسهك . زمام اراده کی
طوتوب حقکده هر درلو اعتراضه . کفتکویه . میدان آچه جق یرلره کتورر .

قال الشاعر

اذا مارأيت العقل يقتاد الهوی فقد ثكلتك عند ذاك ثواکله

وقد اشمت الاعداء جهلاً بنفسه وقد وجدت فيه مقالاً عواذله
وما يردع النفس للرجوع عن الهوى من الناس الاحازم الرأي كالمه

مألی

کشی بی هواسنه اویمش کورر سهك امین اولکه هلاک اولورده . باش اوجنده
اناسی ومتعلقاتی . مرثیه خوان اوله رق آغلار . دشمنلریده جهل وغواچی سببیه
کندیسه . کولدریر لوم وتقییح ایدنلر حقنده بیک درلو سرمایه مذمت بولورلر
نفس عنودی هواسندن چویرمک هرکسک کاری دکل . بلکه اومردانه حرکت
احوالنده . حزم واحتیاطی درپیش ایدن کامللرک شماریدر .

وقتا که هوای نفسانی غالب سبیل مهالکه ورودی جالب اولدیسه مکر
وحیله سنی . وبادرة سطوتی . اسباب غفلتی . ضبط وملاحظه وهر آن ترصد ومطالعه
ایچون برر قیب مجاهد تعییننه لزوم تعین ایدنجه عقل کی غیور بر مترصدك عهده
ترصدینه اشبو مأموریت تودیع اولندی ، چونکه هوا . بر سلطان ذی الشکیمه درکه
قوة وشوکتی سنایه سنده اجرا ایدمچی مکر وحیل ودسائس ظالمانه بی ، صورت
خفیه ده . ترتیب ایدرک غافل طاورانان صاحبی بهمه حال مغلوب ایدمچی محقق
اولمغله اشبو تودیع ، پک زیاده موافق حکمت کورلمشدر . هوانک عاقله . صورت
غلبه می وحکمنک اجراسنه کیفیت اجباری . بالادن استنباط اولندیغی وجهله
انجق ایکی طریقک بریله پذیرای حصول اولیور بری قوٹ سلطنتی . دیگرى
خفياً اجرای شیطنتی . وجه اولک اسبابی . زواللی عاقلک شهوات ایله مقهور
اولان عقلنی . قبح وشناعتنی بعضاً بیلدیکی حالده دفعندن عاجز وکیل . منعندن
ضعیف وعلیل براقان برالای شهوات نفسانیه نك قلعه وجودینه اسقیلا و مترصد
بولنان عقل اوزرینه حکم غالبانه سنك انفاذ واجراسنی اجباره مهیا وبویولده
دواعینک . اجرای تسهیلات ایچون چوقچه بولنمیدر . هوانک . بویولده کی غلبه می
اختیار لرده دخی بولنه بیلیرسه د . کنسج لرده اکثریت تشکیل ایدر چونکه انلرده
شهواتک مسلم اولان قوتی ودواعینک کثرتی . کنسج لرده تسلیط اولنان هوانک

(۲۶)

سلطنته دها زیاده یردم ایده جکی طبعیدر گروه شبان . اکثریا شو مغلوبیتلرینه
عذر اولمق اوزره . کنجکلرینی . ایلری یه سورر لر . مقبولی . هیهات .

شعر

کل یری ان الشباب له فی کل مبلغ لذة عذر

مالی

هرکس لذائذ جسمانیه سنک اجر اسنده کنجکلنی مدار معذرت ظن ابدیور . نه
(واهی فکر)

هوانک قوه معروضه سندن طولاییدرکه . بعض حکما ، هواه بر بادشاه جبار
ومتسلط غداردر . وبعض بلغاده هوا ظالم . عدل ایه . مألوف و ملائمه دیدیلر
بومعنائی مؤید اوله رق بعض شعرا شوبیتلری نظم ابتدی .

شعر

یا عاقلاً اردی الهوی عقله مالاک قدست علیک الامور
اتجعل العقل اسیر الهوی وانما العقل علیه امیر

مالی

ای عقلانی . هواسی اهلاک ایدن بیچاره عاقل ، سکا نه اولدیکه ابواب توفیق
امور . اوزریکه باغلانندی قالدی . عقلک . هوا اوزرینه قومانداسی موافق حکمت
ایکن . او منبع حیرتی هوایه اسیرایتدک .

امدی ای شخص عاقل هوانک عرض اولوندینی وجهله غلبه سنه قارشو
مدافعه ایدرک طریق هدایتیه سوق واغرا ایتک ایستدیکنده . اولاً عقلکی
معیتکه معین ارقداش . اتخاذ ایدوب او آرزغین . و اوجاده استقامتدن طاشقین
اولان نفسکه قرشو بلیغ نطقلره اجرای نصایحه اهتمام . و بومیانده هوایه

اتباعنك عاقبتده ترتب ایدہ جك ضرر ك شدتی ونہایتندہ درکار اولان وخامتی
وبو وادیدہ پویان اولدقہ وزرو وبالك كثرتی دریش ایدوب سبیل سلامتی
كوستره رك . كندینه رام ایتمكه چالشمه لیسك وجله معروضاتكدن بریسیده
جنتك اطرافی . نفسك خوشنه کیتمیان شیر . جهنمك اطرافیده . نفسك
خوشلانیدی شهوات ایله محاط ومحدودر مآلنده بولنان ﴿ حفت الجنة بالمكاره
وحفت النار بالشهوات ﴾ حدیث شریفیله . جناب ساقی كوثر ك . اوزریكزه
شهواتك قوماندان اولمه سندن صاقینك . زیرا انك دتیاده بخش ایتدیكى نتیجه
مذمت . آخرتدهده وخامتدر . نطق عالیبری اولسون . باقدككه . مواعظك ناطق
بولندی تھذیر وتخویف ایله نفسك . رام اولمق احتمالی یوقدر . شویله برتدیر
احتیاطكارانه دن دخی چكنمه . نفسك آرزو ایتدیكى شیردن بالكلیه طمعنی
كسمه یوب بلکه بوكون یارین اسعاف ایدہ جكم دیهر ك رغبتله رهبت آراسنده
برزمان اویالامغه چالش . چونكه خوف ورجا حاللری نفس اوزرنده طویالاندقده
ذل وانقیاد كوستریدی مجرب احوال دندر آنك ایچون (ابن السمك) دیوركه
ای عاقل . هواكه مسوف . عقلكه مسعف . اول . یعنی هوانك تكالفتی بوكونه
یارینه حواله ایدهر ك تأخیر . عقلك مطالبنی اسعافه ایسه درحال ساقی تشمیرایله
عاقبتی وخیم اولان شیرلی نظر دقتدن كپرده آنردن قاجنمه یه نفسکی آلددر
زیرا آنی هوا سیله . صالیویرمك مرض مهلك . مشتهیاتندن محروم ایتمك . دوا ی
عظیمدر .

امدی مرض مهلكدن قورقدیغك کی . علاج اسعافه دهده صبر ومثامت
كوسترمك . لازمدر . بوبابده شوشعر نه كوزلدر .

شعر

صبرت علی الایام حتی توات والزمتم نفسی صبرها فاستمرت
وما النفس الا حیث یجعلها الفتی فان اطعمت تاقت والاتسلت

مألی

حوادث ایامه صبرایتدم عمرم كجدی ، نفسمه . زمانك آجی وقعه لرینه صبری

یوکلهم . اکاده الشدی ، نفسی قولاً نطق . کشینک کندی النده در . اومدیغنی
ویررسک آزار . ویرمزهک مطلوبندن صوغور کیدر .

امدی کیفیت معروضه اوزرینه بردرس تأدیب ویربلوب عاقبتک وخامتنی
وتکلیف ودعوت اولنان طریقک سلامتنی تفرس ایدن نفسی ایچون . عقلک
پنجه قهری آلتنده مقهور اولمقدن بشقه کریزگاه بولنه من ایشی بومرکز
ایصال ایدن عاقل . خالق نظرنده نائل خط اوفی . مخلوق نظرنده مظهر حسن
شنا اولور که عاقل حقیقی ایچونده بوندن بیوک مکافات تصور اولمز ،

قال الله تعالى ﴿ واما من خاف مقام ربه ونهى النفس عن الهوى فان الجنة هي المأوى ﴾ (مأل جلیلی) اول کسه که حضور الهیده برای محاسبه قیامنده
قورقوب نفسنی آرزولرندن منع ایتدی . انک مسکن وماواسی انجق جنتدر
ایشته شوآیت جلیله . مکافات معروضه به برهان جلیدر آنکچون (حسن بصری)
جهادک افضلی . جهاد هوا در دیدی (بعض حکما ده) شرفلرک الکیوکی . ملک
الهوادر . دامن چین استغنا اولمقدر (بعض بلغاده) ناسک خیرلیسی شهوتی
فکرندن چیقاروب جناب حق طاعت یولنده هوا به عصیان ایتمکدر دیمشدر
ادبادن برذات . شهوتی اولدیرن . مروتی اخیا ایتش اولور دیدی . بلاغته مشهور
برذات . مخلوقاتی شویله تقسیم ایدیور . جناب حق ملائکه کی شهوتدن مبرا عقل
صرف . بهائمیده . عقلدن معرا . شهوت محضه . بنی آدمیده هرا یکسندن مرکب
اوله رق خلقی وایجاد بیوردی امدی عقلی شهوته غالب اولان کسه لر ملائکدن
خیرلی . عکسنه مظهر دوشلر ايسه بهائمندن شریدر (للمترجم) اشبو تقسیم
برحدیت شریف مألیدر که جلال الدین رومی حضرتلری مثنویده شویله ترجمه
ایدیور .

مثنوی

در حدیث آمد که یزدان مجید	خلق عالمرا سه گونه آفرید
یک کروهر اجمه عقل و علم وجود	آن فرستشت اونداند جز وجود
نیست اندر عنصرش حرص و هوا	نور مطلق زنده از عشق و هوا
یک گروه دیگر از دانش تهی	همچو حیوان از علف در فریبهی

اونداند جزز اصبطال و علف از شقاوت غافلست و از شرف
 این سوم هست آدمی زاد و بشر از فرشته نیم اونمیش خر
 نیم خر خود مائی سفلی بود نیم دیگر مائل عقلی بود
 (بعض حکمایه . ناسک اک قهرمانی و مجاهدانده احراز ظفر ایدن پهلوانی)
 کیمدر دیو صور لاقده . خالقت طاعتی یولنده نفسیه چارپیشان و خواطر
 هوائیه نك قلبی اوزرینه هجومنده متبصر و یقضان اولان مرد غیوردر جوابنده
 بولنشدر (شعرا دن بعضیسی دیدیکه) .

شعر

قدیدرك الحازم ذوالرأى المنى بطاعة الحزم وعصيان الهوى

مألى

امورنده احتیاط اوزره حرکت ایدن کسه مقاصدینه حزم و احتیاطه
 رعایت . هواسنه عصیان و مخالفت سایه سنده واصل اولور .
 هوانك عقل اوزرینه غلبه سنك وجه ثانیسی . مکر و حیلہ سنی کبزیلهرک
 وعقله قرشو . افعالی تزیین ایددرک چرکینی کوزل . ضرری منفعت صورتند
 کوستر مسیله حاصلدر بوکاده سبب . ایکی شیئک بریدر یا نفسک برشیئه
 میلانی سببیه هوا . شیء مزبورک قبحی اخقا نفسد . شدت میلندن ناشی
 ذهنده کوزل تصور ایدوب وحسن ظنه قابیلهرق آلدانمه سیدر اوت نفس
 برشیئه شدت محبت کوستریر ایسه اوشیئک قبحنده غافل بولنور سیدالکائنات
 افندمز (حبك الشيء یعنی ویصم) بیورمشدرکه برشیئه محبتک اوشیئک
 قبیاحندن سنی اعما . معاینده صاغر ایدرده نه قبحی کورر نه ده عیبی ایشیدیرسک
 ماننده بولنشدر .

مصراع

حسن فی کل عین من نود

مألی

هرکوز. سودیکی ذاتی. کوزل کورر .

عبدالله بن ابی جعفر بن ابی طالب مقامه مناسب اولان شو ایکی بیتی نه کوزل سویله مشدر.

شعر

ولست براء عیب ذی الود کله ولا بعض مافیه اذا کنت راضیا
وعین الرضا عن کل عیب کلیة ولیکن عین السخط بتدی المساویا

مألی

بن احبابک هر عیبی کورم خصوصیه بعض احوالندن خشنود اولدقده
دکل هپسنی. بعضیسنی بیله کورم . ذاتاً خشنود کسه نک کوزی. هر عیبی کورم کدن
علیل . فنا کوز ایسه هر عیبی میدانیه چیقار یحیدر . ایکنجی سبب. عاقلک. خیر
وشمره احتمالی بولنان برشیده اشتباه ایتسیدر سویله که عاقل. کندی ظننده
طرفینده شبهه واقع اولان شیلرک دائماً قولای ممدوح. کوچ طرفی مذمومدر
قول باطلنه الدانوب قولای طرفنده بر درجه یه قدر طیبی بولنان راحتنی طلب
سائقه سیله اوطرفی التزام و بنم حمله جسیان ونفس الامرده ممدوح اولان بودر
دیهرک هوالک قوردیفی حیل و دسائیس و مکرو و ساوسی دامنه دوشر. و کندی
مخوف. و شایان حذر و مکروه و متعسر اولان ورطه هولناکه آتار محو اولور
کیدر. و بوسایده غلبه هوا تحقق ایدر. آنکچون (عامر بن ضرب) هوا او یانق
عقل او یقوده در. اوسبدن. هوا عقلمه دائماً غلبه ایدم کلشدر دیدی . سلیمان بن
وهب . هوی. قوتلی. رأی ایسه منفعتلیدر دیشدر بین العرب سویلنیر ضروب
امثالندر که عقل. وزیر ناصح. هوی وکیل فاختدر دینمشدر .

قال شاعر

اذا المرء اعطی نفسه کما اشتهی ولم ینهها نأتم الی کل باطل
وساقت لی الاثم والعار بالذی دعته الیه من حلاوة عاجل

مالی

نسی نفسنه هر سودیکنی ویرر ایسه شهوت و توقانی آرتوب هر باطلی ایستیمه باشلار بوسایه ده . عاجلک حلاوتلی اولدیغنی اوکه سوره رک هر درلو وزر و بالی ارتکابه جرأت ویرر . (لحرره)

عاقل ایسه ک ای مردخییر اویمه هوایه یوقسه حاضر اول بر طاقم اندوه بالایه شمیدی . اشبو . ایکی سبک دفعی خصوصنده شویله تدبیرده بولنق لازمدر بر کره عاقل . دائما فکر قلدیسنی نظر عینینه حاکم تعیین ایدوب کوزینی محرمات ومشهیاته نظردن چویر ملیدر . چونکه کوز . سفیر شهوت . شهوت ایسه دواعی هوا دندر قلبه کانه عکسنه در چونکه او . حقتک سفیری . اوده دواعی عقلدندر آنکچون بعض حکما . جاهلک نظری کوزیله در عاقلک نظری ایسه قلبی ایله در دیمشدر بودرلو معاملیه دوامدن صکره . سودیکی شیئتک تحسینی . اشتها ایستیکنک تصویبی خصوصنده . نفسنی لوم و تویخه باشلاملیدر که . نزدنده صواب متضح حق . تظاهر ایتسونده . خطاسندن واز کچسین . ایمدی بر شخص عاقل برشیده شبهه دوشوب هانکی طرفک راجیح اولدیغنی کسدرمه مدیکی صورتده حقیقتک تظاهری ایچون شویله بر بالان طوتملیدر . نفسنک سودیکنی وامورک قولای طرفنی ترک . سومدیکی و آغمر کوردیکی طرفی . التزام ایتلی چونکه نفس . دائما حقندن نفرت و هوایه متابعته آلشقیین اولدیغندن خوش کورمدیکنک حق . عکسنک یاطل اولدیغنی کره کی کبی ا کلاشیلیر .

(عباس بن عبدالمطلب) ایکی شسیده شهاده واقع اولورسه ک خوش کلان طرفی بر اقدمه کوچ کلان جانبی آل . کلام حکمت بیانیه حقیقت مزبورده نی سنجیده میزان تحقیق ایشدر شو سوزک محتوی اولدیغنی حکمک علی شودر نفسک شیء ثقیلک تحصیلنه مسارعتن استتکاف و بطاأت کوسترمه سیله شبهه اولندن صواب و تحری اولنان حقتک بو صورتله جلومتملی بروز اولمسیدر (حضرت علی) اعمال فکر ایدنلر یسیرنله کوررلر بیورمشدر . ایمدی ای عاقل سکا کوزل کورینان طرف نفسک قولایحه جق اجراسنه مسارعت . اقدام و تحصیلنه مبادرت کوستردیکی شی اولمغله زمان . تفتیش و تحریسنه و خطاسی تظاهر ایتدکده

کیرو چویرمه مساعد اولماق احتمالی درکار یولندیغندن بویله یرامرك ظهورنده طرفکدن اجرا ایدیله جک تدبیر (جنف القلم) نفسکه کوچ کلان جهتی ترجیح و آنک صواب اولمسیله حکم اینکدر یوخسه ایش بیتدکدن صکره خطبای واقع اصلاحی غیر قابل برشکه کیرر آنکچون بعض حکما . سندن اعراض ایدن شیرله تعرضده بولمه دیمشدر .

شعر

الیس طاباب ماقدفات جهلاً و ذکر المراء مالا یستطیع

مالی

کچمش برشیئی مطالبه ایله تحسر . وقدرت کفایت ایتیه جک شیرلی سوبیلیوب طور مق جهل . اماره سی دکلیدر .
بعض بلغا (هوا) واکا مقارن اولان محن دنیایی مقام تصویرده شویله دیمشدر هوا . فتنه مرکبی . دنیا . محنت اویدر . ایمدی مرکب هوا دن این . دنیادن یوز چویرکه غنیمت بولاسک هوا . اوکوزل او یونجاقلری (دنیا) او عاریت بونجاقلریله سنی مغبون و مغرور ایتمه سین او یون زمانی بیتر . او عاریت اشیاء صاحب لرینه دوزنده سکا . ارتکاب ایتدیکک محارم اکتساب ایتدیکک مائم قالیر (للمترجم) .
کچر زمان ملاهی چاتار اوان بدم چه سود دردم آخر مقاله چه کنم عبدالله بن جعفر حضرتلری دیورکه مکّه مکرمه ده طواف ایدرکن شو یقی اوقوبورددم .

شعر

اهوی هوی الدین واللذات یشغلنی فکیف لی بهواللذات والدین

مالی

(دینمی سوبیورم . لذاذ جسمانیه ده . خوشمه کیدیور شواییک محبت آردسند

حالم نعل اوله جق بيله هم (شویتی طویان برقادین . دین ایله دنیا . ایکی اورتاق قادین کیدر برینه محبت . دیکرندن مفارقتی ایجاب ایدر ارتق ترجیح خمنصوصی سکادر . یوخسه هرایکیسنکده جمعی قابل دکدر بهوده امید اتمه دبدی حقیقته دیوک حکمت ، شانلی برنصیحت تکلم ابتدی بری چیقوب دیسه که هوا ایله شهوت ، علت و معلول ، دلالت و مدلول جهتیله میانه لرنده شرکت واردر شو حالده ایکیسی بیننده فرق نهدر . بزجواباً دیرز که (هوا) آرا و اعتقادیانه مخصوص شهوت ایسه نیل لذانه مختص اولوب نتایج هواندن ازمش و شهوة اخس . هوا اعم اولدینی جهتیله میانه لرنده فن میزانهجه نسبیدن . عموم و خصوص مطلق بولمشدر .

بز . جناب حقدن دواعی هوانک کندیمزدن دفعنی و هلاک یوللرندن منعنی و توفیقنی رفیق قائد ، عقلمزی مرشد مجاهد قیلمسنی استرحام ایلرز . روایت ارنلدیکه جناب حق ، عیسی علیه السلامه . یا عیسی . اولا نفسکه وعظ ائنده ، بوله کلیرسه ناسهده وعظ و نصیحتیه باشلا ، یوقسه کندنی نفسکی هنوز جاده صلاحه یناشدیرمه دن . کرسی موعظهیه چیقمدن حیا ایت بیورمشدر .

شعرادن محمد بن کناسه اشبو وادیده شو شعرلری نظم وانشاد ایلدی .

شعر

مامن روی ادباً فلم یعمل به	ویکف عن زین الهوی بادیب
حتی یكون بما تعلم طاملاً	من صالح فیکون غیر معیب
ولقلما تغنی اصابة قائل	افعاله افعال غیر مصیب

مالی

بیلدیکی شیلرله اعمال صالحهده بولنوب میوات نفسانیه دن کندیجی منع ایدرک اوزرندن عیبی قالدیرمدقجه ناسه ادب تعلیمنه قالدیشان غافلر ، ادیب دکدر افعالی صواب شرعییه توافق ایتیمان واعظک سوزلری هیچ کارکر تأثیر اوله مز .

دیگر شاعر

یا ایها الرجل المعلم غیره هلا لنفسك کان ذاالتعالیم
تصف الدواء لذی السقام وذی الضنی کیما یصح به وانت سقیم
ابداً بنفسک فانہا عن غیہا فاذا انتهت عنه فانت حکیم
فہناک تعذران وعظمت ویقتدی بالقول منک ویقبل التعلیم
لانتہ عن خلق وتأتی مثله عار علیک اذا فعلت عظیم

مالی

ای بشقہ سنہ معالم دینیہ تلقین ایدن واعظ . بوتعلباتی برازدہ نفسکہ یابسک
ایلمازمی . سوزکله عمل ایتیمورسک . کویاکہ امراضہ طوتش کسہ لرد اعادہ صحتی
ایچون علاج تعریف ایدیورسکده ، بری طرفده کندک ، دها مدہشنہ مبتلاسک
وعظ ایدہ جکسک اولجہ نفسکدن باشلا ، وانی ارتکاب مناہیدن واز کچیرمک
ایچون خاشلادہ کسب صلاح ایدرسہ (حقاً) حکیم اطلاعہ شایان اولورسک
ووعظکده معذور کوریلیرسک . دهان حکمت بیانکدن صادر اولان سوزلرہ
اقتدا اولنور یوقسہ اخلاق ذمیمہ دن ناسی زجر ومنع ایدوب کندک اجراسیلہ
مشغول اولورسک اوزریکہ بیوک ناموسسزلنی المش اولورسک .

حافظ شیرازی

واعظان کین جلوه در محراب ومنبر میکشند چون بخلوت میروندان کار دیگر میکشند

حکایہ اولنورکہ خالد قسرینک صو باشیسی (طارق) دبدبہ ودارات
واعوان وحشمیلہ کیدرکن . اثنای راہدہ علمادن (ابن شبرمه) یہ تصادف ایدر
عالم مزبور طارقت اشبو عظمتی الایندن خوشالانمیرق . دنیا نہ قدر . اہلی
عندندہ محبوب ايسہدہ بن انی عن قریب زوالہ یتن یاز بلوطنہ بکزدہدوب قطعاً
میل کوسترمہم مآئندہ کی شو بیتی اوقور کچر .

بیت

اراهان وان کانت تحب کانهما سحابه صیف عن قرب تقشع

بر زمان سکره (خالد) ابن شبرمیی قاضی نصب ایدوب، مع الافتخار قبول ایتدیکنی کورن، اوغلی ابو بکر . بابا ، طارق سکا اوغراقدده اکا قرشو او قودیلک باقی خاطرلارمیسک دیو تعریضده بولندقدده ابن شبرمه . اوغلم ازلر باباک کیدینی چوق بولورلر لکن پدرک انلر کیدینی نادر بولور پدرک انلرک طاتلی حلوالریخی یدی مزین باغ وبستان ویوکسک کاشانه لریخی کوردی دوشدکری کرداب هوایه کندینی صالیوبردی جوانی ویرر . باقی ابن شبرمه کبی داهی زمان ، بیله منصبی قبول ایدر ایتمز کندینه اک یقین و بحق ذکی وفطین بولسان چوجوخی طرفندن چارچابوق فصل توبیخ و تشنیع اولندی . ارتق . بزم کبی چراکاد عالمده ابن شبرمه دن فرسخ فرسخ نفس اماره یه اطلاق عنان ایدن واجرای معاصی ایله مضطرب الجنان اولان کسه لر ایچون عیوب ناسی تفتیشی کندیلرینه وظیفه بیلن برطاقم جهلانک دیلندن، توفیق الهی وصون سبجانی دن بشقه صیغیناجق یر وارمیدر (نعوذ بالله من شر الحساد) .

باب ادب العلم

معلوم اوله که علم راغینیک کندیسند رغبت کوستردیکی؛ طالبیک تحمیلندده جد و سعی ایتدیکی شیلرک اشرف وافضل . کاسیدیک قزانجندده حاسرله دینی هوادک انفیدر . زیرا علمک شرفی، صاحبنه . ثمره منافی، نمای فضل طالبنه راجعدر جناب حق (قل هل یرتوی الذین یعلمون والذین لا یعلمون) قول شریف سبجانیسیله، عالم ایله جاهل میانه سنده موهوم اولان مساواتی نفی بیورمشدر فصل مساوی اولسون . عالمک بین الانام موقع امتیاز احرازبنه آلت اولان فضیلت علم . جاهلده مفقوددر دیگر برأیه جلیلهده (وما یعلمها الا العالمون) بیورلمش

وجاهلك اوامر الهیه دن هیچ بر امری علم، زواجر صمدایه دن هیچ بر نهی فاهم اولمسی نفی اولمشدر سیدالکائنات افندمزدن مروی بولنان بر حدیثه واجب الوجودك. ابراهیم علیه السلامه. بن علم اولدیغمدن علم ایله متصف اولانلری سورم دیه وحی ایتدیکی بیان بیوریلیور (ابوامامه) دیورکه بری عالم؛ دیکری عابد، ایکی ذاتك هانکیسنك افضل اولدیعی ذات رسالتنهایدن صورلدقده، علمك عابد اوزرینه رجحانی. نیم سزك اوزریکزه رجحانم کییدر جوابی اعطا بیورمشلردر .

علی بن ابی طالب. ناس بابالرینك اولادی دكل. ایشلدکری اعمالك اولادیدر دیمش وحسب ونسب کبی شیلرك مدار رجحان اولیوب کشی کندی هنزیه افتخار اتمك لازم اولدیغنی بیان بیورمشلردر (مسعب بن زبیر) علمی اوکرنمکه چالمشکه، مالک وارسه، علمك سکا آروجه جمال، بوغیسه، مال اولور دیدی (وعبد الملك بن مروان) چوجقلمینه وصیتی اثناسنده، یاورولرم. تعلم ایدك . شرفادن ایسه کز قائق الاقران اولورسکزر رعایاد اولورسه کز حسن معیشت ایله امرار وقت ایدرسکزر دیمشدر (بعض حکما) علم. تقدیره صیغیمان شرف، ادب . برمالدرکه وارسته خوف تلندر. خلف ایسترسهك اك افضل علم، شرف ایسترسهك اك اکی عملدر دیدی بعض بلغا، شویله برنصایح حکیمانله مزایای علمییه تقدیر بیوریولر دیورلرکه، ای طالب. علمی تحصیل ایت. ایتکه، حین صباوت وشبابکده اقوال واعمالکی طوغزلتور. منهج استقامتده پایدار، کبرسنه واردیغکده سنی ناس اوزرینه تقدیم اله مسعود وبختیار ایدر جناب حق نظرند فاسد عمللریکی دوزلتیر، دشمن وحسادیکی رزیل وبدنام اگری طرفلریکی پر قوام، همت وامللریکی حیز حصوله جیقارمغه اهتمام ایدر .

(حضرت علی) کشینك قیمتی، یابدینی ایشك کوزللکی نسبتنده در بیوردیلرکه امام خلیل اشبو مضمون جلیلی شوایکی بیتله ائده ایدیور .

شعر

لا یكون العلی مثل الدنی	لا. ولا ذوالذکاء مثل الغنی
قیمۃ المرء قدر ما یحسن المرء	قضاء. من الامام علی

مألی

علو همت اصحابی، همم دنیه اربابی کبی اوله مز. دکل بونلر، اذ کیا بیله اغبیایه نسبت قبول ایتمز کشینک قیمتی، یابدینی عملک کوزللکی نسبتده در بوده امام علینک احکام عادلہ سی جملہ سندندر .

ایشته فضیلتی. وعندالله شرف ومزیتی. یوقزیدن بری سرد اولنان فصوص اخبار نبویه. ونصوص آیات جلیله وکامات حکمای اسلامیه ایله اثبات اولنان علمک مزینی و قیمت معنویه سنی. عجیبا کیم بیلہ جک. شبهه یوقکه انجیق علما چونکه علمک فضلانی بیلیمک علمه وابسته. اوده جهالت اربابنده بولند یغندن یسه اوفضیلتک تقدیری. کندیلہ متعصف بولناز علمایه منحصر قاله جنی طبعیدر. بوحال ایسه علمک مزیتی یارلاق بر صورتله ارائیه کافیدر چونکه فضیلتی اهلندن ماعدا کسه تقدیر ایدمیور واونازنین دلربانک شواهد محاسنی نااهله عرض اندام ایتمیور .

جهال هوام مثال. علمک شرفنی تقدیره مدار وصلت، ومیزان معرفت اولان علمدن. محروم اولدقلرندن. باشلادیلر علمک فضلانی انکار، واهلی تزدیل واستحقار ایتمک، بومسکین و ییچاردلر قوه واهمه لرندن تحیل ایدوب دیدیلرکه بزم نفوسمزمک کمال تهالکله میل واقبال ایستدیکي اموال مکتسبه، ومزخرفات شهویه. نفس الامرده اقبال وتخصیصه شایان وبواوغورده اشتغال وافتحاح مزاحم بی پایان. موافق عقل واذعان ایکن کندینی بویله براشتغالدن محروم ایدنلر عندمزرده عاقل صاییلہ مز. انلرده کمال اولسه ایدی بزم کبی جمع اموال وادخار نقوده دامن دره یان تشبث اولورلر ایدی (ابن معتز) دیدیکه عالم. جاهلی بیلیر چونکه جهل باشندن کچدی، جاهل عالمی بیلیمز چونکه علم وفضیلت کندینه مسافر اولدی دیدی. ابن معتزک بوسوزی بیوک برحقیقتدر وبوندن طولاییدرکه. زمره جهلا. علم واهل علمدن. زاهدینک مناهیدن حذر وانصرافی، معاندینک حقا نقدن میل وانحرافی کبی قاجغه وعادتا عداوت ایتمک باشلادیلر. البت بویله اوله جق، کشی بیلمدیکنک دشمنیدر ابن لئکک. بکا شویتلری انشا ایلدی .

شعر

جهالت فعادیت العلوم واهلها كذلك يعادى العلم من هو جاهله
ومن كان يهوى ان يرى متمدراً ويكره لاادرى أصيبت مقتابه

مأل

سن. جهلکدنطولانی. علم. واهلنه دشمنلک ایتدک. چوقی کورلمز چونکه
جاهل علمه ذاتاً دشمندر. برکسه کندینی دائماً گوشه نشین احترام کورمک
استر و بیلمدنکارینه بیلمیورم دیمکی خوش کورمز ایسه امین اولکه بالاسنی
بولشددر.

بزرجمهره. علم و مالدن هانکیلمی ابودر دیدکارنده. علمی ترجیح ایتمش
وبوکا قرشو. مادهکه بویلددر بزنجون دائماً علمانی اغنیا قیوسند. کوربیورز
عکسنی هیچ بر وقت بیلمیورز دیدکارند. بونک سببی، علمانک، مالک منفعت
اولدیغنی بیلوب تحصیلنه قوشمه سی. اغنیا ایسه علمانک دنیوی اخروی منفعت
اولدیغندن غافل بولنمسیدرکه برنجی. علمی سایه سنده مالک جلب منافعه
مداریتنی بیلایده باب اغنیا به دوام ایندی ایکنجی ایسه. علمانک فضیلت کرانها
اولدیغندن غافل بولندیغندن تحصیل علمده عاقل دیاب علمایه کلوب کیتمکدن
متکاسل قلدی جوانی ویردی بعض حکمایه درردیلرکه علم ایله مال بر آدم
اوزرندد جمع اولمیور عجبانه دن: دیدیکه علم. عزیز. مال خسیس، اولدیغندن
ایکیلمی بر ذاتده جمع اوله مز.

شعر

وفي الجهل قبل الموت موت لاهله فاجسامهم قبل القبور قبور
وان امراً لم يحيي بالعلم ميت فليس له حتى النشور نشور

مالی

جاهلر حال حیاتلارنده اولو، بدنلری کندیلری ایچون سیار بر قبردو. برکشیکه علم ایله. حیات جاودانی قزانمیدی. هنکامه حشره قدر او یانمه جغه امین اول .
 طلبه علومدن بریسی. عصرینک مشاهیر فنلارلارندن برذاتک قیوسنده ایستاده احترام اوله رق شویله ندا ایدو. ای خانه صاحباری. بکا. دیشی یوزمن بدنی، نفسی خسته ایتمز برشی تصدق بیوریکیز. خانه صاحبی. بونک اوزرینه مقدار کافی طعام ایله بر تاج غروشلوق یاره چیقارلمی امر ایدو بوحالی کورن طالب : افندم. بنم سزک کلامکزه احتیاجم، طعامکزه احتیاجدن ده زیاده در بکا باقکیز. بن هدایت طالعیم اکمک دیلنجیمی دکل دیر. علم مزبور در حال کندیسینی ایجری به آله رق کافه مشکلات علمییه سنی حل ونحقیق ایله فناءت کامله حاصل ایدو رشاد خندان واطقه پرداز شکران اوله رق حیددانی ائشاده شبهه نی ازله ایدن عز. بر نفسی اغذا ابد جات مالدن خیرلیدو. جهله حکمییه سنی سوزیلر .

معلوم اوله کی. علموک کافه سنده شرافت زار ایسه ده یعنیست دیگرلری اوزرینه مزیت روجه جان غیر قابل انکار وجیع فنون وعوم برکسینک احاطه واستیعانی عمل بولندینی درکاردر بعض حکمییه. جمیع علموی کیم بیلیر دبدکارنده کافه لایق بیلیر. جرابنده برلنشدو یعنی منفردا برکسینده جمیع علموک اجتماعی ممکن رکسندر بلکه جمیع بشرده . اوزیع وتقسیم طریقیه بوانه بیلیر دیمک ایسته بشدر نهکم واقف اسرار غیب لاهوت ، کافل سعادت اهل ناسوت افندمز صلی الله تعالی علیه وسلم من ظن ان للعلم نایه فند بخسده حقه ووضعه فی غیر منزلته الی وصفه الله به احیت یقول وما اوتینم من العلم الا قليلاً ؛ بیورمش و برکس. علمک نهایتی اولمه سنی ظن ایدرسه حقنی کتم راحبط وجناب حقت (وما اوتینم من العلم الا قليلاً) قول شریفیه وصف راعین بیوردینی مرتبه دن اسقاط ایتش اولور مألده بولنشدو. ایشته بونکچون بعض علما. بر علمی نهایتدراردم دیه او قومایورزو. اکر بویله اولسه. آتی نقصان ایله توصیف ایتش اولورزو. بلکه

هر کون جهلدن برنبذه نقصان. علمدنده برنبذ، کسب ايقان ايده لم فکری ايله علمه باشلا دق ديمشدر. علمادن ديگر برزاندۀ علمده تعمق. و کثرت اشتغال سبيله تدريس ابدن کسه لر شدتی طابعه يه قابيلمش طول وعرض، وسما وارزدن يخبر اولان يوزخيلر کيدر ديمشدر (حماده) صورديلرکه ارتق بوعلمه طوميه جقميسک. جوابنده. نه بپالم. وار قوتمزی صرف ايندک. برحد معيني بولامدق (بز) شاعرك (اذاقطننا علماً بدا علم) ديدکی کي يز يعنى طاعك بري آتايوب کچورز قارشر مزده برطاع دهاعرض اندام ايدسيور هارون الرشيد مهديدن شوایکي بيتي روايت وانك كندی اشعاري اولمسنی ظن ايدرم. دیدی.

يافس خوضي بحار العلم ارغوصي فالناس ما بين مهموم ومخصوص
لاشي في هذه الدنيا نحيط به الا احاطة منقوص بمنقوص

مألى

ای نفس. دریای علمه طال. ناس یاعوامدر، یاخواس. بزم بودنیاده احاطه ایتدیکمز برشی یوقدر وارسه بیله. ناقصک ناقصی احاطه می کیدر .
تقریرات سالفه دن قظاهر ایتدیکی وجهله جمیع علومک احاطه سنه امکان بولمندیسه، ایچندن اهم واولاسنی باری، تحصیله مبادرت واجبه ذمت کوروندی ایتدی علوم مزبورۀك افضلی. ناسک رشد و سدادی کنندینک معرفته، ضلال وفسادی جهاننه مربوط و معلق بولنان علم دیندر. چونکه فاعلك. کیفیت اداسنی وشروط اجزاسنی بیلمدیکی عبادتك. نظر شریعتده صحیح اولمیه جنی بدیهی وشروط صحت مزبوردهی. علم دین متکفل بولندیجنی جهتله، رکن دین اولان عبادته مرجع بولنان برعلمك افضلیتده شبهه یوقدر. سباح دریای علم وایقان علیه صلوة الملك المنان افندمرك (فضل العلم خیر من فضل العبادة) یعنی علمك فضلی. عبادتك فضلندن خیر لیدر. کلام منیف محمدیسی. شو حقیقتی کرکی کبی اثبات ایدر بونك تعلیلنه کلنجه. علم. عبادتك فضیلت اولدیغنی کوستر. عبادت ایه فاعلك جهلیله مظهر قبول اوله مز. دیمک اولدیکه علم دین. هر مکلفه واجبد مدعایزده. بوندن عبارت ایدی ینه افندیمز. طلب علم هر مسلم اوزرینه

فرضدر معناسنده اولان (طلب العلم فریضة علی کل مسلم) بیورمش وعلما طرفدن بوحدیشده ایکی تأویل قبوسی آچیلمشدر بریسی امرعبادتده جهلی جائز اولیان شیرده علم . فرضدر دینک طریقیله . دیکری فرضدن ، کفایه قصد اولسنه رق علمک جمیع علومه تشمیلی طریقیله در تأویلیندن منفهم اولدیکه علم دین ، ایکی به آریلیر . بریسی فرض عین درکه هر شخصه مستقلاً فرض ، دیکری فرض کفایه که کافئه ناس اوزرینه جمله فرض اولوب برینک اجراسیله دیکرلرندن ساقط اولور . ایمدی حال بومرکزده اولنجه . نه اعیان اوزرینه ونه ده کافه اوزرینه فرض کفایه اوله میان علمی ملاحظه ایدرسه ک ، علم دینک فضیلتی آغوش تسلیمه کلیر . ایسته شوآیه جلیله علم دینک فرضیتنه بیوک برهن تشکیل ایدر (فلولاً نفر من کل فرقة منهم لیتفقوها فی الدین ولینذروا قومهم اذا رجعوا الیهم لعلهم یحذرون) معنای جلیلی آنلردن . هر بفرقه دن . برطاقم کسه لر . دینده تنقه وعودت لرنده . منسوب اولدقلری قومک افرادینی عذاب اخروی ایله انداز فکریله اختیار غربت ایتسه لر یا . بوبله ییازلرسه . قومک . معاصیدن پرهیز واحتراز ایتلری مأمولدر .

عباده ابن عمر روایت ایلدیکه : سید الکائنات افندمن ، مسجده دخول بیوروب . بریسی ذکر . دیکری فقه . ایله مشول ایکی مجلسه تصادف . ودر حال اشبو مجلسلرک هر ایکسیده خیرلی ایسه ده بریسی بکا دها خوش کلیر . مجلس ذکرده بولنانلر . اللهی ذکر ایدیورلر . الله دیلرسه فیوضاتی احسان ایدر . دیلرسه ایتمز اما فقهده بولنانلرک حالی بشقه در انلر . فقهی اوکره نوب بیلیمیلره اوکرتیورلر بنده . معلم اوله رق بعث اولندم دیهرک فقهله اشتغال ایدنلرک یانسه اوطور دیلر . سلطان الانبیا افندمن صلی الله علیه وسلم (الخیر عادة والشر لجاجة ومن یرد الله به خیراً یفقهه فی الدین) یعنی خیر عادت . شر ایسه عناد واستکباردر . بر کسه حقنده الله خیر ایسترسه علم دینده فقیه قیلار . بیوروب علم دینک قدرینی اعلا بیورمشلردر . ودیکر برحدیشده . اتمک کزیده سی علماسی . علمانک ایسه کزیده سی فقهاسی در بیوردیر (معاذبن رفاعه دن) مروی اولوب ، علم دینی بندنصرکه کلان علمای دینک حق وعدالتله موصوف اولنلری حامل اولسونده برطاقم مبالغه جی حریفلرک تحریفندن ، ارباب بطلانک سرقت وانتحالندن ، جاهلارک

تاویلات واهیہ سندن دین مینی قوروسونلر مألندہ بولنان (لیحمل هذا العلم من کل خلف عدوله نیفون عنه تحریف الغالین وانتحال المبطلین و تاویل الجاہلین) بیوردیلر . وینہ بر حدیث شریفندہ (علی نجلفائی . قالوا من خلفائك قال الذین یحیون سنتی و یعلمونها عیاداللہ) یعنی ہم خلفام بکا ملازمدر بندن آیرلار بیوردیلر بونک اوزرینہ اصحابدن بعضیلری خلفائی کیملر اولدقلرینی صوردقلرنده . سنتی احیا . واهی الیہ شعائر اسلامیہ وسننن مصطفویہ می اعلام و انبا ایدنلردر بیوردیلر و (انس بن مالکدن) روایت اولنوب . تفقه فی الدین هر مسلم اوزرینہ متحتم حقدردر . بکا باقک مسلمانلر . اوکر دنک . اوکر دنک فقیہ اولک ، جاہل اولہرق اولمیک مألندہ (التفقه فی الدین حق علی کل مسلم الا فتعلموا . و علموا . و تفقهوا و لا تموتوا جہالاً) بیوردیلر (سلیمان بن یسارک) ابوہریرہدن روایت ایلدیکی دیگر بر حدیثدہ (ماعبداللہ بشی افضل من فقهه فی الدین . و لفقیہ واحد اشد عنی الشیطان من الف عابد و لکل شیء عماد و عماد الدین فقهه) بیورمش . جناب حقہ قارشو تفقه فی الدین دن افضل بر عبادت اجرا قانمدی یمن ایدر مکہ . بر فقیہ بیک عابددن زیاده شیطانہ آغیر کایر . هر شیئت بر عمادی و مدار استنادی وارد کرک علمکنده عمادی فقهدر مألندہ بولنمشدر .

ایشته سالف العرض انموس قرآنیہ و احادیث شریفہدن . طاش یورکاری بیلہ دائرہ انتصافہ . زعم دینک مزیتی اعترافہ مجبور ایدہجک صورتده حقائق تجلی ایتدیکی حالده دین مینک متضمن اولدیقی تکالیف الہیہ و شریعت غرامک وضع ایتدیکی تعبدات دینیہ نی ثقیل عد ایدن بعض سبکمغزان متکاسلین کوریلدورکہ علوم عقلیہ میل وانہمانہ . و آنی سائر علوم اوزرینہ و باخصوص علم دین اوزرینہ ترجیح ایدبیور . بومثللو . هرزد کوئیانی اذعان الیہ سوبلشمک خلیلدن خلی مباحثا ، و تکثیر سواده محتاج . موضوع بشمزنک ایسه زمینی اکا مساعد اولما مغالہ نقیر و قطمیر بحثہ لزوم کورمیوروز . امین اولک کہ اشبو فکر سخیفی . فطنة سلیمہ و رویت بحیجہ ارباینده کوردمیہ جکسکنز ، افندم عاقل . بو فکرہ ناصل ذاهب اولور . بری یانده ، عقل دیورکہ انسانلر ، باشی بوش حیوان کبی چراکاد عالمده مهمل براغیلہرق قلادہ شریعتلہ مقید وحد معین داخلندہ جولان الیہ مکلف . و برطاقم نوامیس دینیہ الیہ موظف اولمسه . هربری درلو

درلو رأیلره ، آیری آیری آرزولره انقیاد ایدرلرده ایشلری اختلاف وتنازعدن حالاری . بغض وعداوت وتقاطعدن وارسته اولهمیهرق معاذه شیرازه جمعیترینه خذل تطرق ایدر . دیمک اولدیکه مدنی الطبع اولان انسانلر . بسط بساط مدنیت ایله چارسوی عالمده . یکدیگریله الفت واتسیت . واتفاق و معاشرت . وتعاون وتناصری آمر ، و تنازع وتشاجردن زاجر اوله جق بردیندن هر حالده مستغنی دکلدرلر ایمدی عقل ، بویله مطالعه حکیمانده وملاحظه ظریفانده بولنورسه ، اراق خلافه حرکت ایدن کروه اراذله عاقل دیمک اسرافدر اکر بوسرسم حریف دینک عقلاً ضروری . رعقلک . دینده اصل اولدیغنی درشنسه ایدی بوکی تقصیراتدن وازچکر . واتفق حقائق اولور . وحقه اذعان وایقان حاصل ایدردی نه چاره که حجام نفسی بولیور دینده همضال همده منحل اولدی . دینه . برطاقم علومک تعلقات مخصوصه سی وارددرکه امام شافعی . علوم مزبورده نک هر برینک مزینتی تنو سوزوله بیان وتفصیل ایلیدی . قرآنی تعلم ایدمک قدری جیم حدیث یازالمک حجبی قوی ، حساب تعلم ایدمک رأیی کسکین ، علوم عربیه تعلم ایدمک طبیبی رفیق . نفس میولات شریوا یه دن منع ایتیمک عمل حیا اولور .

حضرت امامت اشیر سوزلدن قرآن ، فقه ، حدیث ، حساب . تصوف ، وعلوم عربیه نک ذی مدخل اولدیغنی اکلشیلر . چونکه علوم دینییه نک بولرله ساحه برای تحقیق اولدجنی شهمین آزاده در . بن . حیاتم . یمن ایدرک سولرم که نفسی مناهیدن . محفنه فضائلک کوکیدر . زیرا بخشایش الهیه اولان علم وفضله کوکن و ناسات صیانتی لازم بیله درک انلرد بالحواله کنددی نفسی صیانتدن افعال ایدن کسه نک . فضیلت علمییه سی کندیلرینه کوکندیکی ناس طرفندن سلب ارنلورده الی الاید بین الناس ردالتله شهرت آلیر . علمک بخش ایتدیکی شرف . افعال صیانتک ایراث ایتدیکی سفلانه تقابل ایده مز چونکه قلوب ناسده بغض وحسد مجادله ومناقشه مرکوز اولدیفندن دائماً کوزلری یولکاردن ، مصروف اولورده محسنه انصاف . همیشه عقد ائتلافی ایتزلر . برده آنلر میاننده کوتولکی تشهره چالش مق ، چرکینه کوزلدن زیاده شهرت ویرمک عادت حکمنی آلمشدر . علی الخصوص . فنالق . علم ایله متصف کسه لرده بولنورسه اولوفت طنطنه ردالت برقاذه زاید ایدرک عقوی معتاد اولان زلاتی . بشقه سنده معذور کوریلان

سقطاتی. نه عفو اولنور نهمه معذور کوریلور بلکه مجازاة، تشهیرات عیوقه حیقار .

بونک سینه کلنجه : ارباب تحقیق ایکی وجه بیان ایدیورلر (وجه اول) زله معهوده هر نقدر شایان عفو ومساحه برشی اولسه بیله عالمدن صادر اولدیجی وجهله بوفعله کنندینه اقتداده الدانه جقلری جهته جنایت. تجاوز سببیه قتمرلشیر . آنکچون . عالمک زله سی سفینه کیدر کندی غرق اولور دروننده کیلرده برابر کیدر دینمشدر .

عیسا علیه السلامه. ناس ایچنده اک شدتلی فتنه ندر دیدکارنده . جوابنده (عالمک زله سیدر. برکره آیاغی قایدیمی قوجه علمی برابر کوتورر) بیوردیلر (وجه ثانی) گروه جهله عالمک ذمه حریص، تنقیص قدرنه تشنه درلر چونکه عالم. جهلی موجب مذمت بیلدیکی کی. جاهلده علمی موجب کلفت طانیر ومجالسده عالمک تقدمنی، بعض خصوصاتده کی امتیازینی قیصقانیر وبوکی شرفلرک اسبابنی سلب وازاله ایچون جبهنی قبه یپارق آغزندن آغزه تشهیر وعالم مزبورى انجامنده بدنام ورزیل ایدرلر .

قال الشافعی

ومنزلة السفيه من الفقيه	كمنزلة الفقيه من السفيه
فهذا زاهد في قرب هذا	وهذا فيه ازهد منه فيه
اذا غلب الشقاء على سفيه	تقطع في مخالفة الفقيه

مالی

فقیهک. سفیه یانند، قدری نصلسه. سفیهکده . فقیه یاننده قدری اوله در بونلرک بریسی دیکرینه یناشمقدن قاجینور او بری دها زیاده قاجار . شقاوت سفیه غلبه ایدرده قتمرلشیرسه هرایشی براغیرده فقیه مخالفته اشتغال ایدر . حاصلی بونلرک یعنی جاهل ایله عالم فقیهک اجتماعی ثری ایله ثریانک بیننی جمع کی محالدر (یحیی بن خالد) اوغلنه . اوغلم. علمک هر درلوسنی تحصیله

چالش. کشی بیلمدیکنه دشمن اوله جنی طبیعی اولمغه علومدن هیچ برینه
دشمن اولمکی آرزو ایتیم دهرک توصیه ده بولمشدنر وشو بیتتی او قومشدنر .

شعر

تفنن وخذ من کل علم فانما يفوق امرآ فی کل فن له علم

مألی

او غلم هر علمی او قوده . تفنن ایت زیرا هر فنده ماهر اولان کشی . دائماً اقرانی
فائق . و مجلسده متکلم وحدددر .

فانت عدوللذی انت جاهل به ولعلم انت تتقنه سلم

سن بیلدیکک علمه دوست . بیلمدیکنه دشمن اولورسک . هر علمه
دوست اولمغه چالش .

شعر للمترجم

او غلم چالشوب جدایله احراز فنون ایت . کز . عالم عرفاند . تحقیق شئون ایت

امدی مرد عالم . نفسنی چرکاب معصیتدن صیانت و شرعاً اوزرینه لازم
کلانی اجرایه مبادرت ایدرده فضیلت علمیه سی اوزرینه صیانت نفس ، طهارت
ذیلی دخی ضم وعلاوه ایدرسه دوستلرینک قینامسندن ، دشمنلرینک طعن
وتشنیعندن قورتلور و نائل اولدینی منزلته بالاستحقاق اوطورر . اولدرداء
روایت ایدیورکه . افندمز علیالسلام . علماء . انبیانک وارثلریدر چونکه انبیا
یاره ، پول ترک ایتمدیلر انجیق علم ترک ایتدیلر مآلندء (العلماء ورثة الانبیا
لان الانبیاء لم یورثو دیناراً ولادهرهما وانما ورثوا العلم) بیورمشلردر .
(ابوهریره) روایت ایدیورکه افندمز (ان الانبیاء علی العلماء فضل درجتین
وللعلماء علی الشهداء فضل درجه) یعنی انبیانک علما اوزرینه ایکی درجه

فضلی ، علمانکده شهدا اوزرینه بر درجه فضلی وارد در بیورمشر (بعض بلغا) اهل شریعتی اجمال و توقیر شریعتنددر . حسن معامله شریعتک اقتضا ایتدیکی قواعدنددر دیمشدر . امدی فطرت سلیمه سی دلائله فضائل استحسان رذائل استقباح ایدن مردخیر . کندی نفسندن رذائل جهلی . فضائل علمیه سی قوتیه طرد و ابعاد ایتلی و بویولده هر مشقتی کوزه آلدیروب غفلت و اهل او یقوسندن او یانهرق فضائله کسب یقین ، منافعندن امین اولدیغی علمه رغبت و انهمالک ایتلی . مالک کثرتی ، علو منزلتی نفوذ امری ، شو عزم خالصه سندن قطعاً چورمه ملی . چونکه نافذ الامر کبرانک . جاه و جلال صاحبی شرفانک علمه احتیاجی . بشقه لرینک احتیاجندن افزوندر انکچون . انس بن مالکدن روایت اولنان بر حدیثده شفیع العرصات افندمز (ان الحکمة تزد الشریف شرفاً و ترفع العبد المملوک حتی تجلسه مجالس الملوک) بیورمش و مال منیفی . حکمة شرفانک شرفی آر تیرر ، کوله یی خاک مذلتدن قالدیرده ملوک مجلسنه اوطور دیر دیمک اولمشدر (بعض ادبا) علمدن منبعث اولمیان شرفک حقیقتی مذلت عقلک تأبید ایتدیکی علم ایسه ضالالتدر دیمشدر سلف صالحیدن بعضیلر انسانلره جناب حق خیر ایسترسه . پادشاهلرینی عالم ، امور مسلمینک تصرفینده علماسنک رأینه منوط و مربوط قیلار . دیدیلر . بعض بلغاده . علم . پادشاهلرک سبب عصمتیدر انلری ظلمدن منع . حلمه سوق ، خلقه اذیتدن عوق ایدر شفقة و عاطفة تشویق ایلر . شو حالده پادشهلر علمک بومزیتنی تقدیراً حقنی اعتراف ، اهلی حمایه ایتدار ایتلیدر دیدی . ایشته تقدیر مزایاسنه حد و پایان اولمیان علم حقنده درمیان اولنان اخبار و آثار شو مرکزد در . کله لم جاهلرک میل و انهمالک ایتدیکی ماله . مال . زواله بوزطوتمش کولنکه ، صاحبهر جوئی راجب اولان غاریه برشیدرکه چوقاغنده هیچ بر فضیلت یوقدر اولسه ایدی رسالتله ممتاز قیلدینی انیاسندن جناب حق دریغ بیورمزدی . معلومدرکه اکثر انبیانک سائر ناس اوزرینه رجحان قطعیلرله برابر بر کونلک نفقه . بلکه سدرمق اید . جن طعمام بوله مدیلرده ناس بیننده فقر ایله ضرب مثل ارلیدیلر . مالک . نزد باریده مزیتی اوله ایدی بویله می اولوردی حاشا . بختری . زمرة انبیانک ضرورتده

کندیلرله ضرب مثل اولنورجه سنه دوچار مضایقه اولدقلرینه شویتله
اشارت ایئشدر .

بیت

فقر کفر الانیاء و غریبه و صبا به لیس البلاء بواحد

مالی

انیا فقری کبی ضرورت برطرفدن. غربت وطن دیکر طرفدن. عشق و سودا
او برطرفدن. بلا بردکاکه بیلمم نه یایم . مالک مزیت بخش ایتدیکنی اکثر
کفارک زنکین و مؤمنلرک محروم و غمکین اولمهی واضح برصورتده اثبات ایدر .

شعر

کم کافر بالله امواله تزداد اضعا فاً علی کفره
و مؤمن لیس له درهم یزداد ایماناً علی فقره

ترجمه

نیجه کافر واردرکه کفر و طغیانی آرتدجه مالی ارتار نیجه مؤمن واردرکه
فقری آرتدجه ایمانیده آرتیور .

شعر

بالائهم الدهر و افعاله مشغلاً یزری علی دهره
الدهر مأموره له آمر ینصرف الدهر علی امره

مأل

ای زمانی . و آنک یابدقلربی لوم و تقبیح ایله اشتغال ایدن بدبخت . زمانه

طارلمغه نه حقك وار. او كائناتى امريله تدبير وتصرف ايدن برقادر مطلقك مأموريدر مأمور ايسه ياپديغنده معذوردر شو حالده هر شئي حكمة اللهه ربط ايتمكدن بشقه چاره بوقدر .

حضرت على . علم مالدن خيرليدر علم سنى حفظ ايتنديكى حالده سن مالى حفظه مجبورسك علم حاكم، مال محكومدر. خزنه اموال بكجيلرى اولدى كيتدى علم بكجيلرينك اجسادى مفقود ايسده اشخاصى، قلوب اهل ايمانك كوشه احترامنده موجوددر بيورمش. بعض علمايه، علم ايله مالك هانكيلى افضل ارلديغى موردقلىرند بونك جوايى مال ايله عقلك هانكيلى افضل ارلديغى بيلمكه موقوفدر . عقلك رجحاننى بين . ارلمغه علمك رجحاننى ثابت اولور ديدى . صالح بن عبدالقدوسك شوشورى تفضيل علم حقنده بيوك بر موازنه نى ناطندر.

شعر

لاخير فيمن كان خير ثنائهُ في الناس قولهم غنى واجد

مالى

ناس ايچنده ثنائى، ثروت وسامانى رياورىء طالعدن عبارت اولان كسه لرده خير بوقدر .

نزد الهيد علمك مزيتى بوجره بالارين اولدينى حالده بعض كسان، كبر سندن وكويچكلكنده تحصيلد تقصيرله، بيركلكنده تعلمدن حيا ابد رنه خلق ايچنده جهل ايله اشتهارى . تحصيل علمه ابتدار اوزرينه ترجيح ايدر. بوفكر سقيم عاميانه، جهلك برنوع خدعه سى وكدننى استيلا ايدن كسلانك ديسيه سيدر اوت بوفكر سقيمدر چونكه علم برفسليت وانى تحصيله باشلامق، آرجه بر فضيلت اولديغندن صاحب سن وسال، رفورالحال اولانارك رغبت اتمسى ده اولى واحق ايكن بالعكس حيا معامله سى كوستره رك اندن استكاف، افكار سقيمه احساندن بشقه كسه لرده كوريله مز. اخيار ازله رق تحصيل علم، ينه ار حالده جاهللكدن، هر حالده اولادر بعض حكما. تحصيل علمه رغبتله برابر حيا ايدن

پیرفانی کوردکده . عمرک نهایتده . اولندنده افضل اوله رق اولمکن حیامی
ایدیورسک دیهرک نزا کتله غفلتنه . وفکرینک سقامتنه تنبیه ایشدر خلفای عباسیه دن
(مأمون) فقهاستی طویلایوب مباحثات فقهیه ده بولتدینی ائشاده ، عموجه سی
ابراهیم بن مهدی ، مجلسه کوروب ، علمانک بیان ایتدکلی تعلیلات فقهیه ، مسائل
اجتهاده دن یخبر بولنان بوذاته (مأمون) عموجه ، شو بیان اولنان مسائل
حقنده نه دیرسک دیدی (ابراهیم) یا امیرالمؤمنین ، چوجقلغمزده برطاقم
اویونجاقلرله بزی مشغول ایتدیلر . اختیارلغمزده ده کندی مزی مشغول ایدرک
نقائس علمیه دن محروم قالدق دیدکده (مأمون) شمدی اوقومکزده نه مانع
واردر دیدی (ابراهیم) بزم کبی اختیارلرله بوندن صکره اوقومه روامیدر
دیهرک زعمنجه بسط معذرت ایتش ایشه ده (مأمون) واللہ ، طالب علم اوله رق
اولمک جاهل یشامقدن خیرلیدر سوزیلر ، جوابنک بینماز عذری قیلندن اولدینی
اظہار ایتش . بونک اوزرینه (ابراهیم) نه زمانه دکن اوقویه م دیه صوردیغنده
(مأمون) صاغ اولدقچه جوابی ویرمشدر هم برده وارکه ، جهل ، عمو میتله عذر
اوله مزسه ده . هنوز ایام اہمال اوزامامش ، مدت تحصیل منقضی اولمامش اولمغله
تحصیل خصوصنده کی تکاسلری ایچون چوجقلر بردرجه یه قدر معذور کوریلر
بیلیر . بنابرین ، حکم منوره ده ، چوجقلر جهلی معذور ، علمی محقوردر دینمشدر .
امابوکلر بویله دکلدر . انلرک جهلی اقبیح ، ایراث ایتدیکی نقیصه افضحدر چونکه
بو قدر یاش یشادینی حالده ایام عمرینی جهل ونادانی یه صرف ایتش و تحصیل
مشاعد زمانلرینی قلقیات ایله کچورمش . کوچکلرک ایشه هنوز امید قبولری
آچیق یولنش اولمسی پیش نظره آلسنه جق اولورسه چوجقلرک ، بیوکلردن
افضل اولمسی لازمدر . برکسه یه جهلده مساوی اولان چوجقلرک بیلر رجحانی
نقصان جهتیه الویرمزی . بعض اهل ادبدن شویله ایشتمشدم .

شعر

إذا لم يكن مرالسین مترجاً عن الفضل في الانسان - ميتة طفلاً

وما تنفع الايام حين يعدها ولم يستفد فيهن علماً ولا فضلاً
ارى الدهر من سوء التصرف مائلاً الى كل ذى جهل كان به جهلاً

مألى

سنه لرك كچمه سى، عمر ك چوقلنى، كشينك فضلندن تر جان اولمزه بن اكا
طفل تسميه ايدرم. كنديسنده علم و فضل قزانمدينى اياكم تعدادنده هيچ منفعت
يوقدر. بن زمانى دائماً جهلايه مائل ومساعد كوريورم. كوياكه كنديسنده
جاهل ايمش كبي .

بعض كيمسه لرده. جهله عذر اولمق اوزره. اسباب والائك فقدانى. واكتساب
معيشت ايله عمرينك كذراتنى اوكه سورر لر . بونلر بر درجه يه قدر دميكيلردن
زياده معذرتة يقين ايسه لرده ينه بونلر حقنده بز مقام ارشادده ديرزكه، اشبو
حال. لذاذ جسمانيه وشهوات نفسانيه سنه اسير اولمش ارباب حرص وشرده
بولدور. يوخسه دوشونيله جك اولورسه بونلر كهرزمانى زمان ا اكتساب اولميو ب
البت اوقات استراحت و ايام تعطيل معتاده لرى بولنه جنى . و اوقات مزبوره نك
بعضيسنى تحصيله صرفك امكانى بديهى بولمغله اشبو عذر لر كوش قبوله كيره مز
اما دينيله جككه، بونلر ايجون موسم تعطيل واستراحت ايجون ايرمش خالى هيچ
برديقه لرى بيله يوقدر كه آئنده تحصيل علمه صرف ايمككه سياحت كوسترسونلر
بز ديرزكه، شوحالده بز بونلرى دنيايه كوله و حرص وشهوتة اسير اولمش برالاي
ييجاركان كروهى صايقمقدن چكمنه يز . بز تحصيل علم ايجون موضوع بحث
ايتديكمز اشخاص ايسه فطرت احرارانه ايله مفطور بولسان زمرة عقلادر
اويله، اوقاتنك كافه سنى، عمرينك هرديقه سنى جلب منافع دنويه به صرف ايدنلر
موقع بالاي خطا بمزدن خارجدر. امام الانبيا عليه اكمل التحايا افندمز، هر شيتك
بربى قماسى واردر اشغالندن بيقدينى زمانى علمه صرف ايدن نجات بولور مألنده
(لكل شيتى فترة فمن كانت فترة الى العلم فقد نجا) بيور مشدر . ديكر بر
حديثنده، علماي صالحين اولك، اوله مزسه كز انلرله اوطورك كه سزى طريق
هدايتة سوق، حفرة هلا كدن عوق ايدنه جك علم ايشيده سكر مألنده (كونوا
علماء صالحين فان لم تكونوا علماء صالحين فجالسوا العلماء واسمعوا علماء

یدلکم علی الهدی ویردم عن الردی) بیوردیلر . (بعض علما) علمی سوه نی فضائل احاطه ایدر . علما ايله صحبت ایدن توقیر ، سفها ايله همزم اولان تحقیر اولنور دیمشدر . ناسک بر قسمیده ، علمک کوجلکنی ، غایه سنک اوزونلوغنی ذهنک ازلغنی ، فطانتک قوتسزلکنی ظن و تخمین ایدرده تحصیل امتناع ایدرکه اشبو ظن ارباب نصک اعتذاری ، اهل عجزک قوروندیسندن عبارتدر .
چونکه تجربه سزاخبار ، جهالت ، قبل الامتحان قورقو ، عجزدر . ایشته بو کیلره شاعر ، شویله نصیحت ایدیور .

(لا تكونن للامور هیوياً فالی خیة یصیر الھیوب)

مالی

(امورده هیبت و یروب قورقه ، بویله لرك عاقبتی وخیمدر)

برسی ، ابوهریره حضر تلرینه تحصیل علم آرزو ایدیورم اما ضیاعندن قورقیورم دیدکده ، بسبتون ترك ایتک ضیاع جهتدن کافیدر بیوردیلر . درجات اذهان بشر متفاوته ، فطانت بنی آدم متخالفه ایسه بونلردن ، حصه سنه آزا صابت ایدتلر ایچون ، جهالت درک سندن قورتیله جق قدر علم قلیله وصولدن کندیلرینی بعید کورمک اصلا روا دکادر (صو) لثیه و ملایمتیه ، برابر ، یالچین قیالره بیله تأثیر ایلدیکی حالده ، فصل اولورده تدریب و ممارسه ايله کسب قوت ایدن علم ، کمال اشتیاق و غرام و استغراق ايله رغبت ایدن طالبک قلبنده تأثیر کوسترمز .
باخصوصکه طالب علم چکدیکی مزاحمه مقابل معاونت خدایه مظهریتله بکام اوله کلشدر . خواجه کائنات علیه اکمل النجیات اقدمزک ، زمرة ملائک کمال خوشنو . دیلرندن طو لای طالب علمک کذرکانه قنادلرینی فرش ایدرلر مألنده
(ان الملائكة اتفع اجنتحها لطالب العلم رضا بما یطلب) حدیث شریفی افاده مزه برهان عادلدر ، ارباب سفاهت و اصحاب بالادتی طلب علمدن منع ایدن اسبابک بریسیده شودر : مثلاً بونلردن بری ، اهل علمک زمان تحصیلده تصادف ایده کلدکلری مضایقه معیشت و ضعوبت تحصیل و تحمل کرتی نظر تأملدن کچیره رک

کندی زعم باطلنجه اوز مرئه مفلحینی، حرمان مقاصد، ادبار اُماله چار پلمش بچارکان صفیله توصیف، کیت کیده تقبیح و تزیینی بر رادهیه واردیررکه، دکل علم تحصیلی انک اَلاتندن، دیوبته راست کلسه تشأم، کتابی کورسه اعراض و تألم، کسوة فضیله بورنمش اهلی کورسه فراره قدم باصار. ظن ایدر سکه بومسکین احق، هیچ زنکین عالم، زو کورت جاهل کورمه مشدر. والله بن بو طبقه شریردن عز و اقبال جاه و جلال صاحب لرینی کوردیکمه کنسیدیلرندن اوزاق اولمق موجب انس و صلاح، یقین اولمق مستلزم وحشت و فساد اولدینی بیادیکم حالده، مقتضای جهل و حماقتلری اوله رق استغفال و تحقیر لرینه اوغرامامق فکرینه بناء، یانده بولنان دوات و کتاب کبی اشیائی، چارچابوق صاقلاردم و شوتدیرمده اصابت ایتدیکمه ده بزجره رک شو سوزیله استدلال ایدردم، دیمشکه، یردکی صو صیزیندیی، اطرافنی هدم و تخریب ایتدیکی کبی، قلبه کی جهلده اطرافنده بولنانلری افساد، واشکسته فؤاد ایدر.

بم بولرله اختلاطمه سبب. اخلاق کیزی برای مدارا ناسه اویدیرره رق اختلاط و اشلاف، شرعه مخالف عمللرنده انلره مخالف بولنوکرز. مآلنده کی ﴿ خالطوا الناس باخلاقهم و خالفوهم فی اعمالهم ﴾ حدیث شریفنه توفیق حرکاتدر آنکچون، بعض بلغا، چوق جهل واردرکه کروء عقلائی وقایه، چوق سفاهتمده نیجه صلحائی حمایه ایدر دیمشدر. عرض ایتدیکم شو طبقه سفها ایچون امید صلاح، رجای فلاح یوفدر چونکه علمی عیب. جهلی زینت بالاریب، علمی موجب ادبار و نکبت، جهلی مدار اقبال و منقعت اعتقاد ایدن کسه لرک ضاللی مستحکم، رشادی مستبعد اولدینی کبی، حضرت علینک، یاعالم، یامتعل، بامستمع یاخود محب اول، لکن بشنجیدن اولمه که هلاک اولورسک بیوردقلری فرقنک بشنجیسی اولورده هلاک ودماری محقق عد اولنور شو حالده بوکی اشخاصی دائرة نجات باهره صلاحه آلمق قابل دکلدر. بزجره ره، نیچون جاهلره عتاب و تکدیر ایتیمورسک دبدکلرنده، بز، کورلره کورک، صاغرملره ایشیدک دیه جک قدر جاهل دکلز، جوانی ویرمشدر. معالم نفیسه علمیه دن نفرت و اهل علمه عداوت ایدن اشبو طائفه باغیه، بوکی شناعتلرینی عقل و عقلا حقنده ده یورتدیلرده عقل مانع رزق، موجب مضایقه در. عقلا ایسه اهل سوق

مقوله سی بر آلاى سفلهدر . احمق دائما محظوظ و بختیاردرد دیمکدن چکنمه دیلر عقل و علم حقننده ، شو اعتقاد فاسدى بسلهین خبثانك ضاللى ، تعریفدن مستغنى ، وهیچ برخیر داهل ، هیچ بر فضیله محل اوله میه جقلری بدیهیدر (بعض بلغا) ناسك اك مردار . ابولك ایله کوتولكى اش طوتاندر دیمشدر . طائفه مزبوره نك ، شو اعتقادك سبیلرینی تحری ایتدیکم زده بروجه آتی بولورز . بونلر ، بر طاقم ضنك معیشته مبتلا عاقله ، فقیر و بی نوا عالمه تصادف ایدییورلرده شو حال سفالته سبب ، انجق عقل و عامدر ظن ایدهرك ، شوايكي كوهر کرانه ایدن فرار الزمدر دییورلر . کرچه بونلر ، چوقکره حقانکده نکبت و ضرورتنه تصادف ایدییورلر سهده . انلرك ، نظارلرده اهمیت بولمادیغندن دقت نظر لرینده جلب ایتیمور . علما ایله عقلا بویله دكل ، انلرك آزقلریله برابر مقام احدیتدن بخش اولنان نشان فضیلت ایله غبطه بخشا برطرزده میدان فضیلتده اثبات وجود ایتملری ، دقت نظری جلب ایدیور . ایشته دقت نظری جلب اولان آزقلر ند نظولاییدر که علمایه ، غربا اطلاق مناسب کورلمشدر . امدی علمانك کرده کی کبی معلوم اولان احوالی ایچنده فقر و ضرورتلریده نظره چارنجه (هام) ایشته بونلرك سبب ادباری علملریدر دیهرك کروو معاندین هم علم و علمانی تحقیر ، همده بشقعلربی طریق علمدن تنفیر ایدییورلر . یوخسه انلرده ، جهلا کی کثرتی و بی نام و نشان ادا سله ایدی . نه فقیرینك حالی کسه تزیف ، ونده غنی سینك احوالی نظر تعیب ایله کوردرلردی ، آنکچون زنکین جهلا . فقر و ضرورتی علمه مخصوص بیلهرك جهالته حد ایدرلر .

حالبوکه علما و عقلا نك احوالی تفتیش ایتسهك جمعیت بشریه ایچنده آزقلریله برابر ، اکثریسی مسندنشین اقبال و سعادت بولورز . جهال و حقانکده اموری نظر تدقیقندن کچیرسهك بوقدر کثرت و ازدحاملریله برابر اکثریسی دوچار نکبت کوریرز . اما دینیه جك که جاهلرك اقبال و سعادتى دائما نظرده اشتهار ایدهرك دلرده داستان کبی سولینورده عالمکی ، هیچ منظور چشم اعتبار اولیور . دیرز که اوت بونك سببی ینه جاهلك ثروتنك موجت غربت ، عاقلک ضرورتی داعی تعجب اولمه سیدر . جاهلك اقبالی کورن ، انکشت بردندان حیرت اولوب دییور که ، جانم بو آدم جهلیله برابر

مستغرق اندوه و کین اولمغه لایق اولمش ایکن زنکین اولمش ، نه عییت حکمت ایشته هر شخصک وجدانی مشغول ایدن شو تعجب ، نعمت جهالک اشتہارینی ايجاب ایدیور . عالمک اقبالنی کورنلر ایسه ذاتاً اکالیقتنی تصدیق واعتراف ایتدکلرندن ، بالاستحقاق نائل اولدینی برنعمتنی عادت کبی تلقی ایدہرک موجب حیرت اولوب اوقدر اشتہار ایدہ میور . نتیجہ ، حرمان عاقل موجب استغراب اولدینی کبی ، نعمت جاہلدخی داعی استغراب اولمشدر . آنکچون زنکین جهلامشار بالبنان ، فقیر عالمده معروف انام اولمقدهدر . (لحرره)

بیت

صدای کوس شہرت ، غلغل درد و بلاد رہب
کوررمی کسہ راحت مردم بینامدن غیری

حکمدان بزرجہر ، شایان تعجب نہی بولورسک دیدکرتدہ جاہلک غناسی ، عاقلک ضرورتی بولورم دیمشدر . لکن رزق ، علم و عقلک مقتضیاندن دکل ، بخت و طالعه وابستہ بیوریلوب حکمت صمدانیہ و قدرت الہیہک اظہارینہ مدار اولمش . و ہرشی مشیت سبحانیہ معلق اولمغلہ بو بابدہ کف لسان ایتک طریق اسلمدر . حکما دیورلرکہ رزق عقل نسبتندہ تقسیم اولنہ ایدی بہایم آجلقدن اولوردی . ابوتام بوکلام حکیمانہی شویلہجہ سالتک نظمہ چکمشدر .

شعر

ینال الفتی من عیشہ و هو جاہل ویکدی الفتی من دہرہ و هو عالم
ولو کانت الارزاق یجری علی الجحی ہلککن اذاً من جہلہن البہائم

مالی

جاہل معیشتہ صورت حسنہدہ نائل ، عالم زمانندن مشتی دیلنجی کبی

اگر ارزاق عقله تطبیقاً جریان ایدیدی ، بهایم جهلی سببیه هلاک اولوردی .
کعب بن زهیر شویله سویله دی .

لو كنت اعجب من شيء لا عجبني سمي الفتى وهو مخبوء له القدر
يسعى الفتى لامور ليس يدر كها والنفس واحدة والههم منتشر

مالی

برشیدن تعجب لازم کلسه، فتا چالیشوب چالادینی حالده بختنک وارون
اولسنه تعجب ایدرم . فتاده ، نائل اوله میه جفی شیرل ایچون چالیشور سبحان الله
نفس بر، آرزولر طاغلق، ادراک ممکن دکل .

مع مافیہ ارباب عقل و عرفانک مالک آزلی درکار اولسه بیله حائز بولندقلری
علم وعقل ، آنلر ایچون سعادت و اقبال اولدینی کبی جهلانک مالی چوق بیله
اولسه مبتلا بولندقلری حق و بلاد و حرمان معرفت ، کندیلری ایچون مستلزم
ادبار و هلاک ، مستوجب وزرو و بالدر . چونکه سعادت کثره مال ایله
دکلدر . بز چوق زنکین کوریورزکه شقاوت باشندن اشمش چوق
فقیره تصادف ایدیورزکه سعادت و بختیاری ایله امرار وقت ایده کلشدر .
بر طرفدن جهل کندیسنی حسیض سفالته ایندیردیکی حالده ، جاهل
نصل نائل سعادت اوله بیلیر . علم و فضیلتی کندینی اوج بالای ترقیه
چیقاردینی حالده ، عالم نصل دوچار شقاوت اولور . حکم منشورده ، چوق
ذلیل واردرکه ، علمی انی عزبز ایدر . چوق عزیز واردرکه جهل آنی ذلیل
ایتمکده در بنمشدر . (عبدالله بن معتر) جاهل ، سو ورنسلیکده بیتن یشیلکدر
دیدي (بعض حکما) جاهلک نعمتی آرتدیجه چرکنلکیده آرتار دیدی . بعض
علما ، اولادینه شویله وصیت ایلدی . یاورلرم تحصیل کالات علمیه ایدیکز
شاید بو حالده نعم دنیادن برشیئه نائل اوله مزسه کز فتور کتیرمییکز زمانک
سزه غدرندن طولای مذموم اولمسی ، سزک زمانه آلت ذم اوله کزدن دها
خوشدر (بعض ادبا) عالم اولوب مال قزانه میان ، جمال قزانمشدر دیدی . بعض
اهل ادب ، ابن طباطبائک شوشعرلرینی اوقودی .

شعر

حسود مریض القلب یحییٰ اینده ویضی کثیب البال عندی حزینه
 یلوم علی ان رحت للعلم طالباً اجمع من عند الرواة فنونه
 فاعرف ابکار الکلام وعونه واحفظ مما استفید عیونه
 ویزعم ان الیلم لا یکسب الغنی ویحسن بالجهل الذمیم ظنونه
 فی الائی دعی اعالی بقیعق فقیمة کل الناس ما یحسنونه

مأل

مرض حسدله قلبی خسته اولان حسود ، یاننده محزون و غمکین اوطوریور
 ینه آه و ایندی بندن کنزله ملک ایستیور . طب علم ایچون اوزاق بلاده ، شد رحل
 ایدوب . اهل وار بابندن جمع فنون شقی ایلدی کمی ، ابکار افکاره کسب معرفتله
 حفظ مسائلده بولندیغمی ، کوره رک بنی لوم و تعیب ، و علم ، کسب غنائتمز دیهرک
 مذموم اولان جهلی حسن ظنله تاقی ایتمکدن چکنمیور . بن اکا دیورمه که بنی
 حالمه براقکه ، کسب کمالات ایله قیمت ذاتیه می آر تیره میم زرا کشینک قیمتی یاپدینی
 ایشک کوزلاکی ایله متناسبدر .

بن ، انسانی اذلال ایدن جهلک خدعه سنندن ، اضلال ایدن حماقتک فلاکتندن
 الله صغور . ورطه ذلاته دوشناری وادی استقامته چکن عقل سلم ، صحرای
 ضلالتنده پویان اولنلری شکره ، هدایتیه سوق ایدن علم نافع واسطه سیله کندیسنندن
 سعادت طلبنده بولنورم چونکه پیغمبر علیه السلامدن روایت اولندیکه برقولی
 جناب حق ، مخلوقاتی یاننده رذیل ایتک ایستدکده ، علمدن محروم ایدر مائلنده
 (اذا استرذل الله عبداً حظر علیه العلم) بیورمشدر . امدی طالب علم ایچون
 ایلک وظیفه ، رغبتنده جدیت ، اوحاصل اولدقد ، دائماً کثرتنی آرزو ، اوده حصول
 بولدقد ، عمله مبادرت لازمدر ترک علم ایچون ، ابرازحمیت ، تحصیلده تقصیر ایچونده
 بیان معذرت هیچ برزمان مسموع اولان شیلردن دکلدردن باقی ، شاعر نه دیور .

شعر

فلا تعذرانی فی الاسائبه انه شرار الرجال من یسی فیعذر

مالی

فنالق خصوصنده بنی معذور طوتمایک ، ناسک شراری ، فنالقى اجرا ، ومعذور کوریا لندر .

برده ، طالب علم ، بوکونی یارینه ، آئیده از برکونه بالحواله ، برطاقم یلان وعده لرله کوئی کچیره رک تسویف ، ودنیانک بتمز توکنمز اشغال کونا کوئی نک انقطاعنه تعلیق ایله وقت کچیره ملیدر . چونکه هر وقت ایچون برشغل ، هر زمان ایچون برعذر بولمنسی طیبی اولمغله نه اشغال منقطع ، نه ده اعذار مقبوله اولور .

شعر

نروح ونغدو لحاجتنا وحاجة من عانى لاتنقضى
تموت مع المرء حاجانه وتبقى له حاجة مابقي
اشاب الصغير وافنى الكبير كرا الفسادة ومر العشى

مالی

حاجات دنیویه منزى بتورمك ایچون اخشام صباح چالیشوب چبالایورز حالبوکه یاشایانلرک حاجاتی توکنمک بیلمز ، کشی ایله برابر حاجاتی دخی دیار عده کسیدر کری به کورولمدهک چوق حاجتی قالیر کوندوزک کیجه نک کلوب کچموسی کنجلیری اختیار ، اختیارلریده افنا ایتمکده در .

علم آرزوسنده بولنان کسه ، تیسیر الهیهیه وثوق واعتماد ، نیته خالصه وعزیمت صادقه ایله رضای سبحانی به قصد واستناد ایدرک ، طلب علمده بولمهلیدر . سلطان انیا افندمز ، الله ایچون او قوم یوب رضای صمدانی بی قصد ایتیان کسان ، جهنمدن

یرینی حاضرله سون مألنده ﴿ من تعلم لغير الله واراد به غير الله فليتبوا مقعده من النار ﴾ بیورمشلردر . ابوهریره دن روایت اولتان دیگر حدیثده ، امتیه خطاباً اهل علمك انقراضيله ، علم منقرض اوله دن تحصیل علم ایدیگز زیراسزدن هیچ بریکز علمه نه زمان محتاج اوله جق ، ونه زمان ، قزانیدی علمه احتیاج کورینه جک بیه مز مألنده ﴿ تعلموا العلم قبل ان یرفع ورفعه ذهاب امله فان احکم لایدری متى یمحتاج الی ما عنده ﴾ بیورمشلردر . برده ، طالب ، علمی ، جدال و مباحثه وریا قصدیه ، تعلم ایتمه ملیدر . زیرا مجادله ایچون او قویان ، علمنک نفعندن مهجور ، نظر الهیده ساقط و محقوردر .

سباح دریای علم و عرفان ، علیه صلوات الملك المنان افندمز ، علمی سفهایله مباحثه ، علمایله مجادله ایچون تعلم ایتمه ییکز . سزدن بویه یانلرک مقرر و مأوا سی جهنمدر مألنده ﴿ لا تعلموا العلم تماروا به السفهاء ولا تعلموا العلم لتجادلوا به العلماء فن فعل ذلك منكم فالنار مثواه ﴾ بیورمشلردر . مجادله ایدنلردن مقصد ، مجرد حق اظهار قصدیه مباحثه ایدنلردکل ، بلکه فساد و سختدن ، اوزرینه ایراد اوله جق سؤلر دی دفع قصدیه مارتاوال ائانلردر که بونلرک حقنده حضرت پیغمبر علیه السلام ﴿ لا یجادل الامنافق او مرتاب ﴾ بیورمش ، و منافق و یاخود شک ایدیچیلردن بشقه برکسه مجادله ایتمز مألنده بولنمشدر (اوزاعی) جناب حق ، بر قومه شر قصد ایدرسه بینلرینه القای جدل ، و عملدن منع ایدر دیمشدر (ریاش) مصعب بن عبد اللهک ، شو بیتلرینی او قودی .

شعر

اجادل کل معترض ظنین	واجعل دینه غرضالدینی
واترک ما علمت لرأی غیری	ولیس الرأی کالعلم الیقین
وما انا والخصومة وهی لبس	یصرف فی الشمال وفی الیمین
فاما ما علمت فقد کفانی	واما ما جهلت فجنبونی

مالی

بن ، ظنون ایچنده قالمش معترضه قارشو مجادله ایدوب ، دینی کنندی دینه

نشانگاه ایدرمی یم ، بشقه سنک رأیندن طولانی علم یقینی فدا ایدرمی یم ، حالوکه ظن ، علم یقینه نسبت قبول ایتمز . بن کیم ، خصومه کیم ، خصومه انسانی ، که شاله کاه یمنه اُتارده ، شک واضطراب ایچنده براغیر . بیلدکرم بکا یتیشور . بیلمدکرمی بندن ایراغ . ایدیکز .

بعض علما ، مقاله اُتیه سیله حد جدالی بیان و نیات صحیحیه مقرون اولان مناظره و مباحثه بی تجویز ایتشدرد . ارقداش خوف مجادله ، صاقین سنی قانون مناظره داخلنده ، اظهار حق نیتیه مباحثات علمیه دن منع ایتسون ، چونکه مجادله بشقه مناظره ، ینه بشقه در . اهل مجادله کسه نک اوکر ندیکنی ، بحی قزانديغنی و کندیسیده بشقه سندن اوکر نمی قبول ایتیمان اذعان سز لردرکه ، خصمای دین قرش و سنده جنکاورانه ادله قاطعه ، وحجج ساطعه سرد و اتیانیه اعتراضات و اهیه لری دفع ایله ، طریق هدایت دعوت ایدن اهل مناظره بولنره نسبت قبول ایتمز . معلوم اوله که هر مطلوبک ، حصولنه باعث و مشوق بولنق لازمدرکه علمده ، مطالب نفیسه دن بر مطلب اولدینی جهته ، انک حصولی ایچونده باعث وجودی ، طبعی بولنمشدر امدی تحصیل علمه باعث ایکی شیدر . بری رغبت ، دیگر رهبتدر رغبه ، قرائض الهیه بی بالاجرا ، مقابلنده امید ثواب ایدنلرده ، رهبت ، ارامینه امثال و نواهی سندن اجتنابده تکاسل کو سترنلرک عذاب جهنمدن خوف و اندیشه ایدنلرده بولنور امدی طالب علمده ، هر ایکسنک اجتماعی لازمه دندرکه بولنر واسطه سیله کنه علم و حقیقت زهده واصل اولسون چونکه رغبت تحصیل علمک اک قوتلی باعثی رهبت ، زهدک اک قوتلی سبیدر بونی مؤید حکما شجره علمک کوکی رغبت میوه سی سعادتدر . زهدک کوکی خوف و رهبت ، میوه سی عبادتدر دیمشلدرد . زهد ایله علم ، بر شخصده جمع اولاندقده سعادت تامه ، فضیلت عامه محققدر بالعکس بولنر یکدیگر نندن افتراق ایدر لرسه هر ایکسنه ده یازقلر اولسون ، اشبو افتراق اوقدر مضرت تولید اوقدر شناغت تشدید ایدرکه مبتلا سی اولانلری تدبیرنده حیران براقیر آنکچون جناب پیغمبر افندمز ﴿ من ازداد فی العلم رشداً فلم یزدد فی الدنیا زهداً لم یزدد من الله الا بعداً ﴾ ببورمش و بر کسه نک علمی اُرتوب دنیادن اعراضی اُرتمزسه اللهمدن اوزاقلنی اُرتار مآلنده بولنمشدر (ملاک بن دینار) معاصیدن منع ایده جک علمی قزانمیان ، برشی قزانماش دیمکدر دیدی (بعض

حكما) زهدو ورع سبز فقیهی ، اوطعی ضیادار ایدوب ، کندینی نحو واحراق ایدن مومه تشبیه ایشدر (فصل) معلوم اوله که مقاصد علوم ایچون بر طاقم مقدمات واردرکه انلری ادراك واحاطه ، اصل مقصده موصل ومؤدی ، و بر طاقم مدخل وکریز کاهلر واردرکه علم مشروع فیهک حقائقنه مفضی اولون امدی طالب علم ایچون ، مطلوب اولان علمه قبل الشروع مسائل اولیه . یعنی مقدماتنه معرفت حاصل اتمک لازمدرکه ، اواخر مطلوبه ، وحقائق مقصوده سنه دسترس اولنه بیلسین یوخبسه یأس وحرمانه دوچار اوله جغنده هیچ شبهه اتمه سین مقدماتی اکلامه دن مسائل اصلیه یه شروع ایله طاسلا قلق کوسترمه نك ، بر طاقم اسباب ودواعی فاسده سی واردرکه بوجه زیر عرض اولنور

(سبب اول) طالب ایچون بر طاقم اغراض مخصوصه بولورکه آنلرک علمک بر نوعنه تعلقی بولنوب مسائل سائر سنه ارتباطی بولنامسی حسیدیه غرض و همتنی ذلک النوعک تحصیلنه حصر ایله ، مقدمات و غرضنه تعلقی ایتیان دیگر مسائلک اکنسایندن صرف نظر ایدر . مثلاً ذهنده قاضیلنی قورمش و آئی کندینه شبکه معیشت ایتش بر کیسه ، علم فقهک ادب القاضی ، و بوکا متعلق دعوی و بنیات مباحثنی تحصیله جد و اهتمام ایدر . و شاهدلک ایله اشتغال آرزو ایدن بر کیسه ، ادای شهادت خصوص لرنده جاهل قلاماق اوزره فقهک کتاب الشهاداتی کمال کرمی ایله تحصیله قوی بولورده کویا کندینی او علمک اک مشهور مسائلنی حفظ و ضبط ایتش ظن باطلیه اودریای بی بایانک جهورندن غافل بولنور . مسائل سائر نك ، کوچ اولدینی جهتله تحصیلندن صرف نظر ایدر اکز بو آدم ، حقیقتده نفسنی سور . و خیر خواه اولسه ایدی علمک بعض مسائلنک دیگر لر ارتباطنی و هر بابک ماقبلنه تعلقی بالادراك ، ترك ایتدکلرینک ، تحصیل ایتدیکی مسائل یاننده بیوک بر یگون تشکیل ایتدیکنی پیش امعانه آلوب مقدماتی ترك ایله طوغریدن طوغریه غرضنه تماس ایدن مسائله قوشمزدی . چونکه بوضورتده هم مقدمات همده مطالبی الدن تاجیرمش اوله جغندن لوم و تعییدن باشنی قورتارامز . اما هم مقدمات همده مقاصدک تحصیلنده متکامل بولنانلر ، شایان لوم و تقییح اولمه ده بریکندن افزون اولدیغیده وارسته قید اشتباهدر .

(سبب ثانی) طالبک : علمی مدار کسب غنا و ناس ایچنده احاطه علوم ایله

بالاشتهار احرار شرف و بهایه وسیله عدیله مسائل جدلیه و قواعد نظریه دن
ایشینه یارایان قسملرینی بالاطراف از بریده رك محافل علمیه ده ، مناسبتی مناسبتر
بحث آچه سیدرکه بوکیله ، آنسزین مسائل وفاقیه دن بر شیء صورلسه غافل
بولنه جفته شبهه یوقدر چونکه آتی اوینامه ایچون حاضرلادیفی خلاقیات
درمیان اولمندیکه برطور مخصوص ایله اووادیده جولان ایله سون . بن ، بو طبقه
اصحابدن چوق کیمسه لری کور مشمکه ، علم کلامده محققین متکلمین ، و متبحرین
مدققین کبی اشتهار ایتمشده ، نه زمان ، مسائل خلاقیه دن بحث آچلسه ، در حال بحثی
قزانور . حالوکه کندی اتباع ایتدیکی مذهب دن ، اک قولای مسئله دن صورلسه
در جنک اول ، مهوت و ملزم اولور او طاهره رق ، صیقیلهرق اویدر مه جوابلره آغاز
ایتسه ، کور دومنک خندق دن خندقه آتلایه رق حفره هلاکه دوشدیکی کبی
خطالری میدان چیقار . ویردیکی جوابلر قلب آچه کبی کندی اوزرینه آتیلوب
ردیل و بدنام قالیر .

صکره بونلر بحالسه ده ، سوسنی سوسلی لقردی سویلمکه و بر طاقم مسائل
خلاقیه ایرادیله مخاطبنی الزام ایتمکه میدان بولور لرسه رذالت سابقه لرینی کندیلرینه
نقص و شین عدا تمز لر . مبتدی لرك بیله حلنده کوجلك چکمدکاری مسائل جهل دن
او طاهره لر . کیت کیده کندیلرینی عاقبت اضلال ایده جک لغطات ، ذلیل و پریشان
قیله جق ، غلطات ایچنده یو وار لانیر لر . حتی بر فرقه سنه تصادف ایتشمدرکه آنلر
تحقیق مذاهب ایله اشتغالی تکلف ، و چوق مسائل حفظ و ضبطنی بیوده تصلف
عد ایدر لر دی . ایچلرندن بریسیله آره مزده شویله بر محاوره جریان ایلدی (او)
مذاهبک تدقیقه مشغول ، و حفظنی الزام ایدنلرك علمی مستور در بزم کبی
مسائل اصلیه ایله او غراشمیوب ، میدان مناظره ده ، ایشه یرایانلرینی الزام ایدنلرك
ایسه ، علملری بک مشهور در . (بن) حافظ المذاهب و سریع الجواب ، کثیر الصواب
اولانلرك علمی مستور قلمه سفی هیچ بر وقت تسلیم ایتم . (او) حافظ المذاهب
صورلمزسه سکوت ایدر بناء علیه ناس بیننده اشتهار ایده میه جکندن ، علمی مستور
قالیر . اما بنم کبی . صرف ، مناظره ایچون چالیشانلره ، کیمسه صورمز ایسه ، صورار
و علمنک اشتهارینه یول آچار . (بن) (عند الامتحان یکر المراء اوهمان)
فحواسنجه حافظ المذاهب ، صوریلان سئوالره جواب صواب اعطا ایدنجه فضلی

کون کبی آشکار اولیه جقمی ؟ (او) اوت (بن) برای مناظره براقاج مسائل حفظ ایدنلره ، تحقیقات مذهبییه دائر مسائل صورلدقده اوطرفه صرف همت ایتدیکی جهته کر یوؤ خطاطده چیرنیمه جقمی جهل ونقصانی تظاهر ایدوب رذیل اولیه جقمی ؟ (او) جواب یوق ، نصل جواب ویرسین . انکار ایتسه مکابره سی آشکار ، اعتراف ایتسه ، علمنه حجة قائمه اوله جفی بدیداردن . جوابدن نکول ، اذعان ، سکوت دخی رضا اوله جفی ، بین اهل الحق قوانین مقررده دندر . شو حالده ، حقه انقیاد ، باطلی التزام سببیه رذالتدن اولادر .

الحاصل بو طریق ، محروم عرفان اولوب کندینی بیلدیرمک . جهلنی ستر و اخفاده اعمال لطائف الحیل ایتک داعیه سنده بولنانلرک ، اشتہار فکریله التزام ایلدکری مسلك نابجادر . مسکین ، دوشمنیورکه علمدن حظی اولمیانلرک کالات ایله شهرت کیر اولملری اوزاقدیر . شهرتلری وار ایسه جهل ونادانیده در . (زهیر) بونلر حقنדה شوییتی سویلیدی .

شعر

ومهماتکن عندامریء من خلقة وان خالها تخفی علی الناس تعلم

مالی

برطبیعتہ مالک اولان کیمسه ، اخلاقی ناسدن کیزلی براققی ایستہسه بیله ممکن دکل بیلینور .

تحصیل علمده تقصیر اسبابندن بریسیده شویله درکه بعض کسہلر چوجقلغنده تحصیلده قصور ایدر . بیوکلیکنده تدارک مافات قنمدیله او قومغه باشلار سده مقام تعلمده کوچکاره شریک اولمقدن حیا ایدرک انلرک باشلادیقی نقطه دن یعنی مقدماتدن بدأ ایله مقاصده طوغری علی الترتیب یوریمکدن چکنیر . هان چالوب المہ اوچندن ، اورته سندن ، آخرندن برنبذه او قویوب بو وسیله ایله چوجقلره تقدم و منتهیلره وصول داعیه سنه دوشمکه باشلار ایشته ، بر علمک مقدماتی کورمدن مقاصدندن براقچ مسئله ضعیلیه کندینی بیوکاره مساوی طوتان بوکی احقر

نفسنك خدعه سنه مطاوعت ، حسنك مداهنه سنه قناعت ايدن بر سوري اذعا -
 نسزلردر كه ، حسندن تجردايدوب عقلني دليل اتخاذايتسه ايدى ، سائر عقلايله
 برابر تصورينك فسادينه ، خيالنك اختلالنه قطعياً حكم ايدردى . حالبوكه علومك
 بدايته ، مقدماتنه جهل ، غايات ومقاصدينه جهلدن زياده چيركيندر اوت مقدماته
 جهل ، مبتديلرك حاليدير مقاصدايسه علمانك علمنك نهايت بولديني نقطه بولنديني
 جهتهلته آنده جهل اوقدر قيسح اوله مز

شعر

ترق الى صغير الامر حتى يرقك الصغير الى الكبير
 فتعرف بالتفكر في صغير كبراً بعد معرفة الصغير

مألى

ايشك كوچكندن باشلاكه ، او كوچك ، سنى بيوكله قدر چيقارسون ، كوچكى
 تفكر ايدهر ك كيدرسهك ، انى بيلدكدن صكره بيوكينى دخى بيله جككه امين اول
 ايشته شومطالعه محققه دنطولايبدركه ، حال صغرنده تعلم ايدنلر شايان ستايشدرلر
 مروان بن سالم ، اسماعيل بن ابى الدردادن روايت ايلديكى بر حدينده ، اديب
 دبستان اسرار لولاك افندمز صلى الله عليه وسلم (مثل الذى يتعلم فى الصغر
 كالنقش على الصخر والذى يتعلم فى كبره كالذى يكتب على الماء) بيورمشدركه
 مأل منيفى ، حال صغرنده تعلم ، طاش اوزرينه نقش ، حال كبرده دخى صواوزرينه
 يازى يازن كيدير ديمك اولمشدر (على بن ابى طالب) كنجلرك قلبى بوش ترلا
 كيديركه معلوماتدن كندينه هر نه آتلسه فى الحال قبول ايدر ديمشدر بونك حكمتنه
 كننجه ، چوجقلرك قلبى خالى ، شغلى آز تواضعلريده چوق اولديغندن نفس ناطقه
 لر ينك قوتيدر . تواضعك ، كثرة علمده دخلى قابل انكار دكلدر آنكچون حكم
 منوره ده ، چوقور موضعلرده صويك يوكسك تپه لردن زياده اولمى طلاب اينجده
 متواضع بولنانلرك ماء الحيات علمدن دهها زياده حصه مند اولمه لر ينه دليلدر ديمشدر
 اما بالاده بيان اولنان موانع ، بيوكلرده بولنمه يوب بالعكس قلبى فارغ ، شغلى آز

تواضعی کثیر اولسه لر ، اولوقت کوجکلك بيوكلره حفظ علومده مسابقه ايدهميه جكارى بديهيدر . بونی مؤيد اولمق اوزره حكايه اولنورکه (احنف بن قيس) حال صغرده تعلم ، نقش حجره بکزر ديان بردانه ، کبيرك عقلی زياده ، قلییده او نسبتده اشغال ايله طولودر ديهرك جواب ویرمشدرکه بونکله (احنف) والله بيوكلرك ظبطنك ازلغی وعلتنی دخی افصاح ایلشدر . ديمك استرکه بيوكلر ایچون طبطه حائل موانع بولمسه ایدی قوت طبطه خصوصنده جوجقلردن فضله اوله جقلرنده شبه یوق ایدی نه چارمه کثره اشغال وسائره کبی موانع بالهجوم مضبوط اولان مسائلی حوزة قلبدن دفع ایدیور عرض اولنان موانعدن بعضیلری بوجه اتیدر (١) ذکر اولنان جاهلانه حیادرکه طلب علم خصوصنده بیوک برمانه در آنکچون یوزی اینجه اولانک علمیده یوفقه در دینمشدر (امام خلیل) جهل ؛ علمده حیاایله ، کبروغرور ارسنده اوتلار دیدی (٢) بيوكلرك شهواتنك چوقلغی ايله برابر افکارینك طاغنیق اولمه سیدر

قال الشاعر

صرف الهوى عن ذى الهوى عزيز ان الهوى ليس له تميز

مألی

هوایی کسهلری هواسنه اویمقدن کچرمك پك نادر در چونکه هوا اهل تمیز دکلدركه دفع وطر د ايله مندفع اولسون
بعض بلغا ، برشپه معلق اولان کوکل ، محبوس اولان رهن کیدر دیدی (٣)
(معاذالله) انسانی دائماً ازعاج ایدن بالارله دوچار ذهول ونسیان ایدن غم والمدر حکم نشورده ، هم وغم ، حواسك کوستکیدر دینمشدر بعض بلغاده ، کیرسنه وارانلر غم والامك دهشتلیلرینه چار بیلاندر دیدی (٤) زماننی قابلايان ، ایامنی محوایدن برطاقم اشغالک مدار تجمعی بولنان ریاست امورد . بولمقدركه بوده تحصیل علم وظبط مسائلک بیوک دشمنلرندر دینسه روادر . آنکچون ریاسته اموره کچمزدن فقیه اولوکز ديه توصیه اولمشمشدر بزرجهرده ، شغل موجب مشقت فراغ مستلرم مفسدتدر دیدی .

مطالعات مسروده من كاليه آكلاشلى ايسه ، عقل سليم وفكر حكيم اربابى
 طلاب علمه ، وظائف آنيه ي لازم عدايلر شويله كه طالب ، مطلوبى اولان علمك
 طلبند ، اصلا تقصير ايتمه مى ، وداىما فرصته بصير ومثرد اوله رق مطلوبى زمانك
 يد اشغالندن قامالى چونكه زمانه كو كه نلر سماحت كوستردىكى شيد كاه اولوركه
 بخل . امساك ايديويورر وعلمك اولندن باشلايه رق ومدخلندن كيره رك شروعى
 تأمين ايتمه لى وجهلنده مضرت اولميان شيلرى بسبتون آتمه لى . آنرله بيهوده
 مشغول اولوب بيلنمه سى واجب اولان معلومات نفيسه دن محروم اولماملى ، اوت
 هر علمده عقللى دوچار ذهول ايده جك برطاقم فصول ، قواى مدركه ي شاشيرده جق
 بارچه لر ، واردركه طالب آنلرى اوكرنمكه حصر اوقات ايلدكده اصل مسائل
 مهمه دن محروميت دركاردر بناء عليه ايلك شروعه ده شهره اخصيلنه چيقاجق
 برطاقم بى لزوم مقدماتى وراى ظهرينه آتمق لازمه دندر آنكچون (ابن عباس)
 علم ، تعداده كلز سز هر شيك كوزلى آلمغه باقيكز بيورمشر . (مأمون) فائده
 كثره بخش ايتميان علمك كتاب ايچند . مسطور قلماسى قلوب رجلايه بولنسندن
 اولادر ديدى (بعض حكما) مالايعنى ي (فائده سز شيلر) ترك ايله حصول مطلبى
 تأمين ايدرسك ديمشدر كه هب بونلر عرض ايتديكمز وصاياتك لزومنى ناطقدر
 صاقين ، طالب علم ، شوسوزمى سوء تلقى ايده رك اخصيلنده كو جلك چكديكى
 بر حقيقى مالايعنى صايه رق بونجه حقائق علميه دن كندى محروم ايتمه سين چونكه
 فكر مزبورك مشرب حمقا ، ومركب بلها اولديغنده شبهه يوقدر علمك قولايى
 اخصيل ايدوب كو جلايى ترك وتعطيل ايدنلر تعقيب ايتديكى صيدك فرارينه
 حدتله رك تعقيبدن واز كچرك خائبا وخاسراً صيدكا هندن دونن آوجى به بكرر
 حالبوكه بو آحمق حريفه ، سن هيچ قاچميان آو كوردكى دينسه ، جوايى (خير) دن
 بشقه برشى * اوله ميه جنى طبعيدر . طالب ، يقيناً بيلمليدركه هر علم ، بيلميا نه كوچ
 بيلنه قولايدر زيرا او علمك معانىسى بهمه حال آنك ترجمان ماديسى بولسان
 بر كلامك عهدء بياننده مستوردرد . هر كلام ايسه لفظ مسموع ايله معنای مفهومی
 جامعدر . ديمك اوليوركه كلامك لفظى قوهء سامعه ايله ادراك اولنديكى كى معناسيده
 قلب ايله مفهوم ومدر كدر امدى قوهء سامعه وقلب مدرك صاحبي اولان طالب

هانکی مطلبه توجیه نظر امعان ایلسه مادامکه اومعنا ، الفاظ تحتنده مندرجدر همه حال آنی ادراکدن محروم قالمیه جقدر (بعض حکما) علوم اوچ مطلعدن طلوع ایدر (قلب مفکر) (لسان معبر) بیان مصور) دیدی .

امدی ، سامع کلامی سمعی ایله ادراک ایدنبجه معناسنیده قلبی ایله بالادراک استخراج کفتندن وارسته قالیر یالکز معانی مزبوردهی ازبر ایتمک کلفتی باش کوستریر چونکه معانی ، متفرقه برحالده بولندیغندن غفلتله ، درحال ضایع اولور مسائل علوم ایسه وحشیه در بر اقیلورسه قاچار . اما سامع معنایی بعدالادراک حفظ ایدرسه انسیت حاصل اولدینی کبی ، آره صره خاطرلرله دهازیاده کسب قوت ایلر آنکچون بعض علما ، چوق مذاکرده بولنان ، بیلدیکنی اونوتماز . بیلمدکیرینی قزانور دیدی .

شعر

اذا لم یذاکر ذوالعلوم بعلمه ولم یستفد علماً نسی ماتعلما
فکم جامع للکتب فی کل مذهب یزید مع الایام فی جمعه عما

مألی

اهل علم ، مذاکره دن وازچکرسه بیلدیکنی اونوتور . بزچوق آدمکر کور مشزدرکه هر مذهب دن کتاب جمع ایتمش ، لکن کون کچدکجه عمای جهلی آرتقمده در .
طالب : ایشندیکی لفظک معناسنی حقیله فهم ایده مزسه اشبو عدم فهمک علل واسبابی تحرییه قویولمق وظائف مهمه سندندر چونکه فوت اولان شیئک تلافیسی ، فاسد اولان شیلرک اصلاحی سبب فساد ، وعلت فوتک معلومیتنه وابسته بولنغله عدم انفهامکده اسباب وعللی کره کی کبی آکلاشینجه آنلرک طریق فهمدن دفع وازاله سیله معنای مطلوبه وصول قبولری آچیلور بز اسباب مزبوردهی شواوچ تردیددن خالی بوله میورز چونکه (مانع فهم) یا کلامده کی برعلت ، یا خود مدلولنده کی علت ، یا خود سامع مستخرجده بولنان برعلتدر . امدی علی الترتیب شوعلل ثلاثینی براز ایضاح ایده لم .

مانمك، كلامده کی علتدنطولای بولنسی شو اوج احتمالدن خالی اوله من (١) لفظك افاده معناده قاصر اولمه سیدرکه قصور مزبورك مانع فهم اوله جنی طبعیدر تقصیر لفظك منشئه کلتجه ، بوده ایکی صورتدن خالی اوله من چونکه منشأ یامتکلمك طوتوق، و بیان مرآمدن عجزعاتیه معلول بولنمه سی ، یاخود بلاده وحقق وفهمنك قلتیدر (٢) احتمال اولك عکسیدرکه لفظك معنا اوزرینه زیاده لکنندن عبارتدر. بونکده مانع فهم اوله جنی ارباب بیانه خفی دکلدر. زیاده مزبورمك منشائی ایسه یا متکلمك کوهزه ویا کشاقلنی یاخود سویلیدیکی سوزی سامع اکلامامش واکلامامش کی سوء ظنده بولنمه سیدر .

(احتمال ثالث) کلامك، برقوم مخصوص آره سنده مواضعه و اصطلاح اوزرینه موقوف برمعناسی بولوب مواضعه مزبوره دن سامعك اولجه خبری اولمدیغندن کلامه انتقال ایده مه سیدر . امدی شو احتمالات ثلثه آره سنده براز دها ایضاحات ویرلم (احتمالان اولان ، که لفظك یا تقصیر ویا زیاده سندن عبارتدر) مانع فهم اولمقده اسباب خاصه دن اولوب سبب عمومی تهمتندن آزاده در فصل عمومی اولورکه سن بوتقصیر وزیاده نی هرکلامده بوله میوب بعضیسنده تصادف ایده جککدن ، درحال قیصه کلامدن ینه اومعنائی افاده ایدن کلام مستوفایه وکلام زائددن دیگر کلام کافی معنایه انتقال ایله معنای مطلوبی اذعان ایدرک خاطر یکی طرملایان شهیدن قورتیله بیلیرسك، اما برده وارکه یا تقصیر وزیاده دن بشقه ، او معنای مفید اوله جق کلام مفقود. ویاخود وار ، لکن کلام مزبوره انتقالی فضیلت و ذکای مدعاك ایله متناسب کوره مدیکك جهتله امر استنباط ، کلام معهوده منحصر قالیر . امدی سنك ایچون اشبو زیاده و تقصیرك سببی تحری ایتمك لازمدرکه اگر تقصیر، طوتوقلقدن زیاده کوهز لکدن منبعث ایسه اولوقت استخراج معنا قولایلاشیر چونکه بوزوق دوزدن برمعنائی مفید اولان کلامك هرطرفی بوزوق اوله جق دکل یا، البت چوغنی صحیح اوله جغندن صحیحندن باطله اکثردن اقله استلال یولی آجیلوب معنای صحیح تام تجلی ایدر (اگر زیاده لك) متکلمك سامعه سوء ظنندن ناشی ایسه نه قدر اطناب بولنسه بیله معنا ینه قولای اکلاشیلیر . اما لفظك معنادن تقصیری، متکلمك سوء فهمندن طولای ایسه يك زیاده صعوبت ، واستخراجده بعدیت کووینور. برمعنائی که متکلم فهم

ایتمز. مخاطبك فهمندن دها اوزاق اوله جنى طيعيدر. شوقدر واركه، فرط ذكا
 جنوت عاقلار ايار ديميله متكلمك اشارت ايدوب تعبير لرندن عاجز قالدینی معنای
 استیخاره شرفی سكا عائد ايسه ده حق تقدم ینه
 متكلمكدر .

ایشته مواضعه مبجوثه ایکی قسمه آریلر (مواضعه عامه) (مواضعه خاصه)
 (مواضعه عامه) علمانك مواضعه سیدر كه متعلمك كندندن مستغنی اوله مدینی وكلام
 علمانی اكلامقده همه حال عرض احتیاج ایده جكي معانی مخصوصه یه وضع
 ایتدكاری القاب مخصوصه حقنده کی مواضعه لریدر مثلا متكلمون (جوهری)
 ﴿ یاقوم بنفسه ولا یحتاج فی قیامه الی الغیر ﴾ . (اعراضی) بونك عكسینه
 (اجسامی) طول، عرض، عمق ایله انقسامی قابله ، القاب قیلمه لری بوقیلدندر
 بوكا مواضعه دیندیکی کبی عرف دخی ده نیر .

مواضعه نك نوع ثانیهی اولان مواضعه خاصه ، شخص واحدك كلامك
 ظاهرندن مستفاد معنای قصد ایتیبو کیزی بر معنا اعتبار ایتمسیدر كه اعتبار
 مزبور، اهلی عندنده معلوم اولدیغندن آنلرجه معنای مقصود ظاهردر. بوكا
 كلام منشورده بولندی حالد (رمز) منظومه بولندقد (لغز) تعبير اولنور.
 اشبو رمز قسمی، علم معنوی وكلام لغویده بولنمز. استعمال رمز ایدن رامنك
 غرضی ایشه شو ایکی شقندن خالی دكلدر . چونكه، یا متكلم، مذاهب شیعیه
 واعتقادات بشیعیه اربابندن اولوب عقائد فاسده سنی قلوب صافیه اهل ایمانه
 آشیلامق آرزوسنده بولنور ایشه ده ، شاید طویولورسه ، اهل حلق شمشر
 قهرینه اوغرامق اندیشه سیله استعمال رمزه کندی مجبور کورر وبونده شویله
 فائده لر ملاحظه ایلر. بریسی اخلاقی آرزو ایتدیکی کسه لرك، معنای مرموز الیه
 اطلاعیه مطلوبونك حصولی، دیگرکی، عکسی تقدیرنده یعنی اهل حق طرفندن
 قصد ایتدیکی معنای مرموز فاسده اطلاع حصولی تقدیرنده كلامك محتلی
 اولان کورزگاه تأویله قاچهرق اوزرندن تهمتی نفی ایله تأمین سلامتیدر . یاخود
 استعمال رمز ایدنلر کندیلرینك واقف ، غیریلرلرك مطلع اوله میه جنى بر
 علمه عالم اولدقلرخی بالادعا ، بونیده برطاقم رموز استعمالیه بشقه لرك طریق
 اطلاعنه سدچكمكه اثبات ایتك ایسترلر . علم کیا تعبير اولان صنعت اربابی

(٦٩)

کې که بونلر کیمیانک اوصافه رمز ، ومعانیسی اخفا ایتدیلر ونفس الامرده موجوددر اما ، بز ایستمدیکمز کسهلردن بخل وامساک ایله اکلاتمی ایستمیورز دیدیلر . و (شاعرك)

شعر

منعت شيئاً فاكثر الولوع احب شيء الى الانسان مامعنا

مألی

برشیئی منع ایتدک ، هرکسک حرصنی آرتردک ، انسانک اک سودیکی شیء منع اولندیغی شیدر .

شو بیتک مألی آندیرر سوزلرله ، عالمک نظر اعتبارینی کندی طرفلرینه توجیه ایتک سوداسنده بولندیلر مدعاری که فنب حنائی در (التون کوش یامق) لدی التجربه عدم امکانی تظاهر ایدنجیه ، ذاتاً بز بونی اهلندن کزلمک عادتیی التزام ایتدک کبی راه سوزلرله ستر عیوبه چالیشیرلر . عرض اولنان شو ایکی نوع رمز ایچون معنای صحیح وفائده بولنسه ایدی کم و اخفایه نه لزوم واردی چونکه آرای متشکته ومنافع مختلفه اصحابی اولان بوقدر کسهلر ناسی احتیاجدن قورتاره جق برعلمک ستر و اخفاسنه ممکن دکل ، اتفاق ایده مزلر .

و ایچلرندن بر قاجی اولسون علم مزبورک قواعدینی اچیق ومنتج صورتده اوکرنمک ایله ابراز فتوت والی یوم القیامته رحمتله یاد وتذکار اولنوردی . زهیر شویله سوبلدی .

شعر

الستردون الفاحشات ولا یلقاک دون الحیر من ستر

مألی

برده ، فحشیات ایچوندر . خیر ایشلرده ستر بولغز دائماً آشکاردر .

بعضركه ، معانينك تفخيمى والفاظك تعظيمى وبوسايله ده كوكلرده تأثير
 حلاوتبخشا ونفوسده موضع جالالتما حصولى ايله السنهده مثل سائر كې مقيد
 وصحائف كتيده مخلص قالمق قصديه كلامده رمزولغز استعمال اولنوركه فيثاغورثك
 وصاىاي مزبورده سنده (احفظ ميزانك من البدى واوزانك من الصدى) سوزى
 بوجلهدن معدوددر حكيم مزبور فقره اولاييله لسانك هرزه دن محافظه سى ، فقره
 ثانيه ايله ده ، عقلك هواسنه متابعتدن صياتى ايله امرى ناطقدركه بوحقيقه لفظ
 صريح ومعناى صحيح ايله ادا اولنسه ايدى بوقدر مقبول ومستحسن دوشميه چكى
 طبيعى ايدى بونكده سېي ، افهامدن مستور بولنان شيلرك ابصاردن محجوب
 اولانلر كې نفوسده تعظيم ، قلوبده تفخيم حاصل ايتمه سيدر .

لكن ناس بيننده مشهور اولان بر علمده استعمال رموز ، قطعياً تجويز
 اولنه مز چونكه مشاهير علومه ناسك شدت اشتياقى دركار اولمغله انلرده الفاظ
 غريبه ومعنائى رمزيه ايرادى معنائى مطلوبه نك استخراجنى كجكديره جكنندن
 دماغ سامعينه حلاوت دكل بالعكس ايضاً نفرت ايدر بوجهمته حيز اعتباردن
 ساقطدر .

اما كلام منظومده اولان (لغز) حقائق فنيه ايله ذهنى تنوير ايتمش عزم
 جدى اربابنك اعراض ايتديكى شيدر (بو) انجق قريحه لرنده اجراى مسابقه
 وسرعت انتقاللرى نسبتده مفاخره سوداسيله تحصيل الزم اولان ايكار حقائقدن
 عاطل وافكار عاليه دن اعراض ايله منهنك باطل اولان ارباب كسللك اجدقلىرى
 چيغراهموارددر . بولر ، اوكونه لم خواطر سليمه لرينى ، حقايقه صرف ايده جكلرى
 يرده ، مادى ومعنوى منفعتى كورنيمان مخيلات واهيه ده يوره ، يوره ، تعطيله سبب
 اولورلر . وجناب حقك احسان بيوردينى صحة اجسامى ، عقلنى وبنائى وجودينى
 اساسندن صارصدينى حالده مقابلنده دنيوى اخروى هرمنفعتدن محروم برافان
 كورده شه صرف ايدن پهلو انلره بكنز لرلر . ايشته شاعرك شو قولنده كى رموز
 بونك بر نمونه سيدر .

شعر

رجل مات وخلف رجلاً ابن ام ابن ابى اخت ابيه
 معه ام بنى اولاده و ابا اخت بنى عم اخيه

امدی صورارم سکا که شوایکی بیتک تضمن ایتدیکی سؤالک صعوبتنه کوکس کرهرك واستخراچنده مشقت کورهرك شاعرك ، بابا و زوجه و عمنی ترك ایدن میتدن صوردیغنی بیلدکدنصكره علوم عالیهدن نه قزانك جهلدن نه مقدار ازاله ایتك. بونلرك حلتدن اولجه بیلمدیكك دقایقندن، ینه محرومك شوسائل سؤالی ترسنه چورروب مقدمی ، مؤخر ، مؤخری مقدم صورتنده ایراد ایتسه بوقدر متاعبه معروض اولدیغك حالده ینه جوابدن عجزك قطعیدر اويله ایسه بر طاقم بطالینك وحقانك اشتغالانندن واز کچ که الله رشد و اقبالکی اترسین آمین آنکچون، هادی سبیل هدایت، آشنای دریای علم و معرفت افندمز. کشینك فائده سز شیلرله اشتغالی ترك ایتمه سی . اسلامنك كوزللكنددر مألنده (من حسن اسلام المرء تركه مالا یغنیه) بیورمشدر بونلردن واز کچدکدنصكره ، سرعت انتقال و صحت قریحه کی برعلمه صرف و اتفاق ایتکه سنك ایچون دنیوی اخروی ذاد و ذخیره اولوب سعیک مشکور اولسون. حواجه کائنات افندمز. ایکی نعمت واردر که ناسك چوغنی قیمتلرنی بیلمدکلرندن الدائم شلردر بری صحت دیکری فراغ مألنده (نعمتان مغبون فیهما کثیر من الناس الصحة والفراغ) بیوردیلر برفضل نعمتنك مغبونی، احساننك، منافعنك جاهلی ارمقندن، الله التجا ایدرز (منشور حکمده) میل شهوات ایشسرلکدن نشئت ایدر سوزی ، مشهوردر (بعض بلغا) کوتنی قضای حقوق، اداء فرائض، کسب شرف تحصیل محامد، تأسیس خیرات، اقتباس علمدن بوش کچیرن کمسه نفسنه ظالم ، ایامنه غدادر دیدی .

شعر

لقد هاج الفراغ عليك شغلاً واسباب البلاء من الفراغ

مالی

ایشسرلک ، سکا بیوک مشاغل اچدی معنائیک کافه سی بوشلقدن کلیر. فهم معاینك اسباب مانعه سی مجمل عرض ایتك ایستك، تعلیلات ، بزى تطوبله سوق ایدهرک کشف وایضاح ایدلم دیرکن درجه اغلاقه قدر واردق .

مانع فهم اولان اسباب ثلاثه نك ايكنجيسى كه (معناده بولنان علتدنطولاي اولمه سيدر) آئیده قسم اول كي تفصيل ايتك ايسته ديكمزده صندوقه الفاظه توديع اولنان معنای اوچه آيريرز (۱) بنفسه مستقل معنا (۲) غيره مقدمه اولان معنا (۳) غيردن حاصل نتیجه اولان معنا (بولردن قسم اولكه) بنفسه مستقل بولردن قسم اولكه (معنادر) (معنای جلی) (و معنای خفی) قسملریله ایکی یه آیریلیر (معنای مستقل جلی) تصور ایدن کسه یه اشکال ایقلا ایتکمزین وهله اولاده نفس ناطقه سنه خاوار این معنادرکه بونك جلاسنده شبهه یوقدر . (معنای مستقل خفی) خفاسی جلاویه ، غموضی انکشافه تبدیل ایچون زیاده تأمل و اعمال فکر و مشاق ذهینی اقتحامه احتیاج کورینان معنادرکه خفاسی آشکاردر . شخص مدرک اعمال مفکره ایده ایده نفس ناطقه ایچون بر نوع تدرب و ممارسه حاصل و بوسایه ده صعوبت سهولته ، بعدیت ، قریبته انتقال ایدر چونکه آ لشققلغك جرأت ، و تدربك تأثیرده دخلی وارددر . غيره مقدمه اولان معنایه کلنجه بوده قسمه آیریلیر چونکه مقدمه هرتقدر غيره متعدیه اولسه بیله یابنفسها قائمه اولوب تصور و فهمده مستقل بنفسه یه بکزر مع مافیه کنندن امید اولنان نتیجه سیده انتباح و اقتضا ایلر یاخود کندینه تابع بولنان نتیجه یه محتاج بولنوب نتیجه فهم اولنمدنجه کندینك فهمی متعذر بولنور زیرا مقدمه نتیجه دن بعض اولوب معناتک تبعیضی اشکالی منتج و بغضك فهمی کلدن اعنا اتمیه چکی بولندیغندن هر حالده نتیجه نك ذکرینه احتیاج کورینور ، غيرك نتیجه سی اولان معنایه کلنجه بو معنا نتیجه سی بولندیغنی معنا ادراك و مقدمه سی استنباط اولنمدنجه نه حقیقی تصور اولنور نه ده ادراك مقدمه سی اکلادمنجه آنکلا اشتغالی موجب مشقت استنباطنه یلتمك مستلزمه اذیتدر . امدی عرض ایتدیکمز احوال معناده کی اسباب مانعه یی کافیدر . مانع فهم اولان اسبابك اوچنجیسی که مستمع جانبنده بولنان علتدر اوده ایکی قسمه آیریلیر چونکه او مانع یا مستمعك ذاتندن ناشی اولور یاخود مستمع اوزرینه عارض اولان عوارض خارجیه دنطولای فاش اولور .

(قسم اول) ایکی یه آیدیلیر . چونکه مانع ذاتی یا معنای تصور دن مانع

یا خود تصور د نص کره حفظ نیدن مانع در . معنائك تصور و فهمیدن مانع ذاتی
 سامعك حماقتی و قلت فطانتی در که بوده مداوات نیدن عاجز قالمش بر مرصدر .
 آنکچون (بعض حکما) عالمك ذهنی کسکین اولمزه خصمانه غلبه نیدن عاجز
 قالیر کتابله احتیاجیده چو غالیر دیمشدر . اشبو درده مبتلا اولنلر ایچون صبر
 وثبات و علمك چوغنه طمع نیدن نفسنی کری آلمق تدبیرینه ملازمت توصیه ایدرم .
 توصیه مه توفیق حرکت ایدرسه آز علم تحصیلنه موفقیته و صبر وثبات سایه سنده
 دخی مطلوبنه نیل و ظفرینی امید ایدرم .

(بعض حکمائك) حاجتک حصولی ایچون بر آز عنادیکی ایلری به سور
 سوزی ، شو حقیقتی کوزل تصویر ایدر . لکن توصیه ایستدیکمز صبر تحصیل
 علمه شدت اشتها و همت معتناها کبی ایکی خصصت قویه منضم اولوبده اولکسیر قلبی
 صبره ، ایکنجیسیده جسدی تحمل مشاقه سوق ایتمکجه فطانت و ایلری قدر تیاب
 ظفر اوله مزلر . اما لزوم کوستردیکمز خصلتین مزبور دینی جامع ذاته ، شدت
 اشتها سائقه سیله بر معنا لایح اولدقده آرقه سنندن صبر وثباتی الحاح ایدر دک فطانت
 تامه اربابی کبی اوله رق نظرگاه بصیرتنده کثیر ، قلیل ، عسیر ، سهل و ذلیل کورنمکه
 باشلار . بالاده عرض ایتمک ایستدیکمز حقائق : کوچ کلان شیلره صبر و تحمل
 شهوات نفسانیه کنزک مقتضاسنی اجمال ایتمکجه نائل مرام اوله مزسکز مآلنده کی
 ﴿ لاتنالون ماتحبون الا بالصبر علی ماتکروهون و لاتبلغون ماتهوون الا بترک
 ماتشهوون ﴾ کلام منیف پیغمبرانه سی اثبات و ایضاح ایتمکده در . بونی مؤید ، حکم
 منشورده ، ایاغکی یور ، که بویور غنلق بر کون سنی مطلبکه طوغری ایلری کوتورسون
 دیمشدر . (بعض بلغا) محبت شدت پیدا ایدرسه کلفتلرده سهرات پیدا ایدر
 دیدی بعض اهل ادب ، حضرت علی به نسبت اولنان اشبو بیتی انشاد ایلدی .

بیت

(لاتعجزن و تدخلک مضبحة : فالنجح بهلک بین العجز والضعف)

مأل

(ایشکده عجز ، و اوصانقلق کوسترمه چونکه فلاح و نیل آمال ، عجز ایله

اوصانقلق آره سنده مجو و تباه اولور کيدر) معنای تصور و ادراك ايتدکدن صوکره مدرکک اومعنايو حفظنده طوتامه مسنک سبی ، نسیاندن بشقه برشی* دکلدرکه بوده تکاسل و اهمال سییله بردها اومعنايی تخطر و ملاحظه جانبیه اوغرامامقدن نشئت ایده جکننده شبهه یوقدر . امدی شو بلای نسیانه مبتلا اولان ذات ، مطالعه سنی چوغالده رق تقصیرنی اکیله تحویل و غفلت اویقوسندن اویانمغه چالشمق لازمدر . چونکه بیوکلر ، چوق مطالعه و تکرار ملاحظه ایله وجودینی اوزمیانلر ، علمه نائل اوله مزلر دیمشدر در فی الواقع چوق مطالعه نیک مشقتی درکار اولدیغندن اکا ، دکه تذروران تحمل ایده مزلر مکرکه طالب ، علمی غیمت ، جهلی رزالت اعتقاد ایدن عشاق معارفدن اوله ده ، مطالعه نیک مشقتی اقتحام ایله نتیجه ده راحت علمه واصل و عیب جهلی کندن نفی ایله نائل مرام اوله ، چونکه امر عظیمه نیل و وصول ، ینه امر عظیمه تحمل ایله در وصول مطالب ، مقدار رغبت ، حصول راحت مقدار مشقتله متناسبدر .

أنکچون قلت استراحت ، حقیقه طلب راحتدر دیمشدر (بعض حکما) راحتک اکیلی ، مشقة نتیجه سنده حاصل اولان : علمک اشرفیده مذلتله طلبدن صکره عرض دیدام ایدندر دیدیلر . متعلمندن بعض کسه لره مطالعه و حفظ اغیرکله رک ، آدم سنده بنکه معانی بالاطراف اکلا یورم . ازبر ، بنم نه لازم ایجاب ایدرسه کتابه مراجعتله مالک بولندیغ جوهر استنباط سایه سنده حاجتیمی قضا ایدرم کبی خود پسندانه ، دها طوغریسی غافلانه سوزلرله کندینی الداتیر بونک شو حالی ، شبکه اصطیادینه دوشمش اوی ، آدم سنده بنم هر زمان ایسته سم بونی طومتغه قدرتم وارددر کبی ابله فهریبانه سوزلرله صالیویرب شبکه حرمان ایچنده کال حجات و ندامتله چیرپنان بیچاره صیادک حالنه بکزر ، طالبی شو حاله سوق ایدن ، اوچ شیئک بریدر (۱) اوصانقلقی سییله حفظ مشقتدن فراری (۲) شمدی نشئه یوقدر شوق و نشاطم زماننده ازبر ایدرم کبی سوء قراری (۳) تحصیل خصوصنده کی عزم و همتنک بوزوقلنی ، بوزواللی بیلمیورکه اوصانق کسه لر ، دائما خائب و خاسر ، طول اماله مبتلا لرده ، دائما الداتمشلر ، رأینده فسادی اولانلر مفتون مصائبدر ، عرب ، بوکیلر حقنده ، قلبکده کی برحرف ، کتابلرده کی بیک حرفدن خیرلیدر دییور و دیگر بر مقاله عربیه ده ، کزدیکک وادیلری سنکله

برابر کز مهین ، بولندیغک مجالسده سننک ایشکه یرامیان علمده خیر یوقدر
دیمشلردر .

شعر شافعی

علمی معی حیث مایممت ینفعنی قلبی وعاءله لابطن صندوق
ان کنت فی البیت کان العلم فیہ معی او کنت فی السوق کان العلم فی الصندوق

مألی

علمم یانمدهدر . نرده ایسته سم منفعت ویریر چونکه علمک قابی قبلمدر
صندوقمک دبی دکدر . بن اوده ایسم ، علمده برابر اودهدر . چارشویه کیدرسم
ینه برابر چارشودهدر . زمره متعلمین ایچنده دیکر ساده دلانه دها تصادف
اولنورکه بونلرک فهم مضامین ، درک مفاهیمده مراقلری یوقدر همان اولو اورته
الفاظی از برلیوب معانیسندن بیخبر اولدقلری جالده (باباغان) کبی اوغرادقلری
مجلسلرده تلاوته دوام ایدرلر نتیجهده حافظ الفاظ نامنه کسب لیاقت و بونکلهده
غوررمباهات ایدرلر دوشمنه دن روایت آثار ، تجربه اتمه دن اخبار اخبار جرآننده
بولنورلر . بونلر دفع شبهه تأیید حجتیه قادرارله ماقده ، نقوش الفاظه محل اولان
کتابلرد بکزرلر . عبدا بن مسعود دیدیکه علمک معانیسنه رعایت (فهم) ایله
مشقول اولک . روایتیه منهمک اولوب معنادن محروم اولمهک چونکه بعض
کسهار روایت الفاظ خصوصنده راجل لیکن فهم معانی ایله نفسی غوایت
وجهلدن قورنارمقده کامل اولور . بعض کسه دخی بونک عکسنه در روایتده
پهلوان ، فهم معناده یک یواندر (حسن بصری) برکون بر حدیث اوقویوب
روایتک کمندر دبی صورانه اوراسی نه وظیفهک ، حدیث مروینک نصایح
حکم امیز ، وجهه قاطعه خشیت انکزی سکا تاثیر بخش اولدی یا ، کافی ، جوابی
ویردی . طلاب علمدن برقسمنه دها تصادف اولنورکه قوه حافظهسنه ، نفس
ناطقه سنک حیادت استحضارینه کوکنه رک مسائل علومک ولزوم کورینان بعض
شیلرک کتاینه قید و املاسنه لزوم کورمز . بوایه بیوک خطادر چونکه انسانه شکک

عروضی ، نسیانک حدوثی مادامکه انساندر طبیعیدر . شو حالده ایستدیکي آنده مطلوبات علمیه یی ذهننده احضارینه کوکنمک مقتضیات بشریه یی انکار دیمک اوله جغندن برنوع حماقتدر . انس بن مالکدن سروی بولنان بر حدیثده ، قیدوا العلم بالکتابته یعنی علمی کتابت اجرا سیله قاجیر مه ییکز باغلا ییکز بیرر لمشدر امام خلیل دیدیکه ، علمی کتابلرده رأس المال قلبکزده نفقه ایدیکز (مهبود) کتابلر اسلافک تجار بنه محافظ دوکومنی ارزمایه ایدی اخلافک علومنک دوکوملری چوزیلور . شیرازه معارف پریشان اولوردی دیمشدر بعض بلغا ، شو آداب وعلوم ، اذهان بوقاغوسندن دائما فراره میالدر اما ای اهل علوم کتابتی قورو ، قلملری چوبان یی ابارق ضبط ایدک . کوسفند معانی یی قاجیر مییکز دیدی . مستمعده کی علتدن طولانی فهم معنایه مانع اولان ایکی قسمک ایکنجیسی ، مستمعک ذاتندن ایچون اولیوب عوارض خارجیه دن طولانی فهم معنایه مانع اولاندر . بوده ایکی نوعدر (نوع اول) معنای تصصور وفهمدن مانع وادراک حقیقتدن دافع و معنایه عارض اولان شبهه در . امدی مستمع اهل واربابنه سؤال وتدقیق نظر ایله مفکرده سنی اعمال ایدرک شبهه مزبورده یی نفسندن ازاله ایله حقیقته وصول چارده سنی بولمغه چالشمه لیدر . آنکچون بعض علماء قلبکی مذا کرده دن خالی برافه که عقیم قالمیه سک طبعکی مناظرده دن استکراه ایتدرمه که سقیم اولیه سک دیمشدر .

بشار بن برد

شفاء العمی طول السؤال وانما دوام العمی طول السکت علی الجهلی
فکن سائلاً عما عناک فانما دعیت اخا عقل لتبحث بالعقل

مألی

عمای قلبه (جهله) مبتلا اولنلرک شفاسی ، عارض اولهن شبهه یی صورمقدر عمای مزبورک دوامیده جهل اوزرینه سکوتدر . ایمدی قلبکه کلن شہاتی اهلندن صورکه الله سنی عقلک واسطه سیله مباحثه ایتک ایچون صاحب العقل یار آتمش خلقتده سکا اوله چاغریور .

نوع ثانی برطاقم افکار ووساوسدرکه خاطره عارض اولهرق معنائک تصورندن ذهنی ذهول ایتدیرر (بو) برسبیدرکه کندیسندن قورتیلان پک آزدیر باخصوص اشبو مانعه ، طول امل احتیاجنده پک چوقدر . اما علمدن ماعدا ایشی ، کوچی ، حاجتی ، املی اولمیانلرده بدرجهیهقدر آز بولنور . اشبو مانعه نك نفسه سرخسند ، سسی معنایه جبروا کرا . قلبی تصور وادراک جانبیه سوق و اغرا قابل دکلدیر . اچونکه مسب زور واکراه صورتنده دها زیاده نفرت ایدرده عکس مطلب یوزکوسترر آنکچوندیرر . آئارده ، قلب زوری کوردکده عمایه دوجار اولهرق معنایی کوردمز اولور . دیندی . من طالب ، قلبک اطاعت و انقیادینی جلب ایچون ممکن مرتبه اوافکار ووساوسک دفعنه جالشملیدر . (قال الشاعر)

ولیس بمن فی الموده شافع اذالم یکن بین الضلوع شفیع

مال

محبوبک قلبنده سکا میل وشفقت کبی شفاعتی بولنمزسه محبتده شفاعت واجرای نصیحت فائده بخش اوله ماز .

(بعض حکما) حیوانات وحشیه نك اورکسه اولدینی کبی قلوب انسانیه نكده اورکوب فهم معانیدن قاجه سی واردر دیدیلر حال بومرکزده اولدقده ، ای متعلمین ، تسلیم و تعلمده دائما اقتصاد ووسطاوزه بولنوب نفسی یواش یواش آلدیرمغه بافککه ایلروده انقیاد تام حصولتی تأمین ایده سکز ایشته فهم معانینک مستمع جانبنده کی موانعک تفصیلاتی بوندن عبارتدر .

بومقامده دردنجی قسم دها واردرکه معرفته کلام وفهم معانیده دخلی درکار بولنمغه برابر هرکلامه عام اولمیوب بعض کلامده مماعتنی اجرا ایده کلدیکندن ، اقسام سابقده درجی مناسب کورلیوب آیروجه ذکراولنش و بسبتون ترکی روا کورلماشدیر . امدی دیرزکه کلامک برقسیمی مسموع اولوب فهمده خط و کتابتی تأمله احتیاج یوقدر بونده کی مانع اقسامیله برابر بالاده عرض و بیان اولندی . کلامک برقسیمی دها واردرکه معانیسی خط و کتابتک عهدۀ

محافظه سته ویرلمش، ایجابی ضمننده استخراج ایچون کندیلرینه مراجعت اولنور
خط و کتابت، نقوش و املا، اوکلامک معنا جهتیله نکهبانی مثابه سنده بولمشدر .
حتی ابن عباس (او اثاره من العلم) آیه جلیله سنی خط ایله تفسیر المشدر .
مفسریندن مجاهد دخی (یوآتی الحکمة من یشاء) آیه جلیله سنده کی حکمتی
خط ایله تفسیر جانبی التزام المشدر .

(عرب) خط، ایکی لسانک بریمی وانک کوزلالکی فصاحتک بریسیدر دیمش
(جعفر ابن یحیا) دخی خط، لالی حکمتک دیزیسیدر . درر منثوره اکادیزیلر
دیمشدر . (ابن مقفع) لسان ، قریب حاضره منحصر ، قلم ایسه حاضر و غائب
هرایکیه شاملدر و حال و استقبال ایچون تأمین منافع خصوصنده ، ذی مدخلدر
دیدی (حکیم روم) خط الة جسمانیه ایله ظهوره کلسه بیله هندسه روحانیه در
دیدی (حکیم عرب) خط حواسی جسد ایله ظهوره کلسه بیله روحده تأثیری
خصوصنده ینه اصلدر دیدی . خطک مدایحی حقنده بوصورتله بلغا و حکما
طرفندن بیانات ، واقع اولدیفنی کبی ، عالمده اولای یازی یازان ذاتک کیم اولدیفنی حقنده
بین العلما اخلاف واقع اولمشدر . کعب الاخبار دیدیکه ، اولجه یازی یازان آدم
علیه السلامدر . نبی مزبور ، وفاتندن اوچیوز ییل اول ، هر قومک یازیلرینی یازوب
فرونده کره مید کبی بشوردی ، ظهور طوفاندن صکره اقوام ، کندی یازیلرینی
اوکره میدلر واسطه سیله بولوب یکدیگرینه اوکرتدالر لکن خطوط عربیه
اسماعیل علیه السلامک ظهور نبوتنه قدر تأخر ایدرک نبی مذکور خط عربی بی
بوله رق قوم نجیب عربیه تعلیم بیوردی (بن قتیبه) ادريس علیه السلامک
کانبرک اولی اوله سته قائل بولنیور . هر نه ایسه ، اقوام عرب ، خطک قدرینه
تعظیم ، واجل منافع اولدیفنی اعتقاد ایدردی . (عکرمه) خطک اصحاب کزین
نزدنده قدری ، جلالة شانه نشانه اولمق اوزره ، بدر اساراسنک پاره مقابلنده
آزاد ایدیلنلری میاننده تعلیم خطه مقابلنده ده آزاد ایدیلان بولندیفنی کوستریور .
خطک جلالت قدرینه الکیوک برهان ، جناب حقک نبی معظمه خطاباً
(اقرأ وربک الاکرم الذی علم بالقلم) نظم جلیل الهمسیله ذات ربویتی اکر میت
ایله توصیفه ، تعلیم بالقلمی مقارن قیلمسیدر . بونکله برابر ینه کلام مجیدنده
(ن والقلم وما یسطرن) آیه جلیله سیله قلم و آنکله یازیلان خطوطه قسم

بیورمشلردر . بوندن اعلا برهان ایسته مک شاشقنلقدر . کتابت مطلقه ده بو
صورتله اختلاف اولندی کی خصوصیه عربجه کتابت، اولجه کیمدن باشلادی
حقننده اختلاف اولندی (کعب الاخبار) ینه اولا کتابت عربیه آدمدن
باشلایوب بعد الطوفان اسماعیل علیه السلام مکتوبات عربیه یی بولوب حفظ ایلدی
دیدى . ابن عباس ایسه هم کاتب هم واضع اسماعیل علیه السلام اولدیغنی
ترجیح ایتدی . (عمرو بن زبیر) دخی کتابت عربیه ملوک مدین اولوب
(ابجد ، هوز . حطی ، ککن ، قره شت) نامرله بنام ، اوائل اقوامدن بر
قوم طرفدن باشلادیغنی تصریح ایلدی . (ابن قتیبه) معارف نام کتابنده
کاتب مزبورک (انبار) بلده سی اهالیسندن (مرمر بن مرة) نام شخص
اولدیغنه قائل اولدی . (مدائنی) دخی شخص واحده انحصاری قبول ایتیب
دیدیکه، کتابت عربیه واضع لری شونلردر (اسلم بن سدره . عامر بن حدره ،
مرمر بن مرة ،) بونلردن (مرمر) وضع صور خطوط (اسلم) فصل و وصل
(عامر) وضع نقاط وظیفه لری درعه ده ایتمشلردر . امدی خطک حالی
شومرکزده اولنجه ، کتابتله علومی حفظ ایتک ایستیانلرک ایکی امر اهمی
تقدیم لری بهمه حال لازمدر . یرسی حروفک اشکال موضوعه سنک قوانی
محافظه، دیکری وضع نقاط ایله یکدیگرینه بکزه یی حرفی تمیز ، اما بونک اوزرینه
برده خطک ملاحه نظمی بولنه جق اولورسه ، صاحبی صفت کتابنده حذاقته
توصیف اولنوب شایان آفرین اوله جفنده شبهه یوقدر . شو قدر وارکه
ملاحه نظم، صحت خطده شرط لازم دکدر . (علی بن عیبه) حسن خط ، اللرک
لسانی، قلبک مایه سروریدر دیدی . (ابوالعباس المبرد) خطک چرکنلکی ادب و
عرفان خسته لغیدر دیدی . (عبدالحمید کاتب) بیان لسانده ایسه ، خط برمی
اوجنده در دیدی بعضی اهل ادب ش رادن برینک شویتلرینی اوقودی .

اغفر نذالته لجوده ضبطه	اعذر اخاك على نذالة خطه
تحسينه الازيادة شرطه	فاذا ابان عن الممانى لم يكن
تركيه الا بتين سمطه	واعلم بان الخط ليس يراد من

مالی

دوستکی، خطنک چرکینلکندن طولای عتاب ایتمه، یازیسنک خاستنی

خطبتك قوت وحيادتنه باغشله، مادامكه يازيسى معنای مقصوده دالالتجه مساعددر بوقدری کافی، فضله سی اسباب تجملدن برشرط زانددر. هم بيلمش اولكه يازیدن مقصد، حروف وسطورك يكديكرندن ممتاز اوله جق صورتده آچيق ومفيد اوله سیدر. خطك تعریف سابق اوزرینه فضله اولان تصحيح حروف وتحسين صورت کیفیتلری، معنایی افاده ایدن كلام اوزرینه فصاحة الفاظ وصحة اعراب، لکنه بکدرکه هر ایکیسیده افاده معنا اوزرینه زاندد شرائط افاده دن غیر مسدود تزیینات کلامیه قیلندنددر. زعرارنه حسن -

ب. سوزلری بو حقیقتك بیان اجمالسی. بناء علیه اسلوب بازغ و بیانده، تفوق اقران داعیه سنده بولندقلری حالده سوزلرنده تصحيح اعراب وفصاحة الفاظه رعایت ایده میان طاسلاقلر، بین البلغا معذور کوريله میه جکلری کبی خطاط کچنمک ایستیان بیچاره کانکده تصحيح حروف وتحسين صورت كلام خصوصلرنده کوريله جک اهللرنده هیچ بروجهله معذور کوريله منزل مجرد معنایی افاده تأمین یلاغتمده کافی اوله مدینی علم بلاغتمده مبتدر. حسن خط کندیلرینک الکیوک مزیتلری اولان کسه لر وارددرکه یازیلرینک کوزلاکلری سایه سنده فائق الاقران وناس بینده، عالم مشهور والسنة انامده فضل عرفانه مذکور اولدیلر. بوبابده کندیلرندن بشقه فضیلت اُرانمدی. حالبویه لیکن طانیدیمز وائرلندن استفاضه ایتمکده اولدیمز علمانك پك چوغی تحصیل علمه عزم جدی واقبال صمیمیلرینه سد اشتغال اولمق قورقوسيله حسن خط جانبندن لحام همتلری صرف ومنع ایتملردر. بونلر، مطلوب حقیقیلری بولنان نفائس علمیه ادخارینه سعی وغیرت ایده کلدکلرندن قصات، مستثنا طوتلیدی حالده اکثریسنک یازیلری کندیلرندن بشقه سی اوقویه میه جق درجه ده چرکیندر. بوفکری التزام ایدنلردن (فضل بن سهل) کشینک خطنك چرکین اولسی سعادت وعرفانه وحيادت وجدانه علامتدر.

چونکه بوأدم، حسن خط تحصیلله افنا ایده جکی زمان عزیزنی، معالی علوم ازبر ومطالعه ایله کچیرمش دیمک اوله جفندن ضبط واتقان وکمال ایقان ایله متصف اوله جنی بدیداردردیمشدر. فضلك شو سوزندن، ردائت خط مطلقا موجب سعادت اوله جنی کبی برفکر سقیم اکلاشلماسین، چونکه طالبك سعادتى آنجق

موانع علمیه به تصادف اتمه سیله حاصل ، حسن خط اربابك عاداتی ایسه اکثریا تحسین خط ایله اشتغال معطوف اولوب علوم و معارفدن عاقل بولمق اولدیغندن ردائت خطی سیبیه بو اشتغال بیهوددن وارسته اولانلرك سعادت کیمی ثابتدر یوخسه هم علمدن محروم همده ردائت خطه محکوم اولانلرك سعادتسه ، دکل (فضل بن سعال) عادی کسه لر سیله قائل اوله مز . هر حالده فضلك سوزنی بویه توجیه ایلک لازمه دندر . کلامک فهم وصحته مانع اولان اسبابی ذکر ایتدی کمز کیمی ، صره سی کیش ایکن خطک چیرکنلیکی سببیه قرائتی ومدلولنه معرفتی تصعیب ایدن اسبابی تفصیل اتمک لزومی حس ایله دیرزکه یازینک اوقونمه سنه مانع اولان سیلر سکره آریلیر .

(۱) کاتب ، کلامدن برطاقم الفاظ لازمه یی اسقاط ایله استخراجی مشکل وفهم معناسی غیر قابل بر صورتده کلامک ناقص قالمه سیدرکه اشبو اسقاط ، یا کاتبک سهوی یاخود نقلک فسادندن منبعثدر . بونوع کلامک امثالی عبارات سائرده چوقکره تصادفه نفس ناطقه سنی الشدیران کیمسه لره استباط واستخراجی قولایدر چونکه آنلر ، کلامک قیسی گوشه سی سالم قالب دوشمه یین طرفیله سهواً ساقط و یا نقلاً فاسد اولان جانبیه استدلال ایده کلدک لرندن معنای مطلوبه انتقاده دوچار مشکلات اولملرر باخصوصکه جانب ساقط آز اولورسه سهولت تزاید ایده جکی طبعیدر زیرا کله کندیجی تعقیب اتمه سی لازم اولان دیگر کله یی مقتضیه اولدیغندن ، سامع کله اولایی طویجه کله ثانیه نک معناسنه بالاقضا انتقال ایدر . معنا معرفت اولندقدده آنک ترجمانی بولنان کله یه انتقال حاصل اولمغه سلسله کلام کسب انتظام ایلر اما بونوع کلاملره الشقین اولمیانلره استنباط معنا باخصوص دوشوک چوق اولورسه پک کوچ کلیر .

چونکه کلامک حواشی سیله استدلال ، کندیسی ایچون ممکن اولمادیغندن فهم معاینده بر کلام تامه محتاج اولور . آنیده کمال افاده دن قاصر بولونجه ، استنباط خصوصنده دوچار حیرت اوله جفنده شبهه یوقدر (۲) کلام آره سنده برطاقم بی لزوم الفاظ زائده نک بولنسیله برنوع اشکال حاصل اولوب صحیحنی سقیمدن تمیز قابل اولمیه جق برطرزده اشکال مزبورک هیئت مجموعه کلامه سرایت ایلمه سیدرکه

بونوع يك از بولنور . مكرکه كاتب ، تعمیه و الغاز قصیدیه اثنای کلامه مانع فهم اوله حق شیلری صوقوشدیردق استعمال رمز ايله معرفت مواضعیه احتیاج باش کوستره ، سهواً وقوعی ایسه اولسه ، اولسه بر ، یاخود ایکی کله ايله اولورکه بوده معرفت اسالیب کلامه الشقین اولانلر ایچون مانع فهم اوله مز (۳) اثنای کلمه دن برطاقم حروفی اسقاط ایددرک معنائک صورت صحیحده استخراجنه مانع اولمسیدرکه اشبونوع ، بعضاً سهواً وقوعبولورق قلیل بعضاًده هجانک ضعفندن نشئت ایددرک کثیر اولور بوجوه حقنده مطالعه مز وجه اول حقنده کی مطالعه مزک عینیدر (۴) اثنای کلهیه برطاقم حروف زائده ، علاوه سیله فهم سعنائی اشکال ايله حاصلدرکه بوده تارة سهواً واقع اوله رق قلیل اولدینی کبی مانع استخراج دکلدیر . تارة دخی کاتبک تعمیه و مواضعه قصیدیه اخفای مرامه چپاله مسندن ناشیدرکه بونک وقوعی کثیردر بونوعده کی مطالعه مز دخی ایکنجی وجه حقنده کی مطالعه مزک عینیدر (۵) فصلی لازم اولان حروفی وصل ، وصلی لازم اولانلریده فصل ایتمکدرکه بوده اشکالی داعیدر . زیرا حروفی وصل ایتمک ، کلمه مستقله اوزرینه تنبیه و ارشاد ، فصلی ایسه غیرک مشارکندن منع و ابعاد ایددجکندن ، مقصد ، تمامی تامنه منضم اوله مز . اشبو حال ، سهوقلمدن نشئت ایدرسه از اوله جفندن اشکال خصوصنده اوقدر حائز اهمیت دکلدیر . یوق اکر کاتبک یازی بیلمه دیکندن ایلری کلیرسه امثاله چوق تصادف ایدله جکندن یازدینی کلامک معنائک استخراجنده مشکلاته تصادف طبعیدر . برده وارکه کاتب ، یازی خصوصنده ماهر اما ، دائماً قلمنی سرعتی الشدرمش ایلدیفندن وصل و فصله دقت ایتمزسه عین مشکلاته تصادف اولنه جنی بدیهیدر آنکچون (حضرت عمر) یازینک شری ، عجله ايله حصول بولانی ایلدینی کبی قرائتک شریلی چابوق اجرا ایدیلندر بیوردیلر اکر تعمیه قصیدینه منوط ایسه معرفته مواضعیه احتیاج درکاردر .

(۶) حروفی اشکال اصلیه مسندن تحریف و تبدیل ایتمکدر حاجی باشکلنده یازمق کبی که بوده رموز تراجمده واقع اولوب استخراجنده همه حال مواضعیه معرفته احتیاج مس ایدر مکرکه سامع ، ذکای قوق العاده سی قوتیه قدرتیاب استباط اوله (۷) حروفک اشکال صحیحه اوزرینه قوامی و اوصاف حقیقیه سی

اوزره ثباتی محافظه‌دن خطك ضعیف دوشمه‌سیدر بدرجه‌ده‌که حروف اغیارندن کسب امتیاز ایده‌میه‌رك عین موصوله فاکی ، موصوله حاکی یازلمش بولنه ، اشبونوع ، خطك چیرکینلکی وکاتبك النده قوت بولغامسندن حاصلدر . بوکی یازیلرك معنالرینك استخراجنده شدت تأمله احتیاج ایله برابر اوقویانلری اوصاندره‌جق درجه‌ده مشقته دوچار ایلر آنکچون کوزل یازیلر حَقْ ظهورینه بیوک یاردمجیدر دینمشدر . (۸) کاتب یکدیگرینه بکزه‌ین حرفی تمیز ایچون استعمال اولنه کلن وضع نقاط وحرکانندن غفلت ایلمکدرکه سکنز وجهك اَك قولایي بودر چونکه استخراج صحیح و معرفه خطوط مزبئی حائز اولان کسه‌لری نقاط وحرکانك اهمالی ، فهم مضامین ومعانیده دوچار مشکلات ایده‌مز بلکه زمره‌کتاب ، مکاتباتده وضع نقاطی تقییح ایله کاتبك تقصیرانه یاخود مرسل‌الیهك ادراك معانیده قصورینه حمل ایتمک قدر واردیلر اشبو تقییح خصوصی رؤسانك مکاتبه‌لرنده پَك چوق واقع اولمشدر ازان جمله بریسی شودر (قدامه‌بن جمعقر) حکایه ایلدی‌که دیوان محاسبات کاتبلرندن بری مأمورین حکومتدن برینك حسابنه باقوب مأمور مزبور عییدالله‌بن سلیمانہ دعواي برائتک صحتی و محاسب مذکوردن شکایته حَقْل اولدیغنی ناطق بر ورقه یازنجه ، عییدالله ورقه‌مزبوره‌نك آلتنه (هذا) (هذا) کله‌لریله ضرب توقیع ایدر . مأمور کلام مزبوری دعواسنك تصدیقته حمل ایدوب حسابی رؤیته مأمور اولان دانه کوستیریر و ایشته عییدالله بیله بنم عصمتی تصدیق ایتمش دیدرك کوکسنی کره کره قونوشمغه باش‌لار ورقه‌مزبوره دیوان همایون کاتبلرینه یکان یکان کوستیریلریده هیچ بریسی عییداللهک مرادینه واقف اوله‌میوب استفسار ، لزوم کوریلرک اعاده اولندقدده عییدالله معنای هذیانی صریحاً اکلتمق ایچون ایکنجی کلمه‌نی تشدید و آلتنه بیان تأسفی مشعر (والله مستعان) یازار .

ایشته مکاتبات رؤساده وضع نقاط و اشکالک استقباحی بویله‌در لکن علومه دائر باخصوص صیغ الفاظ و کیفیه مخارج کندیسنده مقصود اولان کتب ادب ومدونات نحو ولفنده مکاتبات خصوصنده شکل واعجام ایله ضبط الفاظ مطلوب اولمغین تقییح دکل بالعکس مظهر استحان اولور آنکچوندركه (ثوری) نقطه‌لی

وحرکه لی یازیلر ، زنجفلی قفتان مثابه سنده در دیمش (بعض بلغا) دخی خطوطی
نقطه ملق مانع اهام ، حرکه لمکده دافع اشکالر دیدی (بعض ادبا) چوق علوم
واردرکه فصولنه نقطه قونمایه رق محصول معاینسده اهام حاصل اولمشدر دیدی
(کتاب) کتب علوم مستتنا ط- و تولدینی حاله مکاتبانده شکل و اعجامی
چپرکین کوردکارینک عکسنه اوله رق مشق یعنی سرعت خط اصولنی تحسین
ایشلدردر لکن کتب علومده سرعت کتابتی ، تقییددن کبرو قالماملردر بونک
سبی، زمره کتاب، صنعت کتابتده فرط اشتغاللریله برابر آنی کندیلرینه مدار
تفوق اقران اتخاذ ایده کلدکارندن تلویحات و اشارانه اکتفا ایله شکل و اعجام
کی اویله یازینک اوقوناقلغنه خادم شروطه رعایتی بمعنا عد و اعتبار ایتدیلر
کتابتده تفوق داعیه سنک کتاب اوزرنده درجه تأثیرینی کوسترن حالاندندرکه
اوزرلرنده سیاه مرکب کورلسه مدار اقتضار و اثر جمیل و صنعت کتابتده کی
براعتلرینه دلیل اولمق اوزره تلقی ایدرلر بونی مؤید اولمق اوزره حکایه اولنورکه
(عییدالله بن سلیمان) برکون ، اوزرنده صاری صو کوره رک درحال : مرکب
بزه رنک زعفراندن اعلا در دیهدک لکه مزبورنک اوزرینه سیاه مرکب دوکر
وشو ییتی دخی اوقور

شعر

(انما الزعفران عطر العذارى و مداد الدوى عطر الرجال)

مالی

کوزل قیزلرک استعمال اید جکلری انحق کوزل قوقولر و باخصوص زعفراند
رجال ایسه مرکبدن ماعدایه التفات اتمز (ایشته لفظ و خط جهتیله فهم کلام
ومعرفة معانیه مانع اولان اسبابک تفصیلات واضحه سی عرض ایتدیکمز
وجهلدر) (والله ولی التوفیق)

امدی میال معالی اولان طالب علم ایچون منزل مقصوده کیرمزدن اول
ایکی شیشی دیگر شیلر اوزرینه تقدیم اتمک لازمه دندر . بریسی فهم معنا انتقال

مضامینه انکل اولان اسباب مانعة معروضه یی پیش تأمله انوب کره کی کبی
 بیلמידرکه وصول مزایا و کشف حنبایاده مظهر سهولت اولسون دیکری زمان
 تعلمنده اقلیم بدننده سیاست نفسه مالک اولملی که علوم و معارفدن نفرت ایتمه سین
 و تحصیله میل رغبتده تقصیرده مائل اولماسین و دائماً جانب اسرافه عاجل و تسخیری عسیر
 اولان نفسی تدبیر و تصرفه قادر اولسون چونکه هر نفس ایچون اوج حال واردر
 (حال عدل و انصاف ، حال غلو و اسراف ، حال تقصیر و احجاف ، حال عدل
 و انصاف) قوای نفسانیه نك طاعت و شفقت کبی جهتین مقابلتین ایله اتصافیدرکه
 طاعت ، نفسی عبادتده ، تقصیردن ، شفقت دخی اسراف و تبذیردن منع ایدرک
 مظهر شاباش و تحسین ایلر چونکه شوائبی جهتک یار دیمیله تقصیردن ممنوع
 اسرافدن محجور اولان شیئک نمانسی معلوم و اشبو نمانک دوامیده کیت کیده
 موجب کمال اوله جنی مجزومدر ، بض حکما ، صاقین اعتدالدن آیرله زیرا
 حدمعروفندن چیقمقده ، مسرف ایله مقتصدک هیچ فرقی یوقدر دیدی . (حال
 غلو و اسراف) قوای نفسانیه نك انجق طاعتله ممتاز اولوب صفت نجییه شفقتدن
 محروم قالمیدرکه اشبو مدار امتیاز اولان طاعت سبیلله نفس ، اولانجه قوتی
 عبادته صرف ، اودخی عجزه یقین اوصانقلغه ، اوده نهایت ترک واهاله مؤدی اوله رق
 مأمول اولان زیاده نقصان ، بکلئیلان تجارت عین خسران اولور . آنکچوندرکه بعض
 حکما ، طالب علم ایله ، برو طاعتده بولنان کسه ، طعام اکل ایدن شخصیسه بکزر برلقمه
 آلیرسه آچلق یوزندن کله جک فلاکتدن کندیخی قور تاریر . اسراف ایدرسه امتلا
 اولور . حتی بعض کرده موتی انتاج ایلر و یاخود علاج بیان شخصیسه بکزرکه
 شخص مزبور معتدلاً حسب اللزوم اکل ایدرسه موجب شفای بدن ، حدینی
 آشیرسه سم قاتل اولور دیمشدر . امدی طالب علم ایله عابد طلب علم و عبادت
 خصوصلرنده دائماً حد اعتدالی کوزه ده رک واصل رتبه کمال اولمغه چالیشمه لیدر .
 (حال تقصیر و احجاف) نفسک قوای شفقتله ممتاز اولوب قوای طاعتدن
 حرمانیدرکه شفقت ، معصیته ، معصیته اوامر الهیهیه اجابی ترکه دعوتله نفس
 طاغغنی طوبیلامن عوائد سبحانییه یی قبولدن کری قالیر . اماناتی حفظ ایلر . شواچ
 حاله مبتلا اولانلر ایسه واری غیب ایدرک یتیکنی بوله ماز واری غیب ایله
 یتیکن بوله میانلر کده مصاب و محزون ، خائب و مغبون اوله جفتده شبه یوقدر طاعة

و شفقت اخصیصه لرینک یکدیگرینه غلبه سی سببیه نفس ایچون ایکی حال ده
 حاصل اولور که احوال سابقه یه ضم و علاوه قلندقدنه بشه ارتقا ایدر . مثلاً
 طاعت ایله اشفاق تقابل ایندکلیکنده طاعت شفقت اوزرینه غالب اولورسه نفس
 اسرافه میال ، شفقت غلبه ایدرسه عبادت خصوصاً صلرنده تقصیر عیال اولور . امدی
 طالب ، نفسنک مقدار طاعتنی عارف وکنه شفقتنه لدی التجربه واقف اولورسه
 نفسنی حالات مزبورده نکه اک ممدوحی اوزرینه ثباته آلیشدرملیدر . حالات
 معروضه یه فرزدق شویتلریله اشارت ایتشدر .

شعر

لکل امری نفسان نفس کریمه و اخری تعاصیها الفتی و یطیعها
 و نفسک من نفسیک تشفع للندی ذاقل من احراز هن شفیعیها

مألی

هرکیشی ایچون ایکی نفس واردر بریسی نفس کریمه دیکری فتانک کاه
 کندینه عصیان ، کاه اطاعت ایتدیکی نفسدر . سنک بوایکی نفسکدن بریسی
 بروطاعت^۳ ، واحسان و فضیلت احرازنده تکسائل ایتدیمری در حال او بر رفیق
 بولنان نفس آنلری احرازه شتاب ایدر . اگرکه طالب ، سالف العرض اقلیم
 تفسده اجرای سیاست و ایفای ریاضت خصوصاً صلرینی نظر اعتنایه الموق صورته
 نفسنی طریق مستقیمه دعوت ایتزسه نفس ، کورمش اولدیفی عنف و شدت
 قهر وحدت معامله لرینه قارشو عناد و استکبارینی آرتیرده نه طاعته یناشیر
 نه ده معصیتندن قاجنیر . نه کم بربری مرحوم بو حقیقتی شوایکی بیتله نظم ایتشدر .

شعر

اذا زجرت لجوجاً زدت علقاً ولجت النفس منه فی تمادیهها
 فعد علیه اذا مانفسه حمحت باللبن منك فان اللین یدنها

مألی

معندی برشیدن منع ایدرسهك اوشیئه شوقنی آرترمش اولورسك برطرفدنده
نفس عنادنده دوامه حریص اولور . سن همان لیت ایله معامله ایته که آزعین نفسنك
لجانی یومشاقلقدن بشقه برشی چکه مز .

تعلیمات سالفه اوزره طالب ، نفس اوزرنده اجرای سیاست ومهما ممکن
ریاضت ایتدکدنصکره باقدیکه نفسك انقیادی ینه کوچ ، اُرتق برای استراحت
براز صالیویروب بعدالاستراحت ینه یاقه سینه صارلمه لیدر . بوصورتنده انقیادی
قولای وسرعتی ، جانب طاعته رجوعی دخی قوتلی اولور آنکچون ادب آموز
دبستان لولاک افندمز ﴿ ان القلوب یوت ویحیا بعدحن ﴾ یعنی قلب ، اولور . بر
زمان صکره دخی اعاده حیات ایدر بیورمشلردر (عبدالله بن مسعود) قلوب
ایچون شهوة واقبال (ایستهك) فترة وادبار (اوصانقلق) وارددر . نفسه
مراجعتکرده شهوة واقبالی جانبندن واریکیزده فترة وادباری سمتنه اوغرامه ییکیز
دیمشلردر .

شعر

وما سمی الانسان الا لانه و ما القلب الا انه يتقاب

مألی

انسانه انسان تسمیه سی آنجق انسیقی ، قلبه ده قلب تسمیه سی آن بآن معروض
تحول وانقلاب اولدیغندندر .

شمدی کله لم طالبك ، علمنی اُرتیردجق رغبتنی نقطه منتهای کاله وارددره جق
شروطك بیان وایضاحنه ، شروط مزبور طقوزدر [۱] حقائق اموره مابه الادراك
اوله جق عقل [۲] غوامض علومیه وقوفه مدار اوله جق فطانت [۳] ادراك
ایتدیکی شیلری ذهنده پایدار ایده جك ذکوت [۴] اوصانجدن منع ایله دوام
طلبی تأمین ایده جك شهوة (ایستك) [۵] طلب رزق کافتندن اغنا ایده جك

قدر اسباب معیشتی از نسبه میوب قناعت خصلتنه مالکیت [۶] ترقیات فیه و اکثر نفائس علمیه به مساعدده ایده جک فراغ بال ، استراحت احوال [۷] شاهد دلاری معارفک برنجی رقیب اولان اَلام واکدار قلییه وامراض بدنیه کبی موانعک فقدانی [۸] علمی چوغالته جوغالته واصل رتبه کمال اوله جق قدر طول عمر [۹] علمنده سماحت ، تعلیمنده تأثیری رعایت ایدن بر عالم متقنه تصادف ایدرک مدت لازمه بی یا مجلسنده اكمال ایتک ، شوشروط مزبور دینی جامع اولان ذات ، امین اولسونک زمره طلابک الک مسعود و بختیاریدر .

جهانگیر شهر (اسکند صائب التذیر) دیورکه طالب علمک درت شیئه احتیاجی درکاردر .

۱ (زمان یعنی طول عمر) ۲ (احتیاجدن وارسته قیله جق غنا و ثروت)
 ۳ (جودت قریحه) ۴ (شهوت یعنی ازدیاد کلاته ایسته) اشبوردی بش قیلان
 بر قسم مکمل لازم دها واردرکه اوده متعلمک آن بان ترقی و تمالیسی ارزواید
 برده معلم ناصح ، استاد امیندن عبارتدر .

صره سی کلش ایکن طالبک کن دیسیله تأدب ایتسی لازم اولان ادابی و عالم
 معلمک اوزرینه ترتب ایدن وظائف و ارکانی بیان و تعداددن کن دیمی آلمیه جم
 معلومک اولسونک متعلم ایچون معلمنه قارشى تخلق وتذلل (یالطاف لائق)
 لازمدر بونی یا پارسه غنائم علمیه ایله مذنون اوله جنی کبی ، ترک ایدرسه کردنکشلک
 ابتدیکندن طولای نفائس علمیه دن محروم ومغبون اوله جغه امین اولسون
 چونکه تملقک اوله برتأثیر عجیبی واردرکه عالمک مشاق تعلیم وتدریسه حبس
 نفس وصبری نی آر تیردرده کبزی کبزی حرزجان ایتدیکی دفائن فیه وخزائن
 علمیه بی، دمت دمت ، کولچه کولچه شا کردک پیش استفاضه سنه دوکه سنه بادی اولور
 بوسایه ده دخی اکثر فضیلت مطلبی ، جهره نمای بروز اولور (حضرت معاذ)
 روایت ایلدیکه ، سید الکائنات افندمز طلب علمدن ماعدا هیچ بریرده یالطاف لائق
 مؤمن اخلاقندن دکلدر مألنده (لیس من اخلاق المؤمن الملق الا فی طلب العلم)
 بیورمشلدردرکه باب علمده تملقک جوازی خصوصنده اشبو حدیث شریف
 تشنکان زلال عرفان ایچون بیوک بر عروة الوقیای تمسکدر عیدالله بن عباس
 بیوردیلرکه او قورکن ذلیل ایدم او قودرکن عزیز اولدم (بعض حکما) تعلم

مذلتنه برزمان ایچون طیانه مین ، جهل ابدی درکسند یوارلانیر قالیر دیمشدر
حکمای فرسک بعضیسی چوجق ایکن سودیکک ، آرزو ایتدیکک یرلرده
اوطوررسهک ، بیودوککده ، سومدیکک محله اوطورمغه مجبورقالیرسک دیمشدر
متعلم ، ساده تملق ایله ده اکتفا ایتیموب معاملک مناسبت دوشدکجه فضیلتنی اقرار
و تعلیم و تدریسند اتخاذا ایتدیکی اصولک محاسندن بحثی تکرار ایتکده
لازمه دندر .

حضرت عائشة رضی الله عنها ، عالمی توقیرایدن الاهی توقیراتمش کیدر مآلنی ناطق
بولنان (من وقرعالمآ فقد وقرربه) حدیث شریفی روایت ایشدر (ساقی کوثر)
(جناب حیدر) افدمز اهل علم و عرفانک قدر و مزینتی انحق اهل علم بیایر
بیوردیلر .

شعر

(ان المعلم والطیب کلیمما) (لاینسحان اذاهما لم یکرما)
(فاصبر لدائک ان اھنت طیبہ) (واصبر لجهلک ان جفوت معلما)

مآل

برطیب ، برده معلم ، بونلره اکرام اولنمدیمی ، صمیمی ایفای وظیفه ایتزلر
طیبیه اھانت ایدرسهک دردکه صبرایت ، معلمه جفا ایدرسهک جهلکه صبرایت . هم
اھانت ، همده اجرای طبابت ، یغمایوق ، هم اکرامه بدل حقارت ، همده انتظار
فضیلت ، نه قباح (توصیه اولنان تملق ، عالم نه قدر فقیر اولسه بیله جہ
وجلال اربابنک علوم منزلتنه نقصان ویرمز . علما اکرام و تعظیمه) تروت و مال
ایله مستحق اولمدیلرکه منافسه قبوسی اچیلهرق اغنیانک علمایه تعظیملری
کندیلرینک علوجاه و جلاللرینه نقیصه ویرسون انلری بواسطه حقاقه مظهر ایدن
رتبه فضیلتلریدر اغنیانک بونده اشتراکی یوقدرکه ، رقابت سبیلله اونورلرینه
طوقونسون .

شعر

- (لا تحقرن علماً وان خلقت) (اثوابه في عيون راميته)
 (وانظر اليه بعين ذي ادب) (مهذب الراى في طرائقه)
 (فالمسك بينا ترى ممتها) (بفهر عطاره وساحقه)
 (حتى تراه في عارضى ملك) (وموضع التاج من مفارقه)

مآل

پیش نظرده ، اثوابی پڑمرده بیلہ اولسہ ہیچ برعلی تحقیراتمہ ، سن اوعلہ افکارمنورہ صاحی وادیب ذیشان نظریلہ باق ، کورمز میسک کہ مسک ، عطارک چکیجی ایلہ هوانک آردسندہ ازیلیر قیریلورده نہایت ملوک وشرافانک نیاقلرندہ وتاجک یری اولان باشلرندہ نشر فوایح ایدیور مذلة اولیہ سی شرافت انجامنہ خلل ویرمیور عالمده بویله در خیر بودهابیو کدر . طالب علم اخلاقده علمایہ اقتداوجمع افعالنده انلره بکزه مکہ چالشمه لیدر تاکہ اخلاق مزبورده یه الفت وانک اوزرینه نشئت حاصل اوله رق مخالفلرندن بجانبت قولایا لاشسون رسول اکرم صلی الله علیه وسلم افندمز کنجبلرکزک خیرلیسی کندنی اختیارلره بکزتمکہ چالیشان اختیارلریکزک شریسی دخی کنجبلرکزہ بکزه مکہ چالیشاندر مآلنده (خیار شبانکم المتشبهون بشیوخکم وشرار شیوخکم المتشبهون بشبانکم) بیورمشلردر (عبدالله بن عمردن) مروی اولان دیگر بر حدیثد . (من تشبه بقوم فهو منهم) بیورمش ، وبر قومہ کندنی بکزتمکہ چالیشان او زمره دن معدود در مآلنده بولنمشدر . بعض اهل ادب ، ابن دریدک شوبتیلرینی بکا او قودی .

شعر

- (العالم العاقل ابن نفسه) (اغناه جنس علمه عن جنسه)
 (کن ابن من شئت وکن مؤدباً) (فانما المرء بفضل کیسه)
 (ولیس من تکرمه لغيره) (مثل الذی تکرمه لنفسه)

عالم عاقل نفسنك اوغلودر حسب ونسبه اعتبار يوقدر عالمك جنس علمي
نسبجه جنسندن اغنايدر . سن اُداب شريعتله اديب اولده كيمك اوغلي اولورسهك
اول ، كشي كياست وذكاويتله كسب شرف ايلر نفسنك غيري برعارض ايچون
اكرام ايتديكك كمسه نفسي ايچون اكرام ايتديكك كمسه كي دكلدر .

صحبّت وموانست قديميه كوكه نهر ك (متعلم) حضور معلمده شوق
وانبسط ناز واستغناندن حذر ايتليدر چونكه بعض حكمايه ناسك اك ذليل
وحقيري كيمدر ديه صور دقلرنده جهلانك كندى اوزره حكى جارى اولان
علمادر جوابى ويرمشدر شوحالده تكليفسزلكه حمل ايله معلمه قرشو نازلنق
معلمى برنوع تحقير اوله جفندن شدتله مجانبّت لازمدر حضور بيغمبريده اسارادن
برجاريه ، سويلنمكه باشلاينجه ذات نبوتناهي-ن كيمسك كلاميله التفات جهاندر
جائنه قرشو ، خاتم طي اسمنده كي مردسخاوت نژادك قزى يم جوابى ويرمشدر
بونك اوزرينه (ارحموا عزيز قوم ذل وغنياً افتقر ارحموا علماً ضاع بين الجهال)
يعنى اصحاب ، اتم ، برقوم ارسنده عزيز ايمشده ذليل دوشمش زنكن ايمشده
زوكور تله مش عالم ايمشده جاهللى ايچنده قالمش بوزلره اچييكز بيورمش
ودر حالى آزاد ايتمشدر .

متعلم ، معلمه قرشو صورت استغنا ، يعنى علمنه عدم احتياج ، وبنده ، سنك
قدر اكلارم كي حالات خودسرانه كوسترمكن شدتله توقى ايتمليدر . چونكه
بو حال شاعت اشمال ، كفران نعمت ، ومعلمه استخفاف واهانندن بشقه برشى
دكلدر . بعض متعلمينه تصادف اولوركه ، جودت ذكا ، وحدت ذهني سبيله
نفسنده برقوت حس ايدهر ك معلمنى تحقير والزام و بويوزدن تحصيل شهرت
ونام نيت فاسده سيله ، استا دينه اثنائى تقريرنده برطاقم اعتراض ايراد ايدرده ،
(ابوالبطحا) نام شاعرك ، مثل سائر حكمنى الان شوييتنك كندى حقنده ايرادى
مناسب اولر .

شعر

اعلمه الرمايه كل يوم فلما اشد ساعده رمانى

مألی

بن ، اكا هر كونه اوق اتمق علمنی او كرتيورم . تمام او كره نوب بازولرنده
ادمان حاصل اولنجه ، اوق بكا طوغری چويريور .
ايشته بوده . علمانك بتمك ، توكنمك بيلمیان مصائبی ، و بختلرينك معكوسيتی
جمله سندر كه تعليم علوم ايتدكاری كمسه لر ياننده تجله بدل تجهيل ، ناس ايچنده
ترقی ايتدر دكاری اشخاص میاننده تعزیزه قرشولق ، ترذیل اولنيورلر .

(صالح بن عبدالقدوسی)

وان عشاء ان تعلم جاهلاً فيحسب جهلاً انه منك اعلم
منی يبلغ البیان يوماً تمامه اذا كنت تبنيه و غيرك يهزم
منی ينتهي عن سيئ من آتی به اذا لم يكن منه عليه تندم

مألی

جاهلی سنك اوقودوب اوقودوبده ، عاقبت كندیسنی سندن عالم طانیق کبی
حكم جاهلانه سی ، بیوک بر بلادر . سن بیارسه ك دیگری بیقارسه ، بنا تمام اولورمی .
قابل دکل ، سیثانی یاپوب ندامت ایتمیان ، واز کجومی (اصلا) .
(حکمانك) چوغی معلمك حقنی پدر حق اوزرینه ترجیح ایتشلردر .
حتی بعضیسی شو بیتلرله وجه رجحانی بیان ایتشدر .

شعر

یا فاحراً للسفاه بالسلف و تارکاً للعلاء و الشرف
أباء اجساد ناهم سبب لان جعلنا عرائض التلف
من علم الناس کان خیراب ذاك ابوالروح لا ابوالنطف

مألی

ای سفاهت سوقیه ، کچمش اجدادیه افتخار ایدوب ذاتنده اسباب شرفی

جمع ایتمه یی ترك ایدن كمسه ، آنلرله افتخاری براق ، بزم آباء اجسادمن اولان پدرلریمز ، غم والم ، مرض وسقم کبی ، موتی منتج اولان شیلره معروض قالمه مزه سبب اولدیله . ناسه تعلیم حقائق علمیه ده بولنان استادلر ، بابالرك خيرلیسیدر . چونکه بونلر روح باباسیدر . منی باباسی دکل ؛ اساتذءنك حقته حرمتی سر رشته اتخاذا ایدهرك ، انلرك شبهه القا ایده جك سوزلرینی قبول ایتك ، وکندیله رینه اعتراض ، مخالف ادب تعلیمدر دیهرك تحقیق وتدقیقه مغایر تعلیماتی مجرد ، حسن ظن سوقیه تقلید ایتکده روا دکادر . زیرا بعض تلامیذ واردرکه معلمری حقنده غلو وافراط جانبده صابهرق شویله اعتقاد ایدیورلر . استاذ ایچون ابراز حجت ، اقامه دلیله لزوم یوقدر آنك هر سوزی دلیل شریعت ، هر اعتقادی بزم ایچون واجب القبول ، حجتدر . (والله ، بن) محافل علمیه نك برنده اشبو طبقه بارده اصحابندن ، مناظره ده قویولمش برینه راست کدمکه ، ارکان مجلسدن بری ، خصم صفتیه بر طاقم ادله قویه اقامه ایدنجه ، مزبورك جوابی نه اولسه بکنیرسکز سنك بودلیك فسادی ظاهردر . چونکه بو ، بر دلیلدرکه بنم استادم ، انی ذکر ایتماشدر . شیخمك ، استادمك ذکر ایتدیکی دلیلده ایسه خیر یوقدر . آرتق ، خصم ، تعجب ایدهرك مجلسك مهباتی واحق مسفورك شرکای حاققتدن اندیشه ایدهرك سوزی کسمکه مجبور اولدی ، وبکا خطاباً ، یواشجه ، یا هو حریف بنی شو جهل ونادانیسیله الزام ایلدی دیوب مجلسدن چیقدی ، مجلسده بولنان حضارک کیمیسی استهزا ، کیمیسیدیه انکشت بر دندان حیرت اولهرق وجهلک قتمرلیسندن اللهم صیغینه رق طاغدیله . باق شمدی سن ، جهلده بویله متوغل ، قله عقلده بو سویه ده کسمیه تصادف ایلدکی . ظن ایتمکه اوت دیه سک اما متعلم ، استادی حقنده معتدل الرأی متوسط الاعتقاد اولوب نه الزام ایچون اعتراض نه ده مقلدانه تسلیمد ، بولمزسه هم کندینی همده معلمنی ملامت ومذمتدن قورنارمش اولور . متعلمک حل مشکلات قصدیه ولوکه چوق اولسون معلمنه سؤال ایرادی ، قانون تعلیمه منافی کورلمه یه چکی کبی نفس الامرده مطابق سوزلرینی در حال قبول ایتکده تقلید محض ایله انهام ازلنه مز .

جناب مشککشیای سرائر ملکوت ، صل الله علیه وسلم افندمن ، علوم ، خزینه لردر . اناختاری سئوالدر ، سویلین ، دکله ین ، عامل اولان ، هراوچیده

مأجوردرر مألنده (العلم خزائن مفتاح السئوال فاسئلوا رحاكم الله فانما يؤجر في العلم ثلاثة القائل والمستمع والّاخذ) بيورمشلردر وبيلمذكرندن سورسهرليا نهطوربيورلر عيك (كلامدن عجزك) شفاسى ، سئوالدر . مألنده كى ديكر بر حديثنده (هلا سئلوا اذا لم يعلموا فانما شفاء الى السئوال) بيورهرق سئواليله فرمان بيورديلر . ديكر قوميده ، بالعكس (انها كم عن قيل وقال وكثيره السئوال واضاعة الاموال) يعنى ديدى قوديدن ، كثرة سئولدن صايككيز . سزدن اول كچن امتلر ، كثرة سئواللرينه قربان اولديلر كيتديلر ، مألنده (ايا كم وكثرة السئوال فانما هلك من كان قبله بكثرة السئوال) بيورمشلردر شو احاديث شريفه نك مضامين شريفه سى آره سندن . تعارض توهمنه محل يوقدر چونكه سئوال ايله آمر بولنان احاديث ، مشكلات علميه نك حليله ، واقف اسرار شرعيه اولمق نيت خالصه سنه معطوف ، ناهى اولان احاديث ايسه ، جدال ومعارضه ومجالس ومحافله الزام خصمه تحصيل شهرت كچي نيات فاسده ايله اولان سئواللره متعلقدر امدى سائلك سئوالى محل مشروعه نده ايسه معلم آنك شكوك وشبهاتنى ازاله ايله طريق حقى كوستير (ابن عباسه) ديديلركه سن بوقدر علمه ناصل نائل اولدك ؟ جوابنده ، دائماً صوريحى لسان ، دوشونوجى قلب ايله ، جوابى ويردى آنكچون صلى الله عليه وسلم افندمن سئوال علمك ياريسيدر مألنده (السئوال نصف العلم) بيورديلر (مبرد) (سليمان غنوينك) شو ايكى بيتنى اوقودى .

شعر

فسل الفقيه تكن فقهياً مثله لاخير فى علم بغير تدبر
واذا تعسرت الامور فارجهها وعليك بالامر الذى لم يعسر

مالى

فقيهه ، بيلمديكك مسائلى صوركه سنده اونك كچي فقيه اولهسك ، سئوال

وتدبرسنر علمده ، خير يوقدر . طوتديغك ايشلر كوجلشيرسه آنى براقده كوچ اولميانلرى التزام ايت .

متعلم ، ايستهديكى علمى ، شهرت وعدم شهرتى اصلا نظر اعتباره آليه رق هانكى عالمده بولورسه صاريلوب آلمغه چالشمهلى يوخسه صيت وشهرت وذكرجيله آلدانوبده ، مطلوبى اولان علمدن بي بهره اولان برطاقم منازل رفيه ، رتب سنيه اربابنه قوشوب كيتمه مه ليدر . شوقدر واركه هرايكيسى علم مطلوبده يكسان ايسه شهرتى شايع اولان معلمى انتخاب ايتمك دهها اولادر چونكه مشهوره انتساب موجب شهرتدر .

شعر

اذا انت لم يشهرك علمك لم تجد لعلمك مخلوقاً من الناس يقبله
وان صانك العلم الذى قد حملته اناك له من يحثيه ويحمه

مالى

علمله اشتهار ايتمزه كيمسه ، سسنگ سوزيكي كوش قبوله آلمز حامل اولديياك علم ، سنى محافظه ايدرسه آنك ميودسنى طوپلامغه كلان بولور .
علم ، يقينده ممكن التحصيل ايسه بعیده كيتمه مهلى ، قولای جهتی وارسه كوچ جهتنه يناشاملى ، تجربه دن كچمش عالم وار ايسه غير مجربه مراجعت ايتمه مى چونكه قريبي براقوب بعیده كيتمك مشقت ، قولاي ترك ايدوب كوچى آلق بلا ، مجربى براقوب غير مجربه مراجعت ، موجب مخاطرده در (بعض حكما) بين الافراط والتفريط اقتصاد ، تمسقدن اسهل ، تكلفى ارتكابدن ايسه واز كچمك دهها اولادر نفس انسان ، چوق كره قريبي تحقير ايدر ، بعیده تابع اولور . قولايه تنزل ايتمزه ، كوچى طلب ايدر . مجربدن اوصانور غير مجربه انتقال ايدرده ، محبوبى ادراك وفائده مطلوبه به دسترس اوله من (عرب) يوكيلىر حقنده عالم ، كعبه كيدير اوزاقده كيلر شوق وغرام ايله توشارلر ، ياننده كيلر ك امورنده بيله اولمز ديمشدر حاتمك شوشعربنى شيوخندن بريسى بكا اوقودى .

شعر

لا تری علماً یحل بقوم فیحلوہ غیر دار الہوان
 قلما توجد السلامة والعصہ حة مجموعتین فی انسان
 فاذا حلنا مکانا سحیقاً فہما فی النفس معشوقتان
 ہذہ مکة المنیعة بیت اللہ یسعی لحبہا الثقلان
 ویری از ہذا البریتہ فی الخ جلہا اہلہا لقرب المکان

مألی

ہیج بر عالمی کوردہ مزسک کہ بر قومک ایچینہ وارسونده ، مذلت خانہ سندہ
 آئی اسکان ایتمسونلر ، البتدہ ایقاع مضمرتہ چالشورلر آفات بلیہ دن سلامت ،
 بدندہ کی بختلہ برابر برانساندہ پک آز جمع اولور بویکیسی کوشہ نشین
 ہجران اولدقدہ نفوس انسانیکہ عشق وغرامی آرتار ، ہر شیک قریبتی ،
 حرمتی تنقیص ایدر ایشتہ مکہ مکرمہ ، انس وجن بلاد بعیدہ دن حج ایچون
 قوشوشرلرکن ، ایچندہ بولنان اہالی مکہ ، حجدہ تکامل کوسترلر .

(فصل) علمانیہ احق والیق اولوب بہمہ حال تخلقلری الزم اولان اخلاق ،
 التزام تواضع ایلہ عجیدن احتراز ایتمکدر . چونکہ تواضع ، خلقلک وخالقلک
 محبت ومرتحتی جالب ، عجب ایشہ موجب نفرت اولدیغندن ہرکسدہ وجودی
 چرکین ایسہدہ . زمرہ علمادہ بولنسی دہا زیادہ چرکیندر . اوت ناسک
 انلرہ اقتداس طیبی اولغلہ اشبو خصلۃ رزیلہ نک غیرہ تجاویزی جہتیلہ قبچنک
 قتمرلشہ جکی شہہ کورتورمن علمانیہ طاری اولان عییک باشلیجہ سبی قضیت
 علمانیہ ایلہ ناس پینندہ تفرددری اولور . حالبوکہ حجاب پندار وغفلتی قالدیروبدہ
 حقیقتپرستانہ مطالعہ ایدہ جک اولسہلر التزام تواضع ، و مجاہبت عییک کندیلریہ
 ہرکسدن الزم اولدیغنہ جزم وایقاندہ مشکلات چکمزلر . بوللر بیلورلر کہ
 عجب ، منافی قضیت بر خصلۃ رزیلہ در . بناءعلیہ احتراز و مجاہبتی لازمدر
 باخصوصک ، افندمن صلی اللہ علیہ وسلم ، آتش ، اودونی مجو وتباہ ابیدیکی
 کبی عجیبہ حسناتی اولیلہ محو ایلر بیوردقلری جہتیلہ انلرک مالک اولدقلری

صفة علم ، عجيبك رذالته هيسچ بروقت قرشو كله من . انكچوندر كه (حضرت عمر)
علمی اوكره نيكز ، و اوسايه ده سكيته وحلم حاصل ايدرك ، اوكرتديككز طابيه
قرشو تواضع ، واندرده سزه تواضعله ، معاشرتكز جريان ايتسون . بالعكس
ترش رو ، جبارۀ علمادن اولمايه سكز چونكه مدارعجيكز اولان علمكزله
جهلكنز مقايسه ايديليرسه ، علمكز مقاومت ايدميه جكنه امين اوليكز
بيورديلر . سلفدن بعضيسي ، بر كمسه علميله تكبر وترفع ايدرسه (الله) اني ره
اورر ، هلاك ايلر ، تواضع ايدرسه رتبه سني يوكسلتير ديدى علمانك علم سبيله
عجينك علتي ، نظرلريني دائما مادونلرنده كي برالاي جهلاي بي اذعانۀ قصر ايله ،
بر ، انلرك بولندقلري دركۀ جهلي ، برده كنديلرينك ترين ايتدكلري حليه فضلي
نظردن كچيرمرك كنديلريني اعظام واعجابۀ باشلامه ليدر .

بولر ، بر كرده مافوقلرندي اجلۀ فضلايه باقسه لر عجب وتكبرده حيا ايدرلردى
چونكه ، علم ، بشرك احاطه سندن فضله اولمغه برابر بر كمسه نه قدر متناهي
في العلوم اولسه بيايه كندندن دهها مكملته تصادفي طيبيدر قال الله تعالى
(نرفع درجات من نشاء وفوق كل ذي علم علم) اهل تاويل بوأية جليله نك
تفسيرينده ، هر عالمك فوفنده دهها اعلمى واردر ، تاجناب حقه وارنجهيه قدر
ديديلر ، بعض حكمايه ، علومك كافه سني كيم بيلر ديدكلرنده . كافۀ ناس ، جوازي
ويرمشد (شعبي) ديديكه فضل و كمالده كنديمه اش وياخود سندن اعلم
ير كمسيه تصادف ايدميه جكمي نه زمان خاطرمدن كچردمسه ، درحال كندمه
نسبت قبول ايتمز مرتبه اعلم برذانه تصادف ايتشمدر . شعبي كي برذات
جلالته مانك بوسوزي ، تعظم ، تكبريني بيان دكلدر كه شايان تقبيح اوله
بيلسين ، بلكه بجزر خار علومك بي اين اولديغني اعلاندن عبارتدر . امدى
مردعالم ، نفسه نظري ائناسنده درحال بيلمديكي فزلي ملاحظه ايدوب عجيند
كنديني قورتارمغه چالشمه ليدر . انكچون (حكم منثورده ده) اشاغيده كي
جهلانك كثرته باقوب سوينمه ، اوستيكده فضل و كالاتريله شعشعه بخش
اجلال اولان افخم علمايه بافده ، سورة عجيكي قير ، ديمشد . شاعر (ابن
العميد) شو ايكي بيتله بو حقيقته ارشاد ايلشد .

شعر

من شاء عیشاً هنيئاً يستفيد به فی دینه ثم فی دنیاہ اقبالاً
فلینظرن الی من فوقه ادباً ولینظرن الی من دونه مالاً

مالی

دین و دنیا سنده مظهر اقبال اولوب خوش یشامق آرزو ایدنلر، ادبجه مافوقلرینه مالجه مادونلرینه باقسونلر. ذاتاً علمنی مدارعجب انخذا ایدنلر، علملری آز، قریحه لری سونوک برالای قیل قویروقلردرکه صحرای علومده آندقلری بر خطوه ایله نهایته واصل اولدم ظنیه، بورونلرینی قالدیرلر. اما علوم و فنونده بهر دیاب اتساع اولان کروه فضلاء، علومک بعیدالغایه اولدیغنی وادراک نهاییده عاجز بولندقلرینی اعترافله دائماً تواضع و سکنه دن ایرملزلر. (شعی) دییورکه علم اوچ قارشدر. بر قارشنه نائل اولان، بورتی دیکرده، هپسینی قزاندم ظن ایدر. هیئات (ایکسینه نائل اولان مافوقنه نظر ایدرک کندیخی ألقی کورر، اوچنجی قاریشهده، کسه نائل اوله مدی واوله مزده (افندی) اکر علمکله عجب شائبه سی سندهده وارسه شو عرض ایده جکم کندی حامی لوحه عبرت کبی پیش تأمله آلد، بویه افکار واهیه دن کیری چکل.

بن، برزمانلر، فقهای عظامک کتابلرندن بیوعه متعلق، مسائل مخصوصه یی جمع و تألیف ایله برکتاب میدان کتیرمش ایدم کتاب مزبور، تدبغات وادیرلرنده جان اریده رک، روح صیقه رق حاصل اولدیخی ایچون بردرجه یه قدر مهذب و مکمل کورونجه، شدت وقوف، وسعت اطلاحه دائر بنی برعجب استیلا ایلدی. دیرکن، حکمت خدا، ایکی اعرابی بادیده عقد ایدوب هیج برینی بیلمدیکم مسائل اربعه یی متضمن شروط کندنده درمیان اولنان بر (بیع) مسئله سنی استفتا ایچون یانمه کلدی لر. بن، برکره انلرک کمال اعتماد ایله مراجع تلری خصوصنده کی حاللریله، برده مسئله یه عدم وقوفم خصوصه سنده کی حامی نظر اعتباره آلوب، باشلادم دوشونومه یه، طول مدت دوشوندیکمی کورن درد مندان اعرابیان، سن، قوجه برقومک مفتی ورئیس بولندیغک خالد مسئله مزه

جوابدن عاجز میست دیوب، اوت جوابینده النجه، یازق سکا، دهرک چیقیدیلر بونک اوزرینه، دکل بن، شا کردانله هم عیار اوله میان برذاته مراجعت ایتدکلرنده، اودولتی دخی فتمت وجدانیه حاصل ایدر صورتده مسئله مزبورده نك جوانی کندیلرینه اکلایر، انلرده بوکا قارشی تشکرات ایله برابر علم واطلاعنه تحسین وشاباش ارقوبه رق کیدرلر، ارتق بنم حالمی صورمه، محزون وشوریده دل، و مسئله مزبورده بی آلان جاهل، شوحاده بکا موعظه مندره اولدیده، نفسمک سوره سی وعجب وکبرک قنادلرینی قیردی، اوج عظمتده پروازینه میدان ویرمدی. بناء علیه شروقه بی حقمده نعمت بیلیرم. برکسه نك عهده سندن کله بیلدیکی شیئی ایله عجبی ترک ایتسی واجب اولدینی کبی، بیامدینی و بجرده میه جکی شیئی یابارم صورتنده کورونمکه چالشمق و بوبابده خیلی تکلفات اجرا سیله طریق ناهموار عجبیه صائمده، قطعاً جائز اوله مز آنکچوندرکه سلف صالحیندن بر جوق ذوات کرام، عجب مزبوردن نهی ایلدیکی کبی کندیسید. اوجایت منکرده دن الله صغتمشدر ایشته اوکی استعاده لرک اک آچیغنی (جاحظ) (کتاب البیان والتبیین) نام اثرنده اجرا ایتمشدر. دیورکه یارب، فتنه عملدن بارکاه مجد الوهیتکه التجا ایتدی کمز کبی، فتنه قولدن ده ینه سکا التجا ایدرز. کوزل یابدیغمز شیرله عجب وریادن سکا صغندیغمز کبی، یابامدیغمز شیرلی یابار کی کوزککه چالشمق دن ینه سکا صغنیورز. عجز بیاندن صغندیغمز کبی، سلیقه لسان، وحسن بیان سبیلله هذیانندن، ینه سکا صغنیورز. بزده، جاحظک شو استعاده سیه بلاشترک، سباب حقه التجایه شتاب ایلرز. بجرده میدی شیرلی بجرر قیافتند. کوسترن کسه ایچون قبح وشاعت، وعجب وریاده برحد معین بیان ایتمک قابل دکلدرد. بوکی، شفاعت نهایت اوله میان کسه لر، کندیمی ضلالت وادیلرنده ظییب صیچرادیبی کبی، بشته سنیده ضلالتده براقه جنی طیبیدر. عالم اسرار وحدت، کافل سعادت امت افندمز صلی الله علیه وسلم، بر مسئله دن کندینه سؤال اولنوب بیلمدیکی حالده فتوی ویرن کسه هم ضال هم مضلدر. مألنده (من سئل فافتی بغير علم فقد ضل و اضل) بیورم زدرکه مدعای سابقمزی اثبات ایچون بیوک برهاندرد (بعض حکما) بیلدیکک شیرلر حقنده بیلدیر کی سوز سویلمکدن قاچنمق، برنوع علمدر ا کلامدیغک برشی حقنده بیان

مطالعه ایتک جهلکی اثبات ایچون بیوک دلیلدیر دیدی . شعرادن (زیاده بن زید) شو ایکی ییتی کوزل سولشدو .

اذا ما انتهى علمی تنهیت عنده اطال فاملی اوتناهی فاقصرا
ویخبرنی عن غائب المرء فعلمه کنی الفعل عما غیب المرء مخبراً

مالی

علمم توکندکده ، بنده اونقطه ده طورر ایلری کچم . ایستر او علم اوزونجه اولسون . کتب و املا ایدهیم ، ایستره توکنسون واز کچیم ، برکسه نک سرائر درونیه سنی ، یادیغی حرکات فعلیه سی خبر ویرر . کشینک غائبی اثبات ایچون یادیغی ایش کافیدر .

یوقاریده رهین ثبوت ووضوح اولدیغی اوزره ، کافه علمی احاطه برکسه ایچون محال اولنجه ، بعض اشیا بیلمامکده عار اولدیغی کبی ، بیلمدیکی نقاطی بیلمیورم دیمکه ؛ دخی قبیح وشناعت متصور دکل بلکه حق شناساق نقطه نظرنده شایان تحسیندر (جناب رسالتناده) افندمزه ، اما کنک هانکیسی خیرلیدر دیان سائل مسترشد ، بیلمیورم . جبرائیله صورایمده اولیه . بیورمشردر قلب تابناک محم بسی خزینه علوم و اسرار اولان بریغمبر ، بیلمیورم دیمکن چکنمینجه ، افراد امتندن برذاتک بیلمیورم دیسی هیچ شایان تقبیح اولورمی (جناب سافی کوثر) بیوریور که سزه برشی صورولوبده بیلمدیکیکزده ، بیلمیورم . الله اعلم جوانی ویرمه کز ، قلب ووجدانه نه قدر خوش کلیر . ذاتاً عالم ، بیلمد کلرینک بیلد کلزندن چوق اولدیغی بیلندر . (ابن عباس) بیلمیورم دیجه کی ترک ایدن عالم ، بالاسنی بولمش دیمکدر بیوردیلر (بعض بلغا) لادری دیان ، نقصانی بیلوب ، چالیشه چالیشه عالم اولور ، لیکن بیلمدیکی بیلیورم دعواسته بولنان ، حفره هلا که سقوط ایدر دیدی .

ذاتاً برکسه ، ولو که اساطین علمادن بیله اولسه ، بیلمدیکی اوکرتمک کلنتندن آزاد اولقی خیال خامیله بیلمیورم دیوب تعلمدن استکفاف ایتک روا دکدر (حضرت عیسی بن مریم) یا صاحب العلم . بو قدر علمکله برابر

دها بيلمداکاريکده اوکرن ، و بيلمداکاريکي بيلميانلره طورمه ، اوکرت ، بيوره رق حقيقه مزبورّه تعلمی توصيه ايتمشلردر .

علي بن طالب ديدیکه ، سزه بش شی اوکرته جکم دقت ايدک ، حفظ وضبط ايدک ، أنلری کيلره ينبوب اوزاق مملکتلره ، اوزون ، اوزون سفرلر اچسه کز بيله بندن بشقه اهلنی بولوب صورامزسکز (۱) کسه الاهدن بشقه سندن برشی امير ايتسون ، (۲) کسه کنهاندن بشقه برشیدن قورقاسين (۳) عالم ، بيلمديکي شيني اوکرته دن استنکاف ايتمه سين (۴) سزدن بريکزه بيلمديکي شیدن صوره لورسه بيلم دیسون (۵) ايمانک صبره نسبتی باشک جسده نسبتی کيدر . عبدالله بن عباس ديدیکه علمدن اکتفا اولسه ایدی موسی کلیم الله اکتفا ايدر . وهل اتبعک علی ان تعلمن مما علمت رشدا : ديه رک جناب خضر دن برای تعلم رفاقتنه قبول طلبنده ، بولمزدی . خليل بن احمد ، بوعلمه فصل نائل اولدک ديدکاريکده ، هانکی عالمه ملاقی اولدمسه دائما علم آلیر ، علم ويرردم ديمشدر . بزرجهر ، علومدن هيچ برشيئي حقير کورمامک ، وجميع علومی تفضيل و تحيل ايتک ، اوده ايروجه علمدندر ديمشدر . منصور ، شريکه صورمشکه ، ياهو بوخائز اولديغک علمه فصل دسترس اولدک . اوده جوابنده ديمشکه آزعلمی ، ازنسه يوب استفاده دن يوز چويرمدم . بشقه سنه اوکرته جکم علمی چوق کوروب بخل وامساک ايتدم .

ايسته شواهد معروضه حکميهدن استنباط اولنديکيه ، علمدن استنکاف هيچ بر وقت جائز دکلدر . چونکه علومک اجزاء سنک يکديکيره ارتباط و اشتباکی بولنديغدن ، برقاچ اقسامی استحصال ، اقسام ديکرينيده استکمالی مقتضيدر . ابن مسعود دييورکه علمده ايکی اوبور ، طويق بيلمز بری طالب علم ، ديکری طالب مال و منال ، طالب علم طويمز . چونکه او قودجقه تزايد علوم واقع اولوب رضای سبحانی به مظهریت رونما اوله جغنی بيلير .

انما ينحس الله من عباده العلماء ، طالب دنيا دخی طويمز . چونکه دنياالنی اُرتدجقه طغيانیده آر تار .

کلا ان الانسان ليطغى ان رآه استغنى . شخص عالم فضلنی از ، نقصانی چوق کورمليدرکه از کوردیکی چوغالتمغه ، چوق کوردیکی نقصانیده ازالتمغه چالشسون ،

یوخسه نائل اولدینی علمه قناعت ایدهرک تکاسل ایدرسه موجب ترك اوله جی
جهتله، جهل درکه سنده قاله جغنی قطعی بیلسون. بعض حکماء علمه ملازمت ایله ،
أیرله؟، دائماً چوغالتمغه سی ایت ، زیرا علمک ازی ، خیرک ازیسه، چوغنی دخی
خیرک چوغنه بکزر . خیرک ایسه ازلغندن بشقه برعی یوقدر چوقلمی ایسه
اقصای امالدر. بعض بلغا، علمی ازی کورمک علمک چوقلغندن ، عقلکدن
استمداد ایتک او عقلک کالندندر دیدی .

شخص عالم، علمی صورت دائمه ده سنجیده میزان تقدیر ایدوب ، خدم معروفی
وحق مشروعی تجاوز ایتاملیدر. بو صورتله علمی ازی کوروب ترایدی اسبابی
بالاستکمال تکمل ، ونفسنی کندینه رام ایتک ، چوق کوروبده اسباب
تزییدی بالاهاال ، هم دوچار یاس وحرمان همده نفسک طغیاننه میدان ویرمکدن
البته اولادر. یوخسه ، علمی تقدیر وتمیزدن عاجز اولان کشی، نفسنی جاهل
دیمک اوله جغندن ، بویه نفسنی بیلمیان برذاتک بشقه برشی بیله میه جکی طبعی
بولنمغه صورت قطعی ده جاهل اسمنه شایان کورلمسی استبعاد اولنه مز. حضرت
عائشه رضی الله عنها جناب رسالتپناه افندمهز ، انسان ربی نهمان بیلر دبه سؤال
ایتدکده ، نفسنی بیلدیکنده جوابنی اعطا بیورمشلردر . خلیل بن احمد ، احوال
ناسی شویله تقسیم ایدیور . ناس درت قسمدر (۱) بیلیر بیلدیکنی بیلیر بو آدم
عالمدر ، شککز وارسه صور وکزر (۲) بیلیر ، بیلدیکنی بیلمز بو آدم مبتلای
نسیاندر تذکیر واطار ایدیکز (۳) بیلمز ، بیلمدیکنی دخی بیلمز بو آدم
جاهلدر یقسنی برافک (۴) بیلمز لکن ، بیلمدیکنی اولسون بیلیر بو آدم
مسترشدر ارشاد ایدیکز . ابوالقاسم امدی انیده کی بیتلری انشاد ایلدی .

شعر

اذا كنت لا تدري ولم تك بالذي	یسائل من یدری فکیف اذا تدری
جهلت ولم تعلم بانك جاهل	فن لی بان تدری بانک لا تدری
اذا كنت من كل الامور ممميا	فکن هکذا ارضاً یطأ الذی یدری
ومن اعجب الاشياء انك لا تدري	وانک لا تدری بانک لا تدری

بیلیمورسک ، آنیده بیلنه صورمیورسک ، بیلمدیککی ، بیللم سکا کیم بیلدیره جک سن بویه هر ایشده عمای بصیرته مبتلا بولنورسک طبراق اولده ، زمره علما ، سنی چکنه سونلر باری ، تحفشی ، هم بیلیمورسک همده بیلمدیککی بیلیمورسک .

علمایه لازم اولان آداب جمله سندن بریده ، علمیه عامل اولمق ، نفسنی اوامر الهیه ایله ائمار ، وزواجر صمدانیه دن انزجاره ترغیب کاملده بولمقدیرکه بوسایه ده ﴿ مثل الدین حملوا التوراة ثم لم يحملوها کمثل الحمار يحمل آیه جلیله سی ، حقلرنده نازل اولان طائفه یهودک مظهر اولدقلری سوء تمثیله چارپلسین . جناب پیغمبر منی ﴾ ویل لجام القول ویل للمصرین ﴾ بیورمش ، وهلاک ابدی نیجه اقاویل وعظیه یی ایشیدوب عمل ایتمیانلره مخصوصدر مآلنده بولنخشددر ﴿ عییدالله بن وهب ﴾ سفیانندن روایت ایلدیکه (جناب خضر) موسی علیه السلام ایله مجمع البحرین ده کشت و کذارلرینک نهایتده ﴿ یابن عمران ﴾ علمی عمل ایچون اوکرن یوخسه ناسه نقل اخبار ایچون دکل . ابر بویه یاپارسهک و بالی سکا ، نوری بشقه سینه اولور دیدی (حضرت علی) ناس ، عالمک کندی علملریله عمل ایتمدکلرینی کوریورلرده علمه رغبت کوسترمیورلردیدی . ابوالدرداء دیورکه درکاه الهیده توقیف اولندیغم زمان ، بنم ایچون کدهشتلی سئوال شودر . علمی اوکرنک ، آنکله نه کی عملده بولندک . حکماییننده سویلیرکه ، سوزک فاعلی ، سوزندن ، صوابک قائلی صوابدن ، علمک حاملی علمدن خیرلیدر (حکم منثورده) علمی ایله عامل اولمیان ، علمدن خیر کورمز دینور . بعض علما ، علمک ثمره سی عمل ، علمک ثمره سی اجر و ثوابدر دیدی (بعض صلحا) علم ، عمله بلند آواز ایله چاغیرر اجابت ایدرسه طورر یوخسه کیدر دیدی .

(بعض ادبا) علمک تمامی ، کندیسيله عمل اولنقله ، علمک تمامی دخی انی دائما از کورمکه حاصلدر . امدی علمیه عامل اولانلر طریق رشد و سودادن عملنی از کورن نیل مراددن محروم اولمز دیمشدر . (حاتم طائینک) شو ایکی بیتی ، مزیت عملی مصوردر .

(١٠٤)

شعر

ولم یحمد وامن عالم غیر عامل خلافاً ولامن عامل غیر عالم
رأو طرقات المجد عوجاً فظیمة و افطع عجز عندهم عجز حازم

مالی

ممدوحم اولان ذوات، علمیه عمل ایتمیان و جاهل اولدینی حالدہ ، عن جہل
عمل ایدن کسہ لک ہیچ بر فضیلت ایلہ ثناکاری اولمزلر . انلر تحصیل شان و شرف
یوللرینی پک اکر ی و صرپ اعتقاد ایدرلر و چیرکین کوردکاری عجز لک ال
دهشتلیسی ارباب حزم احتیاطک عجزیدر .

اوت، تکرار ایدر مکہ علمایہ ، موجب علملریلہ عمل ایتمک لازمه دندر چونکہ
انلردن احکام شرعیہ یی طویوب اوکر نالدرہ ، عمل ایتمک لازم ، عکسی تقدیرنده
اوکر ندکاری علوم ، کندی علیہلرینہ یوم قیامتده حجت باہرہ اولنجہ ، علمانک علملرینک
کندی اوزر لرینہ دلیل و حجت اولہ جنی قطعی اثبوتدر ، شو حالدہ هزاران مشقتلہ
تحصیل وانکہ تنویر و ایمان ایستدیک ی علمنی علیہنہ شاهد یایمقدن ایسہ
عمل ایدوبده ، عرصہ محشرده قنديل هدايت ، اتخاذ ایتمک موافق عقل و حکمتدر
مرتبه علم ، مرتبه قولدن مقدمدر ، فصل کہ مرتبه عملہ نسبتلہ دخی مقدمدر
امدی علم ، قولدن مقدم اولدقده ، عالمک کندی نفسنده عمل ایتمسی کندندن ایشیدوبده
عمل ایتمک لزومندن شدتلی اولہ جنی بدیداردر . (ابوالعناهیہ)

شعر

اسمع الى الاحکام تحملها الرواة اليك عنکا
واعلم هديت بانها حجج تكون عليك منکا

مالی

روایلرک سندن ألوب نقل ایستکاری احکام شرعیہ ایلہ کئدک عمل ایت، الله

هدایتکی اُرتیرسین ، بیلیمش اولکه اواحکام منیفه معلومه ، سنک مضرتکه بیوک
 جتیلر تشکیل ایده جکدر . ایسته شخص عالم ، علمیه عمل ایتک لازمه دن بولندینی
 کبی سندیمی عمل ایتدیک شیشی بشقه سنه سویلک ، کندی امثال ایتدیک
 اوامری بشقه سنه تبلیغ و تلقین ایتک ، خلاصه ، ظاهرنی باطنندن ایری واکاخالف
 بولندیرمدن یک زیاده توقی ایلمی دخی لازمه دندر یوخسه بعض یاهه کویانک
 یاپدینی کبی شاعر . : اعملی بقولی ان قصرت فی عملی ، ینفعک قولی ولا یضررک
 تقصیری . یعنی بنم سوزلرله عمل ایت ، اما عملده کندی قصورم وار یامش
 اوراسنه قارشمه . م سوزلرم سکا نافعدر . عملده کی قصورم ایسه سکا مضرت
 ویرمز شوخالده سوزمه باق ، اوزومه دکل ، یتتک مضموننی ، عملده کی تقصیراته
 وبر طاقم علم وکال ایله اصلا قابل تطبیق اوله میه جق حرکات نابجاسنه مدار
 معذرت و سپر مدافعه ایتکه چالشمه ملیدر . چونکه ایشله مدیکنی سوبله یان حیلہ باز
 امثال ایتدیک امر ایله بشقه سنه امثال تکلیف ایدن حیلہ کار ، ظاهری باطنده
 اویمان ، منافقدرکه بو اوچ خصلت رذیلہ نک بر عالمده جمع اولسنه طرفداران
 فضیلتدن هیچ بر کسه راضی اوله من سلطان انیا افدنر (المکر والحذیعه
 وصاحبهما فی النار) یعنی مکر و خدعه و بوناری ارتکاب ایدنلر جهنمده در
 بیورمشاردرکه عمل ایتدیک حالد ناسه تبلیغ احکامه القیshan و کندی عمل
 ایدیورمش کبی کرسیلرده چیرینان حیلہ کار و مکارلر حقده بیوک بر وعیددر
 علمانک ، کندیلرینک عمل ایتدیکلری برشینی جهلایه امر و تبلیغ ایتکده
 بر محذور دها وارددرکه احترازی الزمدر . مثلاً بر عالم کندی عامل اولمدینی
 و جاهل دخی بونی کوروب بیلدیک حالد عالمک امر و تکلیفی نتیجه حسنیه
 بدل ، عدم امثالده اصرار و عنادینه ، ونهی ایتدیک شیلردن وازچکمکه مقابل یکی
 باشند دوام و اعتیادینه سبب اوله جفنندن ، بو یوزدن حاصل اوله جق مضرتک
 تجاوز و تعدیمی جهتیه شناعتی درکار و بوکی احوالدن زمره علمانک اجتنابنک
 لزومی آشکاردر . حکایه اولنورکه ، علمای سلفدن (ابن ابی ذؤبیه) بر اعرابی
 کلوب طلاقه متعلق مسائلدن برشی صورار (ابن ذؤیب) شرع شریف موجیه
 قاریسنک بوش دوشدیکنی کندینه تفهیم ایدر . بونک اوزرینه اعرابی خواجه

افندی. ابو دوشنده اویله جواب ویر در. ابن ذؤب تکراراً، دوشندم. طاشندم
شرعاً قاریک بوشدر ده نیجه، اعرابی شوبیتلری اوقویهرق یقارچکیدر .

شعر

(ایت ابن ذؤب ابتعی الفقه عنده فطلق (حی) البت ، تبت انامله
(اطلق فی فتوی ابن ذؤب حلیتی وعند ابن ذؤب اهله وحلائله)

مالی

علم فقهده بهره صاحییدر دیه ، ابن ذؤبک یانسه کلدیم . در حال (حی) نام
نازینمی طلاق بائن ایله تطلیق ایتدی. یعنی اویله فتوا ویردی. کندینک قاریلری
بوشانماش اولدقلری حالدیه یانسه بولنسونده ، بن انک فتواسیله قاریمی بوشاییم
هیچ مناسبمی . امدی شو، بادیده پرورده اولمش ، فکر مدنیت اعماق درونسه
ذره قدر بیله نفوذ ایتماش براعرابی بیله جهلی سببیله ظن ایدیورکه طلاق التزام
ایتمیانک طلاق لازم اولمز. و بوکاده ابن ذؤبک قاریلرینک طالق اولمه مسنی دلیل
کتیریور ویدیورکه ابن ذؤب کندی قاریسنی تطلیق ایتمکی التزام واول صورتله
عمل ایتیمور بکا نصل تطلیق ایله امر ایدیور . مادامکه او التزام ایتیمور بنده
قاریمک طلاق التزام ایتما . بناءً علیه بوش اولمز . بر جاهل اعرابینک یالان
یا کلش ترتیبی بویله اولورسه ، امر ایله مأمورک هرایکی سنک عملده اشتراکی
واجب اولان نقطه لرده جهلا طرفندن علمانک هدف اعتراض اوله جنی قطعاً شبهه
کوتورمز . علما، او حاللرله امر ایتسه لر، سوزلری مقبول و معتبر اولورمی (اصلاً)
احمد بن یوسف

شعر

(وعامل بالفجور یا أمر بالبر رکهاد یخوض فی الظلم
(او کطیب قد شفه سقم وهویداوی من ذلك السقم
(یا واعظ الناس غیر متعظ ثوبک طهر اولاً فلا تلم)

مألی

مرتکب مناهی اولدینی حالدہ بشقه سنه عبادتله امر ایدن ، کندسی قرانلق یرد، اولدینی حالدہ بیکنه لره یول کوستره نه بکزر یاخود بر خسته لکه مبتلا ایکن، عین خسته لکه طوتولان بر مریضه ، مدائاته قالقدشان طیبیه بکزر . ای کرسی وعظده ناسه تبلیغات ایدوب کندسی عمل ایتیمان، اولا کندسی اثوابکی تطهیر ایلده بشقه لری لوم ایتمه .

شعر

عود لسانک قلة اللفظ واحفظ کلامک ایما حفظ
ایاک ان تعظ الرجال وقد اصبحت محتاجاً الى الوعظ

مأل

لسانکی از سويلکه الشدير، سوزو کوده سقطات لسانیه دن شدتله محافظه یه اعتنا ایت ، صاقین کندک وعظه محتاج ایکن بشقه لره وعظ ایتمه قالمه . اما علمی ترک ایدوب بتون عمله اوقاتی حصر ویاخود فرائضی ایفا ایله برابر کری قالان ازمانک کافه سنی تحصیل علمه قصر ایتک خصوصلرینک هانکیسی افضل اوله جنی حقنده بین العلمای خیلی قیل وقال ایدلمش ایسه ده امام زهرینک تحقیقی سائرلرک تکلفاتندن وارسته بولندیغندن بوباده کی سوزنی بالا تخاب بوجه زیر عرض ایلرم . دیورکه جهلا ایچون عبادات نافله ایله اشتغال زمانلرینی علمه صرف ایتک افضل اولدینی کبی علما ایچونده اوکی اوقاتی عمله صرف ایتک موافق حکمت و مطابق مسلك شریعتدر . چونکه هرکس احتیاجی نسبتنده حرکاتی تعقیب ایتک لازمدرکه صورتینک برنده عالمک علمدن استغناسیله عمله احتیاجی درکار، دیگرنده جاهلک علمسز عبادتک مظهر قبول اوله میه جفتدن علمه احتیاجی آشکار اولمغله امام زهرینک سوزی ، تحقیقه مقارن اولدینی تظاهر ایلر. علم ایله عبادتک علی الاطلاق هانکیسنک افضل اولدیغنی شوحدیث

شریف بك كوزل كوستير . افندمز صلى الله عليه وسلم عالم ايله عابد بعث اولندقلرنده ، عابده جنته كير خطابی، عالمه سن طورده ناسه شفاعات ایت، ندای جبر و تیسى وارد اولور مآلنده ﴿ یبعث العالم والعابد فیقال للعابد ادخل الجنة ويقال للعالم انتد حتى تشفع للناس ﴾ بیورمشلردر . علمك اشبو مزیتی واجباته خلل ، فرائضه قصور طاری اولمدینی صورتدهدر . یوخسه فرائض و واجباتدن بالتكسل ، علمه منهك اولان سفها، هیچ بروقت عابددن افضل اوله مز .

زمره علمایه ازم اولان ادا بدن بریده علمانك كسب مهارت و پیدای اختصاص ایتدكلی بر فلك تعلیم و تدریسی كندیلرندن طلب و رجا وقوعنده طلابك طریق مطالبته بيك درلو موانع دریپش اید رك علم مزبورك تعلیمنده بخل اتمامكدر ، زیراعلمده بخل . شایان ملامت وعین ظلم ، تشنكان زلال علم وعرفانی عین الحیات فضیلندن منع ایتك مستوجب اثمدر نصل روا كوریلور بخل اول نعمته كه مبدأ فیاضن فیضان ایدركن ، علما هیچ بر وجهله بخل و ممانعته تصادف ایتدیلهر وانك مقابلنده برشی بذل ایتكمیزین مظهر عنایت اولدیلهر نصل تجویز اولنور او درلو بخل و خساستكه بذل اولنه جق شیئك بذل و اسرافى نسبتنده ازدیاد و نماسی كوزوكور بالعكس امساكى نسبتنده دخی نقصانی آشكار اولور اكر بو كبی بخلاى فضیلتك یابدقلى دنائتی، اسلاف علما ، اجرايه تنزل ایتسه لردی انلك عدم ابادفایه كیتدكلی آنده علم دخی بالا نقراض بو قدر جق علم اولسون اخلافه انتقال ایده مز دیده اشبو بخلا ، جهال لثام ، اراذل خبائث اتسام قایلرردی شو حالده اخلاف ، نائل بولندقلى فضائل علمیه نك انجق اسلاف كرامك امر تعلیمده كوستردكلی سماحت سایه سنده حاصل اولدیغنی نظر انصاف ايله مطالعه ایدرك انلك اثرلرینه امتثالاً تعلیم و تدریسه اصلا بخل و امساك ، متعلمه قرشو ناز واستغنا صورتی كوسترمه ملیدرلر وجیه ذمت ادب و فضیلت بودر باخصوصكه شمده عرض اولنه جق آیات کریمه نك کی میسنده بخلك صورت قطعیده حرام ، کی میسنده دخی مستوجب غضب رب الانام اولدیغنی مصر حذر ﴿ واذ اخذ الله میثاق الذین اتوا الكتاب لینه للناس ولا تكتمنونه ﴾ اشبو ایتده ، طرف الهیدن نبی اسرائیلدن كتم علوم ایتیه جكلیرینه دائر عهد و پیمان الندیغی بیان بیوریلور ، سید الكائنات افندمزدن مروی اولان بر حدیثدهده علمی اهلندن

صافتمهيك زيرا بوحال، دينكرك فسادني وبصيرة قلوبكرك انطعما سني بادی اولور
 بيورلمشدرکه حديث مزبور، بخلاي فضيلت حقنده بيوک بر تهديدی حاویدر
 جناب نبوتپناهى بو حديثك نهايتده شو آتي تلاوت بيورمشلردر ﴿ انالذين
 يکتمون ما نزلنا من اليات والهدى من بعد ما بيناه للناس فى التاب اولئك يلغىهم الله
 ويلعنهم الله عنون ﴾ ادب آموزه دبستان لولاک افندمز ديگر بر حديثده ﴿ من
 کتم علماً يحسنه، الجمه الله يوم القيمة بلجام من نار ﴾ يعنى کوزلجه بلديکى علمى
 طالبنه تعليمدن قاجينان کسه نك اغزينه يوم قيامنده آتشدن کم اورولور بيورمشلردر
 جناب حيدر کرار افندمز بيورديلرکه جناب حق ، عالم عهد و پمانده تعليم
 علوم ايدە جکلارينه دائر عهد و ميثاق آلدينى کي علمانده بيلدکلرينى
 طالابه اوکره ته جکلارينه دائر عهد و ميثاق آلدى، بعض حکماء بيورکه ، ويردکجه
 اکسيلک احتمالنه معروض اولان مالى، محتاجينه ويرمک قواعد حکمتدن اولنجه
 ويردکجه تزايد ابدن سزمايه علومک ، محتاج علم عرفان اولان طالبيه ويرمک
 موافق عقل و حکمت و مطابق شيمه نصف اوله جنى طريق اولويتده قالير
 (بعض علما) طالب علمک درسدن استفاده دى نوافلدن معدود اولدينى
 کي معلمک تعليم وافاده سى دخى فرائض جمله سندنذر، يعنى تعليم و تدريس، معلم
 اوزرينه متحتم، فريضه درديدى خالدين صفوان، طالابه افاده علوم اثناسنده الديقم لئاذ
 روحانيه، تحصيل اثناسنده دماغه فيضان ايدن فرح و سوينجدن قات اندرقات افزوندر
 ديردى، معلم ايجون تعليمده ايکي نوع استفاده حاصلدر برى اميد ايتديکي ثواب
 الهى، پيغمبر عاليتبار افندمز ﴿ تصدقوا على اخيکم بعلم يرشده ورأى يسدده ﴾
 يعنى مؤمن قرداشکزه سمت خلافدن طريق هدايته ارشاد ايدە جک علم، مصالحنى
 دوزلته جک آراء صائبه تلقينيله صدقه ايدکيز بيورمز لردر عبدالله بن مسعودک روايت
 ايلديکي ديگر بر حديثده ﴿ تعلموا فان اجر العالم والمتعلم سواء ﴾ يعنى اوکره نيك
 اوکره نيك زيرا او قويان ايله او قوته نك اجرى يکساندر بيورديلر بونک اوزرينه
 يارسولاه ، بونلرک اجرى نذر ديدکلرنده ، يوز مغفرة ايله جنتده يوز درجه
 اجر و مژوباندر بيورديلر ديکرى زياده علم و تحکيم حفظ منفعتيدر آنکچون خليل
 بن احمد، تعليم علومى بهاي علمکه آلت، متعلم ايله هنکام تدريسده بحث و مناظره ي
 هنوز واقف ارله مديغک حقائقک ظهورينه وسيله اخذ ايت ديمشدر .

(منثور حکمه) آتشدن کوز ألق سونمه سنه بادی اولمز، أنى سوندورن انجق اودونك بولنماسيدر ، علم دخى بويله دركه مذا كره و تدريس، نقصانسه باعث اولدينى كې بالعكس تزايدى مقتضيدر انجق اهل و اربابنك فقداى أنك محوى اسبابى جمله سندن در، دیندى (بعض علما) علمكى بشقه لره اوكرت بشقه سنكه علمنى اوكرنمكه چالش، بويله حركت ايدرسهك بيلمديكى بيلير بيلدكارىكى حافظه كده نقش ايدرسك ديدى . اشته سرد اولزان آيات واحاديث اشعار ادبا، جل حكيمه يك آواز اوله رق اشعار ايدبيورلر كه تعليم و تدريس قرين عقل و حكمت اولدينى كې مستوجب رضای ربانى اولديغندن زمره علما ايچون علمنده بخل و امساك ايتمك قطعاً جائز دكلدر معلوم اوله كه متعلمين ايكي قسمه ايريلير قسم اولينه (مستدى) قسم ثانيه (طالب) نامى و يريلير (مستدى) جودت ذكا، حدت ذهن و دهاسيله، اسنادك نظر تحسين و تقديرى جلب، و كل سنى اوقودهيم زيرا سنده نماى فضيلته بيوك استعداد كورييورم دهرهك اوقومتغه دعوت ايتديكى شا كرددر كه بو حال شا كردك اشتها سنده قرين اولدقده، نجيانك نائل بولندينى موهبه ادراكه سعدانك ظفرياب اولدينى منصب فضيلته نائل و مظهر اولديغنده شبهه ايدلمز چونكه برطرفدن معلم، كندى دعوت ايتديكندن اصول تعليم و تدريسنى اصلاح و تنظيمده و شا كردك مفكره سنى افكار علميه ايله تنويرده، صوك درجه يه وارده جنى طبيعى، شا كردك ايسه ذكاى خارق العاده سنه قرين اولان اشتها سنىك تكثير نفائس فضيلته بك بيوك يارديمى بولنه جنى بديهى در بوسايله ده معلمك ائنه قلبنده كى منقوش اولان حقائق، عينيله متعلمك صاف وياك وقوى الادراك بولنان قلبنه انطباق ايدر كه تعليم و تعلمدن بكالنيان اميدلر هر درلو معناسيله عرض چهره وجود ايلر، تحسين، اوبخت و طالع، شاباش اوتوفيقه، ايكنجى قسمدن عبارت بولنان طالب متعلمه كلنجه، بونك حقه ده براز تفصيله احتياج كورينور . شويله كه او طالبك تعلمنى داعى اولان حال، دين . شريعته متعلق ارزوى مقدسدن منبعث و كنديسى دخى فطرة فطين يارادلمش ايسه معلمك اوشا كرده ميل و اقبالى و امر تعليميله اشتغالى و خزائن علميه دن ملاك اوله بيلديكى نفائس دن مستور برشى براقايه رق هپسنى ابدال ايتمه سى معلم اوزرينه واجب اولور .

یوق، اکر شا کرد ، محروم فطانت ، مبتلای مرض بلادت ایسه معلم آنک حماقتی وسیله حرمان اتخاذ ایدوب نعمت تعلیم و مزیت علمدن محروم ایتمک لازمدر، هیچ اولمزسه باری ذهنک کوتوره بیله جکی ، حوصله ادراکنک آله بیله بیک قدر معالی تعلیمندن دریغ عنایت ایتمه مکه برابر تحملنک فوقندهده خفائق علمیه ودقائق فنیه تحمیل ایدهرک مرحمت مقابلنده بالعکس ظلم ایتمش اولمالیدر حاصلی متعلمک : قبا ، صبا سویه عرفاتی پیش نظر اعتباره آلوب تحمیل نسبتنده تعلیم علوم ایتمک موافق شیمه مروندر یوخسه ، نه لازم ، بوبله احق حرفلرله اوغراشمغه وقتم مساعد دکدر دیوب زواللی یی اوقدر سعی وجدیله برابر ، اضطراری مبتلاسی بولندی بی حماقته قربان ایتمک روا دکدر. مادامکه کندنده تحصیل علمه شوق وغرام ایله برده اویولده کی مشاقه صبر وماتاقی واردر ، انی معالی معشوقه سندن محروم ایتمک هر درلو معناسیله ظلمدر آنک ایچون چراغ کاشانه عدل وحقانیت نبی صاحب شفاعت افدمن زمره متعلمینه خطاباً ﴿ لَا تَعْمُوا الْعَالِمَ أَهْلَهُ فَتُظْلَمُوا وَلَا تَضَعُوهُ فِي غَيْرِ أَهْلِهِ فَتَأْتُمُوا ﴾ یعنی علمی اهلندن منع ایتمه ییکز که ظالم اولیه سکز نااهلنه بذل واسراف ایتمه سکز که کناهاکار اولیه سکز بیورمشلردر اکر که متعلمی طریق علمه انسلاکه سوق ایدن داعی ، شرافت وریاسته سوداسی کبی طبایع بشرده عمومی اولان برامر مباح ایسه اشبوفکرک بدایه دینوی اولمه سنه باقوب بالآخره مقصد اخروی به تبدیل و تحویلی حیز اعتباردن اسقاط ایله اکا تعلیمدن استنکاف ایتمک ، موافق شیمه مرحمت دکدر بلکه معلم آنک قابلیت وعلو همتی تقدیر ایله تعلیمه مبادرت ایتمک لازمدر (سفیان ثوری) دیبور که بز علمی دنیا ایچون اوقودق او بزی ترك دیایه سوق ابتدی .

سفیانک بوسوزی شا کردک بدایت احوالی تقلید اوزربنه مؤسس اولسه بیله نهایتک تحقیقه مقارن اوله جفته بیوک بر وثیقه تشکیل ایدر بناء علیه بونلر دنیا ایچون اوقیورلر دیهرک تدریسلرندن چکنمک روا دکدر . یوق شا کردک فکری عرض اولان مقاصد مشروعه دن برینه تماس ایتیوب مجرد فکری اهل سلامتک قولایجه تحمیل کر بان ایدهمیه جکی برطاقم شبهات دینیه وحیل فقهیه تحصیلیله دینده شر اریاندرمق وبرطاقم ساده دلانی طریق ضلاله سوقه قاندرمق

ایسه معلمك اوکبی دجاجله بی مطالب شریه و مأمولات فکریه سندن محروم ایتک و بوسایه ده دین میینه نصرت و معاونتده بولنق نیت خالصه سنیله تعلیم و تدریسدن امتناع ایتمه سی واجبه دندر .

اوت ، بعضیسنك علمی شره آلت اولور انك ایچون ، امتی ابکی کشی افساد ایدر بریسی عالم فاجر ، دیکری صوفی جاهل مألنده کی ، اهلک امتی رجلان ، عالم فاجر و جاهل متعبد ، حدیث شریفیله ، ناسك شریسی کیمدر سؤالنه ، میال فساد اولان علمدر . جواب پیغمبرسی بوحقیقتك برهان جلیسیدر . ایشته بوکیلره تعلیم علوم ، لعنته سپر اولمق جایندن بشقه برشی دکلدن بوکیلره تعلیمك موافق حکمت اولمدیغنی ، انس بن مالکدن مروی اولان شو حدیث اثبات ایچون کافیدر . حدیث مزبور ﴿ واضع العلم فی غیر اهل کقلد الخنازیر الالوئ و الجواهر والذهب ﴾ دن عبارتدرکه نااهله تعلیم علوم ایدن عالم ، خنزیرک بویینه انجو و جوهر التون و کوش تعلیق ایدن کسه کییدر مألنده بولنمشدر علم ، لؤلؤدن افضل اولدینی جهته ، آنی برطاقم نااهلانه تعلیم ایتک ، خنزیر بویینه انجو تعلیقندن بدتر اولدینی کبی ، مزبور نااهلان دخی خنزیردن اشاغی بر مخلوق اوله جنی حدیث شریفدن استفاده اولنور حکایه اولنورکه بر شا کرد برعالمه بر مسئله صوروب عالم ، افاده جوابدن امتناع ایدنجه تلیمذ سبب امتناعی صورمش ، اوده آئی اوغل هر طبراغك بر نرسی ، هر بئانك براسی واردر یعنی هر طبراغه اغاج دیکلمز هریره تم ائلمز بونلر هب استعداد و وابسته در سنك بو جوابلره استعدادك اولمدیغندن جواب ویرمکده معذورم دیدی (بعض ادبا) ایچروسنه خنزیر کیرن بغچه ایله مفسد اشخاصك قراندقلری علومه اغلامق لایق قدر دیدی . اوت خنزیر ، کیردیکی بغچه نك میوه و اغاجلرینی محو ایدر سده ، مضرتی اورایه منحصر قالیر . عالم مفسدایسه بویله دکلدن . فساد اخلاق ، شقاق و نفاق یله عالم مدنیتی هرچ و مرج ایدمك بر حال ایقاعی کندیمی ایچون کوچ برشی دکلدن چونکه مدنیت : دین ایله قائمدر اوده فساد اخلاق و باطل اعتقاد ایله محو اولورسه باشند باشه عالم انسانیتیه اغلامق روادر .

معلم ، مواهب سبحانیه دن بر فراسته نائل و بر مرتبه درایته واصل اولمیدرکه اوسایه ده لحظه بلحظه متعلمك درجه لیاقت و مرتبه افتدارینی ، و افاضه ایدمکی

فیوضات علمیه به استعدادی سنجیده میزان تقدیر ایدوب ، ذکی ایسه ذکاوتی نسبتنده ، بلید ایسه بلادتی مقدارنده ، تحمل انتقال فیهده بولنهلیدرکه کندی ایچون جالب راحت ، شا کرد ایچون موجب سعادت اولان مسلك اعتدالی تأمین ایتیش اولسون ، جمعیت بشریه ایچنده ، بویله یکنظرده مخاطبتك احوال روحیه سنی و محصولات فکریه سنی کشف و تخمین ایدمك ذواتك وجودی استبعاد ایدیلهمز ثابت انس بن مالکدن آنکده رسول اللهدن روایت ایلدیکی اشبو حدیث شریف او کبی ارباب قراستك بو امتده وجودنی صریح بر صورتده کوستیرر بیوریورلرکه (ان الله عباداً یعرفون الناس بالتوسم) یعنی جناب حقك او یله قوللاریده واردرکه فرشلورلنده کی انسانی بالتدقیق ظاهر و باطننه کسب اطلاع ایدرلر . عمر بن خطاب دیدیکه کورمدیکمی فراستم یاردیم یله بیله مزسم ، کورنجه بیلمك ، نظرمدده هیچ مثابه سنده در . عبدالله بن زبیر ، کوزی ایلله کورمدیکنی رأی و فراست یله میان ، خیر ایلله یاشایهمز دیمشدر ایشته حدیث شریف و عمر وزیرك سوزلری ، فراستك وجودنی اثبات ایتدیکی کبی ابن الرومینك شو بیتلریده کوستیریور .

شعر

المی یری باول رأی آخرالامن وراء المغیب لوذعی له فؤاد ذکی
ماله فی ذکانه من ضریب لایروی ولا یقلب طرفاً وأکف الرجال فی قلب

مالی

مدوحم ، او یله بر فراسته مالکدرکه و رای پرده استتارده کی مستور اولان انجام اموری برکورو شده اکلار . او برأتشین ذکایه مالکدرکه فطانتده نظیری یوقدر . نیجه رجاك ، حیرتدن اووجنی اوغوشدردینی شیلرده دوشمنه دن یاخود کوزنی چویروب باقمه دن کشف ایتك ایچون اصلاً کوجلك چکمز .
ایشته ، معلم ، تعریف ایتدی کمزوجهله فراسته مالک و متعلمك احوالنه خیر ازلورسه نه کندیمی امر تعلیمده دوجار مشقت ، نه ده متعلم ، فتاده کر بو خیت

اولور. بالعکس معلم، فراست معروضه دن مظهر حرمان و متعلمینک رتبه استعدادی نظر نده پنهان اولورسه هم کندیسیم امر تعلیمده دوچار مشکلات، همده معلم یوق یره افاته وقت ایتش اولور. متعلمین ایچنده زیاده علومه محتاج و تشنه فیوضات، مرد فطانت مزاج بولدینی کی، خدمعروفتدن زیاده به تحمل ایده میوب آزه قناعت ایده چک ارباب بلادته بولنسی طبعیدر شو حالده انلرک احوال خصوصیه سندن غافل، و درجه مخاطبی فهم و فراستدن عاقل اولان معلمک، ذکیه قلیل، بلیده کثیر تحمیلله اولکنی اوصاندر یوب ایکنجی بی عجز ایله ضجرت میاننده دوچار تلاش اید جکندن هم نافر هم منفور اوله جنی بدیداردرد.

سفیان بن عبدالمک دیدیکه مجمع البحرینده کشت و کذار ایتدکاری ائنده خضر، موسی علیه السلامه دیدیکه یاموسی دکله یین، دائماً سویلیندن زیاده مالله معروضدر. قونوشدیغکده، مخاطبکه مالل و یرد چک قدر کلامی اوزاته، هم شوراسنیده ایوجه بیلکه، قلبک برقاب کیدر اُنک ایچنه قویه چنک شیلری دوشونده قوی (بعض حکما) علمانک خیرلیسی آز سویله یوب مقصدینی کیزلهمین، چوقده سویله یوب مخاطبنی ارضاندر میاندردیدی (بعض علما) هر علمکه، مستمعه چوق کلوب حوصله فهمی قبول ایتیه، قلبک علمانی اُرتیرر قولقلارک ایشتمه سی منفعت و یرر اما، قلوبک اکلایشی قوتلی اولورسه دیدی. بعض سلاطین، فضیلت نفس، عاوجناب، کرم طبی ملاسه سیله علمه رغبتله، تحصیلی ارزو ایدر اوکی سلاطین حصافتقرینه معلم اولان ذات، اشبو منصبی، شوق شطارت، ناز و استغنایه وسیله طوته رق حرمت ملوکانه. قصور ایتک روا دکلدرد. بلکه اوپادشاهک قوه قاهره وسطوت باهره سیله مستحق اولدینی تعظیم واجالاده بر وجهله تکاسل و تسامح کوستره مک ایجاب ایدر چونکه علمانک کندیلرینی حسن قبول و اکرام، حققری اولدینی کی پادشاهلرکده طاعه و اعظام کندیلرینه بخش اولنمش اُیروجه حققریدر نصلکه برعالمک حسن قبول و اکرامنده لاقیدانه طاورانقی فضیلت علمیه یی تحقیر حیقه جفندن کستاخلق ایه، پادشاهلرکده حق ابحال و تعظیمنده تکاسل ایتک اویله حدناسه سلقدر تحصیل علمه رغبت کوسترن پادشاهک کندیسیم طرفندن ارزو اولنمده دن درسه باشا ایتق و زمان تدریسی اوزاتمق و حد کفایه یی اشیرمق، خوش نتیجه لر اتناج ایتیه جکندن

امین اولمق لازمدر (مع هذا) بعض ناخفته معلملر واردركه فضلنى اظهار قصديله درسى چوغالتير. زمان تقررى ارزا تيرده، عاقبت. پادشاهك اوصافه سنه، كيت كیده كندينكده دركاه سلطانیمن تبعیدینه سبب اولور چونكه انلك افكارى امور مختلفه ایچون بارچه لشمس، زمانلرینی تدبیر ملك و تسخیر بلاد قابلامش اولمغله كندیلرنده، عمرینی تحصیله حصرایدن كسهك فراغی وصبری بولنمهیه جفی ضروریدر اصمعی حكایه ایلدیكه هارون رشیده معلملكم ائشاده بكاشوبله وصایاده بولنوردی خواجه افندی : سنك علمك بزدن زیاده ایسه ده كثره استعمال و اشتغال مز سایه سنده عقلمز سندن فضله در. خلق ایچند تعلیمه قالدشمه، تنها قالدیغمزده وعظوت ذكیره قوش، كندی حالمزه براقده صورارسهق جواب ویر، اما مقدار كفایه یی اشمه سندن، زیاده ایسته نرسه، ضررى بوق تفصیل ایت، تأدیب و تعلیمكده انصافی التزام والفاظ مختصره استعمالیله انسجامه دقت ایله، معلم سلاطین اولان ذاك، تعلیم و تدریسی مذاكره و قونوشمق شكندده جریان ایتمه سی، مقتضای شیوه نزاكتدر یوقسه تعلیم وافاده لك صور سائر مه سنده كورلیدیكى كبی صفت تعلمك مقتضاسی بولان، متعلمك تأخر و خجالتی، جلالت سلطنته مغایر دوشه چكندن افاده واستفاده لك صورت مطلوبه دوامی متصور دكلدر. برده معلم، پادشاه متعلمدن قولاً یا خود فعلاً صادر اولان خطا وزله یی اچیقندن اچینه رد وانكار ایله قرشوله میوب خطاسنی اصلاح، زله سنی مهمامكن تعمیر طریقیه تمریض ایدرك خطاسنی كندینه اكلامغه چالشمه لیدر ایشه شو حكایه بو بایده بیوك بردستور اوله بیلیر ظننده یز. امویه دن عبدالملك، معلمی بولان شعبی به بركون عطانك نصیه كم عطانك دندكده شعبی نصیه، الزین جوانی ویرمش عبدالملك، مرفوع مقامنده منصرف انیان ایتدككدن طبلولانی كلامك لحن، و قراءده مخالفدر دیش بونك اوزرینه (شعبی) كلامی قانون اعرا به توفیقاً اتیان ایله پادشاهمه مخالفت ایتك ایسته مدیكدن لحنه مجبور اولدم دیرك اظهار نزاكت ایلشدر بویله دیویوده پادشاهم، كلامكزده لحن و غلطی سز استعمال ایتدیكز زیرا عطانك مرفوع اوله جق كن منصوب او قودیکز بوجهتله غلط، خطا سزده در. بنده دكل، دیسه ایدی نقدربارد دوشه جکی مستغنی عن البیاندر لکن دین مینه مغایر، حق و صوابه منافر مواد مهمه ده طالقانونلق داعیه سیله پادشاهك رایته موافقت، هوا سنه

متابعیدن صاقنمق هر حالده لازمدر چونکه چشمان تأسف ، کوش تلهفله کوروب
ایشیتدککه مجرد حطام دنیوییه رغبت و غضبندن خوف و خشیت سوقیه شرع
شریفه مغایر خصوصاتده اغراض پادشاهییه موافقت و ترویججه مسارعت ایدن
نیجه جاپکسواران میدان عرفان و علمای ذوی الایقان ، هم ضال هم مضل اولدیلر
یازق که حسیفه فضیلتلرینه یوک لکه سور، رک افتاده حفره خذلان اولدیلر
(نعوذ بالله من شرورافسنا) حسن بصریدن روایت اولنان اشبو حدیث شریف
او کی مداهن علمانک ، زهاد پریانک بو امتدن کله جکئی بطریق المعجزه بیان
ایدیور. رسالتپناه افندمز ، لاتزال هذه الامة تحت يدالله وفي كنفه مالم يراء قرائها
امرائها ولم يترك صلحائها فجارها ولم يمار اخيارها اشرارها فاذا فعلو ذلك رفع عنهم
يده ثم سلب عليهم جبارته فساموهم سوء العذاب وضربهم بالفقر والفاقة وملاء
قلوبهم رعباً بيور مشلر .

وشوامة نجيبة اسلاميه نك علماسي امراسيله اختلاط ، صلحاسي فاسقلريني
تزكيه ، کوتولري اولرينه مجادله ايتدكجه جناب حقك سايه حفظ و اماننده بولنورلر
(يوق) اكر بوايشلري ييارلر ايسه صيانت سبحانيه دن محروم اوله رق بر طاقم
جبارلر انلر اوزرينه مسلط اولنورده فنا اشكنجه لر اجراسيله تعذيب ايدلرلر
ودائماً تازيانه فقر و ضرورت باشلارندن اكسك اولمز . قلبلرنده خوف و تلاش
چالقانير مألنده بولمشدر . علمايه لازم اولان ادا بدن بريده شبه لي قزانجلردن
پرهيز و مجانب و كمسه دن برشي ايسته مكه تنزل ايتيويوب ازه قساعت ايتمكدر .
چونكه شبه لي قزانج ، موجب وبال ، ايسته مكده بشقه جه ذل و حقارت اولديغندن
عالم بولنان ذانك ثوابي كناهه ، عز و شرفي مذلته ترجيح اتمه سي صفت علميه سي
اقتضاسندندر . بعض اهل ادب ، علي بن عبدالعزيز قاضيدك شوييتلريني بكا او قودى .

شعر

يقولون لى فيك انقباض وانما	رأورجلاً عن موقف الذل احجما
ارى الناس من دانا هم هان عندهم	ومن اكر مته عزت النفس اكرما
ولم اقص حق العلم ان كان كفا	بدا طمع صيرته لى سلما
وما كل برق لاح لى يستفزنى	ولا كل من لا قيت ارضاه منعما

اذا قيل هذا منهل قلت قداری ولكن نفس الحر تحتمل الظما
 انهنها عن بعض مالا يشينها مخافة اقوال العدا فیم اولما
 ولم ابتذل فی خدمت العلم مه حتی لاخدم من لا قیت لكن لاخدما
 الشقی به غرساً واجنيه ذلة اذا فاتباع الجهل قدكان احزما
 ولو ان اهل العلم صانوه صانهم ولو عظموه فی النفوس لعظما
 ولكن اهانوه فهان ودنسوا بحیاه بالا طماع حتی تبهما

ترجمه

ناس ، بنم کی ذل و مسکنتدن یوز چورن آدمی کوریورلرده ، سنده
 طوتوقلق ، طورغونلق وار دیورلر . بن ایسه ناسی کوریورمکه کندیلرینه
 یاقلاشانی حقیر ، مستغینانه بولنانلری مکرم طانیورلر . حرص وطمعه قابیلوبده
 علمی معیشته نردبان اتخاذا یدرسهم ، علمک حقنه رعایتده قصور ایتمش اولورم .
 بن هر وعدیه الدانام ، هر قاوشدیغم کسه سیده منع طانیغه کوکلم راضی اوله مز .
 بکا ، کریم اولان ذاتی کوستروبایشته حیوات صوابچ دیسه لر ، بن دیرمکه اوت
 کوریورم اما ، نفسم صوسزلغه طیانیر . عرض احتیاجه تنزل ایتهم . نفسمی مورث
 عیب اولمیان شیلردن بیله منع ایتمکه چالشیرم که تا دشمنلریمک چون وچراسنه
 میدان قلمه سون . بوآنه قدر قلبی تحمسیل علم کافتلرنده هر کوردیکمه خادم
 اولمق ایچون انجتمه دم ، بلکه مخدوم و مرغوب اوله یم فیکریله اوز حمتلر دقاتلاندیم
 شجره علمی باغ قلبمه دیکمک ایچون بو قدر اضطراب چکیمده ، میوه یرنده
 ذلتی اقتطاف ایدیم ، روامیدر . او یله اوله جقسه ، جاهل قالوب زحمت چکمه مک
 دها زیاده موافق احتیاط ایدی . اهل علم ، علمنی محافظه ایدوب مذلت یولنده
 اسراف ایتیمه ایدی علملریده آنلری محافظه ایدردی . عظمت علم قبلرلرنده
 جایکیر اولسه ایدی . بالا نشین عزوتوقیر اولورلردی . لکن نه چاره ، انلر علمی
 ذلته آلت ایتدیلرده اوده آنلری پریشان ایتدی . علمک چه ردسنی غبار طمعاه
 کیرلندیلر . اوده یوزینی اکشیتدی .

علم هر لذتدن عوض ، هر شهوتدن مغنی اولدیغندن ، نیات صادق اربابی ممکن
 درجه اندن بشقه سنه رغبت ایتزلر . آنکی چون (بعض بلغا) (عالم) خلوتسند

وحشت کورمز ، علمی کندیبه انیس اولور ، کتابلری مدار تسلی اتخاذا ایدن هیچ محزون قالمز. قرائت قرآنه الیشان، فرقت احباندن صیقلمز، علم کبی صدیق سرداش، حلم کبی معین یولدائش یوقدر دیدی. علمای کرامک ادا بندن بریسیده تعلیم وارشد مقابلنده خزینه الهییدن اله جقلری اجر و مشواتدن بشقه طلب عوض واعراض ، و التماس اغراض ایتمه ملری خصوصیدر که اشبو ادب، آداب علمانک باشلیجه سی دینسه روادر .

قال الله تعالى ﴿ ولا تستثروا بأیاتی تمنا قلیلاً ﴾ ابو العالیه مرحوم، بو آیت جلیله نک تفسیرنده ﴿ لاتأخذوا علیه اجرأ ﴾ قولیه خامه ران تحقیق اولور . اخذ اجر نک عدم جوازی حقنده تور اتده شویله بیورمشدر . ای آدم اوغلی سکا مجانا تعلیم اولندی کی سنده مجانا تعلیم ایت ، روایت اولندی که سید الکائنات افندمز ﴿ اجر المعلم کاجر الصائم القائم ﴾ بیورمشدر. ومأل شریفی، معلمک اجر و ثوابی کیجه عبادتله قائم ، کوندوز صائمک ثوابیدر دیمک اولمشدر . بیشکاه تدریسنه قبول ایستدگری شا کرده خیر خواد ازلق رفق وملائمتله معامله ، تسهیل مسائلک تحذیر مه مالک خصوصنده وسع مملوکلرینی صرف ایتک ، ایجابنده معاونت ومجامله ده بولنقمده آداب علمانددر. بویله یارلرسه اجر لر بیک کثرتی، ذکر لر بیک دوام وثباتی، علم لر بیک انتشاری، معلومات لر بیک رسوخنی تأمین ایتمش اولور لر. روایت اولندی که رسول اکرم افندمز. شاه نجفه خطاباً، یاعلی مع القسم سویلر مکه جناب حقت سنک واسطه کله برکیمسنه نی کر بو ضالالدن شهراء هدایت چکمه سی دنیا ومافهادن خیر لیدر بیورمشدر. متعلمینه عطف الیه معامله ، کوچکلرینی تحقیر مبتدیلرینی تهوین وتضعیف ایتما مک ده آداب مهمه علما جمله سندندر بو کبی احوال، انلری سفره فضیله دعوت و کثره رغبت خصوصنده مدار کلیدر. آنکچون فخر عالم افندمز ، تعلیم ایدک اما اکشی صورت کوسترمه یک معلم اولان ذاتک قیمتی اکشی یوز لیلردن بالادر مائلنده ﴿ علموا ولا تعنفوا فان المعلم خیر من المعنف ﴾ بیورمشدر . ودیکر رحیدینده ، اوستادیکزه ، تلمیذ کزه توقیر ایدیکنز بیورمشدر . علمانک آداب مهمه سندن بریده علم خصوصنده ایستدکلرندن طلابی منع وما یوس ایتما کدر چونکه انلرک مطالبنک، استاد جانندن ردی، شوق وغیر تاریخی کسرایدر. بوده ، اهل علمک انقراضیه علمکده انقراضنک مقدماتدن

برمقدمه در . روایت اولندیکه هادی ام صلی الله علیه وسلم افندمن اصحابنه ، سزه فقیه کاملدن خبر و برهیمی بیوردقلرنده ، اصحاب ، اوت یارسلو الله ده نیجه (فقیهه) ناسک رحمة سبحانیه . مغفرة صمدانیه دن امیدنی کسدر میان و ماسوایه میل ایله قرأنی ترك ایتماندر آگاه اولوک ، تفقه اولمیان عبادت ، تفهم و لثمیان علمده ، تدبر سز قرائتده خیر ازلز مألنده ﴿ الا ایتکم بالحقیه کل الفقیه قالوا بلی یارسول الله قال من لم یقظ الناس من رحمة الله ولا یؤیسهم من روح الله ولا یدع القرآن رغبة الی ماسواه الا ، لآخر فی عبادة لیس فیها تفقه ولا علم لیس فیها تفهم ، ولا قرائة لیس فیها تدبر ﴾ آداب علم حقتد . بوقدر جق سوز کافیدر موفقیت ، ولی التوفیق اولان واجب الوجود دندر .

شعر

ذکر ایتدیکم آداب ایاطاب تحقیق بسدر سکا ، والله ولی التوفیق
جودت

(باب ادب الدین)

ای طالب آداب شریعت ، و ، ای راغب حقیقت ، معلومک اولسونکه جناب حق ، مخلوقات مکلفینه تعبدات دینه و مفترضات شرعیته ک ایفاسیله تکلیف و الزام ، و برطاقم پیغمبران عظام کوندره رک ، انلرک واسطه سیله تبیین قوانین و احکام ایلهمشدر عیما ، غنی مطلق اولان جناب حقک اشبو تکلیفات ، براروج عاجز قوللرینک عبادانه وقوع و لولان احتیاجی مجبوریتیه می حاصل اولدی (حاشا) بلکه تکالیف مزبوره ، نعم صمدانیه و بخشایش سبحانیه سنی هممان ابدال بیوردرق ، عبادینی مستغرق من و مسار بیوران (حکیم ذوالجلالک) عبادت یوزندنده قوللربی الطاف الهیه سنه مظهر بیورمق مقصد رحمانه سنه معطوفدر ده دور اندیشانه دوشونهرک امعان نظر ایدرک اولورسرق ، عبادات طاعات یوزندن تجلی ایدن نعم سبحانیه نک نعم سائرده دن زیاده شعشعه لی بر صورتده متجلیه اولدینی پیشگاه تأمله چیقار . چونکه عبادانک غیر یسنده جلوه کرشهود

اولان نعمك نفی ، انحق دنیای سریع الزواله منحصر اولدینی حالدہ عبادات ایچنده کال شعضه اقبال ایلہ پارلایان منافع مادیہ و معنویہ ، دنیا و آخرت سعادتلرینی جامعدر . شو ایکی منفعت ، یکدیگریلہ مقایہ . ایدیلیرسه ایکنجیسنک عظمتنده تردد ایدہ جک هیج برعقل تصور اولنه مز . واجب الوجود حضرتلری ، مأمور اولدیغمز تعبدات دینیہ نك مأخذ و منبعی ، عقل متبوع ، شرع مسموع کی ایکی منبع لطیف لاهوتی قلمشدرکه (عقل) انحق شرعك منع ایلدیکی ماده لرده مظهر اتباع ، شرعده ، عقلك دنع ایتمدیکی قضایا : شایان سول و استماع اوله بیلیر شریعت ، عقله ضد اولان شیلرله وارد اولمدینی کی ، عقلا . شرعك منع ایتمدیکی قبائح ابله اصلا تکلیف ایتمز . ایتمه بیله تبعیتدن درحال محروم قالیر آنکچوندرکه تکلیف ، دائما کامل العقل اولانلره توجه ایدہ کلمشدر وقتاکه واجب تعالی حضرتلری ، دین واجب التلقینک ادیان سائرده اوزرینه ترجیح و اعلاسنی اراد ، بیوردی . هدایت و دین حقہ مقرر اولان رسول معظمی بمثل وارسال بیوروب اوده تبلیغ رسالت ، الزام حجت ، بیان شریعت ، حلال ، حرام ، مباح ، و محظور مستحب و مکروه مأمور و منهی اولان شیلرک کیفیاتی علی ملائ الناس شرح و ایضاح ، و بوبابده شرفنازل اولان آیاتی بی پروا تلاوت و افصاح ایلہ وظیفه رسالتی ایفایه ازجان ودل مسارعت بیوردی .

تبلیغ بیوردقلری احکام جلیله ایچنده ، جناب حقہ اطاعت ایدنلرک مظهر ثواب ، عصیان ایدنلرکده دوچار شدیده قباب اوله جنی خصوصی دخی بولنیوردیکه بونلرک برنجیسنه وعد ، ایکنجیسنه وعیدنامی ویریلهرک ، وعد ، قلوب عباد اوزرنده عباداته میل و ترغیب ، وعید ، عذاب جهنمدن تخویف و ترهیب تأثیرینی ایفا ایدردی . ایشته بوتأثیرک مراد الهی و مقصود سبحانی اولدیغندندرکه قرآن کریمده تکالیف الهیه ، صورت دائمه ده ترغیب و ترهیبی ناطق اولان آیات جلیله یکدیگرینه مقارن اوله رق شرفنزول ایدردی . بوندن بشقه آره صره انبیای عظامک سیر جمیلہ والالری اخبار ، و طغیانلری سبیلہ سلہ تأدیب استیصاله چارپیلوبده احوال شناعت اشتغاللری السنه اخلاfade داستان قالمش امتلرکده ماجرالری یاد و تذکار بیوریلورکه برنجیسی ، طریق عبادتده اخلافک افعال انبیاه تقلید و اقتدالری سبیلہ ازدیاد هدایتلرینی ، ایکنجیسیده مستعد طغیان

اولانلرك ام سالفه دن عبرت درسى آلهرق عذاب منتقم جباردن خوف و خشيتلرينك اشتدادىنى و بو سايله انلرك دوشدكلرى حفره هلاك ابدیدن وارسته بولملرىنى تأمین ایلدیكى جهته ، اخبار و تذکیر مزبور. ايريجه بر نعمت عظمای منم لايزالى اولدیغنده عقل سليم تردد ایتمز (فالحمد لله الذى نعمه لا تحصى و شكره لا یؤدى) علم اصول فقهده نكاشته قلم تحریر و تقریر اولدیغی وجهله قرآن کریمده بر طاقم محملات واردركه بیان، و برطاقم مشکلاتده واردركه تفسیر و ایضاحه ، و بر طاقده محتملات واردركه احتمالاتنى تحقیق و تعیننه احتیاجی درکاردر. واجب الوجود حضر تلى، رسول مكرم و محترمی تاج رسالتیه ترین بیوردیغی کبی عهده رسالته برده محملات فرقانیه نك بیانی ، مشکلات قرانیه نك تفسیر و تبیانى ، محتملاتنك دخى تحقیق و تعیننى کبی وظائفیده ضم و علاوه بیورمشلردر (قال الله تعالى) ﴿ وَاِزْلَانَا إِلَيْكَ الذِّكْرَ لِتُبَيِّنَ لِلنَّاسِ مَا نُزِّلَ إِلَيْهِمْ وَلَعَلَّهُمْ يَتَفَكَّرُونَ ﴾ بوندنصكره بر طاقم معانی خفیه و اشارات دقیقه دها واردركه انلرك بالاجتهاد استنباطی علمای دین حضراتنك عهده درایتلرینه حواله اولنهرق ، آنلرده ، وسع مملوكلرىنى بحر زخار معانی قرآنیه ده شناورلكه حصر ایله التقاط ایده بیلدكلرى درر حقائق و غرر دقائقك بخش ایتدیكى امتیاز ایله مقلدك نقیصه سندن قورتلش و مجتهد نامی ايله بین الانام مظهر تجیل اولمشلردر قال الله تعالى ﴿ يَرْفَعُ اللَّهُ الَّذِينَ آمَنُوا مِنْكُمْ وَالَّذِينَ أُوتُوا الْعِلْمَ دَرَجَاتٍ ﴾ و قال انه تعالى ﴿ و ما یعلم تاویلہ الا الله و الراسخون فی العلم .

دیئك اولیوركه، كتاب کریم، هر حکمك اصل و مرجعی ، سنت سنیه محمدیه و احادیث شریفه احمدیه ده، انك فرعی، استنباط علما هر ایکسنك کشف و اباحتی مرتبه سنده در نیتكم سید الکائنات افندمز، قرآن اسلدر، علم شریعت انك دلیلدر حکمت دخی رسولنك بیاناتیدر. بیلرنده اجماع تحقیق ایدن امت، اواجاعدن خارج قالان مخالفین اوزربنه حجة غالبه در مآئنده ﴿ القرآن اصل، علم الشریعة نصه و دلیله و الحکمة بیان رسوله علیه السلام و الامة المجتمعة حجة علی من شد عنها ﴾ بیورمشلردر کائناتك هر نقطه سنده بارلاق صورتده تجلی ایدن رحمة و رأفة الهیه نك بریده عبادینه امر ایتدیكى طاعانك اجراسنه شتاب ، نهی ایتدیكى معاصیدن اجتناب خصوصنه مدار اولق ایچون اعضا و جوار حارینه قوای ظاهره و باطنیه لرینه

مقاومت تکالیفدن عاجز قالمیه جق قدر قدرت اعطاسیله اوزرلرندن حرج و مشق قالدیرمسیدر . تکالیفات الهیه ک قرآن کریمده کوریلان اقسامی اوچدر (قسم اول) اعتقادی لازم اولان شیر (قسم ثانی) ایشلمه سیله امر اولان (قسم ثالث) مجانب و احترازی لازم اولان شیردرکه جهات تکلیفک شو یولده کی اختلافی ، مکلفینک قبول و امتثالنه باعث و معین اوله جنی جهته عین حکمت و مطابق قانون لطف و مرحمت اولدیغنده شبهه یوقدر . اعتقادیله امر اولان شیر ، نفیاً و اثباتاً ایکیه ایریلیر . اثبات دیمک ، ذات بارینک توحیدی ، صفات الهی ی انبیای عظام باخصوص محمد مصطفی نک بعثت و رسالتک و کتیردکلری احکامک حقیقتنی تصدیق و اثباتدن عبارتدر (نفی) دیمک ذات الهی سندن مرأة و ولد و شائبه احتیاج و قبائلی نفی و ابعاد و اوکی صفات نقائصدن تنزیه و تقدیس ایلکدر که ، اشبو ایکی قسم ، عاقل بالغ اولانلرک طرف باریدن الک اول تکلیف اولندکلری شیردر . قسم ثانی سدن عبارت بولان و ایشلمه سیله فرمان بوریلان افعال دخی اوچ قسمه ایریلیر . بر قسمی عبادک بدنلری اوزرینه واجب اولان صلاة و صیام ، دیگر قسمیده اموالی اوزرینه واجب اولان زکاة و کفارة کبی شیردر . برده هم اموال هم ابدان اوزرینه واجب اولان حج و جهاد کبی شیر واردرکه بونلرده اوچنچی قسمی تشکیل ایدرلر . اقسام ثلاثه مزبورده نک مجموعنی یالکز بدن و یاخود یالکز ماله طرح و تکلیف ایتیوب عرض اولندیغی و جهله کینی ابدان ، کینی اموال ، کینیذیده هر ایکسی اوزرینه تقسیم ایتیمکده کی مندمج اولان سهولت و خفت ادا و بوسایه ده تجلی ایدن نعمت خدا ، ارباب عقبولک نظر عبرتسندن خالی قالمیه جفدن امین . قسم ثالث یعنی مجانب و احترازی لازم اولان اشیار دخی اوچ قسمه ایرلشدر . برنجی قسم ، نفوس انسانیه نک احیاسی و ابدان بشریه نک موقتاً ابقاسی جهتلرینه خادم اولان تکالیفدرکه بونلرک باشلیجه سی قتل نفوس ، اکل خبائث و تناول سموم و اتخارده و فساد عقلی مؤدی اولان شیرلری ایچمکدن نهیدر .

قسم ثانی ، افراد بشرک یکدیگر لریله حسن ائتلافی و میانه لرندن رفع اختلافی متکفل اولان شیردرکه جمعیت بشریه نک شیرازه انظامنی خللدن محافظه یه مدار اولدیغی جهته تکالیف مزبوره ، همه آن عباد اوزرنده شعشعه یاش اجلال اولان نعم جلیله

سبحانیه نك عظما سندن معدود اولسه روادِر . غضب ، غلبه ، ظم ، اسراف ، دها بونلرك امثالی اخلاق ذمیمه دن نهی کبی که خصائل مزبور ه نك ، قطع رحم ، بعض وعداوت کبی نتائج مضره بی انتاج ایده چکی بدیهی اولمقله برابر نهی الهی اشبو وخامتک اوکفی الدیهی جهتله شایان تشکر در .

قسم ثالث : حظ انساناب بشر ، تعظیم محارم کبی بنیان مدنیتک ایکی بیوک اساسلرینی تطرق خللدن محافظه یه خادمدرکه بوده (زنا) کبی فعل شنیع ذی رحم محرمنی نکاحنه الملق کبی حال بشیعدن نهی درکه ، ضمننده مندرج حکمتلر حیطة تقدیره صیغامز . ایشته کورولوریا . جناب حقک ، بزمکلفینه مباح قیلدینی شیلرده نصل نعمت سبحانیه سی جلوه کر شهودایسه ، حرام ایتدیکی شیلرد دخی عین صورتله متجلیدر ، امر ایتدیکی افعاله نصل فضل واحسانی مشهود باصره تشکرایسه هی ایتدیکی فناقلرده دخی اوفضلتک ، اونعمتک کورولماسی قابل دکلدر حال شو مرکزده اولدقده ، شخص عاقل وجدانه مراجعت ، ونعم مزبور یی وضع پیشکا ، دقت ایلدیکنده ، واجب الوجودک اوامرینه کال تهالکله امثال ، نهی ایتدکلرندنده احتراز ایتمکدن ماعدا کر یزکاه فلاح بوله میه جفته امین اولمق لازمدر ، چونکه هم امر ، هم نهی جانبلرند کندیسی ایچون نعم کونا کون تهمیه بیورلمشدر . بونلری قبول ایتیموب خلاف رضای سبحانی حرکاته جرآنده بولنه جق اولورسه ، شدت فقر وفاقیه مبتلا اولدینی حاله کندیسه دوغری قوجاق قوجاق ، تقدیم اولنان نعمتلری قبولدن استنکاف ، وبالاخره کندیخی اتلاف ایله حیاته خانه چکن سفها حقنده یوروتیلان طعن و نفرین ، آنک حقنده ده یوروتیلیر . یینه جناب حقک قوللری اوزرنده تحلی ایدن نعم جلیله سی جمله سندندرکه فرائض الهیه نك هر برینک کندی جنسندن اولمق شرطیله برده نوافل ، تشریع بیورلمشدر . مثلاً صومک فرض جنسنه مقابل ، برده نافله جنسی ، کذا صلاتک فرضی بولندینی کبی برده نافله قسمی وارددرکه ، فرضک اجراسی ایچون دعوت الهیه شرفوقوع اولدینی کبی برده نافله سفره سی آچیلهرق آنکدخی اجراسنه دعوت ، وفرضی اجرا ایدنلرک عقابدن خلاصی تبشیر اولندینی کبی ، نافله یی ایفا ایدنلرکده اون مثلی ثوابه مظهر بتلریله برابر ، ترکنده ده بآس اولمدینی لطفاً اعلان بیورلمشدر . واجب الوجودک کال لطفی وبذیع احسانی جمله سندن بریده ، قوللری

ایچون ، حالت کال ، حالت جواز کبی ایکی حالة ، وضع و ایجاد بیورملریدر .
 چونکه ، علم الهیسنده متحققدرکه عبادی ایچریسنده ، زمانی کلیر گلز درحال
 فعل مأمور بهک اجراسنه شنبر ایدم جک زهاد بولندیفی کبی بر زمان اغوأت
 شیطانییه قابیلررق بطائت ، بر زمان صکرده خطاسنی اذعان ایله امتثاله مبادرت
 ایدن زمره متکاسلین بولنه جق ، بلکه مأمورک بهک ایفاسنه معاوعتله برابر ، یاشی کاله
 ایرم رک ، قواسنه ذری اولان ضعف سبیلله نیزفعله چیقارمغه تاب اور اوله میان
 اختیارلرده کله جکدر . امدی بوصفلاک کاهه سیدنه نعمت عبادتن محروم ایتمک
 حکمتنه بناء ، عبادات ایچون برصفت کال برده صفت جواز دائرملری اچلمشدرکه
 تکاسل واختیارلغنه بناء تعالل ایدنلر . صفت کلاک اجراسندن محروم اولسه لر
 بیلله همه حال صفت جوازی حائر بولنان طرفی ، سهولتنه مبنی بالاجرا ، نعمت
 ثوابدن متعم اولمهلرینه لطفاً وعنائتاً مساعده بیورلمشدر شو حالده عزیمتله عمل
 ایتمائلر رخصتله عمل ۱ . جککلرندن بسبتون عابدین زمره سندن چیقاریلررق
 زمره خاسرینه داخل صایلمازلر (فسبحان الله اللطیف الخیر) .

کله لم فرائضک صورت ترتیبه ، رسول معالبدنار ، پیغمبر ستود ، مشاورک
 حقیقت نبوت ورسالتنی بعدالتصدیق مکلفین اوزرینه الک اول فرض اولان
 عبادات بدنیهدرکه ، عبادات مالیه اوزرینه تقدیمک حکمتی ، نفوس انسانیه مک
 شق الروح اولان مال اوزرینه شدت انهماکیله برابر بدنک اتعابی خصوصنده
 بردرجیه قدر سماحیتدرکه بونکنده امتثال نقطه نظرنبجه دخل کتیری اوله جفی
 شبهه سزدر ، بناء علیه ، امتثالاً اقدام کوریلان عبادات بدنیه ، عبادات مالیه اوزرینه
 تقدیم اولتمق شوجهته ده موافق حکمت دوشمشدر . عبادات بدنیه دیدیکمزده
 صلاة وصیام کبی فرائض الهیه مخصوصه دن عبارتدرکه اولکینک ایفاسنده درکار
 اولان سهولت حسیله ، بالنسبه اجراسنده صعوبت آشکاراولان ایکنجی اوزرینه
 تقدیمنده کی حکمت ، یکنظرده اکلاشیلر . صلاة ، عبد اوزرنده جناب حقه
 قرشو خضوع و ابتهال صفتلرینی جمع ایلدیکندن معنی ، خضوعیه خوفی
 ابتهالیه رجایی دخی جمع ایله بین الخوف والرجا بولنور انکچون رسول اکرم
 صلی الله علیه وسلم افدمز (اذاقام احدکم الی صلاته فانما یناجی ربه فلینظر
 بما یناجیه) یعنی سزدرن بریکز نمازه قیام ایتدکده الاهیله قونوشیور دیمکدر

ارتق اوکسه ، ربیله نه کبی شیلرله قونوشه جفنی دوشونمه لیدر بیورمشلردر . حضرت علینک احوال مراتضویه سندن اوله رق حکابه اولنورکه ، نماز وقتی کلدکده وجه پاک انورلری کاه صاب صاری ، کاه قیپ قرمزی کسیرلری سبببی صورتقلارنده ، سموات و ارضین اوزرینه یوکلنمک ایسته نوبده ، استنکاف ایتدکلری حالده ، بنم قبول ایتدیکم امانات الهیه نک اداسی زمانی کلشدر . بیله میورمکه عهد و پیماننی کالیله ایفا ایده بیلریم جوابنی ویردی .

(لاملترجم)

مؤلف مرحومک اشارات ایتدیکی صلات ، و آنده مندمیج بولنان اسرار معنویه بی ، شیخ ، محی الدین عربی ، فتوحات مکیه ده صوفیه نشئه سی اوزره کندینه مخصوص بر بیان بلیغ و طرز خوش آینده ایله ادا بیورمشلردر که اسرار مزبوریه نی قسماً جلال الدین رومی حضرتلریده مشنوی شریفنده ، آئیده کی آیات ایله کشیده سلاک اللال بلاغ و بیان بیوریور .

مشنوی

کای خدا پیش توما قربان شدیم	معنی تکبیر اینست ای امیم
همچنین در ذبح نفسی کشتنی	وقت ذبح الله اکبر میکنی
کرد جان تکبیر بر جسم نبیل	تن چو اسماعیل و جان هم چون خلیل
شد بسم الله بسمل در نماز	کشت ، کشته تن ز شهوتها و از
در حساب و در مناجات آمده	چون قیامت پیش حق صفها زده
بر مثال راست خیز رستخیز	ایستاده پیش یزدان اشک ریز
اندرین مهلت که دادم مرترا	حق همی گوید چه آوردی مرا
قوت و قوت ، درجه پایان برده	عمر خود را درجه پایان برده
پنج حسی را در کجا پالوده	کوه دیده کجا فرسوده
خرج کردی چه خریدی توزفرشی	چشم و گوش و هوش کوه های عرش
من بخشیدم ز خودان کی شدند	دست پادامت چون بیل و کلند
صدهزاران آیداز حضرت چنین	هم چنین پنگاهای در دکن

از خجالت شد و تا اودر رکوع	در قیام این گفته دارد رجوع
در رکوع از سرزم تسبیح بخواند	قوت استادن از خجالت نماند
از رکوع و پاسخ حق بر شعر	باز فرمان میرسد بردار سر
باز اندر روفتد آن خام کار	سر برآرد از رکوع آن شرمسار
از سجود واده از کرده خبر	باز فرمان آیدش بر دار سر
اندر افتد باز در رو همچو مار	دیر بر آرد اود کرده شرمسار
که بخوام جست از تو ربم	باز گوید سر بر آرد باز کو
حضرتش گوید سخن کوبایان	پس نشیند قعدہ زان بار کران
دادمت سرمایه هیش بنمای سود	نعمتت دادم بکو شکرت چه بود
سوی جان انبیا وان کرام	رو بدست راست آرد در سلام
سخت دل ماندش پای وکلیم	یعنی ای شاهان شفاعت کین لثیم
چاره آنجا بود دست افزار رفت	انبیا کویندر وز چاره رفت
در تبار خویش کویندش که هب	رو بکر داند بسوی دست چپ
ما کیم ای خواجه دست از مبادار	هین جواب خویش کویا کرد کار
جان آن بیچاره دل صدبار شد	نی ازین سونی ازان سو چاره شد
پس برآرد هر دودست اندر دعا	از همه نومید شد مسکین کیا
اول و آخر تویی بی منتها	کنز همه نومید کشتم ای خدا

(انتہی کلام المترجم)

صلوة ایچون رفع حدث، ازالد نجس کی، بر طاقم شروطک اجتماعی لازمدرکه
 مصلی، معراج مؤمن تعبیر بیوریلان، نمازی ایچنده خالقنه قرشی ایفا ایتدیکی
 مناجاتی نظافت دائه، طهارت لازمه ایله اجرا ایتمک حاضرلنسون، برده اشبو
 مناجات انلاندی، قرآن کریمدن برپارچه سنی تلاوت ایتمک لازمدرکه مصلی، کتاب
 کریمدکی اوامر و نواهی بی تدبر، الفاظ و معانیسنک اعجازنی کمال ادبیه تفکر
 ایددرک عرض مناجات ایتدیکی متکلم حقیقی به اقبال تام و ختنوع کامل حاصل
 اولسون، شایان دقت نظر اولان احکام جیلده الهیه دندرکه عبادینه فرض
 بیوردنی صلاتک اداسنی هرآن و زمان ایچون فرمان بیورمیوب بلکه مرتب
 و قتلر، معین زمانلره تعلیق ایله؛ کتاب مستطاب حکمتیه بر ضمیمه دها ابراز

بیورمشلردر . صلاتك اوقات معینه اوزره ترتیبده کی حکمتلردن بریده ، بروجہ آتی عرض اولنور ، معلومدرکه هر عبادتك باعث شوقی ، انسانلرک ضمیرنده جایگیر اولان عذاب قورقوسیلہ ، ثواب امیددرکه تعبیردیگرله کندیلرینه رغبت و رہبت ، نامی ویرلمکده در . بونارک دوامی ایسه عبدک خالقنه قارشو خضوع و اہتہالک دوامنه وابستہ در ، اشبو دوامی تأمین ایچون ارددہ کونلر کچمکسزین همان ، برقاج ساعت ظرفندہ اوقاۃ صلاۃ توالی ایدہرک ، عبدک اللہنہ قرشو خضوع و اہتہالک تکراری طلب اولنیورکہ بوصورتہ جریان ایدن امر عبادت ، دائمی اولہ جغندن ، خضوع و اہتہال ، خوف ورجانکده دوامی تأمین اولنیور ، اوقات صلاۃ ، ترتیب اوزره توالی ایتسہ و عبادتین اُردسندن خیلی زمان کچسہ ایدی امر خضوع و اہتہال مطرداً دوام ایدہمہ جکندن مطلوب اولان خوف ورجانک دخی دوامی بولنہمہ جنی ضروری ایدی .

فجر عالم ﴿ الصلاۃ مکیال فمن وفى له وفى له ومن طفف فقد علمتم ماقال الله تعالى فی المطففين ﴾ یعنی ، صلاۃ ، اولچک مثالیدر . تامویرن (تعدیل ارکانہ رعایت ایدن) تام ایر . اکسک ویرنلر حقندہ جناب حقک سورۃ مطفیفندہ نہ بیوردیفنی بیلیرسکز بیوردیلر . دیگر برحدیث شریفندہ دخی ﴿ من هانت علیہ صلاتہ کانت علی اللہ تعالی اھون ﴾ یعنی برکسہ یہ قیلدیفنی نماز ، اہمیتسز کورینورسہ اللہ نظرندہ اہمیتی اولمز بیورمشلردر بوبادہ بعض فصحاںک شویتلرینی اددادن ایشتمیشمدر .

شعر

اقبل علی صلوٰاتک الخمس	کم مصبح وعساء لایمسی
واستقبل الیوم الجدید بتوبۃ	تمحوزنوب صبحیۃ الامس
فلیمعلن بوجھت الغض	فعل الظالم بصورۃ الشمس

مألی

ای مؤمن ، بش وقتدہ ، نمازکہ دوام و اقبال ایت ، چوق کیمسہ لر صباحہ

کیره رده مأمولکه اخشامه چیقاماز (اولور) تجدد ایدن هرکونی ، توبه ایله قارشوله که ، دونکی کناهلریکی محو ایتسون زیر اامین اولیکه قبره کیروب چوریدککده ، دوران سکافاراندیغک شمسه یایدیغنی یاپه جقددر . یعنی اوکوزه لم یوزک عبوس اولوب جمال جمیلی محو وتباه اوله جقددر . بو حاللری شمیدین یش تامله آله ، صیغه ایمانیکی نمازایله تنویره چالش :

صکره واجب الوجود حضر تلری صیامی فرض قیلمش ، و صرف ، بدنه ثعلقندن دولاییدرکه ، صرف امالکه ثعلقی بولنان زکاة اوزرینه تقدیم بیور مشدر . اوروج طوتان کسه ، أجلغک نفسی اوزرنده کی تأثیرینی معاینه ایدنجه مبتلای جوع اولان فقرایه مرحمت و اطعام ضعیفایه مبادرت ایده جکندن ، صومک فرضیتده کی حکمت نزد اولی الالباده خفی دکدر ، یوسف علیه السلامک ، آج طور دینی کونلر ، جانم خزائن ارض مصر ، بد تصرفکده ، آج طور منی اختیاره سبب ندر ، دیدکلرنده طوق اولور سهم قورقوبورمه فقرانک حالندن غافل بولنهیم آنکچون فقرانک مبتلا اولدقلری أجلغک کندمه هر زمان موجودیتنی آرزو ایدر مهک بن آندن متأذی اولدقجه خلقک اضطراباتنی دفعه شتاب ایدیم ، ایشه صوم ، صائمک وجودنده اجرا ایتدیکی تأثیر ایله برابر او أجلغه دائمی مبتلا بولنان فقرانک حالنی دوشونمکه مجبور ایدر . دها بوندن بشقه ، نفس امارهک قهر واذلالی ، شهوة مست ایمنک محو وابطالی و نفس امارهک آزه جق برطعام و شرابه درکار اولان احتیاجیه مذلة محققه سنک کندینه اشعاری کبی حکمتلرده واردر ، اوت ، احتیاج موجب مذلت ، منافی نخوت و عظمتدر . باقسه کأ جناب حق ، مریم عذرا و مخدوم مکرملری ، عیسایی الله طانیان ؛ اراذله قارشو ، بونلرک هرایکی سنک محکوم احتیاج بولندیغنی ، الله ایسه هیچ بروجهله احتیاجدن معرا و مقدس بولنق لازم اولدیغنی ، اعتقاد لرینک بطلانسه حجت مقامنده ایراد بیوریورلر (قال الله تعالی) ﴿ مالالمسیح ابن مریم الارسل قدخلت من قبله الرسل وامه صدیقه کانا یا کلان الطعام ﴾ دیمک اولیورکه احتیاج ، ضرورت ، منافی عزت و عظمت ایش ، حتی حسن بصری شونطقنده ، انسانک احتیاجی یوزندن دوچار نقصان اولدیغنی بر بیان بلغ ایله اسبات ایدیور نطق مزبور شودر .

◉◉◉ ادب الدین والدنیا ترجمہ سی ◉◉◉

..

جزو ثانی

.....

مترجمی :
نازیدہ درسماملرندن برغمہلی :
جودت

مؤلفی :
ماوردی

.....

مثنوی

بی ادب، تنہا نہ خود را داشت بد
بلکہ آتش برہمہ آفاق زد

————— ◆ —————

ق۔ طائینہ

۱۳۲۷

مطبعة ابوالضیا



زواللی آدم اوغلی پك مسكيندر . اجلی كلنجه اولومی قطعی ، كوكلنده كى
امللری كیزی ، علل و اسقامی غیرجلی ، برات بارچه سیله (لسانی) قونوشور
بر ایچ یاغیله (كوزی) مبصراتی كورور . بر كمك ايله (قولاغی) ایشیدیر ،
آچ قالیر . اسیركی ذلیل ، طوق اولور صرعه طوتمش كبی سرسم وعلیل اولور ،
سیوری سینكدن اذالنیر ، تردن وجودی قوقار ، اوفاجق بریاره دن ترك حیات
ایدر . نفسك منافع و مضاری ، و موت و حیات . بعث و نشوری حقده هیچ
برشیته مالك دكل ، نصل ذلیل اولمز بویله آدم ...

جناب حقك . صیامی فرض قیلمسندز ، متحصل فوائد معنویه بر كره دوشو نلسونكه
عقللرمزك غافل بولندیغی نیجه شیلرده بزى ایقاپ ایدیور . نفسلریمزك كندینه
قالسه ممكن دكل منتفع اوله میه جنى منافی نصل دائره انتفاعنه چكیور
(سبحان الله المتعال) صكره جناب حق . عبادی ایچندن زنكین بولنانلر اوزرینه
مالك اولدقلری اموالك زكاتی بعد لایخراج مستحقینه اعطاسینده فرمان بیورمشدر كه
لسان شریعتده (زكاة) اسمنى آلان اشبو فریضه نك . فریضه حج اوزرینه
تقدیم اولنمسیده حكمتدن خالی بولنمه مشدر چونكه زكاة ايله حجی (نفس)
يكدیكریله مقایسه استدیكینده . زكاتده یالكز اتفاق ماله . حجه ایشه اتفاق مان ايله
برابر مشاق سفریه ده تصادف اولنه جغنی بالاذعان زكاتنه مبادرتی طبیعیدر
شو حالده . نفسی یواش یواش طاعاته الشدیر مقصد حكیمانه سی . زكاتك حج
اوزرینه تقدیمنى موافق حكمت و مطابق مصالح بشر بولهرق تقدیم بیوره شد .
اغنیای عباد اوزرینه زكاتك فرض قیلنمسند . عالم انسانیت و بقای مدینه بیوك
بیوك نمثلر . قدرینی تقدیردن بشرك عجز كوستره جکی عنایتلر تجلی ایدر
اوت زكاتده . جمعیت بشریه نك دوشكونلرینه معاونت ، احتیاجی اولانلرك دفع
حواءجنه مبادرت واردركه بوسایه ده افراد بشر آره سنده كی بغض و عداوت .
قطع رحم قالقار . آنك یرینه صفوت صدور ، اخوت دائمه ، مواصله قائمه .
حكمران اولور . ارباب املك دائما صوقولغان ، اصحاب رجا و امیدك ایشه بلای
احتیاج ايله . قورقیه جغنی شیلردن قورقو كوستره رك ارباب ثروت قارشوسنده

صورتاً اولسون هراسان اولديني كورلمكده در . فرض ايدلكه فقرانك اغنيادن
امللري كلسون، اميدلري بستانون كيري چويريلسين. احتياج ايسه اولانجه قوتيله
فقرا اوزرينه هجوم كوسترسين، اغنياده. زكاة كبي صدقه كبي، هيچ برقيدايله مقيد
اولمده قلدن. معاونتمده بولمده قلدن بشقه. قرشيلرنده كرسى خود پسندانلرينه
طيانهرق. چاشنيكيز ذوق ونشاط اولسون . عجباً تيجهسى نه اولور. نه اوله جق
فقرا ايله اغنيا ييننده بر بغض وعداوت، بر منافسه معيشت باشلار. بدائتمده اوفق
كوزوكن بو منافسه. نهايتده شيرازه مدنيته شرقاً و غرباً طاعيده جق بر حالده
هرچ و مرجه باعث اولور. ايشته بولانك، بوطوفان مصيبتك اوكني. شريعتك
اغنيا اوزرينه فرض قيلديني زكات المشدرد. بونكله برابر. زكاته بر فائده ده
واردركه اوده. نفسي نظر شريعتده ممدوح اولان سماحته الشديرمق . مذموم
اولان بخل وامسا كدن قاجيشديرمق خصوصيدير كه بوده. زكاتي ويره ويره نفسده
حصوله كلن بر ملكدر .

اوت. سماحت ممدوح، بخل وامساك مذمومدر. سماحت. اداي حقوق. بخل
ايسه اُنك معنى مقتضى. واولكينك شايان مدح. وايكنجينك مستوجب ذم و قدح
اولديغنده شبهه ايدلمه چكي طبيعيدير (ابوهريره) حضرت تيرندن مروى اولوب
عبده ويريلن شيلرك شيرلسي ايكي شيدر. برى حرصه مقارن بخل وامساك
ديكرى انسانك ديزينك باغلرني چوزوب. قالمهيه اقتدار براقه يان قورقودر
مالده بولنان (شرماعطى العبد شح هالع وجبن خالع) حديث شريفى. مذمت
بخل حقنده بيوك برهاندر (بز) مكلفيني حكم لطيفه سيله احسن صورتده تدبير.
نعم جزيله سنى نظر اطلاعزدن خفي وستير طوتوب. اظهار ايتديكي نعمتلك
شكرندن زياده. اخفا بيورديني نعمتلك شكرينه مستحق اولان منان متعالى
جميع صفات نقايص و سمات عجزدن تقديس و تنزيه ايدرز . فروض ابداندى
عبارت بولنان صلاة وصيام ايله. فروض اموالدى اولان زكاة. ذمت مكلفنده
استقرار، نفوس مكلفين دخی. شو ايكي نوعك هربريني ادايه اليشدقندن صكره
هرايكي يي جامع بولنان حج دخی ذمت عبادت ضم وعلاوه قيلنمشدر. نفسك
هرايكي جهته الشقينلغندن صكره. بويله بر فرريضه نك اداسي كسب سهولت ايدم چكي

شبهه سزدر . امدی صلاة وصیاءك . قالبور اوستنه كلان اسرارینی بالاده عرض
ایتدیکمزه تردیفاً . برارده حجك مشتمل اولدینی اسرارنی نظر مطالعهیه اَلم
ایفای حج ایچون اختیار غربت ایدن کسه لر . مال واهل و عیالدن مفارقت ایدن
مطیع وعاصی، عزیز و ذلیل . هربری . عرفانده وقفه کیر موقف ضراعت و مذلت
اولور . عصیان ایشامش اولاندیری . ارتکاب ایتدکلی ذنوب و معاصییه . ابراز
ندامت ایدر لر . بونلرک بولدقلری شو موقع فسیح ایله اتصاف ایتدکلی صفت
ضراعت و مذلتی بر نظر حکیمانه الله کورن . عرفتی میدان عرصاته ، اَند
ایفای مراسم حج ایدن حاجی . هنکامه محشرده کی صنوف و اوصاف مختلفهیه
منسوب انسانلره بکرتدن کنندینی اَلمز = اُنکچون . حج ایدوبده کسب
صلاح ایتمیان عاصیرله آ از تصادف اولونور . سیدالکائنات ائندمرك . حج صاحبك
بعداالحج احوالک . قبلالحج احوالندن خیرلی اولسی . قبولکاه الهیده حج مزبورک
حجّه بروره اولدیفنه علامتدر . مألّی ناطق اولان (من علامه الحجة المبرورة ان یكون
صاحبها بعدها . خیرا منها قبلها) = حدیث شریفی . حجك . کسب صلاح حجاجده
دخل کثیری اولدیفنه اشارت ایدر . واقع دخی به یله اولمق ایجاب ایدر چونکه عرفت کبی
بر موقع محشر مثالده ذنوبه ندامت . بردها اقدامه مانع . توبه ده . کچمش کناهرک احساسی
ایچون علاج مدافع اولمق حسبیه . تأنب اولان حاجی . ارتکاب مناهیدن واز
کچرسه . توبه سنك تحتنه علامت . بوده قبول حجی ایچون بیوک نشاندر . نه بیوک سعادت
عشق بیت الله ایله . هربری وطنلرینك أغوش استراحت و گوشه رفاه و اقامتندن
قوپوپ . سفر اوز و نتولرینی بالاقتهحام . غبار مذلته کوکس کرن حجاج کرامه طرف
الیه دن . کویا شویله برتنیه وقوعبولور . ای حجاج . سز . فرمان الوهیتمه اطاعت
و بیت شریفك . شرف نسبتیم سایه سنده تجلی ایدن جاذبه معنویه سنه مغلویت
سوقیله . وطن جدا عاشقلر کبی . هر درلو مزاحمه کوکس و یردرک آقین آقین
بوجانبه کادیکز . شمعی موقتاً دوچار اولدیفنکز شو مزاحم ایله . هر وقت
افتراق وطن ایله مهجور رفاه و استراحت اولان ابناء سبیلک احوالی نظر
مطالعه و مفاکره دن کچیریکده . وطنکزه عودتکزده . نعمت اقامتک قیمتتی تقدیراً
سجده شکرانه قانه رق . بارگاه احدیته اقبال ایدیکز . نوندنصرکه جناب حق

حجاج کرامه. دین حق کندیسنده فتیل افروز نشئت، رسولنک ابرز بعثت ورسالت بیوردینی مکّه مکرمه. وآنده بولنان حرم شریفی کوستروب. اندنصکره دخی کندیسنده اهل طاعتی عزیز و پیغمبر عالیجانبه نصرت وعوده سنی بالفعل اظهار ایله. اهل معصیت و عظمای متجربینک قوه قاهره لاری کسر و احیا ایتدیکی بلده طیه مدنییه کویستره رک. دیمش اولویورکه. ای حجاج. سرتاج ابتهاجگنر بولان دین مبین محمدی. ایشته بویه بر مکان بعیدده، بوقدر اقویای مشرکین ارمسنده. پرتو انداز اوله رق انوار ساطعه سی، شمععه لامعه سیاه اطباق شرق و غربی تنویر ایتشد. بو مطلب جلیلک یکانه مدار حصولی. معجزه باهره نبوت. نصر عزیز ربویتمدر. بناء علیه او پیغمبرک تصدیق، ذات احدیتمک توحیدنده دوام ایدیکنر. ای طالب حقائق شریعت (الله سکا شکری الهام. تقوا کی بر دوام بیورسون) بن سکا صادق دوست. شفقتی ناصح اولمقدن بشقه بر شی دیکل. بن سنی ارتق فطانتکه. حدت بصیرتکه حواله ایدرم. سن خالق لمیزلک تکلیف ایتدیکی عبادته انعام و احسانای یش نظر اعتباره الهرق دوشون. عجا امر ایتدیکی شیره امتثال وایفاسنه جان و دلدن اقبال ایتسهک شکرنی ایفا ایده بیلیمیسک (نه کزیر) سن موجب شکر اولان بر نعمتک شکرنی ادا ایتدن. همان او ائساده استقبالده موجب شکر اوله جق بر نعمت دهاسنی تعقیب ایدر. بویله نئم بی پایانه قارشی. هر وجهه عجزی درکار اولان عبدک نه اهمین قالیرکه عهده سندن فراغت دعوا سنده بوله بیلسین باقسهک. حسن بن علی. نه دیور. نئم الهیهک شکری قابل دکلدر. مکرکه کندیسی اعانه ایده انسانلرک کذهی توکنمک بیلمز. مکرکه غفو ایده.

شعر

موجبة لشکره	شکر الاله نعمته
وشکره من بره	فکیف شکری بره

مأل

اللہ شکر ایتىڭ بىر نەمىتىدۇر. اوده شۇرى ايجاب ايدىر. انعامنە قارشى نصل شۇرايدىمىز. شۇرايدىمىز بر انعامىدۇر. حاصل شۇرىنىڭ ايفاسىدىن عاجىزم... اللہنىڭ ارامىنىە امتثال صورتىدە متجلى اولان نەمىتىنىڭ شۇرىدىن عىجزىڭ مقرر اولىجى. امر ايتىدىكى شىلە امتثال . نەى ايتىدىكىرىدىن اجتناب خصوصىدە قىسور ايدىرسىڭ (بىر حالەدە اكر امتثال ايتىسەڭ منافعى يەنى سكا عائىدىر) كافر نەمىتى صفتىدىن ماعدا بىر صفتىە توصيفىڭ روى كورىلەمىز. بۇ كېى كىفران نەمىتى اصحابى حقنىە جناب حق (يەرفون نەمە اللەئىم يىڭرونىڭ) بىورمىشۇرىدۇر. امام شۇڭ. اى يەرفون ماعدا اللە ئىلەمىز من نەمە و يىڭرونىڭ بىقولمىز انەم ورتۇها عن آبائەم و اكتسبوها بافعالەم قولبە تفسىر ايلەمىشۇر. بۇ تفسىرىە نظراً . مأل ايت شۇبە اولويور. اولىر اللەنىڭ كىندىلىرى ايجون احضار ايتىدىكى نەمىتى بىڭ اعلا بىلورلىر . لىكن انى اللەدىن بىلمەرسىڭ. بىز بۇ نەمىتى كىندىمىز قىزاندق ياخود آباء و اجدادىمىزدىن موروناً بولدىق دىرلىر كە بۇدە كىفران نەمىتىدىن بىشە بىر شىلە تەبىر اولنەمىز ؛ سىدالكائىنات كىزىدە مەخلوقات افندىمىز. بىر حدىث قىسىدە بىوردىكە. جناب حق. اى آدم اوغلى بىكا قىرشى مەاملە انصافكارانەدە بولمىيورسىڭ. بىنىسكا نەمىتىمە ابراز مەبىت ايدىيورمىز. سىن بىر طاقم ذنوب و معاصى ايلە. عادتا اظهار عداوت ايدىيورسىڭ خىرم سىكا كلىيور. شۇرى باركاهمە جىقيور. نە قىدر مىلكىر واردر كە سىڭ كوتو عمللىرىكى بىكا كىتىرلىر ، دىەرىڭ قوللىرىنىە خطاب عىزىدە بولندى :

(بىعض صلحا) بىزم عىصيانىڭ چوقلىغىيە برابر. اللەنىڭ نەمىتى بىرى بىرىن تەقىب ايدىيور. بىلەمىز هانكىسە تىشۇر ايتەلى. نىشۇر ايتىدىكى نەمەمى. سىر ايتىدىكى مەعنىسىمى ، كلام ظرىفانەسىيە نەمىتىنىڭ تەقىر و لزوم تىشۇرىنىە يىلتىدى = جناب حقك امر عبادتە تجلى ايدىن نەمىتىنى بىلەن بىركەمە. اولاو نەمىتى. مأمور بە اولان فعلىك درحال اجرا نە قوشمىق صورتىيە قبول ايتىدىكىنى كوستەرمەلىدۇر چە نىكە عبادت ايجىندە مكنوز اولان نەمىتىڭ قبولى. بىمە حال او عبادت كى اجرا سىدىن عبارتدۇر. بۇو جەھەت قبولدىن سىكرە نوبىت . نەمىتى مەن بۇرەنىڭ مىجىرد اعطاسىدىن

طولانی شکره کلیرکه. اشبو ترتیب پک معقولدر. زیرا بزم. منعک نمته اولان احتیاجز. مکلف بولندیغمز شکر نعمتدن زیادهدر. شو حالده. نعمتک تکلیف جهتیله حقنی ایفایه شتاب ایدرسهک. تکلیفه تعاقی اولیان دیگر نعمتله مظهرانعام اولورق. اوزریمزده ایکی نعمت تجلییه باشلار. شخص عاقل. خط حرکتنی شویله بر طرز حکیمانهیه توفیق ایدرسه. امین اولسونکه دنیا و آخرت حفظه نائل و علی الاطلاق سعید نامه سزاوار اولور. یوق بالعکس شو ایکی وظیفه مرتبه نیک اداسنده قصور ایدرسه. تکالیف ضمتده متحقق اولان نعمتدن محروم اولدینی کبی. نعم سائرهدن دخی حرمانی درکار اولغین. حظ دنیا و آخرتدن مأیوس و بالاخره دفتر اشقیاده مقید اولور.

(نعوذ بالله من الشقاء)

اوت. امر عبادتده متکاسل. و شکر نعمتده عاقل بولان اشخاص. هم دنیا بختیارانی. همده آخرت وارلغندن محرومدر. دکیکه جناب حق. کوتولک ایشلیان جزای سزاسنی کوره جکدر مألنده (من يعمل سوءاً یجزیه) بیورمشلدر. ترک عمل جنایتی ده بر کوتولک اولدینی جهتیله صاحبی هر حالده دنیاده، آخرتده دوچار فلاکت اوله بقدر. ابو بکر صدیق. فخر عالم افند مزه. بو آیه کریمه حقنده دیمشکه. امان یار رسول الله. بو آیتده نه قدر دهشت واردر. اکا قرشو بیورمشلرکه یا ابا بکر. دنیاده کوریلان مصائبده کوتولکلره قارشی جزادر. حتی مفسرین (سنعذبهم مرتین) آیه کریمه سننده اختلاف ایدرهک. کیمی ایکی عذابک بری دنیاده رذالت. دیگر آیه آخرتده عذاب قبر دریمش. کیمیده (عبدالرحمن) بنزیده بری دنیاده مال و اولادلرینه عارض اولان مصائب. دیگر آیه آخرتده آتش ایچنده کوره جکلری شدت متاعبر دیمشدر. امادینیه جککه. فناقلری. خیانتلری عیوقه چیقمش نیجه اشرا کور بیورزکه شدت مساوی. کثرة معاصیمی نسبتده نعمت دنیاسی ازیور. رتب و مناصبه نائل اولور. هانی یا بوکا دنیا مجازاتی. بز بو حکمتسز سوزه قرشی دیرزکه. سن آنلرک نائل اولدقلری معیشت، واصل اولدقلری رتب رفیعینه حقارنده نعمتمی ظن ایدیورسک. بیوک خطا ایدیورسک. خیر آنلرک حقنده. اودبدبهر، طنطهله، شعشعهله، نعمت صورتنده کوزو کور بیوک بیوک مصیبتلدر. حقارنده بر استدر اجدرکه. زمانی کلوب اشاغییه طوغری

یو وار لاند قدرنده . اولوم ایله قور توله جق دکلر . نعمت ظن ایتدکلرینک . نعمت اریله . ب . عین مصیبت اولدیغنی اکلایه جق لر در . آنکچون (عقبه بن مسلم بن مروان) ک روایت ایلدیکی بر حدیثده . رسول اکرم افندمن (اذاریت الله یعطی العباد مایشاؤن علی معاصیم ایه . فانما ذلك استدراج منه لهم) یعنی قوللرک معاصیده که تمادیلر یله برابر . کوردیکز که . الله ایسته دکلرینی ویریور . امین اولککه . حال . حق لرنده نعمت دکل . استدراجدر بناءً علیه مصیبتدر : بیور مشلر . بونک اوزرینه (فبمانسو ماذکروا فتحنا علیهم ابواب کل شی حتی اذا فرحوا بما اوتوا) اخذناهم بغتة فاذا هم مباسون) آیه جلیله سنی مقام استدلالده تلاوت ایتمشدر .

کلهم . شریعتک منع ایدوب عقلاً یاخود شرعاً حقننده نهی وارد اولان محرماتک بیاننه . امدی اشبو محرمات ایکی قسمه آیریلر (قسم اول) نفوس انسانیه نیک میل و مبادرت . شهوات حیوانیه نیک کنه یه اقدام و دعوت ایتدیکی بر طاقم مناهیدر . زنا و شرب خمر کی که . بونلرده قوه سائقه نیک شدتی . میلان نفوسک دهشتی مناسبتیه . ارتکاب ایدلر حقننده ایکی نوع زجر . تعیین بیورلشددر . برینی عاجلاً (دنیا ده) اشبو جزایتلره جرأت کوسترن زانی یاخود شارک اوزرینه . شرائط لازمه ثبوتیه نیک استجماعنی متعاقب . حد شرعینک اقامه سی . دیکری . اهل تقوانک یالکیز ایشتمه سیله افعال مکروهیه اجتناساردن واز کچه چکی عذاب اخروی یی ناطق ، نصوص جلیله نیک بیانی (قسم ثانی) کندیسندن نفوسک نفرت . شهواتک مبادعت ایلدیکی بر طاقم اشیای خبیثه در . لاشه ونجاست مقوله سی مستقدراتک ا کلی ، انسانی هلاک ایدیحی سم هلاهلک شربی کی که بونلردن نفسک طبعاً استکراهی حبسیله واز کچه سی قولای اولدیغندن . مرتکبری اوزرینه حد اقامه اولنیمه رق یالکیز وعید اخروی بیانیه اکتفا بیورلشددر . بوندنصکره جناب حق . اوامر الهیه سنی تأکید نواهی ، صمدانیه سنی تأیید مقصد حکمانه سیله امر بالمعروف ، نهی عن المنکر کی ایکی قوه زاجره . قوللری اوزرینه فرض و تشریع بیورمشدر که حدود شرعی مزبورده اوزرینه . بونلرده انضمام ایدرک نفوس شریره نیک ارتکاب مناهیدن همه حال منعی اراده بیوریلور دیمکدر . چونکه بعض اشخاص شریره نیک

أزغین نسلرینک معاصی یه شدت انهما کی سببیه. او امر الهی یه اتباعدن کمدیلرینی مشغول. وقوة شهویه لرینک غلیانی حبسیله. قرآن کریمده بیان اولنان زواجری استماعدن مهجور طوعه سی محتمل اولغا. کندی جنسلرندن وکندیلرینک مبتلا اولدقلری قوای شهوانیه صاحب لردن ارباب تقوانک اشخاص شیرر مزبوره یی زجر و توبیخ ولوم و تقبیح لرینک. قلوب قاسیه لرنده تأثیر بلیغ حاصل ایتمه سی مقرر در. بناء علیه رسول اکرم افدمز (ماقر قوم المنکرین اظهار هم الاعمهم الله بعذاب محتضر) یعنی بر قوم. ایچلرنده وقوعبولان چرکین برعاه نظر بیقیدی ایا، باقارق. ازاله سنه چالشمزلرسه. بهمه حال برعذاب عمومی عاجلک. اوزرلرینه نزولی محققدر. حدیث شیرفیه نهی عن المنکرک وجوبیه اجر اسنه شتاب ایتمانلرک. دوچار نکال اوله جقلرینی اعلان بیوره شلردر. امر بالمعروف، نهی عن المنکرک تحقیق و علما مزک بوبابده کی اختلافندن. اولجه فعل منکرک فاعلاری حقیقه بعض تفصیلاته لزوم کورلدی. شویله که بر فعل منکر غیر مشروعی ارتکاب ایدن فاعلر. ایکی قسمدن خالی دکلردر (قسم اول) خصوصی عقد انجمن معصیت و بویولده پیدای قوته موفق اوله میوب کوشوده، بوجاقده. کیزی آشکارا اجرای خباثه ایشان بوالای شرده منفوره بر اوج رعیه مقهوره درکه بونلرک. هریرده مغلوبیتلری محقق. خباثت و دنا تیلری هرکجه، صدق در (مثلا بر بلده ده زنیاره لکله مألوف اولان اشخاص معدوده کی) امدی. بومقوله اشخاص حقنده اجرای سطوت ممکن اولدینی صورتده. خباثت لری کورن یاخود شهود عدولدن ایشیدن کسه لر اوزرینه. نهی عن المنکر اجرای واجبدر و بونده ده کافه علما متفقدر.

انجق اختلاف. اشبو وجوبک عقلا می یاخود نقلا می تبری خصوص صنده در. بعض متکلمین. عقلاً ثبوتنه قائل اوله رق. شو یولده استدلال ایتشلردر. دیدیلرکه. مکلفک. کندیسنک فعل نهیدن امتناعی عقلاً واجبدر. بشقه سنی اوفعل قبیحدن منع و زجرکده عقلاً وجوبی نابتدر چونکه بویولده منع کندیسنک فعل قبیحدن امتناع و مجانبته دها زیاده داعیدر. اوت بر آدمک کندینک دوام ایتدیک بر فعل منکرکدن. بشقه سنی منع و زجر ایتمه سی شایان خنده

استخفاف اوله جفنی درکار اولمغه . نهی عن المنکر داعیه سنده بولنان ذاتک . اوله اوفعلدن واز کچه سی درجه وجوده در . بوراسی ثابت اولنجه . بشقه سینیده اوفعل منکر دن منعک وجوبی عقلاً ثابت اولور (وهو المطلوب) عباده بن مبارکدن نقل اولنان اشبو حدیث شریف . نهی . عن المنکر عقلاً وجوبی اُحیی بر صورتده کوستریر . خواجه کائنات افندمن بیوریورلرکه . سیاحته چیقمش بر قوم . کمی به بینهرک . یر تعینی ایچون قرعه اُتیلهرق . هرکس موقعلرینه یرلشد کدن نصرکه . ایچلرندن بریسی بالطه ایله بولندیغی موضعی دلر . ارقداشلری . یاھو نه یپارسک دیدکلرینه جواباً . سزک نه وظیفه کز ، بنم کنیدیغی مخصوص یرم دکللی . ایستدیکمی یپارم . سزانیق کندی یریکزه قاریشه بیلر سیکز سوزلریله مقابلهده بولنور . شمدی کمی اھالیسنک کافه سی اوزرینه بوسبکمگزکالندن بالطه یی الملق عقلاً درجه وجوده ایکن . آدم سنده بزم نه مزه لازم . یری دکللی نه یپارسه یابسون دیوب حاله ترک ایدرلر . اُره سی چوق کچمکمزین هپسی بردن غریق عمان اولورلر کیدرلر . اشبو حدیث شریف . بر تمثیل لطیف و تحیل ظریفی حاویدر . شویله که شریعت . انسانلری اقضای امملاری اولان ساحل وصلت الہی یه ایصال ایچون جناب حق طرفندن کندیلرینه احسان بیورلمش بر سفینه در امت محمدیہ نک . هر برینک اشبو سفینه ده مواقع مخصوصه لری واردر . بولنردن بریسی قالدوبده . کمینک لوازم سیر و سفری مثابه سنده بولنان احکام شرعیہ دن برینی انکار و یاخود قیودانک رضاسی خلافتده حرکته . موجب تهلیکه اسبابه توسل مقامنده اولان مناهی شرعیہ دن برینی ارتکابه یلتنسه . افراد سائرہ بوکا قرشو . نه لازم ایله مقابله ایدرسه . هم اوفعلک مرتکبی . هم منع وز جردن استنکاف ایدنلر . غریق لجء عصیان ، قرین خذلان اوله جقلری تذکیر و اخطار بیورلمشدرکه . نهی عن المنکر عقلاً وجوبنه بوندن بیوک ، بوندن معقول برھان ارامق روا دکلدرد . متکلمیندن دیگر فرقه . نهی عن المنکر . شرعاً وجوبنه قائل اولوب . انلرده استدلاللری بوجه اُتی یورتدیلر . دیدیلرکه . اگر عقل . نهی عن المنکر منع عن القبیحی ایجاب ایتسه ایدی . ایجاب مزبورک مثلی . واجب الوجود حقنده ده جاری اولهرق . اهل ذمتک کفرلری اوزرینه اقرار ایدلمسی وهیچ بر وجهله

انلره تضيق وانكار اولنماسيله نطق شرعى وارد اولمز ايدى . چونكه . مادامكه سزك ديككز كي . نهى عن المنكر . عقلاً واجبدر . واجبات عقلهك شرعه ابطالى جائز اولميه جغندن . كفارك . اداء جزيه شرطيله حاللرى اوزرينه ابقاسى حقنده اوامر شرعيه وارد اولماق لازم كليدى . امدى اهل ذمت حقنده اقرار و ابقاى ايجون شرعك وارد اولوشى . عقلك نهى المنكرى ايجاب ايتديكنه دليل قويدر . وهو المطلوب . اما ترك انكار ايله . نه لازم قانون سخيبنى التزام صورتنده . منكر اوله حق ذاتك كندينه مضرت حقوقى محقق ايسه . فعل مزبور منكرى نهى ايتك . هرايكى فرقه نزدنده دخى عقلاً واجبدر . يوق بالعكس . صورت انكارده حقوق مضرت متصور ، حالى اوستنه اقرار و ابقاسى صورتنده مضرتدن سلامت مقرر ايسه . نه عقلاً نهده شرعاً . انكار مزبور واجب دكلدر . اوت . عقلاً واجب دكلدر . چونكه منفعت قارشيلغنده اولميان . اولسه بيله كله جك مضرتيه موازى اولميان برحالى ايقاعدن عقل مانعدر (دكل واجب قيلمق) شرعاً عدم وجوبى . شو حديث شريفله ثابتدر . ابوسعيد الخدرى روايت ايدى يورك . فخر عالم افندمز (انكر المنكر بيدك فان لم تستطع فبلسانك فان لم تستطع فبقلبك وذلك اضعف الايمان) يعنى شرعاً منهى اولان فعلى . كو جك يترسه الكله . يترسه ديلكه اكادمه يترسه قبلكه تغييره چالش ... او چنجى قسم . ايمانك اضعيفدر بيور مشلدر اما فعل منكر . مرد غيور زاهدك حضورنده ايقاع اولنوب . حيت دينيه سوقيه زاهد مزبور . هرچه بادا باد بيراغنى قالديره رق و بو يوزدن سرنماي ظهور اوله جق هر فلا كنه كوز يوموب . نهى عن المنكر وظيفه سنى علناً اجرايه قيام ايدرسه بو كيفيت بر كره شرعاً تدقيق اولونور . اكر انكار مزبور . دين مينك اعزازى . كلمه الله العليانك علو حقيقى سنك اظهارينه تعلق ايدن مسائله دائر دكل . انكار نتيجه سنده هلاك و ضرر . ظن غالب مرتبه سنده متحقق . بونكله برابر مطلوب اولان انزجار و فعل منكر كتر كيده مأمول دكل ايسه . اولوقت انكار واجب اولمز . يوق بالعكس انكارده تلف و ضرر ملحوظ اولقله برابر . اعزاز دين مابين و اظهار كلمه يقين كى بر ثمره جنبه اقطاعى مأمول ايسه . اولوقت هلاك متصوره قرشى كوز يوموب زجر و منع ايله نهى عن المنكر يامقى وجوب مرتبه نى بولسه بيله حسنى انكار اولنه من

اما قتل و اتلاف اوله جق ائمش. اجر و مثر باتدن محروم اولمه جفی-شبهه سزدر شو صورت مستحسنه. حصول غرض یعنی منع وزجر اولنان فاسقک اوفعلدن وازکچ جکی مأمول اولمسيله مشروطدر. یوقسه هم اشبو غرض مقدس حیز حصوله کیرمز. همده مادر ایامک نادر طوغوره جفی اولیه برزا هد غیورک قهر و اتلاف اولنسی محقق اولان ماده زده انکاره یلتمک. عقلاً قبیحدر. فخر عالم افندمزک. جور و ظلم معتادی اولان پادشاه یاننده کله حق سویله مک (افضل اعمال جمله سندندر مألیده کی. ان من افضل الاعمال کله حق عند سلطان جائر) حدیث شریفی. حصول غرضک مأول اولدینی صورتده انکارک حسنی ناطقدر ناصحک انکار وزجرینک نافع اولماسيله برابر. هلاک محقق اولان مواقعهده نصیح وانکار. عقلاً قبیح اولدینی کی. برده انکار وزجرک فائده سی اولمدقدن فضله. فاسقک عناد و اصراری و دوام عصیان و استکبارینی منبج اولان صورتلرده انکار مزبورک عقلاً قبیح متفق علیهدر (افعال منکره مک فاعالیرینک ایکنجی قسمی) بونلر. اجرای فسق و خباثتده یکدیگرلرینه دست مایونی اوزاتوب یکدل. یک جهت اوله رق بر کتسه معصیت تشکیل و قوتلی بر جمعیت حالنی اکتساب ایدن بر سوری خذله در. علمای کرام حضراتی بویله اشخاص شیرهدن متشکل بر جمعیتک ایقاع ایتدکاری افعال منکره و اعمال غیر مشروعک ارباب شریعت و دیانت خرفدن منع وانکارک وجوبی حقنده مذاهب شتی ایله اختلافه دوشمشلردر. اصحاب حدیث و اهل اناردن بر طائفه. بومثل و لورک انکار و زجری واجب دکل. بلکه اولی اولان. طریق انکاره کیدیامیوب. خانه سنده اختیار عزلت و سکوت ملازمدر دیمش. آخر زمانده ظهوری منتظر اولان مهدینک. حقیقه ظهورینه قائل اولان دیگر بر طائفه. انکار و زجر و منکراتک دخی ازاله سنده تعرض واجب دکل. بلکه اوکروه خذله. مهدی منتظرک نیجه قهر عادلانه سنده ازلدکاری ائنده. معاونت قاهرانه سنه شتاب ایتک لازمدر دیمشلردر (للمترجم) اشبو مهدی منتظر حقنده. اهل سنت. ایله شیعه بیننده طویل الذیل اختلافات واردر خلاصه سی شودرکه اهل سنت. آخر زمانده. حضرت فاطمه سلاله سندن مهدی نامنده بر ذاتک ظهور ایده جکی و اوکته کلن ملوک جباریه یی. طوپلرینی

تفنگلرینی. ملیونلرجه یر کوتورمنز معلم عسا کرینی. خالق لقوی والقدر. مالک رقاب البشر حضرتلرندن الدینی قوؤ معنویه سایه سنده . محو وتباه ایدهرک. کائناتی عدل وانصافله طولیدر دجفی وزمانمزده عدالت، عدالت دیه بلند آواز ایله باغیر دقلری حالده. اجرا ایتدکاری مظلالم. وغصب ایتدکاری حقوق ایله جنکیز وهلاکوی آندیران طاسلاقلره. مکمل بردرس عدالت ویره جکنه. و بوداتک هنوز . وجود اولیوب. وقت مرهونی کلدکده. اوساللاه طاهر ددن طوغوب ظهور ایده جکنه ذاهب اولمشلر. وبو مدعا حقننده خیلی آثار غیبیه پیغمبری نی نقل وروایت ایتمشلر. شیعه طائفه سی. بوکا قائل اولقله برابر. مهدی. الآن موجود و (سرمن رای) بلده سنده مختلف در دهرک بوکا دائرده. زعملر نده چوق ادله ایراد ایدر لر. حتی بونلرک کبراسندن. وفیوز شتاده یدبضا کوسترن بهاء الدین عاملینک اعتقاد مزبور ی ناطق. بر قصیده بلیغیه سی واردر که خیلی ذوات طرفندن شروح و ایضا حاتمنا اعتنا قلمشدر. بهاء الدین. قصیده ده اولیه باغریب ورکه. دکل (سامرا) هان اوینک ارقه سنده ایمشده. اندن استمداد ایدیبورظن اولنور .

دولتلینک اوصافنده التزام ایتدیکی مبالغه. غلو و اغراق مرتبه لرینک کنکره بالاسنی آشدینی جهته شارح لر طرفندن خیلی قیل و قالی موجب اولمشدر قصیده مزبوره. دقائق بلاغت. اسلوب فصاحتجه مطالعه ایدنلره موجب استفاده اولدیغندن. مع اغلاقه ادبایه اهم و الزمدر. مهدی حقنده. ده زباده تفصیلات آرزو ایدنلر. کتب عقائدندن. شرح مقاصد. با خصوص خروج مهدی بی انکار و حقنده وارد اولدینی ادعا اولسان احادیثی تأویل ایدن ابن خلدونک مقدمه تاریخیه سنی مطالعه ایتسونلر. ابن خلدون مسئله مزبوره حقنده اون التي صحیفه لک مطالعاتی بیله از کور مکده در (اتمی) ایچلر نده حاتم کبی بر ذات عالی قدر داخل اولان دیگر بر طائفه. بر پادشاه عادلک دائره اطاعتنده بالاجتماع قهر و تنکیل خصوصنده همدست وفاق اولدقجه خبثای مزبوره یی زجر و انکار واجب اولیوب. تأمین مطلبه کافی اجتماع حصولنده کافه اهل ایمان اوزرینه منع وزجرک وجوبی قطعیدر دیدیلر. جمهور متکلمین ایسه. اعوان وانصارک وجودی شرطیه منع وزجرک وجوبنه قائل. عدمی تقدیرنده شخص واحد قبل حصول الغرض

قتل و اتلافی مصمم بولند قدده . انکار و زجره قالدشمه نك عقلاً قبیحه مائل
بولنمشلردر . ایشه امر بالمعروف نهی عن المنکر مباحثی شوراجقده پذیرای ختام
اولدی . انسانلر امر اولندقلری طاعات . نهی اولندقلری معاضی و جنایات خصوصنده
درت صنفه آیریلرلر . بعضیسنك امر اولندقلری شیله مبادرت . نهی اولندقلری
عصیاندن مجانبت استدکاری کوریلر . بوحال ارباب دیانتك احوالک افضلی . زمره
متقینك صفاتك اکملی در . صاحبیده . عاملینك جزای سعادت اتماسنه . مطیعینك
ثواب بی بهاسنه نائلدر (محمد بن عبدالملک المدائنی) نافعدن . اوده ابن عمر دن
روایت ایلدیکه . رسول کرم افندمن (الذنب لایمنی والبر لایبلی والدیان لایموت
فکن کاشئت وکمدین تدان) یعنی کناهلر اونودولمز . همه حال جزاسی ویریلر
عبادات چورومز . ثواب و مکافاتنی بخش اولور . مجازات و مکافات ایده جک الله .
اولمز . اوکی نقیصه لدن منزهدر . اوله ایسه . ایسته دیکک عملی ایشه
قرشولغنده مجازات کوره جککه امین اول بیوردیلر (بعض حکما) هرکس
اکدیکنی ییجر . ایشلیدیکنك جزاسنی که ردیمش (بعض بلغاده) بوکون ا کدکلریکی
یارین . ییچه جکسک دیمشلردر . کرک حدیث شریف ، کرک اقوال حکما . کشینك
عملی عندالله ضایع اولیوب همه حال مجازات و مکافاتنی بغیر وجوب . کوره جکنی
معلندر .

ناسک بر صنفی دها واردرکه . اغواآت شیطانہ قاپلهرق فعل طاعاتدن
روکردان . ارتکاب معاصیه شتابان اولدقلری کوریلورکه . احوال مکلفینك اک
مرداری بوحال اولدیفی کی . صاحبقری . مستحق عذاب منتقم جباردر (ابن شبره)
دیورکه . فسادمعه . طریان مرض اندیشه سیله . اللهک حلال استدیکی نفیس
طعاملردن و مباحات سائر دن پرهیز ایدوبده . عذاب الیم اندیشه سیله معاصیدن
پرهیزایتمان احقرله شاشارم . ابن شبرمه نك بونطق دلپذیرنی . بعض شعرا نظماً
شویله ادا ایدیور .

شعر

جسمک قد افیتته بالخی
وکان اولی بک ان تحتمی
دهراً من البارد و الحار
من المعاصی حذر النار

مآل

جسمی صغوقدن. صیجاقدن محافظه یولنده افنای عمر ایدیورسکده. معاصیدن پرهیز و اجتناب ایتیورسک. حالبوکه سکا لایق و موافق حکمت اولان. عذاب جهنم قورقوسیه. گناهلردن صاقتمق خصوصی ایدی. سن حیفاکه عکسینه حرکت ایدیورسک (ابن صباوة) بزاقدهک. عبادت اوغرنده تصادف اولنه جق مزاحه صبر. عصیان ایدوب عذاب جهنمه صبر و تحمیلدن اهورندر. بناء علیه طاعته مکب، معصیتدن محتنب اولدق دیدی. بعض علما. هنکام و عطلده شویله نصایحه بولندی. ای الالهک قوللری. ثواب و مکافاتنه احتیاجکیز درکار اولان عمله صبر ایله. عذابنه طاقت کثیرمه جککیز کوتو عمللرک اجرا سندن پرهیز کارلغه نفسکیزی جبر ایدک (فضیل عیاضه) الله سندن راضی اولسون دیدکارنده. یغما یوق بن انی راضی قیله جق عمله بولمده. او بندن نصل راضی اولور. جوابی ویرمشر. ناسک دیکر برقسنه ده تصادف اولنورکه. جناب حقک امر ایتدیکی عباداتک اجرا سانه مسارعت کوستیرر ایسهده اوته طرفدن نهی ایتدیکی معاصیدن کندینی آله میهرق صرمسنی دوشوردکجه آنلریده ارتکابه جرأتدن واز کچه مز بوکی آدمیر. فعل طاعته بولندقلرند نطولایی عبودیتده تقصیردن سالم ایسهلرده سائقه شهوتله. ورطه هولناک معصیته آتیلدقلرندن طولاییده جرأت علی الله جنایتیه متهم اولمقدن قورتیه مزلر. سید الکائنات افندمز. جناب حق. سزى پارچه پارچه ایتهدن یعنی عرصه محشره کلهدن. معاصیدن نفسکیزی چکیک. مآلنده (اقلعوا عن المعاصی قبل ان يأخذکم الله هتاً بئاً) بیور مشلردر بعض علما ناسک افضل. دینى شهوت، یقینی شبهه ازاله ایتماندر دیدی (فضیل عیاضه) عالمده شایله جق شی ندر دیدکارنده. اللهی بیلوب عصیان ایدن قلدر. جوابنده بولدی.

برآمد. ابن عباسه. کناهیده از. عملیده از کسه ایله. کناهی چوق. عملیده چوق کسهلرک هانکیسی خیرلیدر دیه صوردهده. کناهدن سلامت. هپسندن اعلادر. جوابی ویردی. زهاددن برینه. کیجه نمازی حقنده نه بیور رسکز دیو

صور مشلرده . جوابنده . کوندوز اللهدن قورقده ، کيجهلين اويو . ديمشدر ، حکمادن بری ايشتيديکه بر آدم . بر قومه خطاباً ديسورکه . سزى اويقو هلاک ايتدی . حکيم مزبور . اکا قارشو . سزى هلاک ايدن اويقو دکل . اويانقادر دیدی يعنى . حالت نومده کناهدن وارسته بولنق . اويانق بولوبده . قيد شهوت ومعصيته يابسته بولونمکزدن خيرليدر ديهجک . ابوهريره . بریسی تقوانک حقيقتدن صورمش . اوده . سن هيچ دیکبلی ترلادن کچدکمی ديوب . سائله اوت ده نيجه ابوهريره . نه ييارق کچرسک دهمش . سائل مزبور صاقينه رق کچرم ده نيجه ابوهريره . اويله ايسه . دیکندن صاقنديغک کبی کناهلردنده صاقين که صورديغک نقوايی کندی نفسکده بوله سک دهمشدر عبدالله بن مبارک شو يتلری نه کوزلدر .

شعر

ايضمن لى الفتى ترك المعاصى وارهنه الكفالة بالخلاص
اطاع الله قوم واسترا حوا ولم يتجر عوغصص المعاصى

ال .

وارمی بر بابا يکيت که . بکا ترك معاصی ايدجکنى ضامن وکفيل اولسونده بنده اکا . جهنمدن خلاصنه کفيل اولديغمه رهن ويريم . الله اطاعة ايدن قوم استراحت ايدردده . معاصينک أجي أجي نتايجنى طأماز .

ناس ايچنده بر صنف دها واردرکه انلر . عبادات وطاعاته مبادرتدن کرى قاليرلسده . معاصی ي اولسون ارتکابه جرأت ايتزلر . بوجهته . قلة يقين وضعف دين سبيله عذاب الهيدن غافل وامر عبادتده عاطل صفتنى قزانقلرندن . حاللرينه آجينر . ابوذر غفارى . سلطانه انيا افندمزدن روايت ايديسور . بيورمشلرکه صحف موسى عليه السلامک کافهسى عبرت أميز وقايعى ناطق ايدى وبعض مندرجاتى

شونلردر . جهنمك عذابنه علم يقينى اولدينى حالده كولنلره شاشارم . قضا وقدره ايمانى اولدينى حالده . يهوده متكلفانه اتعاب وجود ايدنلره شاشارم . دنيانك . اهلنى اوغراتدينى تقلبات . ايضاح ايتديكى مضراتى كوروبده اكا امين بر حالده بولنانلره شاشارم . يقيناً اوله جكنى بيلوب فرحناك اولانلره شاشارم . روز جزاده حساب اولونه جغنى بيلوبده عملنده كسل كوسترنلره شاشارم . حديث شريفك لفظى شويله در (كانت صحف موسى كلها عرباً . عجت لمن ايقن بالنار ثم يضحك . عجت لمن ايقن بالقدر ثم يعجب . عجت لمن رأى الدنيا وتقلبها لاهلها . ثم يطمئن اليها . عجت لمن ايقن بالموت ثم يفرح . عجت لمن ايقن بالحساب غداً ثم لا يعمل) مخزن اسرار الوهيت افندمز (اجتهدوا في العمل فان قصر بكم ضعف فكفوا عن المعاصي) يعنى عمل طاعات ايجون . اولانجه قوت ومكتتكزى صرف ايديكز ضعفكزدنطولاي قصور ايدرسه كز . بارى معاصى ارتكابندن كف نفس ايديكز بيور مشلردر .

اشبو حديث شريفك مؤداى مينفندن اكلاشيركه . عمل طاعات كو چدر . اكاكل تهايكله صاريلك . اجر اسنه چاليشك . شايد كوجلكندنطولاي نوعاً ما قصوريكز وقوعبولورسونه قصورلى فلان . دوام ايله برابر . اندن سهولتى بولنان ترك معاصى به شتاب ايدك . ارباب ذوق سليم . بو حديثى بويله جه اكلاز . اوت بيورلدينى كبي . فعل طاعت . فعل اولدينى جهته . آنى احداث وايجاد ايلمكده بر نوع صعوبت دركار . ترك معاصى ايسه عدم قيلندن بولندينى جهته . عمله نسبتبه . تشبهنده سهولت آشكاردر بو نظريه دنطولايدركه . ترك قيلندن اولوب انسانى صاحب عذر قيله جق قدر عاجز براقش ملحوظ اولمديغندن . ارتكاب معصيتى . جناب حق عذرلى عذر سز مباح قيلمامشدر . لكن عمل طاعات . بوكا مقيس دكلدر چونكه عمل . فعل وايجاد قيلندن اولوب كندنده عجز متصور اولمغله . جناب حق . او خصوصده صاحب عذرلى بالاستثنا بعض اشياى كنديلرينه مباح قيلمشدر كه اواباحه صاحب عذر اولمانلر حقنده رايكا . بيورلماشدر . ايشته بودقيقه مناسبتيه (بكر بن عبده) ديسور كه قوته مالك . واوقوتى . اسراف ايتيوب طاعاته صرف ايدنلره الله رحمت ايلديكى كبي . ضعيف اولوب عمل خصوصنده يك ايلرى وارامزسده معصيتدن بارى كندينى اولانلرده

رخت بیورسون. عبدالاعلی بن عبدالله شامی. نام شاعرك شو بیتلری مقامه
مناسبدر .

شعر

العمریتقص والذنوب تزید وتقال عثرات الفتی فیعود
هل یتطیع جحد ذنب واحد ر جل جوارحه علیه شهود
والمرء یسئل عن سنیه فیشتهی تقلیلها وعن الموت بحمد

مال

عمر نقصان بولیور. کناهلر چو غالیور. کشینک خطیاتی عفو اولونویور.
دونویور. ینه ارتکاب ایدیور. اعضا وجوارح کبی شاهدلر وارکن. کشی هیچ
برکناهی انکاره قدرت بوله مز. یاشندن صورارسک. ازالتمغه چالیشیر. کویاکه
اولومدن قاجار .

معلوم اوله که بر مکلفک طاعته اقبالی ایله معاصیدن واز کچمه سی خصوصنده
ایکی أفت متصوردرکه هر ایکسیده : ارباب عقول ایچون خانمانسوز بلزلر قدر
شایان احتراز ومجاہتدر (افه اولی) صاحبنه. وزرو وبال کسب ایتدیرر (افه ثانیه)
قزائمش اولدیفی اجر ومثوباتی محو وابطال ایدرکه بونلردن حذر. عاقل ایچون
درجه وجوبده در .

وزرو وبال قزاندیران. افت. مکلفک. کچمش زمانلرده اجرا وبارکاه احدیته
تقدیم واهدا ایتدیکی اعمال حسنه سنه غرور واعجاپیدرکه. اشبو حال مذمت اشتمال.
دیگر ایکی حاله مذمومیه . مکلفی سوق والجا ایدر . (حالة اولی) عملیه عجب
ایدن کسه نك. جناب حق قرشو عرض کالای منت وبووسیله ایله نزد سبحانیده
منکر نعمت تهمتته معروض قالمه سیدر. اوت. بوکبی ذواتک ایشلدکلری اعمال
حسنه نك فوائد مادیه ومعنویه سی هروجهله کندینه راجع اوله جفندن سربسجده
شکران اولمغه بدل. غنی عن المعالمین اولان معبودینه قرشو. بن سکا شویله عبادت
بویله اطاعتده بولینورم کبی وضعیت کس تاخانه المق. ملو غریسی بیوک کفران

نعمدر. عبده بن عباس. دیدیکه واجب الوجود. انبیا سندن برینه. ای بنی. دنیادن زهد و اعراضك. هر درلو معناسیله بخش ایده چکی منافع. کندیکه عائد در. چونکه بواعراضك سنبیله. حطام دنیاك جلی ایچون گروه اسافله تکاپو سفالتندن. قور تلمش بولونوبورسك که. عزت نفس اربابی نظر نده بومزیت. دنیاك هیچ بر نعمت زائله سنه نسبت قبول ایتمز. بر طرف نده اهل دنیا دن خلوت نشین انقطاع اولمق. ینه سنك عزو شرفکی تأمین ایده جکندن. بوده ینه سکا راجعدر. بن بو ایکی استفاده دن مستغیم دیه وحی و خطاب ایلدی. حالة ثانیه. عملیه عجب وادیسنه دوشن بیچاره. جناب حق قرشی طریق ناز و استغنائی طوته جق. بوده معاذه جرأت علی الله. کبی بر جنایت کبرائی مستلزم اوله جعندن اسمك عاصیلر دفترینه قید اولمسیدر. (مورق العجلی) طاعات ایله عجب ایدیله جکنه. هیچ ایشله مكم دها اعلا در دیدی (اسلاف دن بعض ذوات) کناهی اعتراف ایدوب کولنلر، اغلیوب الله ناز ایدنلر دن. کناهنه ندامته اغلایانلر. لهو و لعبنی اعترافله کولنلر دن خیر لیدر دیدی. (اجرو مثنو بانی محو و ابطال ایدن افه ثانیه) ارباب عجبك اعمال خیره سنه اعتماد ایلمه سیدر که بو حال، نتیجه سنده ایکی شی تولیدینه مدار اولور که بری. اعتماد من بورك. استقباله اجرایی لازم اولان اعمال خیره ده تنکاسله سوق ایتمه سیدر. بو کبی کچمش عملنه کو کنوب تحصیل اعمال دن واز کچنلر. کفران نعمت. حرمان مثنو بانه مبتلا درلر. بوجهته. حاللرینه اجمیق لازمدر. دیگر ی. اعتماد معهودك عذاب الیه دن امنیت مرضی تولید و خشیه اه مزینتی قلب دن تبعید ایله مسیدر که بومرضه مبتلا بولونانلر اوزرینه اوامر الهیه حقیر. زواج صمدانیه صغیر کورونه رك سبب خذلانی اوله جغنده شبهه یوقدر. (فضیل عیاض) کشینك الیه دن قورقوسی. اكا علمی نسبتده دردی مشدر. بوسوز. الله قورقو - نك قلبده یروطو تامه سی. جهل مقتضای سیدر دیمك اولویور که اعمالنه کو کنه ن شخصك جهلی مسجلدر. بویله اولماسه ایدی بش پاره لك عملنه قورولوب عذاب الهیه قرشو قبادایلیق کو ستر رمی ایدی.

رابعه عدویه به. قبوله اعتماد ایتدیکك هیچ بر عمل ایشلدکی دیو صورانلره. بویله بر عمل بیلیمورم. اکر وارسه. اوده نزد بارید عمللریمك مردود اولمسندن خوفدر جوانی ویردی. (ابن سماء) دیدیکه الله الله. کچمش عمللر نه قدر

تحفدر . کندیلرنده نیجه مهلك خطر (عجب) واردر . استقبالده ایشلنه جك عملدرده . شاشیلر بر حقیقتدرکه کندیلرنده ریاهتلهكسی اولدیغندن احتیاط ایله اجرایی درجه وجوده در . حکایه اولنورکه . ذاهدلرین بر ذات بر جمعیت کبرایه واروب یوکسك بر صدا ایله شویله سویایور ایدی . ای زمره اغنیا . سزه سویلیورم . حسنائی چوغالتمه باقك که کناهلریکز چوقدر . حسنات ایله محو اولسون . ای زمره فقرا . سزه سویلیور . کناهلری ازالتيك . چونکه انلری محو ایده جك حسنائیکز يك ازدر . مؤلف مرحوم مباحث سابقینی کره کی کبی تحقیق . واسبران میدن تدقیق اولدقدنصره . نصایح آتیه اجراییله بحثنه خاتمه ویریور . دیورکه ای طالب . الله سنی . توفیق سبحانیسنه مظهر بیورسون بیلملیسك که صحه جسمکی . فراغ وقتکی . کچمشده یاه بیلدیك اعماله وثوق واعتماد ایدهرک . طاعات باینده تقصیر ایله ضایع ایتمك . واجبیه ذمت عبودیتکدر . امدی زمان صحتکی فی سبیل الله اجتهاد صرف ایچون اغتنام . اوان فراغکی فرصت بیلهرک عبادات خصوصنه میل واهتمام ایتمه لیسك . چونکه هر زمانك . دلخواه وجه اوزرینه جولانکه اولمغه استعدادی . فوت اولان اوقاتك ایسه تلافیسی ایچون اعاده سی قابل اولدینی . بدیهی بر حقیقتدر . وقت اولورکه فراغ و بیقیدی . موجب ندامت . خلوت و تنهایی . مستوجب وخامت اوله بیلیر . بوکا مبنی حضرت عمر . راحه دائمه . رجال ایچون موجب غفلت . نسا ایچوننده مورث ازدیاد شهوتدر . بیوردیلر (بزرجهر) اشغال . انسانی اوزر سهده . فراغ . فساد ایچون سبب قوی اولدینی جهته هر حالده اشغال . فراغ اوزرینه ترجیح اولنور دیدی (بعض حکماده) خلوتدن کندیکزی صاقینکز که انسانلرک عقائی بوزار . باغی چوزلمش کسه لری بو قاغویه قور . دیدی . (بعض بلغا) ایامکی منفعتسزیره صرف . مالکی وجوه خیردن ماعداده ضایع ایتمه . زیرا عمرلر قیصه اولدیغندن تأمین منافعدن بشقه یرلره توکیدلمك . مالکده وجوه . بروخیراندن بشقه یرلرده استهلاکی معقول و بجا دکلددر . نفع و خیری کندینه عائد اولمیان یرلرده . ثوابی کندیسی ایچون حاصل اولیه جق ماده لرده . ایام و اموالنی افنا و انفساد ایدنلره غافل اسمنی ویرمکده . عقلا تردد ایدرلر . دکل تردد . هیچ راضی اولمازلر . عیسا علیه السلامدن مروی اولان شو . نطق . مقالات سابقه دن ده ابلغدر .

بیوریورکه. ایولک اوچ شیدر. سوز. نظر. سکوت. ذکر سز سوز. لغودر. عبرت سز نظر. سهو و خطا در. تفکر سز سکوت. لهو و عیش در = قنوت الیه دن فیضان ایدن شو عبرت امیز نطق در. مطلقا وحی الہی اُتاریدر. بونلردن اقتطاف ایدیلن فوائد. غیر متناہیدر. معلوم اولسو نکه انسانلر ایچون تکلیف اولنان عباداتک صورت اجرا سنده اوچ حال واردر. برنجیسی عبادتده زیاده نقصان ایتکسزین. نقطه سی نقطه سنه ایفا ایتک. ایکنجیسی تقصیر و تکاسل. اوچنجیسی تکلیفک فوقندہ بر طاقم زوائد علاوه سنه یلتمکدر. بونلردن. برنجی حال. احوال ثلاثہ نک اوسط واعدیلدر. چونک مکلف. عبادتده قصور ایتیورکه شایان مذمت اولسون. تکلیفک فوقندہ بر شی علاوه ایدوب عاجزده قانیورکه بوجہ تلمدہ مظهر لوم اولسون بوحالک عدل و حکمتہ موافق حرکت اولدیغنی (سعید بن سعید) دن اوده اوبو هریره دن روایت اولنان شو حدیث شریف. اثبات ایدر. جناب رسالتنہ افندمن بیورمشلرکه (سددوا و قاربوا. ویسروا. واستیعنوا. بالغدوة والروحة وشیء من الدلجة) مال حدیث. افراط و تقریطی براقوب. اورته سنی التزام ایدک. تبلیغ احکامده قولای جانبی کوسترک. قوشلق و اخشام اوستی و کیجه نک بر پارچه سنده دخی سیر و خرام ایله ایشیکرک تسویه سنه چالیشکنر دیمکدر.

شعر

عليك باوساط الامور فانها نجاه ولا تركب ذلولا ولا صعبا

مال

امور کده. دائما حاق وسطی التزام ایتک. نجاه انده در. یوخسه. غایت ازغین یاخود مسکین حیوانه بنمکه هوس ایتمه. یعنی نه صعوبتلی. نه ده غایت اشاغی ایتنه صاحب اولمه. بوایکی حالک اورته سنی بولغه چالیش =

امر عبادتده تکاسل و قصور دن عبارت اولان ایکنجی حال. بر از تفصیل و تحقیقه محتاج در. شویله که مکلفده کی قصور عمل. بهمه حال درت حال دن نشئت

ایتمی احتمال عقلی جمله‌سندندر. برنجی حال. مکلفی. فعل مأمور بهک اجرا سندن عاجز برافه‌جق و یا خود ضعیف دوشوره‌جک مرضک ظهوریدر. شو حاله مبتلا بولنان مکلف. عبادتده قصور ایدنلر جمله‌سندن چیقار. عاملین فرقه ناجیه‌سنه التحاق ایدر. بوجهته شایان تبشیردر. شریعت. عجز تحتند بولنان احکامک سقوطنه قرار ویرمشدرکه قرار مزبوری شو حدیث اعلان ایدر. (مامن عامل کان یعمل عملاً فیقطعه عنه مرض الاوکل الله تعالی به من یکتب له ثواب عمله) یعنی قننی مؤمنکه. برعمددوام ایتدیکی حالدطریق عملنه. مرض مزعج چیقارق مانع اولورسه. جناب حق. اکا برملک وکیل براقیر. اوده عمل ایتمش ثوابی یازار.

ایکنجی حال. عبد مکلف. خالقنه قرشی یپاجنی عبادتده کی تکاسل وقصوری. اورحیم ذوالجلالک وسعة رحمتنه = کثرت مغفرتنه مظهرتی امیدی اوزرینه با ایتمشدر. اشبو حالک صاحبی اولان سرسملر. جناب حقک حسن ظنی زاد اخروی، امیدرحمة ومغفرتی قصور وعصیاننه انت اتخاذ ایدیورلر. نه بیوک جهالت. بونلرک شو حالی. شو مسافرک حالنه بکزرکه. اثنای راهده لازم اولان زاد و ذخیره‌نی. آدم سنده. بورادن یوک ایتمه‌که نه حاجت. یوله بولورم. ظن مجردینه کوکئوب اسفار بعیده‌نی اختیار ایله برابر. ظن مزبوری بوشنه چیقمش. نهایت زوالی. احتیاطسز مسافر آجلقدن تلف اولمشدر، بونلر. امید رحمت الهیه‌نی نصب عین دقت ایتمشلر. صفت جلالنک مقتضاسی بولنان عذابیده اولدیفنی بیامک ایسته‌مه‌مشلردر. بویله یپاجقیرینه. دعوت اولندقلری حذر اوزره بولونسلر ایدی. سلامت اخرویه‌لرینی تأمین ایتمش اولورلردی. (اسرائیل بن محمدالقاضی) حکایه ایدیورکه. ساکن خرابه‌زار. اولان مجاذیب الهیه‌دن برینه تصادف ایتشدم. بکا دیدیکه یا اسرائیل. اللهدن او یله قورقکه. سنی امید مغفرتدن بیله مشغول ایتسون. چونکه او امیدلر. سنی مخافة اللهدن واز کچیرده. قرین خذلان اولورسک. الله طوغری قاچ. اللهدن قاچه. (محمد بن واسعه) الله قورقوسیله آغلامیسیک دیدکلرنده. بو حال. امنیت اخرویه‌سی اولانلر ایچونددر. بزم ایچون عبادتده دوام لازمدر دیدی. حکایه ایدرلرکه. ابو حازم الاعرج. سلیمان بن عبدالمملک. جناب حقک

عذاب اخرويسنه دائر. اياتى خبر ویرنجہ. سليمان. اويلہ ايسہ اللہک رحمتی ترہدہ قالدى ديمش. اودہ. قريب من المحسنين. جوانى ویرمشدر.

عبدہ بن عباس. ديورکہ ارتحال محمدین صکرہ. حضرت علی یہ خطاباً یازدینى برمکتوبدن ايتديکم استفادہ وعظيہ ومنافع دينيہ. هيچ برشیدن ايتدم مکتوب مزبور. شونی ناطق ایدی (امابعد) یا علی. انسان نیل و وصولی مقدر اولیان برشینک فوتندن طولاییدہ نمکین بولونور. اويلہ ايسہ دنيادن نائل اولديغک برشی ایچون فرحناک. فوت ايتديکک شی ایچونده غمناک اوله. صاقین علمسز سعادت امید ایدنلردن. طول امل زنجیرینہ بغلنوب توبہ یی بوکونه یارینہ تأخیر ایدنلردن اوله. بوزمیحت سکا کافیدر.

محمود وراق

و ارجو لذی المفوات الممی	اخاف علی المحسن المتقی
فکیف علی الظالم المعتدی	فذلک خوفي علی محسن
ويستأنف الزیغ قلب التقی	علی ان ذالزیغ قد یستفیق

مال

اهل احسان و تقوانک. دوچار عذاب اوله سندن قورقارم. اهل عصیانکده مظهر عفو الهی اولسنی اومارم. اهل تقوا حقنده خوفم بویله اولونجه. حدود شرعیہ یی تجاوز ایدن ظالم حقنده. دها زیاده اوله جفی طبعیدر. مع هذا ارباب زیع و ضلالک ضالالتدن خلاص. اهل تقوانکده قلبنک سمت ضلاله رغبت ایتمه سنی استبعاد اتمام = (اوپنچی حال) مکلفک حال حاضرده وقوعبولان عبادتده کی قصورینی. آتیده مکمل صورتده بالایفا. ماضیده غیب ایتدیکی عباداتی. مستقبلده مع زیاده تلافی ایتک قوروتیمیدرکده. نهانک. بوکی املی نهایت بولور نهده هیولای بیوده سی. صورت یوزی کورور. چونکه امل. ماضیده فصلسه استقبالدهده اوله در. سید الکائنات افندمن. بو خیال خامک. حقیقت یوزی

کوره، یه جگنی. شو حدیثلریله بیان بیوردیلر. (من یؤمل ان یعیش غداً فانه یؤمل ان یعیش ابدآ) یعنی یارین یاشامغنی امید ایدن : ابدآ اولیوب یاشامغنی قوران کسه کیدر .

بو فکر فاسد. امل کاسده . عبادتده قصوره جرأت کو سترنلرک عاقبتی خسران ابدی. اغترار سرمدیدر . چونکه بو آدم. یارینه، او برکونه کوه نیور حالبوکه هر یارین ایچویده دیگر بر یارین موجود اولدیندن. امل مزبور. چکه. چکه. صاحبی تلافیسی قابل اوله میان فوته. تدارکی ممکن اوله میان امله دوشوره جکندن. املی عین خیت و خسران. امیدلری یأس محققه اقران ایده جکی ضروریدر . عمرو بن شعیب. باباسندن. اوده کندی پدرندن. اوده رسول الله بن روایت ایلدیکه (اول صلاح هذه الامة بلزهد والیقین وفسادها بالبخل والامل) یعنی بوا تمک صلاح اولیسی. زهد ویقین ایله باشلار. فسادی بخل و طول امل ایله نهایته نبر. بیور مشلردر .

(حسن بصری) بر قول. املنی اوز اتدیمی. همه حال. عمده اسائن و دوچار عطالت اوله جقدر. بیوردی. بغداده سفر عزمنده بولان بر ذات. زاهدلردن برینه. بغداده کیمک نیتندیم. بر امریکز واری دیدکده. سن بغداده کیدوب کلنجیه قدر. امل ایچنده اوز وله نی آرزوایدیم جوابنده بولتمشدر. بعض بلغا. (امل) چولده کی سرابه بکیز. کوره نی مسرور. اوزرینه وارانن مایوس و مغدور ایدر دیدی. (محمد بن یزدان) دیورکه. مأمون خلیفه و وزارت ائناسنده. برکون یانه کیردمکه. آبان اوزرینه دیکلمش. الله بر کاغده بکادیکیه یا محمد. بو کاغده کنی او قودو کی. بنده. خیر. شمدی امیر المؤمنین الله کور بیورم دیدکده. کاغدی اوزریمه فیالاتدی. با قدمک دروننده شو بیتلر مسطوردر .

شعر

انک فی دار لها مدة یقبل فیها عمل العامل
اما ترى الموت محيطة بها یقطع فیها امل الامل

تعجل بالذنوب لما تشتهي
و تأمل التوبة من قابل
والموت يأتي بعد ذابغة
ما ذاك فعل الحازم العاقل

آل

سن. بردار امتحانده سكه (دنيا) عاملك عملی مقبول اولمق ایچون. آنده
بر زمان معین واردر. کور میوره یسك. او دارك اطرافنی. طولایسیاه موت
چویرمش، املجینرك ارزولرینی قیرمش آتمش، سن. حالاشهواتکی قضا ایچون
کناهی قوشیورسك. کله جك زمانلرده توبه امید ایدیورسك حالبوکه اولوم.
آنسزین کله جك بوخیالاتکی محواید جکدر. بوکیدیش حزم و عرفان صاحب لریك
کاری، دکلد.

بن بویتلری اوقویوب بترنجه. مأمون. شو آنقدر. عالم ادبیاتده کوردیکم
اشعارك الك متینی، الك دلنشینی بودر دیدی.

ابوحازم الاعرج دیدیکه. بزوبه سز اولمك ایسته میورز لکن بوکیدیشه.
اولمدن توبه ایده میه جکز غالباً (بعض بلغا) چوق اهامل. امهال ایلیجیسیدر
دیدی. (دردنجی حال) مکلفك فعل مأمور بی نقطه سی نقطه سنه ایفانی.
تمامی تمامه اجرایی ثقیل عدیله. هان اولدم اولاسی به ممکن مقدارینی صحیفه عمه
کچوروب. معتاقیسنی، مبالاسزجه ترك واهمال ایتمه سیدر. شو وجهه اهامل. انواع
ثلاثه اوزرینه در (نوع اول) اخلال و تقصیر ایديلان عمل. بر فرضك ایفاسنه
مانع وبر عبادة مقصوده نك اجراسنی قاده اولماقدر. نتهكم عبادتك واجبات
و مفترضاته مواظبت ولكن هیأت مسنونه سندن صرف نظر ایدن کسه لرك
حرکاتی کبی که بومثلولر. نزدالهیده مستحق عقاب اولمز لرسده. ترك ایتمک لری
ستلر یوزندن اسائنندن قورتوله میه جقلری طبعیدر. چونکه بونلردن صادر
اولان اداء واجب. کرچه سقوط عقابی مستلزم ایسه ده. صفة مسنونیتی اخلال
ایتمک لرنندن. ثوابك کلندن محرومدرلر (بعض حکما) دینه تکاسل ایدن
حقیر اولور. حقه قرشو جدال ایدن. یومشامغه مجبور قالیر دیدی.

شعر

ویصون توبته ویتړک غیر ذلک لایصونه
واحق ماصان الفتی ورعاً امانته ودینه

مأل

توبه سنی صافلا یورده. اعمال سائرہ فی صیانتہ قصور ایدیور. حالبوکہ. فتانک صیانتہ لایق. اولان امانت و دیانتیدر. (نوع ثانی) مکلفک ترک ایتدیکی عمل. مفروضات قیلندن اولور. لکن بوتړک. عمل مزبورہ منحصر قلوب دیگر اجر اسنی التزام ایتدیکی عملرہ سرایت ایتمز. مثلاً برکسہ. بعض فرائض عباداتی بالوجوه اکمال ایدردہ. فرائض سائرہ فی ترک ایتدن تحاشی کوسترمز. بومثالو یادکارلر. فرائضی قسمأ تارک اولدقلری و بویوزدن یوم جزاءہ عقاب سبحانی یہ چارپیلہ جقلری جہتہ حاللری نوع اول افرادینک حاللرندن بدتردر. (اوجنچی نوع. کتب فقہیہدہ بیان اولندیفی اوزرہ. فرائض عبادات ایچون برطاقم ارکان وفرائض واردرکہ آنلرہ اعتنا ایدلدکجہ مشروع فیہ اولان عمل. نظر شریعتدہ مستکمل عد اولہمز. مثلاً فرضیتی منصوص اولان نمازک اداسی اثناسندہ لازم الاعتنا بعض فرائض دہا واردرکہ آنلرہ رعایت ایدلدکجہ. نماز نظر شریعتدہ مقبول اولہمز. قیام و قرائت. رکوع و سجود کبی. امدی بونلردہ تکاسل کوسترن مصلی. زمرہ تارکینہ التحاق و آنلرہ برابر عقابہ کسب استحقاق ایدر.

مع ذلک. یالان یا کلش. شرطسز رکنسز (سر بزمین دم بہوا بکند. کوییا ذکر خدا بکند) دینہ جک بر حالده نمازہ دوام ایدن بو حریفک. کندی کنندی الداتدیفی و فیوضات مغویہدن محروم قالدیفی حالده. یورغو نلغی اوزرینہ جابا قلوب تارکین ایلہ برابر مستحق عقاب اولمسی. شایان تعجیدر. بری طرفدن. بونک بارہ و یاخود مالندن برجزہ پسیر خسارہ اوغراسہ. در حال

هزار تأسف ایله تلافی مافات ایچون تلاش و تکلف ایدرده. ابله. یهوده یره چکدیک
زحمتلرینک بر پوله دکم دیکندن غفلت کوستیر .

شعر

ابن ان من الرجال بهيمة فی صورة الرجل السميع المبصر
فطن بكل مصبته في ماله واذا يصاب بدنيه لم يشعر

مال

اوغلجغزم. رجال ایچنده کوزی کورور. قولانغی ایشیدیر. انسان قیافتنه.
اوله بهایم بولنورکه. مالنه طوقنان هر مصیبتی اکلامده ابراز فطانتله برابر
دینه طوقنان مصیبتلردن غفلت کوستیر .

مکلف ایچون صدر بجنده اعتبار ایتدیکمز اوچ حالدن (اوچنجی حال) مکلف
کندینه تحمیل و تکلیف اولان عملک مقداری اوزرینه زیاده ایتمه سیدر. بوده. ینه
اوچ قسمة ایریلیر . (قسم اول) اشو زیاده نک. ناظرینه ریا . مخلوقینه قرشی
تضععات یمعنا اجر اسیله. کندن نفرت ایدن و یاخود پست پایه کوره رک عطف اهمیت
ایتمیانلرک قلوبنک میلانی وبر طاقم زواللی و ییچاره عقول واهیه اربابنه ایراث
مهابتله. یکیدن تأمین وقع و شان سوداسیله کسوه صلحایه بورونوب طولاب
چویرمک فکر فاسدیله حصولیدر . بوکی. دینی دنیای دنیسنه الت ایتمک
شتاعتنده بولنان مرانیلر حقنده ضرب مثل مقامنده. فخر عالم صلی اه علیه وسلم
افدمنر (المتشبع بما لا یملک کلابسی ثوب زور) یعنی بشقه نک اثوابیله زینته
یلتنانلر. صلحا کسوه سنی کیوب خلقه مرانی بولنانلر کبیر بیور مشلردر. بوکی
مرانیلر. جناب حقه نظراً محروم مثنوبات و مستغرق ائام. خلق ایچنده دخی
ریالری تظاهر ایده چکی طبیعی بولمغله حقیر و بدنامدرلر . (الحقلر) رضایی
کوز تمذیلرکه مأجور اولسونلر. ریالری اومدقلری کبی پرده خفاده قالدیکه.
احراز نیک نام ایتسونلر. ریانک شناعتنی اکلاملیکه. واجب الوجود حضر تلی

اشبو ایة جلیله ده مؤمنینی . او کبی نظر سبحانیسنده بشیع و شنیع اولان عملدن نهی بیورمشلردر . (فمن کان یرجو لقاء وربہ فلیعمل عملاً صالحاً ولا یشرک بعبادة ربہ احداً) اهل تفسیرک نکاشته صحائف تفسیر بیوردینی وجهله ایة جلیله مآلی شویله در . بر کسه که . یوم قیامتده اللهه عندالحساب ملاقی اوله جغنی اعتقاد و رضای سبحانیسنه مظهر بی امید ایدر سه . صالح عمللر ایشله یوب عبادت خصوصنده کسه بی اکا اور تانی اتمه سین . یعنی عملنده فعل خبیث ریایی قاتشدیر ماسین . قالدیکه . ریادن شرک ایله تعبیر وادا بیورلمسی . شناعتک درجه سنی کوستیر . بوده ارباب ذوق ایچون معلومدر .

حسن بصری (ولا تجهر بصلاک ولا تخافت بها) ایة جلیله سنک تفسیرنده (ولا تجهر بها ریاء ولا تخافت بها حیاء) یعنی نه ریا قصیدله اشکار . نه ده حیا ایدهرک کیزلی اوقومه . دیدی . سفیان بن عینیة (ان لله یامر بالعدل والاحسان وابتاء ذی القربا وینهی عن الفحشاء والمنکر والبغی . ایتنی تفسیر ایدرکن (عدل) عمل ایدن ذاتک نظر نده . کیزلی . اشکارا هر ایکسنک مساوی اولمسیدر . (احسان) کیزلی عملک . اشکارادن ده کوزل صورتده اجراسی (فحشاء ومنکر) اشکارا عملک کیزلیدن ده کوزل اولمسیدر . دیدی . لکن دیکر مفسرلر (عدل) کله شهادة (احسان) کیزلی . اشکارا عبادتده صبر و متانت و اظهار مسارعت (ابتاء ذی القربی) صله رحم (فحشاء) زنا فعل شنیعی (منکر) قبیح سائره (بغی) کبر و ظلم دیو تفسیر ایتمشلردر . صورت ظاهرده . ریا خارج ظن اولنورسه ده منکرک تأویلنده کی قبیح جمله سنده ریا داخل اوله جغندن ظن مزبورده محل یوقدر . صفة ریانتک شناعتک درجه سنی اکلاملی که . امت مرحومه سنی . ذمائم اخلاقیه و مهالک اخرویهدن وقایه چیغرنده . هر در لوفدا کارلنی لطفاً التزاء بیوران پیغمبر علیجنا بزم بیه . اشبو حدیثنده ریانتک شدتله احتراز و مجانبته شایان اولدینی بیورمشلردر . (ان اخوف ما اخاف علی امتی . الریالظاهر والشهوة الحقیقه . یعنی اتم اوزرینه اک زیاده قورقدیم شیئی . ریاء ظاهر ایله شهوة خفیهدر . و دیکر بر حدیثنده (اشد الناس عذاباً یوم القیمة من یری ان فیہ خیراً ولا خیر فیہ) یعنی یوم قیامتده ناسک شدت عذابه دوچار اولانلری کندیلرنده

خير وعمل اولمديني حالده . او سوسى ويرنلدر . بيورديلر . (حضرت على كرم اه وجهه) هيچ بر شيئي ريا ايچون اجرا . حيا ايچون ترك ايتمه بيورديلر . بعض علما . رضاي باري كوزه ديلين حسنات . قبح ريا ايله معلول . وانك جزاسيده چركين ، چركين عذابدر ديدى . بعضكره ريا . صاحبني مظهر استهزاء قيلار . نته كم حكايه اولنديكه . طاهر بن حسين ابو عبدالله مروزيه . قاچ سنه دركه عراقدده بولينورسك ديدكده . نازينك جوابي نه اولسه بكنيرسكز . يكرمي سنه دركه عراقدده بولونويورم . اوتوز سنه درده صائم . طاهر . بومناسبتسز . مطابقسز جوابي النجه . ياهو . بن سكا برشي صوردم . سن بكا هيچ لزومي اولميان برشيئي ده . علاوه ايتدك ديوب . مزبور ايله هم استهزا هم تكدير الممشدر . بوكا مناسب . اصمعي . حكايه ايلديكه اعراينك بريسي . نماز قيلدى . وايجه اوز اتدى . ياننده بولنانلر . نه كوزل نماز قيلدك ديدكلرنده . هي غافلر اورج طوتديغمدن خبريكرز يوق . سز همان نمازيكي كورييورسكز ديمشدر .

شعر

صلى فاعجبني وصام فرابنى
نخ القلوص عن المصلى الصائم

مال

نماز قيلدى . بنى عجبه دوشوردى . اوروج طوتدى شبيهه دوچار ايلدى . بويله رياكار . صائم ومصيلدن دومك باشنى چوير . التفات ايتمه . شمدى باق شور يايه كه قبح وشناعتيله برابر . نصل صاحبك سخافت عقلنه دلالت ايدويور = مرائيلردن چوقلرينه تصادف اولنوركه . رياسي ميدان علانيتنه چيقارق . كننديني ناسك استهزاسنه رضا كوستير . حكايه اولنوركه . زاهدلردن برى . اموزنده برسجاده كيره حامل اولديني حالده پادشاه قپوسنده وقفه كير انتظار اولان بر آدمه تصادف ايدرك سجاديه اشارتله . بوكي پاره كوزوكك اوكنده طوروركن . حالا پادشاه قپوسنده انعام انتظارنده بولونويورسك ديدكده . رجل مزبوردن . اوت . كوزل اما اشبودرهم . مضروب اولديغمدن . سلطانك سكه مضروبه سنه انتظار ايدويورم جوابي آلدى

بوکی جوابلر. ناسک ذم و قدحی اوزرلرندن رفع مقصدیله. گروه ارازل طرفندن
 سرد اولونور. وقف سوزلردر (اشعث بن قیس) ناس ایچنده نمازنی خفیف
 قیلاردی. سببی صورانلره. ایچینه ریا قاریشیدیه تخفیفه مجبور قالدم دیر. و بوجواب.
 مخاطبین ایچون مظهر تحسین اولوردی. بویله تعلیل ایتمسه ایدی تعدیل ارکانه
 کمالیه رعایتده بولمیدیندن طولای. لوم ناسدن قورتیله میه جنی طبعی ایدی
 (ابو امامه) مسجدده اغلایه رق نماز قیلان برذاته. بونماز اوده اولسه ایدی نه کوزل
 نماز ایدی. دیهرک ناس ایچنده اغلایه صیزلایه نماز قیلیمه بی جمله ریادن عدا یتشدیر
 احتمالکه قلبنده ریا قصدی یوق ایدی. حالبو مرکزده. اولونجه اغلب صفاتی ریا
 اولان کسه لک. تهمة ریادن قورتیله میه جقلری ضروریدر ظن ایدرم انک ایچوندرکه
 عبدالله بن مبارک. زهدک افضل. کیزلی اولمه سیدر دیدی. ریانک خباتنی تقدیر
 ایچون بر مقیاسدرکه. اریاب فضیلتدن چوقلری. نفسلرنده جانب ریا به نیم میلان
 حس ایتدکلرند. ایشله مکده بولندقلری عملی در حال ترک و پرده ریایی هنک
 ایتکه قوشارلاردی. ایشته سکا بر عبرت انکی زمنونه. عمر بن الخطاب. منبرده خطبه
 قرائت ایدرکن. کسندن یل صدورینی حس ایدوب بیورورکه ای ناس بن
 شمدی خوف الله ایله خوف ناس بیننده بولونیورم لکن خوف الهینک قلبمده کی
 تأثیری ده غالبدر. بیلشم اولککه بندن ریج صادر اولدی. ایشته اعاده وضوء
 ایچون کیدیورم. حضرتک. نفسنی بویولده تشهیر ایتمه سی عدم تکراری خصوصنده
 بیوک بر قوه زاجره تشکیل ایلدی (عمر بن عبدالعزیز) محمد بن کعب قرظی به
 بکا وعط ایت دیدکده. بن نفسمک سکا واعظ اولمه سنی ارزو ایله مم چونکه وقت
 اولویورکه فقرا ایله اغنیادن متشکل بر مجلسده اوطوریورمده. فقیری قویوب
 غنی ایچون بر آچیورم. بو حالده بولنان کسه نک عملی لوجه الله اولمه جفتدن خدمت
 وعظدن عفو یکیزی رجا ایدرم جوابنی. ویردی. حکایه اولنورکه بر قوم. اثنای
 سفرده. یولی شاشیروب تصادف ایتدکلری بر پایاسه صور دقلرنده. راهب
 مزبور. سمایی کوستروب. ایشته طریق دیمشدر... امر عبادتده مقدار معین اوزرینه
 مکلفک زیاده قیلمه سنک (قسم ثانیسی) مکلفک اشبو زیاده بی. مشاهیر زهاددن
 برینه همیا اولمق و بو خصوصده زمره اختیاره اقتدا ایتک نیتیه اجرا ایتسیدر
 قلب مکلفده بوفکر مقدسی آشیلا یان. انجق مکلفک اختیار امت و فضلالی مسعدت

مجلسلرینه مواظبت و دائماً اتقیای امائل ایله عقد پیوند مخاندن ایله سیدر. بوکا مبنی فخر عالم افسد مر (المرء علی دین خلیسه فلینظر احدکم من یخالل) یعنی کشتی دوستک دینی اوزرینه در. سزک بریکزد دوست آراسه. کیمه دوستلق ایده جکئی ایو دوشنسون بیور مشلردر ... مکلف . ابرار ایله مجالس و انلرله مختلط و موانس اولدقجه. یواش یواش. نفسنده انلرک افغانه اقتدا فکری او یانیرده. انلرک معتادی اولان افعال خیریه و اعمال مرضیهده ینه انلردن کری قالمی خوش کورمز. کیت کیده بوکاده قناعت ایتمز. انلرک سویه مجاهداتی بیله تجاوز ایده رک مرتبه قصوای سعادت نائل اولور. بوندنطو لاییدر که عرب. ناس ییننده مباحات و مسابقه سوداسی اولسه ایدی کافه سی هلاک اولوردی. سوزینی ضرب مثل حکمنده ایراد ایدر. اوت ناس بر برینه باقهرق. خیرده یکدیگرینه اقتدایه قالمشهمه سئلردی. کافه سی خیردن محروم و هلاکری مجزوم ایدی. بعض بلغا. انتخاباتک خیرلیسی. ایولرک صحبتی انتخاب خصوصنده در. کوتوسیده. فنا آدملرک صحبتی انتخاب ایتمکدر دیدی. بوسوز پک طوغریدر. اکتساب اخلاق. سرایت اوصاف خصوصنده صحبت و مقارنتسک اولیه بر تأثیر اعجاز کارانه سی واردر که کشتی اهل صلاحه مصاحبتله کسب صلاح . اهل فساده مقارنتله دخی محروم فیض و فلاح اولور .

شعر

رأیت صلاح المرء یصلح اهله و یعدیهم عند الفساد اذا فسد
یعظم فی الدنیا بفضل صلاحه و یحفظ بعد الموت فی الاهل والولد

مال

کور بیور مکه. کشتیک صلاحی. اهل و اولادینده اصلاح ایدیور. بالعکس کندی فاسد اولورسه. انلریده فساد سوق ایدیور. صلحا. دنیاده سایه صلاحده مظهر تعظیم اولدقلمری کبی اولدکدنصرکرده اهل و اولادی ییننده ذکر جمیل ایله مذکور اولورلر .

بعض اهل ادب، ابو بکر خوارزمینک شو بیتلرینی بکا او قومشدی. مقامه
مناسبتی ایچون درج ایدیورم .

شعر

لاتصحب الکسلان فی حالاته کم صالح بفساد اخریفسد
عدوی البلیدالی الجلید سریعه والجر یوضع فی الرماد فیخمد

مال

صاقین. تابل ادملرله صحبت ائمه. زیرا چوق صالحلر واردرکه فاسدلرله
مقارنت یوزندن فاسد اولشلردر . کورمیورمیسک. تابل حیوانک سریع حیوانه
هنکام مشیده خوینک سراقی . پک چابوقدر . اتش بیله . کول ایچنده
براقیلیر ایسه سونمکه یوز طوتیور . زیاده عملک اوچنچی قسمی (مکلفک
هیچ برغرضی هدف مطلب اتخاذا ائمه رک. مجرد ثواب . قرب رب الایاب
نیئیه زیاده اعماله چالشه سیدرکه بوده خلوص دین . صحت یقین اوزرینه دلالت
ایدن نفوس ذکیه ورغبت وافیه نتایجی جمله سندن اولوب زمره عاملینک افضل
واعلاسی، اهل عبادتک منازل رفیعهنسک الک بالاسیدر. انسانلری. خیرلی عمل
اعتباریله. بوجه آتی درت قسمه ایرمشلردر. (۱) هیچ بر غرضسز ابتداء
(۲) بشقهسنه اقتدا (۳) ناسه بکندرمک ایچون (۴) بسبتون ترک ایدن
قسم اول. کریم. ثانی. حکیم. ثالث. ردی یعنی الحق. رابع. شقی عنواننه مظهردر.
موضوع بخمنز بولنان قسم ثالثکه مکلفک خالصاً لوجهاه عملده زیاده ائتمی ایدی.
بونده ایکی حاة معتبره در . برنجیسی. مکلف. زیاده ایتدیکی عملده دائماً اقتصاده
رعایت وافر اطنن مجانبت ایدوب. بوسایهده هر وقت کندیسنده اجرای اعماله
قدرت بولمقدر. اشبو حرکت عادلانه اوله بر حکیمانه ندیر اولنمشدرکه. مکلف. نه
عملدن یورولور، بیقرار. نهده عمله دوامدن واز کچر . بوجهتهله. عرض اولنه حق
ایکی حالك افضلی اولدینی کبی سلف صالحینک بوحالده امرار اوقات عبادات

و بو صفتله تكميل انفس حيات ايتلری. اشبو اصولك مسلك جلیل مستحسن اولمسه بیوك بر برهان تشكيل ایتكده در . حضرت عائشه دن مروی اولان حدیث اُتی. بو مسلك اقتصادك درجه استحساننی کوسترمكده در. بیورمشلرکه (ایہالناس افعلوا من الاعمال ماتطيقون. فان الله لا یعمل من الثواب حتی تملاوا من العمل. وخیر الاعمال ما یدیم علیہ) یعنی ای ناس. کوجکز یتدیکی قدر اعماله چالیشك. طاقتکز فوقنده تكلفاته بوغولمايك. الله ثواب ویرمدن بیقمديغی کبی سزده عملدن بیقارجه سنه اوزولمیکز. بویله پیارسه کز اوصانیرسکز . جزا و مكافاتی ناقص کوررسکز . دائماً اقتصاده رعایت ایدیکز .

عرب بیننده شو سوز مشهور در . ای عامل. عملده اقتصاد ودوام وملازمت ایله که. نتیجه سنده . میدان عملك احراز سبق ایدن سمند بادیماسی اوله سك . عبده بن مبارك دیورکه. بر کون راهلردن برینه. سزك بیرامکز هانکی کوندر دیدم. جوابنده. نه زمان جناب حقه عصیان ایتزسم اوکون نیم بیرامدر. دیدی. راهبك بو سوزینه دقت استر. حب طاعت، و عباداته بدل استطاعت خصوصنده پك بلیغ دوشمشدر . بر بیرام کونی پثرمرده قیافتله سوقاغه چیقان بر زاهده. نیچون بویله کونده بو قیافتله چیقیورسك دیمشدر . جوابنده. عابد مزبور. زیب وزینت نظرمدہ لباسله دکلدر. انجق طاعت و عبادت ایله در دیمش.

غرض از جامه دفع حرور دست ندار دمیل زینت انکه مرد است

(ایکنجی حالة) مكلفك تزید اعمالی بر درجهیه ایصالیدرکه او درجه اوزرنده عباداته تأمین دوام ومواظبت. قدرتک خارجنده در . بو صورته عمائی تزید واکثار ایلیان مناسبتسر صوفی. نظر شریعتده ممدوح اولمدقنبشقه عینله عباداته قصور ایدن ارباب تکاسله بکزر . متکاسلینك مظهر اولدقلری عقاب اخروی. بونلرده توجه ایدر . چونکه اشبو زیاده. یا شرعاً اوزرینه لازم اولان فرائضك ایفاسنه ایلروده مانع اوله جقکه بوده بالاخره زیاده دکل . بالعکس نقصاندر . اوت نوافلهیه دوام ایده جکم سوداسیله . حصولی طبعی اولان اوصانقلنی فرائضده بالتشمیل . فرائضی نوافله قربان ایتك زیاده دکل. نقصاندر. یاخود فرائض الهیهك اداسنه مانع اولیور اما. التزام ایتدیکی

نوافلی اوصافلق، یورغونلق سینله سیله علی الدوام ایفادن مانع اولیور. حالوکه
 أزار أزار عمل ایدوب ایلروده دخی دوامنی تأمین ایدمیدی. عنداه دهها زیاده
 مظهر قبول اولوردی. اوت. نوافله حدی تجاوز ایدن. زمان کله جکدرکه
 شأمت کثیره جکدر. وبو زمانیده تحصیل نشئه ایچون لهو ولعه صرف ایتک
 احتمالی درکار اولغله. تزید نوافلک مضرتی. منافعی قورومدیغی. اووقت تظاهر
 ایدر اما. چه فأنده.

ابوصالح. ابوهریره دن. اوده فخر عالمدن روایت ایدیورکه (ان للاسلام
 شرة. وللشرة فترة. فمن سدد وقارب فارجوه ومن اشیر الیه بالاصابع فلا تعدوه)
 یعنی اسلامیتده کثرت شوق ونشاط وبو نشاطکده برقتوری واردر. امدی.
 عملده اقتصاد اوزره بولنانلری کوردیککیزده. کندیسندن فلاح امید ایدیکز.
 چوق عبادتله مشار بالنان اولانلرک مسلکه هوس ایتمیکز. بیوردیلر.

ای طالب حقیقت. جناب حق علمی سکا حاکم. حق وصوابی قائد دائم
 قیلسون، بصیرتیکی آچهرق دکله. دنیانک وصات و نائلیتی بلای مهلك، مفارقتی
 أجي أجي فاجعه لری منتجدر. وصلتنده دوام وثبات اولمديغی کبی. مفارقتنده
 قورتولش یوقدر. شو حقیقتی کوش اذعان و قلب یقظانکه الدکسه. نفسکی
 وصلت زماننده افتراقه الیشدیرکه حسرتکش وصالی اولهرق دوجار مهلكه
 اولمیه سک. انک ایچون کبرای اسلاف طرفدن قاله. مشهور سوزدرکه کشی
 منقرض اوله کلن عمرندن دائماً اودنخ الوب خرج ایتکده در. بونکله برابر
 عمر انسانی نه قدر اوزاسه ینه قصیر. دنیاده فراغ بال نه قدر کماله ایرسه ینه
 حقیردر. عمر انسانینک قیسه لغنی حیات فانیه نك دکری اولمديغی تصویر
 ایچون. علی بن محمدک. زيرده کی اشعاری نه کوزلدر.

شعر

إذا کملت للمر، ستون حجة	فلم یحظ من ستین الابد سها
الم تر ان النصف باللیل حاصل	وتذهب اوقات المقیل بخمسها
فتأخذ اوقات الهموم بحصة	واوقات اوجاع تمت بمسها
فیحصل ما یبقی لیسدس عمره	اذا صدقته النفس عن علم حدسها

مال

کشینک سنی آتمشه واردیمی. اندن اون سنه سندن بشقه بر مدتله حصه یاب اوله مز. کور میور میسک. یاریسی کیجه ایله. خسی دخی کوندوز قیلوله او یقوسیه. بر ازیده دردوالم ایله. بر ازیده خسته لکه کچور. کیرویه انجق سدسی قالور دیمکدر. (مفارقت دنیا اوزرینه نفسی الشدیر مق اوچ حال اوزرینه مرتبدر. بونلرک هر بریده شعبه لنه رک دیگرینه) وسیله اولورکه حالات مزبوره بر وجه زیر عرض اولونور. (حالة اولی) دنیانک سنی اخرتدن مشغول طوته جغنی وانک تحصیلی ایچون سعی وتکا بو. حظوظ اخرتدن همه حال محروم براقه جغنی بیلهرک. حب دنیا ومیل مافیهای ترک ایله هیج بر وقت. مکر و فتنه سندن امین وساده دل بولنما مقدر. شو حقیقه شو حدیث شریفدن استفاضه اولنمشدر. فخر عالم افندمز بیور مشلرکه (من اشرب قلبه) (حب الدنيا) (ورکن الیها. التاط منها بشغل لایفرغ عناه وامل لایبلغ منتاه وحرص لایدرک مداه) یعنی بر کسه کوکلنی دنیا محبتنه الیشدیروب میل وانهاک ایدرسه بر طاقم مشاغل ایچنه دوشرکه مشقندن قورتیهلهمز. وبر سوری املار ایچنده چالقانیرکه نهایی بولونمز. بر جوق حرصه مبتلا اولورکه یتوب توکنمز. (عیسی بن مریم) دنیا ابلیسک تر لاسی. اهل دنیاده انک اکنجی سیدر بیوردیلر. (حضرت علی) دنیا ییلانه بکز. طوقونماسی یوموشا قدر اما. زهری قاتلدر. دنیادن خوشکه کیدن جهتلردن یوز چویرکه سکا. صحبت ومقارنتی پک از اوله جقدر. دنیا ایچون غمه دوشمه چونکه مفارقتی پک یقیندر. اکانه قدر انسیت ایدرسهک او قدر حذر ایت. چونکه صاحب دنیا اولانلر نه زمان مسرور اولسهلر. در حال ارقه سندن غم باش کوستیر. نه زمان سکون راحت کورسهلر. در حال کندیلرینی بروحشت تعقیب ایدر بیوردیلر. (بعض بلغا) دنیایی، وسرعت زوالنی شویله تعریف ایلشدر. جام لذائد دنیانک صفاسی، صاحبنه بقاسی یوقدر. فتنه دن بوش قلمز. محبتندن ده صاحبنی صالیورمز.

اوسندن یوز چویرمہ دن. سن اندن یوز چویرمکہ باق. اوسنی دکشمہ دن. سن
انی دیکش. نعمتلی منتقل، احوالی مبتدل، لذاتی فانی، بلایاسی باقی (بعض حکما)
دیمشدرکہ دنیاہ. سومدیکی کسمہ دن ایریلان کسمہ لر کبی نظر ایت یوقسہ عاشق
وامقک دائما محبوبہ دلاراسنی دوشندیکی کبی دوشونمہ .

شعر

الانما الدنيا كاحلام نائم	وماخير عيش لا يكون بدائم
تأمل اذانلت بالامس لذة	فافيتها هل انت الاكحالم
فكم غافل عنه وليس بغافل	وكم نائم عنه وليس بنائم

مأل

اکاہ اولککہ. دنیا اویویان کسمہ نک رؤیاسی کبدر. دواسی اولیمان نعمتک نہ
صفاسی اولور. برکرہ دوشونکہ. دون لڈانڈدن نائل اولدوغک شیر بوکون
زائل اولونجه. رؤیا کورمش کسمہ دن نہ فرقک وار. خدادن چوق غافل واردرکہ
عیش دنیادن غافل دکل. عبادت الہدن چوق اویویان وارکہ. دنیادن اویومز.
اسبانی تامنہ چالیشیر .

جامع انواع المکمالات. علیہ اکمل التحیات افندمز (من هوان الدنيا
على الله ان لا يعصى الا بها ولا يمان ما عنده الا بتركها . یعنی دنیانک نظر الہیدہ
حقارتہ علامات جملہ سندن بر قاجیدہ شونلردرکہ اللہہ عصیان انجق دنیادہ
اولویور. نزد باریدہ مدخر اولان نعمتلرہ نائلیت. انجق دنیایی ترکہ وابستہ
بولونیور بیوردیلر .

سفیان حکایہ ایدیور کہ خضر. موسی علیہ السلامہ. یاموسی دنیادن یوز چویر.
ارکہ کہ ات. اوسنک ایچون دار. ارباب زهد و صلاح ایچون محل قرار دکلدرد.
دنیا انجق. عبادک معاد اخروی ایچون زاد و ذخیرہ پیداسنہ مکان اولمق حکمتہ
مستند اخلق و ایجاد بیورلمشدر دیدی . (حضرت عیسا) دنیا کو پریدر. اندن

چکیک. تعمیره چالشمه ییک دیدی. ساقی کوثر. دنیا حقنده شویله بر نطق حکیمانه ایراد ایدیور. اولی مشقت. آخری. فنا حلالی حساب. حرامی. عقاب. تندرست اولان امین. مریض اولان نادم اولور. اصحاب ثروت مفتون ارباب ضرورت محزوندر. کندیسنده مستغنیانه اوطوران کسه لره اقبال ایدر. طمع ایله باقانلری کور ایدر. انی واسطه قیلوب اخرته عطف نظر ایدنلرک بصیرتی اچار.

بعض بلغانک. تصویر دنیا ایچون یازدیغی مقاله آتیه جالب دقت نظر در. دیورکه دنیا. طالبک اقبالی کبی اقبال ایدر. و برشیدن قاچان کسه نک ادباری کبی ادبار ایدر. وصالی کرهآ. فراغی عجله. خیری از. کندیسنده معیشت قیصه. اقبالی خدیعه ادباری ایسه فاجعه لیدر. لذاتی فانیه. بلا یاسی یقین. زمانک او یقوسنی غنیمت بیله رک قدرت امکانی. فرصت اتخاذ ایله کندی نفسکدن ینه آنک منافعی ایچون تأمینانه چالش. یارینک ذخیره سنی بوکوندن قزان = وهب بن منبه دنیا ایله آخرت ایکی اورتاق قادین کیدر. برینک خوشنودیتی او برینک عدم خوشنودیتی موجبدر دیدی. عبدالحمید کاتب. دنیا. متعدد منزللردن عبارتدر انسانلرک کیمی او منزللره قونار. کیمی کوچر. دیدی

شعر

تمنع من الايام ان كنت حازماً	فانك منها بين ناه و امر
اذا ابتقت الدنيا على المرء دينه	فما فاتته منها فليس بضائر
فلن تعدل الدنيا جناح بعوضة	ولا وزن ذر من جناح لطائر
فما رضى الدنيا ثواباً لمؤمن	ولا رضى الدنيا جزاء لكافر

مال

دنیا سکا کاه آمر. کاه ناهی اوله رق. امر ونهینک اره سنده صار صیلوب طور بیورسک. بویله یاپمه. انک قومانداسنه قرشو ممانعت و متانت کوستر. حزم

واحیاط بونی ایجاب ایدر . دنیا کشینک دینه ضرر ویرمیوب ابقاسی . مروتنده بولنورسه . او بر طرفدن برطاقم دنیاقلر غیب اولنه جقمش . نهاییتی وارکه دنیا سیوری سینک قنادینه . قوش قنادنده کی ذریه معادل اوله مرز . او . مؤمنک نائل ثواب . کافرک مظهر عقاب اولسنی خوش کورمز .

روایت اولندی که رسول اکرم افندمز (الدنیا یومان . یوم فرح ویوم هم وکلاهما زائل عنک . فدعوا مایزول واتعبو انفسکم لما لایزول) یعنی دنیاایکی کوندر . بری فرح بری غم کونی . بونلرک هرایکیسیده قرین زوالدر . اوله ایسه زوالپذیر اولان دنیایی براقکده معروض زوال اولمان آخرت عمللری ایچون نفسکزی مشقته قاتلانیدرک بیورمشلردر . (عیسی بن مریم) اهل دنیا ایله دنیاقلده منازعه یه قالدش میک که انلرده سزک دینکزده منازعه ایدوب هم دینکزدن هم دنیا کزدن محروم قالیه سکز (علی ابن طالب) دنیا حقنده سوزی زاهد . لکن عمل خصوصنده اکامیل ورغبتی ظاهر . صالحینی سورکورینور . لکن عملده انلره اقتدا ایتمز . ویرلسه طویمقی بیلمز . ویرلمزسه قناعتسزلکنندن شکایتی یوکستیر . نعمتیلرک شکرندن عاجز ایکن دائماً زیاده یی . طالب . ناسی دائماً نهی ایدر لکن کدیسی منع ایستکلرینی ارتکابدن وازکچمز . شراری سومز . لکن کنیدیسی انلرک عمللرینی تعقیب ایدر کروهدن اولمیکز بیوردیلر (حسن بصری) دنیانک هرشیء غمدر . احیاناً سرورینه تصادف اولنورسه بیوک تجارتدریدی . (بعض علما) دنیایی شویله توصیف ایدیور . دنیانک احوال انسانی تغیر ایتمه سی کثیر . چهره عبوس کوسترمه سی پک چابوق . مکری شدید ، غدری مدیدر ای مؤمن . اسباب هوایی قلبکدن سورچیقارده . اکاوازاقل املکی . ایچنده بولندیغک کونک بقیه سی بیل . و دائماً ثواب اعمالکی کوریورمش کی اجرا یه چالش =

شعر

خل دنیاک انها	یعقب الحیر شرها
هی ام تعق من	نسلها من یرها
کل نفس فانها	تتبعی ما یرها

والما یاتسو قها
والامانی تغرها
فاذا استحلت الجنی
اعقب الحلو مرها
یستوی فی ضریحه
عبدارض وحرها

مأل

براق یاهو شو آچق دیانی. شری پیدر پی خیری تعقیب ایدیور، بر خیر
یادیمی، آرقه سندن شر حاضر، دنیا اولیه بر آنادر که = اولادندن هانکیسی
اطاعتنه دوام ایدرسه اکا ابراز غیظ و خصومت ایدر. هر بر نفس. کندینک
مسرو ریتی آرزو ایتکده در. حالو که بر طرفدن موت کندینی تعقیب ایتکده دیگر
طرفدن املر ارزولر آتی الداتمقده در. نائل امل اولوب دماغنه طات کلیدی.
آجی آجی وقعه لر تعقیب ایدر. بر کرده قبره قوندیمی. حر ایش کوله ایش فرق
یوق =

(ای طالب. معروضات سالفه و تنیها ت سابقه من وجهه. دنیا وما فیها نك سرعت
زوالی. طالب دنیا اولاندرک هر وجهه اضمحلالی خصوص صلینی آیات کریمه. حکمیات
حکما ده. کوستریلان صورتده نفسکک پیشگاه تأملانه عرض ایدوب. ترك دنیا
اقبال عقبا. ومیل مولا کیفیتلرنده تمامیه اجرای ریاضت ایدوب طریق سلامت
رفیق اطاعتنه سلو که آلسدیر دقده. امین اولو که اوچ نعمت سنك ایچون محققدر
(برنجیسی) محبت دنیا بلاسیله مسلوب الاستراحته ودوچار اندیشه بولنان اهل
دنیا نك اضطراب درونندن امین بولنق (ایکنجیسی) دنیا نك جیجیلی
بجیلی او یونجا قلیرینه آلدنموب دواهی مهلکه سندن تخلیص کر بان اتمك. اوت
دنیا نك لهو ولعنه الدانلر. دائما خوف و هیجان ایچنده سفیلانه معیشت کچیر دکلری
کورلمکده در (اوچنجیسی) دنیا نك تحصیلی ایچون افتحام اولنسی درکار بولونان
مراحمندن مستریخ و آزاده سر بولنمقدر. اوت برشیء سون. طبعیدر که انی طلب
ایده نك واشبو طلب وادیسنده چوق مشقتلره معروض قالدجق. نتیجه سنده نیل
وظفر کوزو که کده سبب شقاوت. بالعکس خیت و خسران یاله نهایته نیرسه موجب
ندامت اوله جقدر. روایت اولندی که فخر عالم اقدمز = (الناس غادیان غاد

بنفسه ففعتها وموبق نفسه فوبقها) یعنی ناس ایکی قسمدر . بر قسمی صبا حلین املسر
فالفه رق نفسنی مشقتدن آزاد . بر قسمیده سانیه سی درلو املرله طولو اوله رق
نفسنی بر باد ایدر بیور مشلردر .

عیسی علیه السلام . دنیا ایچون چالیشیور سکز . حالبوکه چالشمه سه کز مرزوق
اوله جفکز . جناب حقك تحت کفالتنده در . آخرت خصوصنده تنبل طاورانیور سکز .
حالبوکه آخرتده عملسر رزق یوقدر . بونه منطقسر حرکتدرکه تعقیب ایتمکده سکز
دیدى (بعض بلغاده) دنیاك مصائبی جمله سندندرکه . دائما بر حالده قالمز . معروض
تحو لدر . بر طرفی بوزار . دیگر طرفی پیار . برینی فنا لاشدر مقله دیگرینك مسروریتی
تأمین ایدر . بوصفنده بولان دنیا یه میل وانهماك و اظهار اعتماد خسرا نی موجددر
= دیدى .

مذهب زندقك موجدی . مزدك . نفسك كافه میولاتنی اجرا و جمیع
مشتیاتی قضا ایتمکدنصکره . انکده اساسلی برشی اولیوب موجب کلال و ملال
اولدیغنی . آتیده کی مقاله سیله بیانه مجبور اولمشدر . شونائل اولدیقم شهوات . سرور .
اما . غرور اولسه ایدی ، نعیم اما آه انجام عدیم اولماسه ایدی ، غنا ایدی اما
نهایتی فنا اولماسه ایدی . جسم ایدی اما موجب مذمت اولماسه ایدی ، ارتفاع
ایدی اما نتیجه سنده تضاع اولماسه ایدی ، علا ایدی اما موجب بلا اولماسه ایدی ،
حسن ایدی اما موجب حزن اولماسه ایدی . ایو برکوندر اما یارینی اولماسه ایدی ،
(بعض حکما) دنیا یه میل ورغبت کوسترن یا خود اعراض ایدن بیکلرجه کسه لر
اکا مالک اولدیلر . اونه رغبت ایدنلره بقا و یردی . نهده اعراض ایدن کسه لر دن
یخه اهل اکنی چو یردی . زاهد . سفیه . عالم . فقیه دیمه دی جمله سنی قبرستان عدمه اتدی
دیمشدر .

ابو العتاهیه

هی الدار دارالاذی والقدی	و دارلنفا و دارالغیر
فلو نلتها بحذا فیرها	لمت ولم تقض منها الوطر
ایامن یؤمل طول الخلود	و طول الخلود علیه ضرر
اذا ما کبرت و بان الشباب	فلا خیر فی اعیش بعد الکبر

مأل

دنیا. علت و اذا. تغیر و فنا خانه سیدر. کلیلہ اکا نائل اولسہک ینہ ہر احتیاجی
بتیرہ مدن اولور کیدرسک. ای دنیاہ بقا ارزوایدن (بقادہ ضرر دریا) کبرسنہ
واصل . قوا کدہ عاقل اولوب کنج کلکک سندن کیتد کد نصکرہ. عیش ولدائدک
هیچ فائده سی یوتدر .

روایت اولنیورکه رسول اکرم صلی الله علیه وسلم افندمن. دعالری ائناسندہ
شویله بیوررلردی. یارب. منفعت ویرمین علم ، طویق بیلیمیان نفس ، عذابدن
قورقیان قلب ، یشارمیان کوزدن سکا سیغینورم. صکرہ امتہ خطابی چورروب
ای اتم. سز انجن طغیانہ سبب اولان غنا یاخود خاطر وخیالہ کلیان. فجاء ایقاع
دهشت ایدن فقر و ضرورت. یاخود امزجه وقوا کزی بوزان مرض یاخود
مجنونانہ حرکاتہ سوق ایدن شیخوخت. یاخود دجالہ منتظر سکز (دجالہ
شرعاً غائب منتظر در) یاخود قیامتہ منتظر سکز که قیامت آجی آجی قاجعه لی بر مصیبتدر
بیور دیلر. جناب. حق حضرت عسیایہ شویله وحی ایلشدی یا عیسا. سن بکاقلبدن
خشوع . بدنکایان خضوع ، کوزلرکدن دموع ہدیہ ایتدہ بندہ. مقابلندہ سنی
جوار احدیت. قرب صمدیتہ نائل ایدہ یم (بعض بلغا) دنیا بلوط کولککسی
اویقو رؤیاسیدر. ارتق ارقہ سندن قوشوب تلاش ایدنلر. زمام توفیق الندن
قاجیرانلردر. ای طالب دنیا. عملک قیصالدقہ طول املی آر تیر. بقالم بو کیدیشاہ
عاقبتک نہ کبی وخامتہ طیانہ جق . دیدی (بعض حکما) دنیانک اقبالندن امین
اولمکہ ادباری بہ حال تعقیب ایدہ جکدر. دولت وجاہ وجلالی. دولاب انقلابہ
چاربیلہ جقدر دنیا امورینک کچمشلری ہیچ اولماش. کلہ جکلریدہ کچمش کیدر
دیدی .

تارک دنیا برزاہدہ. نفسکی ترک دنیاہ نصل الشدیردک دیدکلرندہ. یقیناً
بیلدہ مکہ نصل اولدہ. ایسترایستہ مز آندن چیقاریلہ جقم. کندی. اختیارملہ چیققم
جانبی ترجیح ایلدم . جوانی ویرمشدر (حرقة بنت نعمان) نام قادینہ .
سکا نہ اولیورکہ دائما اغلا یورسک دیدکلرندہ . کوریورمکہ اهل و عیالم سرور

ایچنده در بونکه برابر یقیناً بیلرمکه. برخانه سرور ایله طولارسه بهمه حال
 حزن ایله طولاجقدر آنکچون اغلام جوابی ویردی (ابن سماء) دنیایه
 میل ایله جام اقبالندن باده نوش مرام اولان . آخرتده جهنمک غسلین و زقوم
 کبی اُجی اُجی مطبومات و مشروباتی طاده جقدر. چونکه دنیایه اقبال. آخرتده
 ادباری موجودر. بوحالده بولتان غافلرک ایسه انجاسی وخیمه دریدی (کلیله و دمنه)
 نام کتابک صاحبی دیدی که دنیایی سونلر. دکر صویي ایچنلر کیدر. ایچدکجه
 صوسزلنی آرتار. اهل دنیا دخی دنیالنی آرتدکجه دهان حرص و طمعنی اُچهرق
 یوقی ده دیمکه باشلار (عمر بن عبدالعزیز) شویتلری چوق اوقوردی .

شعر

نهارک بامغرور سهو و غفلته و لیلک نوم والاسی لک لازم
 تسر بما یفی و تفرح بالنی کاسر باللذات فی النوم حالم
 و شغلك فيما سوف تکره غبه کذالك فی الدنیا یعیش البهائم

مآل

ای دنیا ایله مغرور اولان زواللی. کوندزک سهو و غفلت. کیجهک نوم و استراحتله
 کچمکده. عاقبتک ایسه حزن و الم، غم و همه منجر اولمقده در. فانی اولان شیلرله
 تسرور. بتمز توکنمز آرزولرله فخورسک. سنک شو حالک. اویقوسنده احتلام
 اولوب الدینی لذاتله سونان کمسهنک خالنه بکزر. مشغول اولدیغک عملار.
 یارین هیچ سومیه جکک شیلری سکا طوغری حلبایده جکدر. بهائمده. طبق سنک
 کبی امرار حیات ایدر. بر آدم. ارقداشنه بد دعا قصیدله. الله سکا
 خوشلانمدیغک شیلری کوسترسین دیر. ظرفادن بری بونی طویدقده. بهی آدم
 ظن ایدرمکه ارقداشکک اولومیه بد دعا ایدیورسک. چونکه ارقداشک اهل دنیا.
 اولدیغندن. اُنک سومیه جکی شی. موت اوله جفی طبعیدر. شو حالده اولومنی تمنی
 ایدیورسک. دیر

(ابو العتاهیه)

ان الزمان و لویلی
خطواته المتحرکات

ن لاهله الخاشن
کا هن سوا کن

مال

زمان . اهلينه نه قدر يومشاقلق ايتسهده بر کون کلوب اظهار خشونت ایده جکدر . زمانک اديملری طور ییورکی کوزو کور . اما حرکاتنا قالماز (نفسکی ترک دنیا به اشدیره نهک ایکنجی حالی) دنیاک بخش ایتدیکی رغائب ماده و غرائب شهویه حقنده . نفسکه شویله بر فکر اجمالی القا ایده رک . تصدیق و اعلام ایتلیسک که ای نفس . اشبوناتل اولدیفک اموال و عطایای دنیویه . تحصیل او غرنده قزاندیفک وزرو وبال . و فقدانی زماننده دوچار اوله جفک سوء حال . یانکه جابا قاله جق . بونلر کافه عدم اصلی به رجوع ایده جک ، سندن استرداد ایدیله جکدر شو حالده . بوشنه ربط قلب ایتکه دکمز .

روایت اولنورکه فخر عالم افندمن (لاتزول قدماعبد حتی یسئل عن ثلاث شبابه فیما ابلاه و عمره فیم افناء و ماله من این) (اکتسبه و فیم انفق) یعنی ادم اوغلی اوچ شیدن صور و لمدقجه . يوم قیامتده بر اديم بیله انا من برنجیسی کنجلیکندن صوریلورکه نروده چور و تده . ایکنجیسی عمرندن صوریلورکه نروده محو و افنا ایتدک . اوچنجیسی مالندن صوریلورکه . نه دن قزاندک . نرویه صرف ایتدک بیوردیلر . عیسی علیه السلام بیوردیلرکه . ماله اوچ خصله واردر . سؤال ایتدیلرکه . یاروح الله ندر انلر . دیدیکه برنجیسی قز انمق . بوکاقرشی دیدیلرکه حالدن قز انیرسه . دیدیکه ایکنجیسی ناحق لرله صرف ایتدک . بوکاقرشیده دیدیلرکه محله صرف ایدرسه . جواب ویردیکه بوندنصکره اوچنجی بر خصله ده واردرکه اوده الله عبادتدن منع ایتدکر . (ابو حازم) بر کون بشر بن مروانه کیتدکده . بشر یاهو . بزم شو ایچنده بولندیغمز حالدن چاره خلاص نه در . دیدکده . ابو حازم یا بشر . یانکده بولان ماله باقار . ناحق یره صرف ایتدک . اولمیانیده چالوب

چاربارق تحصیله قوشمازسك. جوانی ویردی. بونك اوزرینه (بشیر) یا بوکا کیم طیاره بیلور ده یخه (ابو حازم) اوت جهنم ایشته بونك ایچوندرکه انس و جن ایله طولا جقدر دیدی. طائفة یهود. حضرت عیسانی. زکورتلك ایله تعیب ایتدکلرندن. عیسا. ایشته سز بلاکزی ثروتکنز یوزندن بولدیکنز دیدی. بر قوم. بر عابدك عباد تکاهنه واریرلر. اوزرینه او طوره جق برشی بوله مینجه عابد مزبور. دنیا اكلشه جك یر اولسه دیدی البت بزده براو. دوشیه جك اشیا بوله بیلیرك. دیدی. ارباب تجرددن بر صوفییه. بر وصیت اجرا ایتمز میسکیز دیه تلقین وصیت ایتدکلر نده. صوفی مزبور. بر شیئ یوق، کسه ده الاجمده یوق، کسه نکه اوزرمده حتی یوقدر. جوانی ویردی. حضرت عیسیاه تأهل تکلیفنده بولنان بر جماعته. بز تکازی اخرته استرز. دنیاده مال. اولاد عیال چوقلغنه رغبتمز یوقدر. بناءً علیه تأهل خصوصنی عقلمه بیله کتیرمه. دیدی. ینه بر کون. دعا ایتده. الله سکا بر مرکب ویرسن دیدکلر نده. الله بنی سور. بناءً علیه مرکب خدمتکاری یا نماز بیوردیلر. ابو حازمه سؤال ایتدیلرکه مالک ندر. جواب ویردیکه ایکی شیر. بری رضای الهی. دیکری ناسدن مستغنی وانلره احتیاجدن بری بولنقددر. بونك اوزرینه. او یله ایسه سن فقیرسك دیدکلر نده. عفواید رسکیز. اللهمک یرلری. کوکاری و بونلرک اره سنده کی اشیا سی وار ایکن. و بنده انك بر عبد مخلصی اولمش ایکن. فقر و مسکنت صفتلرینی بر وجهله قبول ایتم جواب عالیجنابانه سنده بولندی. بعض حکما دیدیکه چوق کسه لر وارددرکه انی خلق مسرور کوروب حاله غبطه ایدرلر. کندیزی انلرک غبطه ایتدیکی مسرت یوزدن خسته بر حاله در. خلق چوق کسه لرک خسته لکنی کوروب واه یازق حاله دیهرک آچیرلر. حالوکه معناده او خسته لك انکی چون شفای ایدی. موجب ثواب اخر ویدر.

بعض بلغا. زهد و تقوا. قلبه کی یقینه وابسته در. اوده نور دینك اثری جمله سندن در. کیمک یقینی صحیح ایسه ثروتدن قاچار. کیمکده دینی قوی ایسه یوم اخرته اینانیر. امدی دقت ایت. بدنك صحتی. زمانك سلامتی. صاقین سنی الدائمه سین. چونکه مدت عمر از. سلامت حال و صحت بدن ایسه. معروض

تحولات چرخ دغلبازدر. دیدی. بعض شعرانك شوایکی ییتی. تحولات معروضه نك بر قسمنی کوستیر.

شعر

رب مغروس یعاش به
و كذاك الدهر، آتمه اقرب
عدمته عین مغترسه
الاشیاء من عرسه

مال

چوق اغاچ وارددرکه. خلق میوه سیله شیر نیکام اولورلرده. اصل امکلر چکوب یتشدیرن. میوه سنی طاتمقدن بیله محروم ونا کام اولور. ایشته زمانك ایشلری بویله در. بوکون دوکون. یارین ماتمدر.

توام اولمش سورینه قجه جهانك ماتمی دخترین تزویج ایدن مادرهم اغلارهم کولر نفسکی عرض ایتدیکم وجهله. دنیانك معروض زوال. اخرتك بهمه حال مرجع ومأل اولدیغنی، بونده قزانیلان ثروتك. انده موجب سئوال وضجرت اوله جغنی. ودها بوکا بکزرحقایق حکمییه یی سرد و بیان ایله حب دنیادن واز کچمکه طوغری یناشدیردینکده. سنك ایچون اوچ خصله نجییه حاصل اولور. بریسی نفسك سکا قرشی تسلیم وانقیادی. سننکده اکا قارشى ناصح امین صفتیله بولونمه کدر. چونکه بتون بتون نفسنه میل وركون کوسترنلر. بین العقلا مغبون صایلدیغنی کی. بالکلیده اومطیئه انسانیه دن یوز چویرنلرده پك عاقل صایلمز. ایکنجیسی. مرزوق ومقدر اولمديغك شیلردن اعراض ایدهرك طلب وتکاپو تکلفندن واهل دنیاده کوریلان بیک درلو تلاشلردن امین بر حالدله بولمکدر. اوچنجیسی. مالک وار ایسه حصه مشروعی ایلروب ینه بر مستحق مشروعه صرف ایله. اهل دنیانك. پرستش کاران غنائك یایدیغی کی وزروبال اولمیوب سنك ایچون زاد اخروی اولمقدر. روایت اولوندیکه. برکسه فخر عالم افندمنه کلوب. یارسول اه. بن اولومى هیچ سومیورم. عجبانه دن دیو صوردی. رسول اکرم. مالک وارمیدر دیدی. اوت یا رسول الله جوابنی النجه. اويله ایسه

مؤمنك قلبی مالئك ياننده در . سن اولجه خیراته صرف. ایله مالکی آخرته کوندرمش اولکه. ارقه سندن سنك کیتمك کوچ کلسون بیوردیلر. حضرت عائشه دیدیکه. بر قیون بوغازلادق. تصدق ایتدک. دیدمکه. یار سول الله. هپسنى تصدق ایتدک. انجق بر اوموزی قالدی. بیوردیلرکه دگیکه الله رضاسی ایچون صدقه ویرلشدر . امین اولکه هپسی باقیدر. یعنی قیون تماميله طور بیور دیمکدر. اسخیادن (عبدالله بن عبیداه . ابن مسعوده) سکسان بیک درهمه بر خانه ساتار . اهل دنیا اولان بعض ناکس و بخیل کمسه لر طرفندن. جانم نه اولور شوپاره نك برازینی اولاد. عائله که ایرسه ک دینلده . بن بومالی فی سبیل الله انفاق ایله زاد اخیروی قزانه جغم . عائله مه اولادیمه کلنجه انلرده بدنن صکره ذخیره اوله رق. رزاق انس و جان اولان اللهی براقه جغم جوابخی ویردی .

عبدالله مروزی نك. چوق پاره تصدق ایتدیکنی کورنلر . عتابه قالدقشدقلرنده . یاهو بو عتابدن وازکجک. بر آدم نقل خانه ایتدکه اولکی خانه سنده بر شی براقیه جفی معلوم کزدرد. بندخی آخرته کوچ ایدیورم. شو بندرکه فانیده. نهیم وارسه انفاق ایدره ک نقل خانه ایده جکم سوزیله آنلری سکوته مجبور ایلدی . (سلیمان ابن عبدالملك) (ابو حازمه) بز نصل اولویورده موتی خوش کور میورز . دیدکده (ابو حازم) بونک سببی پک آچیقدر . سز دنیا کزی اعمار. اخرا کزی تخریب ایتمکده سکز. معموره دن خرابه زاره کیرمکی. دکل سز. کسه آرزو ایتمز. اما آخرتی معمور ایدن (اهل الله) او عالمده کنیدیسی ایچون مهیا بولنان کاشانه بی بهایه جان آتوب موتی هدیه اوله رق قبول ایتک ضروریدر دیدی. (عبدالله ابن عمره) زید بن خارجه نك یوز بیک درهم براقش اولدیغنی سویلر لر. اوده. بقالم آنلر زیدی براقه جقمی دیمشدر. یعنی کرچه او. مالی دنیا ده براقدم ظن ایدیور. هایدی بویه اولسون. لکن حساب و سوا توجیه ایده جکی جهته. مال آنک یقه سنی براقیه جفی طبیعیدر. حسن بصری دیدیکه. لله هانکی قولنه بر نعمت ویرسه اونعمتک یوزندن بلیه وامتحان متصوردر . بو قاعده دن (سلیمان بن داود علیهم السلام) مستثنادر . چونکه حقنده (هذا عطائنا

فامنن او امسك بغير حساب) بيورلمشدر . آنك ايچون (ابو حازم) شونائل اولديغمز مقدارك بلاسندن قورتيلابيليرسهك . دنياچه غيب ايتديكمز نقطه لردن هيچ تاثر ايتمه يزديدي . بعض سلف ديديكه . ياهو ديلنجيلر نه كوزل آدملر در . قيوبي چالارلر . يوقى آخرت ايچون زاد و ذخيره كوندرمك ايستين ديرلر . (سعيد بن مسيب) ديوركه (صله بن اشيم) بكا اوغرادى . مفتون مهابت علميه سى اولديغمن . براى تعظيم . قيامدن كنديمى آله مدم . ديدمكه (يا ابا الصهباء) بكا دعا ايت . بونك اوزرينه . الله سنى باقى اولان اخرته راغب . فانى اولان دنيا دن متفر . نفوسك مدار سكونى وديك آنجق كندينه اعتماد ايلديكى مرتبه يقينه ايصال ايلسون دعاسنى عنايت بيورديلر .

(عبدالملك بن مروان) اولوم حالنده ايكن . چامه شير صيقان بر غسالى كوروب . آه كاشكى چامه شيرجى اولوب كسب يدم . عرق جينم ايله كچينه ايدمه زمره ناجيه دن بولونه ايدم . دير . بونى ايشيدن (ابو حازم) ديركه . حمد اولسون الله كه . اولوركن زنكينلرى بزه غبطه ايتدير بيورده . بزي آنلرك حالنه غبطه ايتدير ميور . فخر عالم افندمز (يقول ابن آدم مالى مالى وهل لك يا ابن آدم من مالك الا ما اكلت فانيت اولبت قابليت او اعطيت فامضيت) يعنى آدم اوغلى مالم . مالم ديه رك فخر و مباهاة . عرض دبدبه و دارات ايتك ايسته يور . اى اوغل . يه يوب توكتديكك . كيوب اسكتديكك . فى سبيل الله ويروب ثواب قزانديك شيلردن بشقه نه به مالكسك كه . مالم . مالم ديه قورولوب طور بيورسك بيورديلر . (خالد بن صفوان) ديوركه . بر كيجه او قوم قاچدى . باشلادم ماله خوليايه . ديركن . قمرزى التونلرى . كوك رنكده كى دكزلرى كنديمه مال ايدندم . برده باقدمكه . ايكي ديلم اكك . ايكي برداق صو . يازلق قيشلق اوله رق ايكي قات اثوابدن ماعدا هيچ بر شيئه تصرف ايدمه جكم . خليا هنكامنده كچورديكم زمانلره اجماعه باشلادم (مورك العجلي) ديوركه . اى آدم اوغلى . سنك حالك پك تحفدر . هركون ارزاقك خزينه غيب لاهوتيدن امداديكه يتشديكى حالده برى طرفدن عمرك دوكنير . اكا دائر قيغوك يوق . رزقك واركن . طورمه آزديره جبق مال ايسته يورسك . (ابو حازم) ديوركه بادشاهلرله بزم آره مزده مدار فرق

و تمیز. بر کون وارد. دون کجی. ملوک آلدقاری لئانده کجی. اما یارین
قیامت کونندن. انلرده قورقار. بزده. شو حالده ایچنده بولدیغمز کون قالیرکه
انده نه اولایلیرکه سبب تحسرمز اولسون.

بیت

بر کون کیدر حق بوکه معنیده بو عالم کیم کوزیوموب آچینجه زمانی کذرایدر

بعض سلف دیمشدرکه. سندن حسب القدر بر شیء منع اولوب محروم
قالیرسه اوشیدن دائماً مستغنیانه بر طور آلوب نفسکی صوغوت. چونکه شاید
ویرلسه ایدی مصاحب اوله جق شر و مسئولیت. بر درجه یه قدر اوزرندن
قالقمش دیمکدر. انکچون مأیوس دکل. ممنون اولملی سک. مع ذلک دنیا ده نصیبی
قسماً ترک ایدن. آخرتده بول بول آله جقدر. دیدی.

(بعض حکما) دنیای قزانمده دن ترکه مباشرت. قزانقدن صکره ترک
و افزاقدن قولایدر دیدی. (دیگر حکیم) دنیای طلبک اضطراری. آنده
کور دیکک شیلره نظرك اعتباری (نظر عبرت) آخرت ایچون سمیک ابتداری
(یعنی سرعتله) اولسون. دیدی. دیگر حکیم. زاهد. الله کی دوکنمده کجه برشی
دها استه مز. آخرته ایمانی اولان. دنیایه حریص اولمز. آخرتده جزا
کوره جکفی یقیناً بیلان. دنیای آخرته ترجیح ایتمز. نفسی دائماً محاسبه ایدن.
یوقلایان تجارت بولور. بالعکس غافل بولنان. زیان کورور دیدی. (ابوالعناهیة)

شعر

اری الدنیا لمن هی فی یدیه	عذاباً کما کثرث لیدیه
تهین المکرمین لها بصفر	و تکریم کل من هانت علیه
إذا استغنی عن شیء فدعه	و خذ ما انت محتاج الیه

مال

دنیالق. اهل دنیا نك النده چو غالدجه موجب عذاب اولديغنى كور ييورم. تحبه دنيا.
كندينه اكر ايدن ارباب حرص وطمعى تحقير. بالعكس كندى حقير كور نلرى توقير
ايدر. سن برشيدن مستغنى اولونجه آنى برافده. محتاج اولديغك شيلرى آره مغه باق.
اصمى. ديديك. بركون هان الرشيدك ياننه كيردم. باقدمكه النده بركاغد. درين. درين.
دوشو نيور. كوزلرينك ياشلرى يناقلىرى اوزرينه آقيور. بكا ديديك. اصمى.
كوردهكى شو حالى. بن ديدمكه امر دنيا اچون اولسه ايدى پادشاهمرك
اغلاميه جنى مجزوم بولنديغندن. هر حالده امور اخرت اچون اولديغنده
شبهه ايمم. (هارون) بونك اوزرينه الندهكى كاغدى اوزريمه طوغرى
فيرا لادى. باقدمكه ابوالعنايه نك شو بيتلرى يازلمش. حقيقه اشعارمزه بوره نك.
انساني اغلاته جق درجده حسى اولديغنى مطالعه ايدنلرك تسليم ايدم جكلرينه
امينم

شعر

من غداة قضى دساكره	هل انت معتبر بمن خربت
قبر آت منه عساكره	و بمن اذل الدهر مصرعه
و تعطيات منه منابره	و بمن خلت منه اسرته
صاروا مصيراً انت صائره	اين الملوك و اين عزهم
و المستعد لمن يفاخره	يا موثر الدنيا للذته
من الدنيا فان الموت آخره	نل ما بدالك ان تنال

للمترجم. شو بيتلر. ابوالعنايه نك بحر كامدن يكرمى بيتدن عبارت. بر
قصيده سنك پارچه لريدر. ديوانه مراجه تله آ كلاشيلركه. ترجمه اوله جق بالادهكى
يتلرده نسخ مختلف. كيمنده عساكر. كيمنده عشائر. كيمنده خلت. كيمنده تعطيات
كيمنده بر بيت مقدم. ديكرنده مؤخر. هر نصلسه اساس مطلبه خلل كليجكسه ده
شدت ارتباطنه مبنى. ابيات مسطورده نك اوست طرفلرندن ترجمه يه باشلايوروز.

مال

ای، جگر کاھند اولم . خنچرینی صاپایان کسه . سکا نه اولور که موت ایچون خیرلی حاضرلقدرده بولتمورسک . اجرای حکومتی کونلرینک برصباحی . مصطبه ملوکانهسی خراب . سریر حکمرانیسی کندندن خالی . منابر خسروانهسی معطل . زمان کنندی خاگ مذلته اورمش . کوکندیکی عسکری کندن تبری اتمش . کسهلرک حالینه باقوبده عبرت آلازمیسک . هانی نروده اوپادشاهلر . نروده احتشام وشوکتلری . بونلر هپ سنک کیده جکلک یره کیتدیلر . ایلاندینده آلدانوب . دنیایی ترجیح . زیب و زیاتی طاقینهرق . فخر و بهاهات ایچون عرض اندام ایدن کسه . دیندن نائل اولمیلرینک قدرینه یابش . انجامی موت دکنی . ینده تلخکام اوله جفک ضروریدر ... اندنصکره هارون . والاهی . گویا که بویتلرک مخاطبی آنجق بن ایشم کی قلمده اجرای تأثیر ایتدی دیدی . چوق کچمدهی اوده وفات ایلدی (رحمة الله علیه رحمه واسعه)

نفسی . عبادات و ترک دنیا به اشدیره نک اوچنچی حالی . اجلک و موتک حالنی . نفسکد کالیمه . کشف و ایضاح و املک ایقاع ایده جکی غرور و تسويفاتک و خاتمی نقطهسی نقطه سنه افصاح ایتدیلرک . تا که امل . اجل قصیر و عمر حقیری اوزون کوسروب . کیت کیده موت و نشوری اونوتدورمه سک . نبی معظم صلی الله علیه و سلم افندمزدن روایت اولندیکه . خطبه نریک برنده . اتی الترجه نطق بلیغی ایراد بیوردیلر . انسانلر . کونلر کچور ، عمرلر توکئیور ، بدنلر اسکیوب چورویور ، کیجه ایله کوندز . اولافلرک منزل مقصوده قوشدینی کی قوشیورلر . اوزاقلاری یاقلاشدیروب یکیلری اسکیدیورلر (عباد الله) شو سوزلرمده شہواتدن فارغ قیلاجق . باقیات صالحاته جلب رغبت ایده جک شیلر چوقدر . (مسعر) دیورکه نیجه کسه لر واردیر که کوندزه کیرمش تکمیل ایتهدن وفات ایتمش . نیجه کسه لر واردیر که یارینه منتظر . حالوکه اجل مساعد دکل . اجلک سرعت سیرینی ممکن اولسه ده کورسه ایدیکز امل و غروره امن و نفرین اوقومقدن کندیکنزی ادمزدیکز دیردی : انصاردن بر ذات . فخر عالم افندمزه

ناسك اڭ پارلاق ذكالىمى كيمدر ديه صور دقده. موتى-توق يادايدوب حاضرلق كورنلردر كه بونلر دنيا و آخرت شرفنى احراز ايله نائل الطاف سببچانيدرلر بيورمشلردر (حضرت عيسا عليه السلام) اعضا و جوارحكز او يقو حالده نصل دوجار تعطيل اوليورسه. اولوم حالده دخى اويله اوله جقسكز. اويانديغكز ده نصل كه قوا كنك حس و شعورى عودت ايديز رسه. محشرده قبردن اويله جه قالقه جقسكز بيوردي (حضرت على) بيورديكه انسانلر . اول خدای مستعانه قرشو تقواده بولونك كه. سويلر سه كز ايشيدر . كيزلر سه كز بيلور. موت ايچون تدارك لوازمده بولونك كه او سزه . قچسه كز بيشور . طهر سه كز كوتورر حاصلى پنجه سندن خلاص يوقدر (علاء مسيب) ديديكه باللرك كافه سندن اولوم دهشتليدر. اولوم دناصكرده محشرده وعام برزخده اويله باللر كله جكدركه انلر ده نسبت اولوم. پك خفيف قالير (بعض حكما) قاللر ايچون كچنلرك احوالندن نجه عبرت و موجب خشيت شيلر واردر. اربار سعادت مكر و خديمه يه. ميل و طمععه الدانماز. ديدى (بعض صلحا) سنك بقالق يعنى حالك ايچون بر فنا (موت) فناك ايچونده بر بقا واردر. شو حالده بقاسى اولميان فنادن (دنيادن) فناسى اولميان بقا (آخرت) ايچون زاد و ذخيره پيداسنه چاليش. موت ايچون طبيب يوقدر. شو حالده حياتدن انان هانكى لذت خوشه كيدر. كيتمز بلكه بوشه كيدر. ديدى: بعض بلغا. هر كشى. مدت اجل منتهى و صحيفه عملى منظوى اوله جق بر غايه يه واره جق. امدى سن نفسك ايچون. ينه نفسكدن كسب منافع و بوكون، ايچون دونكى وقايعدن عبرت المغه چاليش. عمر ك توكونوب عممله زياده اتمك ممكن اولمدينى زمان كهدن. سيئاتكى رفع ايله حسناتكى تزئيد كمال تهالكه غيرت ايت. چونكه فلا كته قرشوكله حاضرتميانه. فلاكت قرشوكلير. سوزى. مشهور منلدر. ديدى .

ابوالعتاهيه

ما لم يقابر اذ لا تجيب اذا دعا هن الكتيب
حفر مسقنة عليهن الجنادل و الكتيب

فیهن ولدان واطفال	وشبان و شیب
کم من حبیب لم تکن	نفس بفرقتبه تطیب
غادرتہ فی بعضہن	مجنڈلاً و هو الحیب
وسلوت عنه و انما	عہدی برویتہ قریب

مأل

بو قبرلره نه اولویورکه. ارباب حزن و الم چاغرییوردده. هیچ بر جواب کلیور. انلر بر طاقم چوقورلردرکه طواندری طاش و قومدن یالمش. ایچنده بر چوق چوجق ویکیت و اختیارلر اقامته مجبور اولمش. ایریلغنه راضی اولدینم چوق سووکیلی دوستلیری اوقبرلره طاشه کومولندکاری حالده بر اقدم و محبتلرندن کولکومی صوغوتدم و یقین زمانده کندیلرینه ملاقاتیمی جزم ایتدم... فخر عالم افندمز. وعظ صدندنه بر رجه خطاباً (اقلل من الدنيا تعش حراً و اقلل من الذنوب یهن عليك الموت و انظر حيث تضع ولدك فان العرق دساس) یعنی ای رجل. دنیاغی ازالته که. حر یاشایه سک. کنهانی آزالته که. اولوم سکا اھون کوز کسون. حصول ولد ایچون طاهر النسب قادین انتخاب ایتکه. نسب طمری خبائت مکتومه بی صاقلامز. بهمه حال ولد او طرفه چکریوردیلر (ھارون رشید ابن سمانه) بکا وعظ ایت دیدکده. شویله نصیحت ایلشدیر. ای ھارون بیلمش اولکه موته معروض اولان پادشاهلرک اولی سنسک. بر اعرابی. چوجنی اولن بر آده تعزیه مقامنده. الله ھمد ایدرمکه او چوجنی ایچنده یوارلاندیغمز کدرلردن حمایه. معروض اوله کلدی کمز مخاطره لردن وقایه بیوردی دیمشدر. (بعض سالف) برکسه آخرت ایچون عمل ایدرسه هم دنیا، هم آخرتی احراز ایدر. بالعکس دنیایی آخرته ترجیحده بواند رسه ھرایکسندن محروم قالیدیدی (بعض صلحا) اجلک اوزاقلغنی و عملک امکانتی غنیمت بیل. عمل خصم صنده بر طاقم علل و معاذیر در میانندن واز کیچ. زیرا سن. محدود، اجل، معدود. نفس. قیصه عمر ایچنده سک دیدی (بغض بلغا) کوچ ایدن کسمه نک عملنه

بکزر عمل ایت. اولوم چوبانی سنی کودیور بر کون اوله جق که سنی محشره
طوغری سوروب کوتوره جکدر. دیدی .
روایت اولندی که شمس تابان اسمان نبوت افندمزه. مغرب استنار آخرته
استقالند نصکره. افتراق محمدینک تأثیر جا کدازیله. احوال عالمک کوستردیکی لوحه
عبرته باقهرق اعماق دروننده جولان ایدن حس غرام ایله حضرت علی
کرم الله وجهه شو یتلری سویلدی .

شعر

غرجهولاً امله	یموت من جاء اجله
ومن دنا من حتفه	لم تغن عنه حیاه
وما بقاء آخر	قد غاب عنه اوله
والمرء لا یصحبه	فی القبر الاعماله

مأل

ارباب جهلی. امل یهوده سی الدادیور. حالبوکه اجل کنبجه. کشی اوله جکدر
اولوم کلوب چاتدقده. اعمال حیل فائده ویرمز. اولکیلر کیدنجه کری قالانلرک
انلره تابع اوله جفی ضروریدر. کشی یه قبرنده عملدن باشقه ارقداش یوقدر .

ابوالعتاهیه

لا تأمن الموت فی لحظ ولا نفس وان تمنعت بالحجاب والحرس
واعلم بان سهام الموت قاصدة لكل مدرع منها و مترس
ترجوا النجاة ولم تسلك مسالكها ان السفينة لا تجری علی الیاس

مأل

برده دار وبکجیلرله اولومدن تحفظ قصدنده بولنیورسهک. امین اولمیلیسک که

هيى بر نفس. موت سنى فوت ايتمز. اولوم اوفلىرى زره. فلانن كى شيليرى دكلمز. بيه حال طقونديغنى هلاك چيقورينه جانمز دوشورر. سق آخرت عذابدن فور تولوق اميد ايديورسك اما. هيى نجات يوللارينه سلوك ايتيورسك هيى قروده كى يورورمى. سنك بوتشبنك اكا بكنز .

نفسكى . حالت اللهده تعريف ايتديكمز وجهه . موت وحشر ونشر كى احوالك كافسه معروض بولمديغنى. مع ذلك اعمار انسانيهك . طول امل . نسيان موته بادي اوله جق قدر ذكرى اولمديغنى ملاحظه يه آليشدير مق خص صمد موفقيتك رونما اولدقده. سنك ايچون اوچ خصلته ده نائيت مقرر در (برنجيسى) سنى ورطه هوللك تسويغه دوشوره جك املدن ياقه كى صيرمقدر. انبو تسوينف. غراز و ضرار اولديغى جهته پنجه سندن خلاص اولمق. بيوك بختيار اتمدر. اوت امل. بر كره صارلديمى. داغا دنيا اموريه نصب نفس اهتمام ايتديررده. آخرت عمللى خصوصصنده. هابوكون. هايارين. هابوسنه. هاكله جك سنه. ديهديه. زمان موته قدر غفلت اويقوستنده بولدير ربويله بردهش دشندن نفسى قورتارانلر. الحق شاين تبريكدرلر (ايكنجيسى) عمل آخرت ايچون متيقظانه طاورانوب بقيه عمرىكى اعمال خيريهه صرف اتمكدر كد املنى قيصالدارق عمرنى آرنسهيان كمسك عملى كورل اوله جنى جهته اشبو حال تيقظ و اتباه . بختيارلغك ايك بيوكى اولديغى نزد اولى الابصاره بى اشتباهدر (اوچنجيسى) نزول وحلوله چاره مدافعه. دفع. وازاله سمه قودمدافعه اوله ميان موتك نظر كده اهون كورنميسيدر. اوت بر شيئه نفسى آلديره ممارسه حاصله اولدقده اوشينك نزول وحلولى زماننده كى طبعى اولان دهشت. آنسرين كلديكى زمانده كى دهشت قدر طاقتورسا اولمز. بلكه براز آلتقمينلق سبقت ايتديكى جهته او سايده سهوات كوريله جكى دركارن . روايت اولونديك. خواجه كائنات افندمز. ابوذر غفارى يه. قلبكى تفكرات الهيايله اوياندر. اويقويي كندندن ايراغ ايت. الله تقواده بولون. مآلنده (نبه بالتفكر قلبك وجاف عن النجوم جنبك واتق الله ربك) بيورمنلردر. عمر بن الخطاب. ابوذر غفارى يه. بكا وعظ ايت ديدكده. يا عمر اوليه جك قدر لقمه يه راضى اول. فوتندن قورق موت ايله افطار اينجه قدر دنياه صائم اول. ديدى. عمر بن عبدالعزيز . بزم يقينمز كى شك بكمزمين هيى

بریفین کورمدم. اکر بز آخرت و قیامت احوالنی معترف ایسهك. یادیغسز سمارك
اکا مطابق اولمهسی لازم کلیر. حالبو که امر بالهکس شو. حالده بز بر سوری
حقایز که قولز فعلمز ه اویمور. یوق. بونلری معاذ الله منکر ایسهك. امین اولهلم که
هالاك ابدیمز مقرر در. دیدی.

حسن بصری. کوندزك سنك مسافر کدر. اکا کوزل باقککمون قلدرق ثنا
ایدوب کچسون. حرمته قصور ایدرسهك ذم ایدرك کچر. کیجه کده بویله در
هرایکسند حقه یرار عمل ایسدرسهك ممنون ایتش اولورسك دیدی (جاحظ)
کتاب البیان والتبیین نام کتابنده دیورکه. بر طاش اوزرنده شویله یزیرلر محکوک
اولدینی کورولدی. ای آدم اوغلی بقیه عمرکک آزلغنی بیلسهك. املکی اوز آتمدن
واز کچرسیک ده تزید غمه ککل کرمی ایله چالیشورسك. سکا ندامت. آنجق
یوم قیامتده. اقر باو تعلقاتک سندن روگردان. احبای صادق ک نفی نفسی و او یلاسیله
کریان. اهل وحشمک مجرد نفسلرینی قورتلر قورتلر ایچون پویان اولوب صراط
کوپریسندن ایانک قایدرق چاه غیایه غلطان اولدیغک زمانده الویره ککدر .
بشرین منصوره. سکرات موتد یا قلاشدینی بر زمانده کولومسه دیکنی ک رنر. سبب
فرح و تبسمی صور دقلرنده. بن شمدی هروجهله رحمت و عاطفتنی امید ایتدیکم
خالق دیشانه کیدیورم. ایلدیورم اما کیمدن. بنم کبی عاجز و کندیلرینک عداوت
ودسائسندن اندیشه ایتکده اولدیغ انسانلردن. بونلردن مغارقتله الله ملاقاتم
ه ساوی درجه ده دکدر. شو حالده حال احتضار دهکی سونجیمی استغفر الله قارشوله میک
جوابی ویردی. ابوبکر صدیق. مرض بوتنده طبیه خبر کوندرم می دیدکارنده.
اونی کوردی. جوابنده بولمادی. سنی کورن طبیب نه س یلاری دیدکارنده.
بن فعال لما یزید صفتنی حائزم دیدی. جوابی ویردی. کذلک بویله بر تکلیفی
ربیع بن خثیمه یابدقلرنده بنده چق ارزو ایتدم انا. دوشوندم که عاد و ثمود.
اصحاب رس ودها بونلر میاننده گذار ایدن قرءن اولین ایچلرنده اطباء حاذقه
ومداوات ایچون لازم اولان اسباب. صورت مکملده بولدیغی حالده هر درلو
تدابیر و عقاقره رنما. اولوم ینه کندیلرینی بی نام و نشان ایدرك دیلارده داستان
نراقدیغی. خاطر مه کلنجه فکر مزبور دن رجوعه سبب اولدی دیدی.
نوشروانه. نه زمان حیات دنیاك لذتی اوله بیلیر دیدکارنده. کشی حیاتنده ایکن

لازم اولان اعمال حسنه يي دفتر اعمالنده مسطور و مقبول بولديني زمانده لذت حياتي طوبار. ديدى . بعض حكما. اولومى خاطرليان. املنى اونوتور . امل. اجلاک پرده سيدر. مبتلاى امل اولان اولومى اونوتور. ديدى . بعض اهل ادب. جناب ساقى کوثره منسوب اولان شويتلرى انشاد ايلدى.

شعر

ولو انا اذا متنا تركنا لكان الموت راحة كل حي
ولكننا اذا متنا بعثنا و نسل بعددا عن كل شي

مال

اولدکدنصکره بزی حاملعزه براقسه لردی. هرذی حیاته اولومدن راحت بر شی اولمازدی. لکن ایش بویله دکلدر. اولدیکمزمده بر دهها بعث اولنوب یابدقلمزدن برر برر صوريله جغز .

شعر

الا انما الدنيا مقيل لراكب قضی وطراً من منزل ثم هجرا
وراح ولايدري على ماقدومه الا كل ما قدمت تلقى موفراً

مال

آگاه اولکه. دنیا بریردن الیش ویرشدن صکره هجرت ایدن کسه نک قیلوله اویودینی زمان قدردر که . رجس مزبور قالفوب کیده رک نزهیه قدوم ایده جکنی بیله ز . ای انسان هر یایدیغه بول بول قاووشه جقسک اکا کوره طاوران

سعید بن مسعود . روایت ایلدیکه . ابوالدرداء رضی الله عنه . یارسول الله بکا وصیتده بولنورمیسک دیه . رجا ایتدکه سلطان انبیا افندمن . یا ابالدرداء حلال

قرآن. صالح عمل ایشله. للهدن کونی کوننه رزق ایسته. نفسکی موتادن صای. بنم سکا نصیحتم بونلردر بیوردی. ربیع بن حثیم. دوستلرندن برینه شویله یازدی برادر. جهازا خرویه کی شمیدین کوندر. دنیا امتعه سنی اوزرکدن دوک. یوککی خفیف یاب. نفسکه وصی اول. دنیادن حذر ایدن اکا نائل اولور. اندن امین بولنان. دوچار هلاک اوله جنی محققدیر: (محمد بن واسع) برقومه اوغرا یوب زهد و تقوا ایله شهرت الدقلرینی ایشیدنجه. دنیانک نه دکری واردرکه اندن یوز چویرنلر زاهد ومتقی عنوان تجیلنه مظهر اولسونلر دیدی (بعض حکما) ارباب سعادت. کچن کونلردن عبرت الهرق نفس ایچون آخرت ذخیره سی تدارک ایدنلردر. اصحاب شقاوت نفسنه بخل ایله. یه میوب ایچمه یوب وارث قالانلره مال جمع ایدنلردر دیدی (بعض بلغا) جسمکده صحه. عمرنده هنوز امید فسحة اولسه بیله. وصیتسز یاتمه. چونکه زمان خائن. اوله جق شیلرده همه حال سرزده ظهور اوله جقدر دیدی.

شعر

من کان یعلم ان الموت یدرکه	والقبر مسکنه والبعث مخرجه
وانه بین جنات سبتجه	یوم القیمة اونا ستنضجه
فکل شیء سوی التقوی به سمج	وما اقامه علیه منه اسمجه
تری الذی اتخذ الدنیا له وطناً	لم یدر ان المنايا سوف تزعجه

مال

برکسه. موتک همه حال یتیشه جکنی. قبرک کندینه مسکن اوله جغنی. اندنده برای حشر وحساب قالفه جغنی. انجام قرارکاهی. جنات عالیات یاخود جایر جایر یاقیجی جنهم اوله جغنی اعتقاد ایدرسه. انکچون تقوادن بشقه سی چرکیندر. دنیایی کندیته وطن اتخا ایدنلری کورورسک که یقینده اولوم کندیلرینی ازعاج ایده جکنی بیامزمش کی طاورنیورلر. (جعفر بن محمد روایت ایلدیکه. فخر عالم افندیمز. خطبه سنده. انسانلر. سزک ایچون برنهایت

وارد در . ارتق اورایه منتهی اولیکز . وبر طاقم نشاندر وارد در که . انلره مباشرت ایدیکز . مؤمن ایکی اندیشه ایچنده در . بری کچمش زمان حقنده اندیشه در که . زواللی مؤمن او زمانلرده یابدیغی عمللر حقنده اللهدن نه معاملده کوره جک . اوراسنی بیلمدیکندن اندیشه ایدر . دیکری . استقبالده جناب حق . حقنده نه معاملده ایده جکفی . قضای الهی نه یولده جریان ایده جکفی بیلمدیکندن ینه اندیشه ایدر . امدی . عبد کو زنی اچسون دنیا ده ایکن نفسنک منافع اخروی ده سنی نفسندن و دنیا سندن جلب و تاهینه چالشسون . موتندن اول حیاتندن استفاده چاره لرینی دوشونسون . چونکه دنیا . سزک ایچون . سزده دنیا ایچون یرادلایکز . یمین ایدر که . اولاد کنصکره معذرت بیاننه میدان یوقدر . دیادن صکره ده . جهنم ویا جبتدن بشقه بر قرار ایده جک محل یوقدر . بیوردی . حسن بصری دون اجل . بوکون عمل . یارین املدر دیدی . بومعنائی ابوالعناهیة نظم ایتدی .

شعر

لیس فیما مضی و لافی الذی یا
تیک من لذة لمستحلیها
انما انت طول عمرک ما عمر
ت فی الساعته الی انت فیها
علل النفس بالکفاف و الا
طلبت منک فوق ما یکنفیها

مال

کچمش . کله جکده حادث یوقدر . اوقدر اوزون عمرک ایچنده اک لذتلی زمانک . بولندیگک ائدن عبارتدر . نفسیکی مقدار کفافه الیشدیر که . دها بالاسنی ارزو ایته سین .

(زاهدلردن برینه . اختیار دکلسین . خسته دکلسین . الکده عصاندر . دیدکلرنده دنیا ده مسافر بولندیغمی یقیناً بیلریم . مسافره عصانک لزومنی بیلر سیکز جوابی ویردی . معنای مذکور شعرا دن بری شویله نظم ایلدی .

شعر

حات المعصا لا الضعف اوجب حملها على ولا انى تخنيت من كبر
ولكننى الزمت نفسى حملها لا علمها انى مقيم على سفر

مال

بسم الله عفا الیشیم . ضعف ویاخود اختیار لغمدن دکلدر . بلکه نفسمه
هر وقت عالم اخرته سفر تدار کمدہ اولدوغمی بیلدیرمک ایچوندیر . ذوالقرنین .
بز دنیاہ جاہلین اوله رق کولڈک اویسادق . غافلین اوله رق یشادق . کارهین
اوله رق چیقاریلیورز دیدی . بعض مواعظده . عقابدن قورقانه شاشارم . نصل
معاصیدن کنڈینی الهمیور . ثواب امید ایدنلره شاشارم . نصل عماله مبادرت
کوسترمز دینسدر . (بعض حکما) فنا ادم حیاتده بیله اولسه میت حکمنده در .
ایو ادم نماتده بیله اولسه حیات صاحیبدر . وصف عبادتده بلیغ لسانلر . عذاب
وثوابی عارف قیلر . مع هذا شریعتہ مخالف عملر . شایان حیرت شیلردردیدی .
بعض علما دیدیکه . عبادالله . صاقینک عذاب الیهدن . صاقینک . الله اوقدر
ستر معاصی ایدرکه همان عفو ایتش ظن اولونور . او قدر مهلت وبررکه
اعمال ایتدی . مجاز اتدن واز کچدی ظن اولونور . بونلره الدانوب معصیتہ درام
ایتمهیک . ایام سزک حائث اعمالکزددر . افعال جمیله کیزی اوصیفه لرده نقش
وتحریر ایدک . منشور حکمدہ . شیخوختک نصایحنی کوش قبول ایله دکلهیک
هر کون طوغان کونش . دونکی کچن کون حقنده سزه وعظ ایتمکده در .
متعظ اولوک . دیندی .

بعض زهاد . اوزرینه خاق طویلاشمش بر آدمه اوغرایوب سبب اجتماعدن
سؤال ایدنجه . بوبرفقیر کسه ایدی . خرسز جبه سنی چالدى . بیچاره نك جبه دردیه
یانوب یاقیلدیغنه آجین بر صاحب مروت ده . بر جبه هدیہ ایتدی . جوانی آلیر .
بونک اوزرینه زاهد . صدق الغظیم (ان سبیکم لشتی) دیر یولته دوام ایلر

بعض حکما : حشر و حساب نعم و عقابه ایمان استدکاری حلاله . اجر و ثواب
طریقندن یوزچویرنلر انصافسزجهسنه حرکت ایتمش اولورلر . دیدی . حکمادن
برذات . طول امل سببیه قلوبه قسوت . اخلاص نیت سایه سنده ذنوبه قلت حاصل
اولور دیدی . عبدالله بن المعتزك شو بیتلری . طول املك . نسیان اجلك شناعتنی
اظهار جهتیله پك زنکیندر .

شعر

نسیر الى الاجال فی کل ساعه	وایا منّا تطوی وهن رواحل
ولم نرمثل الموت حقاً کانه	اذا ماتخطته الامانی باطل
وما اقبلح التفريطه فی زمن الصبا	فکیف به والشیب فی الرأس نازل
ترحل عن الدنيا بزاد من التقی	فعمرک ایام تعد قلائل

مأل

هر آن . موت جانبیه کیتمکده یز . ایام عمر من . راحله بند آخرت اولمش کچیور .
بز موت کبی حق برشی کورمدک . لکن طول امل اریه کیریجه . باطل کورینیور
زمان صباوتده تفريط امل چرکین اولنجه . صاحم صقالم اغردقده چرکین اوله جفی
بطریق الاولویه ثابتدر . دیادن تقوا ذخیره سیاه کوچمکه باق . زیرا عمرک ایام قلبیه
معدوده در .

عبدالمک بن مروان . علی الاکثر شو بیتلری اوقوردی .

شعر

فاعمل علی مهل فانک میت	واکدح لنفسک ایها الانسان
فکان ماقدکان لم یك اذمضی	وکان ماهو کائن قد کان

مأل

مهلت وارکن عملایت . انجامی اوله جکسک . ای انسان . نفسک ایچون برشی

اولدی کچدی. اولماش کیدر. استقبالدله اوله جق شیده. اولمش کیدر. اولکی مادامکه کچمشدر. فرض ایتکه هیچ اولماش. ایکنجی مادامکه اولماسی مقدردر. فرض ایتکه اولمشدر .

سلیمان بن عبدالمک . برکون آینه یه باقوب . بن کنج برپادشاهم دیوعجب وغرورینی اوخشارکن . جاریه سی شو ایکی بیٹی اوقودی .

شعر

انت نعم المتاع لو كنت تبقى غير ان لابقاء الانسان
ليس في ما بدلنا منك عيب كان في الداس غير انك فان

مال

سن کوزل برمتاعسک اما. أه بقاءک اولسهیدی نه چاره که انسان ایچون بقا مقدر دکلدن. ناسده کوردیکمز عیوبدن. موته معروض اولقدن بشقه بر عیك یوقدر. شو حالده کبر وغرورک معناسزدر پادشاهم
انس بن مالک دیورکه. خطیب الانبیا. سید البرایا افندمن (جدعاء) نامدومسی اوزرنده آتیده کی خطبه یی ایراد بیورمشلردی. ای ناس . کویا که موت دنیا ده بزدن بشقه سنه مقدر ایمش. حق الله بزه واجب اولماش. جنازه سنی قالدیروب تشییع ایتدیکمز اولولر عن قریب دونوب کله جک مسافر نر ایمش کبی کوتورر قبره صوقارز. میراثلرینی یرز. بز اندردن صکره دنیا ده باقی ایمشز کبی هر وعظی اونوتویورز. هر بلادن صورت امنیت کوستریورز. نه موطلو اول کسه یه که کندی عیبیه مشغول اولوب بشقه سندن غافل بولوندی. قزانیدی مالدن اتفاق ایله اهل دین ومسکنت واصحاب فقه وحکمتله اختلاط ایلدی. نه موظلی اول کسه یه که نفسنی تادیب. اخلاقی تحسین. کیزلی اسرارنده صالح. علمیه عامل. فضله مالی منفق اولدی. اُز سوبلیدی. سنتمه تمسک. بدعتدن قاجیندی. بر حدیث شریفده بیوردیلر که ای اتم. قبرلری زیارت ایدیکز که آخرتی سزه خاطر لاسین . موتای غسل ایدیکز که. موتا. معاصی ایله چورومش اجسادک علاج شافیسیدر و بیوک مو عطفه (بلیغه در)

ربیع بن حیم. خانه‌سند مناسب برکوشده کندینه مخصوص برقبر قازار
ونه زمان قلبنده قسوت حس ایدرسه. ایچریسینه یویلی بویه جنازه وضعیتمده
یاتار برزمان صکره (رب ارجعون اعمل صالحاً) آیتی قرائت. ودونوب نفسنه
خطاباً. ای نفس. ایشته سنی رجوع ایتدردم. بوند نصکره کوزینی آچ. آخرت
ایچون چالش. دیردی. بعض زهاده. وعظ تکلیف اولدقدده. وعظک الک مؤثری
محلّه اموات اولان قبرستانه نظردر. دیردی .

ابوالعتاهیه

وعظتک اجدات صمت	ونعتک ازمنه خفت
وتکلمت عن اوجه	بتلی وعن صور سبت
وارتک قبرک فی الحیا	ت وانت حی لم تمت
یا شا متاً بمنیتی	ان المنیة لم تفت
فلر بما انقلب الشما	ت فحل بالقوم الشمت

مال

بزم خاموشان اولان قبرلر. سکا کوزل نصیحتلر اجرا. وکچمش زماندن اخبار
ماجرا ایدیور. مرور زمان ایله طوپراق ایچنده چورومش یوزلر، طراونی محو
اولمش او کوزلم صورتلر حقنده خیلی سوزلر سویله یور. سکا حیاتکده. قبریکی
کوستریور. دیورکه ای نیم موتله مسرور اولان اعدای بد خواه. سونمه یک که اولوم
فوت اولدی. سزک کبی چوق کسهلر. بشقه سنک موتنه سوینیر ایکن دولاب
شما ته کندی باشلرینه دوندی. بر مزار طاشنده شویله یازمش ایدی. بز قوه قاهره مز
ایله چوق کسهلری قهریمز آلتنده ازدک. عاقبت ناظرینه عبرت اوله جق شو حاله
دوشدک. بزم یره چار پلیدیغمز یرلری کوروبده بقا امید ایدنلر احمقدرلر
(بعض بلغا) دونکی کونک هر ساعتی نقصان بولدیجه حیات انسانینده
برپار چه سنی نقصان اتمکده در دیدی. بومعنائی ابوالعتاهیه نظم ایتدی.

شعر

ان مع الدهر فاعلمن غداً فانظر بما يحیی غده
ما رتد طرف امرئی بالذته الاوشیئ ی موت من جسده

مأل

امین اولکد زمانک بوکونی وارایسه یارینبده واردر. سن بارین نهکی احوال
کاه جکئی دوش سنسکه باقی. کشینک. کوز آچیلوب قیاته جق قدر بر زمان ایچنده
الیدیغی لذت مقابلنده. جسدینک بهمه حال بر بارچه سی موته معروض اولور.
اسکندر ایلدیکی زمان. حکمای دیدیلر که. الله الله. دون اسکندر بلیغ نطقلر.
عسکری، سیاسی و مقاله نثر سردایدیوردی. بوکون بر میت اولدیغی خالد نه عبرت
انکیز و عظم و نصیحت ایدیور. ابوالعناهیة. شورنکین مضمونی شو بیتلریله نظم
ایدیور.

شعر

کفی حزناً بدفمک ثم انی نفضت تراب قبرک عن یدیا
و کانت فی حیاتک لی عظمت رات الیوم اوعظ منک حیا

مأل

ای میت. سنی دفن ایتک بر حزن ایکن. قبرک طپراغنی الله صاچدم. بوده
آیرجه بر حزن. حیاتکده بزم ایچمن چوق استفاده و نصایح واردی. بوکون
میت بولتیورسک. وعظک دهامؤثر اولیور = (بعض حکما) هرکسک ایتدیکی
خطایا. بالفرض قوقو نشرایتسه ایدی. ناس رذالت و خجالت اندیشه سیله. اختیار
عزلت ایدوبده. بشریکدیگریله عقد انجمن صحبت ایده مزدی. دیدی. ابوالعناهیة.
بر معتاد شو رقیق معنایده قاچیرمدی. سلاک نظمده دیزدی.

شعر

احسن الله بنا
فاذا المستور منا
ان الخطايا لا تفوح
بين ثوبه فضوح

مأل

ایندی کمز کناهلر برکت ویرسونکه قوقیور. بویه اولماسه ایدی چوق مستور لر.
اهل ناموس یکینلر رذیل و کپازه اولورلردی بو خصوصده بزه الله چوق بیوک
احسان ایتشدیر. ۱۸۱

بو حقایق کافه سی . منبع العرفان اولان فیخر عالم افندمک شو
حردیثک مألدر (لو تکاشفتم ماتداقتم) یعنی یکدیگریکیزک کناهلری سزه
منکشف اولسهیدی. نفرت ایتدی کیزدنطولانی اولورلیکیزی دفن ایتزدیکیز ==
برکسه. ابوالعاهیه شو بیتلری یازوب کوندردی.

شعر

یا ابا اسحاقانی
فاعنی بابی ان
واثق منک بودک
تعلی عیبی برشدک

مأل

یا ابا اسحاق. بنی سودیکه امین اولدیم ایچون. رجا ایدرمکه پدزم سکا
قربان اولسون. بنم عیلمیمی بکا بیایدیرر. ابوالعاهیه شویله جواب ویرر .

شعر

اطع الله بحمدک
اعط مولاک الذی
راغب اودون جهدک
تطلب من طاعته عبدک

مأل

کوجک یتدیکی قدر. یاخود اندن بردرجه اشاغی. کمال خواهش و اخلاصه

بیت

۱۸) أه اکر مستی نمودی هر حرامی چون شراب
أن زمان معلوم بودی مست که هشیار کیست

اللهه مطیع اول . کوله کدن بکلدی بک خدمتی . اللهه قرشی یاپ . بعض حکما .
چوجقلمنی کوروب آنکله مسرور اولان . نفسنه کوتولک ایتشدردیدی شو
معنای ابوالعناهیة نظم ایتدی .

شعر

ابن ذی الابن کما زادمه مشرع زاد فی فناء ابیه
ما بقاء الاب الملح علیه بدیب البلاشباب بینه

مال

چوجقلم بر مزراق بوی اولنجه . باباسنک هلاکنی تأمین ایتمش اولور
چوجفنک یکتلکی فواره بلانی قورجالایوب هلاکنه چالیشورکن . باباسنک
صاغ قالمه سنده معنا ندر = (زر بن جیش یوز یکر می یاشنده) موتی باقلاشدقده
شو بیتلری سویلدی .

شعر

اذا الرجال ولدت اولادها و ارتعشت من کبر اجسادها
و جعلت اسقامها اعتادها تلك زروع قد ناصداها

مال

رجالک اولادی طوغوب کندیلرینک اعضاسی رعشه دار اولوب خسته لک
کاه و بیگاه یوقلار طورورسه . بابالر بیلمه سی یقین اکنیدر .
شمرادن بردات . صالح بن عبدالقدوسه شوبیتلری یازمش ایدی .
الموت باب وکل الناس داخله فلیت شعری بعدالباب ماندار

(مأل) موت بر قبودر . هر کس اندن کیرر . کاشکی نیلسه ایدمکه موت
قبوسندن چیقنجه خانم هانکیسیدر . جنتمی . جهنمی .
جواب اوله رق صالح شویتلری یازدی :

شعر

الدار جنات عدن ان عملت بما یرضی الاله وان خالفت فالنار
ها محلان ماللداس غیرها فانظر لنفسك ماذا انت مختار

مأل

رصای الهیه مقارن عمده بولونورسهك . قرار كاهك جنتدر . خلافتی
یپارسهك . جهنمدر . انجق بواکیسی ناسك قرارگاه اخرویسیدر . سن هانکیسنی
انتخاب ایدرسهك ایت .

باب ادب الدنيا

معلوم اوله كه جناب حق . نفوذ قدرت صمدانیه . وبلوغ حكمت سبحانیه سی
اقتضاسیله . مجرد اثر تقدیر و تدیری اوله رق كافه مخلوقاتى . عماى عدمدن صحرای
وجوده كتیردی ، خمیر فطرتلرینی . قدرت كامله سنی ممكن مرتبه ده كوسترمك
خصوصنده ایكى آینه مثابه سنده بولنان احتیاج وعجزكبی . ایكى صفت ظاهره ایله
تخمیر بیوردی . تاكه غا ایله مفرد و قدرت خارقه ایله متوحد اولان ذات
الوہیتی . قدرتی سببیله خالق ، غناسی سببیله رازق بیلوب انعامنه رغبت . عذابندن
خشیتنه . لزوم طاعتنی اذعان ایتسونلر . دیگر طرفدن کنیدیلرنده دركار اولان
عجز و احتیاجه باقوب نقصانلرینه تحصیل ایقان ایتسونلرده لطائف تدبیر و بدایع
تقدیری شمشعه پاش عیون اعتبار اولسون . بوندنصكره . اشبو عجز و احتیاج .
مخلوقات اوزرنده سویه واحده ده اجرای حكم ایتبوب . زمره انسان اوزرنده
حکمران اوله كلن احتیاجك سائر مخلوقات اوزرینه تفوق وازدیادی مقتضای

شیوه حکمت بولوندی. اوت. بعض حیواناتک جنسک معاوتندن بالاستغنا. تحصیل معیشت و تکمیل اسباب رفاهیت خصوصنده یالکز باشنه حرکتی کورلیدیکی کبی بالعکس زمره انسانک جنسنه احتیاج و بی نوعه دست استمانه بی اوزاتمقدن وارسته قاله مدینی جهته (احتیاج) کندیلرینک صفة لازمه طبیعی و خلقه مرکوزه جوهر بشرتی اولدینی کوریلور. ایشته بوندنطولا ییدرکه. جناب حق (خلق الانسان ضعیفاً) بیورمشدر. یعنی انسان. محتاج بولندینی شیئه صبردن وعاجز قالدینی شیئه تحملدن ضعیف اوله رق یاراتیلدی. ایمدی انسانک حیوانات سائردهن زیاده احتیاجی ثابت اولونجه. عجز نیکده اونستنده کثرتی ظاهر اولور. چونکه برشینه احتیاج. عجزی مستلزم اولونجه. کثرة احتیاجک. کثرة عجزی اقتضا ایده جکی طبیعیدر. آنکچون (حکما) برشینه اساساً محتاج اولماق. محتاج اولوب شیئی مزبورک دخی حصولی سببیه غنادن خیرلیدر دیمشدر: کرچه نظره اولاده: انسانک شدت احتیاج و عجز و افتقار ایله اتصافده حیوانات سائردهن امتیازی. عالم اکبر بیه کندینده منطوی اولان نسخه کبرای انسانیه شین ایراث ایدرکبی ظن اولونورسدهده. موشکافانه اعمال فکرواندیشه ایدیله جک اولورسه عقلره حیرت ویره جک سرائر حکمت، فکرلره دهشت القا ایده جک غرائب نعمت. پیشگاه تأمله چیقار. شویله که (کلان الانسان لیطی ان راه استغنی) آتی ایله تسجیل بیورلیدی و جهله. غنا و ثروت زماننده طغیان. قدرت و مکنات اواننده ظلم وعدوان. طبایع انسانیهده مرکوز و کافه قواسنه مستولیدر: ذل و احتیاجدرکه. غنا سایه سنده متصور اولان طغیان و عصیاندن انسانی منع ایده رک روز جزاده قرین فرعون وهامان و غیاثیان اولمه دن قور تاردی. نه بیوک نعمت. عجزدرکه. قدرتی سببیه یقاع ایده جکی ظلم وعدوانک طریق اجراسنه دیکلهرک. کندینی اجرای معاصیدن. بنیان مدنیته انهدامدن قور تاردی. نه بیوک (لطف و کرامت)

ابن ربی

شعر

اعیرتی بالنقص والنقص شامل ومن ذالذی یعطى الکمال فیکمل

و اشهادانی ناقص غیرانی اذا قیس بی قوم کثیر تقللوا
تفاضل هذا الخلق بالفضل والحجبا ففي ايما هذين انت مفضل
ولو منح الله الكمال بن آدم لخلده والله ماشاء يفعل

مأل

بی نقصان ایله می قینه یورسک. آی اوغل. نقص وعجز. عمومیدر. هانکی
آدمی کوردککه هر وجهله کامل یارادلمش اولسون. بن شهادت ایدرمکه ناقصم .
لکن دیکر لرله مقایسه اوله جق اولورسه. نقصانلری بدن زیاده کورینور. خلق.
فضل ، علم ، دهای عقل ایله دعوی امتیاز ایدیورلر . سنک هانکیسند فضله
ورججانک وار. اگر خدا. انسانه کمال کلی احسانتی تقدیر بیور-ه ایدی دنیاده
مخلد اولمق اوزره یارادیردی . لکن ایشنه قاریشیلمز . دلدیکنی یاپار .

وقتا که جناب حق. انسانی ظاهر العجز . باهر الاحتیاج یرادی ایسه محتاج
اولدینی شلره وصولنی تأمین ایچون برطاقم اسباب . عجزینی دفع ایچون حیل
مخصوصه وضع. بونلر اوزرینه ده عقلیه دلالت . فطنه بشریه سیله ارشاد ایلدی
(قال الله تعالی) (والذی قدر فهدی) بوأیتک تفسیرنده (مجاهد) شویله
دیور (قدر) احوال خلقه (فهدی) الی سبیل الخیر والشر (ابن مسعود)
(وهديناه النجدين) آیتنی . یعنی (الطریقین . طریق الخیر والشر) قولیه تفسیر
ایلشدر. هرایکی تفسیر. خیر وشر یوللرینی کوستر مکده دلیل یکانه عقل اولدینی
وعقلک بویله بری سعادت بری شقاوتدن عبارت اولان هر ایکی طریقه رهبرلک
وظیفه سنی اجرایه مأمور بولدینی وبوخصوصک نعم جلیله سبحانی به قرشو
مکلفینک شکرینی ایجاب ایده جکنی ناطقدر مفسریندن بعضیلریده (نجدین)
سینه مادده بولنان ایکی ممدن عبارت اولوب یکی طوغمش چوجغک. طوغار
طوغماز. اوایکی سود اولوغنه تمایلده بولنمه سنک محض عنایت الهیه اولدینی
آیه جلیله مزبورنک ناطق اولدینغه مائل اولمشلر .

بو صورتله. عقل حوایج بشریه نک استحصاله وسیله اوله جق اسبابه دلیل
قلندقدنصکره. مطالب انسانینک تأمیننی خصوصنده کافی کوریلوب. همه حال

ارزاق و منافعك لوح محفوظ ازله نقشطراز تقدیر و تقسیم اولهسیده شرط قیلندی. تا که انسانلر تحصیل ارزاق خصوصنده عقلرینه . دفع عجزحالندهده فطانتلرینه بالاعتماد. بز شو مظهر اولدیغمز نعم جلیله و حال اسودهکی به عقل و فطانت ، وسعت قدرتمز سایهسند نائل اولدق . بونده خارجك دخل و تأثیری یوقدرکبی افکار سخیفده بولونمیوب نعم الهی به راغب و عذاب منتقم جباردن خائف و راهب اولسونلر. اوت بر شخص. مجرد عقلنك دلالتی بصیرتنك جیادتی . و بویکا انضمام ایدن سینك کثرتی نتیجهسند بهمه حال مطلبنه نائل . تعقیب ایلدیکی نقطه اماننه واصل اولسه ایدی احتمالکه کندی قدره ناقصهسینك فوقنده قطعی التأثیر و مقاومت ناپذیر بر قدره بالغه اولدیغنی و بو کوریلان نعمت و ذلت، چکیلان زحمت و مشقتلر هپ او قدرتك آثار تجلیاتی بولندیغنی دوشونمیوب (خیر خیر) بو بنم کال شمعشه ایله اوزرمده کوریلان اقبال و کمال ، هپ عقلمك حدتی، فکرمك جیادتی. سعیمك جدیتی آثاریدر. فقرانك و اهل ابتلانك چاریلدقلری دولاب ضرورت و سفالت . عقلرینك قصوری ، فکترلرینك عدم اصابتی . قریحهلرینك جودی سینهسیدر دیمکدن چکنمزدی. اما بویله اولما یوبده نفس الامرده اولدیغنی کبی. عقل. طریق هدایت و ضلال و اسباب حصول منافعی کوستیرر دلیل اولماقدن بشقه برصفت مؤثره یی حائز اوله میوب. هرشی. کارگاه قدرته مقدور و معین اوله رق. وقت مرهوننده ارشاد عقل . انضمام اراده حزیه و اقتران سعی و امل عقبنده برر برر ظهوره کلدیکی. شخص مفروضك نظرنده تظاهر ایدنجه. عقلنه اعتماد، سعینه استناددن وازچکرده. قدر الهیه تحصیل ایقان ایدر. ایشته شومعنا . معیشت طارلغنه مبتلا و محروم توفیق خدا اولان چوق کسهلرک خرافات یونانیه . فلسفه هندیه ایله مشحون اولان حوصله اذعانلرینه بیله صیغما دیده. انجمنده خلاق لم یزله قارشى بر طاقم مقالات کفرانه و معاملات معترضانه سردیله ککرده راه هدایت اولدیلر حتی بونلردن بریده . اشعار اعتراضیه و افکار زندقہسی زیرده یازیله جق ابن راوندیدر. مرقومك عقللره حیرت ویره جك صورتده احاطه علومى وار ایکن. قدر الهی. تقسیمات سبحانییه عقل ایردیره مامش. نهایت عثمان ضلال ایچنده چیرپنه چیرپنه محو اولوب کیتمسندر .

سبحان من وضع الاشياء موضعها و فرق العز و الاذلال تفريقاً
 کم عاقل عاقل اعیت مذاهبه و جاهل جاهل تلقاه مرزوقاً
 هذا الذي ترك الاوهام حائرة و صير العالم التحرير زنديقاً

مال

اشیائی یرلی یرینه وضع ایدوب. شرف ایله ذلی و بونلرک محللرینی آییرمش
 اولان ذات باری بی تقدیس و تنزیه ایلرم. نیجه عاقل ذوات واردرکه ، کچمک
 یوزندن عاجز قالمش . نه قدر احق بی تدبیر کسهلرده واردرکه مرزوق و مرفه
 یاشایور . شو حال. عقللری حیرتده براقش و نیجه ماهر و مدقق ذواتی.
 زوری زورینه زندق وی دین الیشدر .

ا کر شاعرك . عاقل دیدیکی کسهلر . نفوذ نظر و صحته عقله مالک و حسن
 ظن اصحاب. دن اولسهلردی. زندق دکل. صديق. اولورلردی. چونکه مدبر کائنات .
 مقدر شئون موجودات اولان جناب حقك شو عالم کون و فسادده اجرا
 بیوردیغی تدبیر مصالحك علل و اسباب حکمت اتسابی . کیمیمی کندنده اعمال
 فکره حاجت کورلمز صورتده ظاهر. کیمیسیده عقول حکمای یوراجق صورتده
 غامض . بر قسمیده کندندن بشقه سنك ادرا کنه یول بولونیمان بر طاقم سرائر
 غیبیه در . شخص عاقل بو. حقیقتی بر کره پیش نظر امعاندن کچروب عاقلك
 مضطر ، جاهلك مسرور و دلشاد اولماسنی. عقلك ادراك ایده میه جکی سرائر
 جمله سته الحاق ایده راک تقدیرات فیاض مطلقه صورت تسلیم کوسترسه ایدی .
 نه بیلم. ملک و انده . کیف مایشاء تدبیر و تصرف کندیکندر. بناء علیه ایسته دیکنی
 عزیز. ایسته دیکنی ذلیل ایدر دیر، متانت ایمانیه سنی بر قات دها تحکیم ایله زمرة
 صدیقه التحاق ایدردی. مادامکه بویه یامدی. عاقل اسمنی بزا کا چوق کوریرز.
 بونك ایچون سیدالکونین افندمز (حسن الظن بالله من عبادة الله) یعنی الله
 حسن ظن ایتمک عبادة جمله سندندر بیورمش در... یوم آخرت. دار جزا او ثواب
 قیلندیگی کی. دنیا دخی آخرتده احراز اولنه حق نعیم مقیم ایچون تحصیل و عمل
 و تکلیف اولونان افعالك اجراسی ایچون جولانگاه مکمل قیلنمشدرکه انسان

بوکارگاه فانیده . بازار آخرتده . مظهر رواج و قبول اوله جق اعمالك تحصيلنه شتاب ایدمرك بوسایدهده . اوراده ارباب طاعات ایچون اعداد و تهینه بیوریلان مقامات رفیعیه بی احراز ایدمركدر . شو حالده انسانلر همتلرینك بر قسمی جلب حطام دنیا . وبوجهتله پیدای ذخیره اخرايه شمیدن حصر ایتك درجه لزومده اولدینی اكلاشیلور .

شو سوزمز . یوقاریدنبری ترك دنیا حقنده سرد ایتدیمز مقالاته معارض دوشمیه جکئی ارباب دقتك انظار حکیمانه سنه حواله ایدرز . یوقاریده شدتله زجر و منع ایتدیمز . مقدار کفایه و درجه محتاج الیه دن فضله عرض احتشام مقصدینه مقارن بولنان رغبت دینوبویه منحصردر . یوخسه سدرمق حیات ، مقدار کفایه اقتیات کسبی ایچون چالشمقدن . نه عقد ، نهده شریعت مانع دکلدر . عقل و شرعك منع ایتدیکی . بر طاقم اجلافك یابدقلری کبی . نره دن آلوب نره یه ویره جکئی دوشونمکسزین و کسب و تجارتی قانون شرعه تطبیق ایتمکسزین مجرد اجرای سفاهت . اقرانه تفوق شروتیه ابراز مفخرت غرضیه جمع و ادخار ایتدیکی ثروتك قلبنده کوستردیکی تأثیر قسوتله . مخافه اللهك حب دنیا و سودای جاد و اقباله مغلوب اوله سی خصوصیدر (نتیجه) نظر شریعتده دنیانك مذمومیتی . الهی اونوتا ردینی و غفلته وهوایه سوق ایتدیکی جهته در یوخسه . غناسیله الهی اونوتق خشیه الهی قلبندن چیقارمق دکل . بالعکس ثروت و سامانی افزایش بولدقه اونسبتده منم لایزاله اقبالی تزايد ایدن سلیمان علیه السلام وانك امثالی اجله کرام . هیچ بروقت اهل دنیا صاییه مز (مشوی)

چیست دنیا از خدا غافل بدن نی قماش و نقره و فرزند . وزن

کسب و تجارت و صورت مشروعهده تحصیل معیشتدن شرع شریفك مانع بولنموب بالعکس امر اولدینی اشبو آیت جلیله اثبات ایدر (فاذا فرغت) فانصب (اهل تفسیرك بیانجه . معنای جلیل . یا محمد امور دینوبویه کی تحصیلدن فارغ اولنجه ربكك عبادتنه نصب نفس اهتمام ایله دیمکدر . شوامر جلیل سبحانی . پیغمبر ستوده مشوارینی جاب دنیایه تشویق واغرا اولموب مقدار

کافنک تحصیلنه مبادرتہ دعوت اولدینی شہہ سزدر. حبیب خدا صلی علیہ المولی افندمز (لیس خیرکم من ترک الدنیا للآخرة والاخرة للدنیا و لکن خیرکم من اخذمن هذه وهذه) یعنی ای اتم. سزک خیرلیکیز. آخرت ایچون دنیایی. دنیا ایچون آخرتی ترک ایدنلر دکلدلر بلکه هر ایکسینده مقدار کافی اخذ و التقاط ایدنلر بیورمشدردر که حدیث شریف مزبور. اسلامیت مانع تجارت. أمر سفالتدر دیان سبکمغزان پرسفالتک آغزینہ طوغرو آتلمش بربرهان طاشیدر. امینم که اوکیلرک یوزلرینی قزارتدینی کبی دیشلرینده قیراجق. بردها او عالم مدینتک مربئی یکانهسی اولان شریعت غرامزه قرشو اعتراضده بولنه میه. جقلردر. دیگر بر حدیث شریفده (نعم المظیة الدنیا فارتخلوها تبغکم الاخرة) یعنی دنیا نه کوزل بینه کدر. اکابینیکیز که سزی آخرته یتشدرسون بیورمشدر. بر آدم حضرت علی کرام الله وجه حضورنده دنیایی ذم وقدحده بولندقدہ بیوردیلرکه. ای اوغل. دنیا علی الاطلاق ذمه شایان دکلدلر. کندنده الله. رسول الله و انسالر حقنده صداقتله یشانلر ایچون دار صدقدر. محتوی اولدینی اثار قدرت بدایع فطرت. وقایع عبرتدن. معنای عبودیتی فهم ایدنلر ایچون دار نجات. آخرت ذخیره سنی حاضرلیانلر ایچون دار ثروت. دستکاه تجارتدر.

(مقاتل) روایت ایدیور که حضرت ابراهیم علیہ السلام. جناب حقہ مناجاتنده یارب. نه زمانه قدر دنیایی تعقیب ایده جکم ارتق بر خاتمہ و یرمک زمانی کلدیمی دیدکده. شویله بر خطاب جبروتی ایله قارشولمشدر. یا ابراهیم بوکبی سوزلردن کچ. اولاد عیالک نفقه سنی تدارئ یولنده اوغراشمق طلب دنیادنی صایلیورکه اندن شکایت ایدیورسک... سفیان ثوری دیدیکه. تورات شریفده مکتہ بدرکه. آدم اوغلی الکی اولسون صالاکه رزقک کلسون. او یکده یمکک وارسه عبادته قویول. یوخسه قزانمغه چالش که اوده عبادتدر. (بعض حکما) عرض ناموس و حثیتی محافظه مدار اوله جق قزانجه رغبت. طلب دنیا تهمتندن خارجدر بدنک صحتنی محافظه ایدن ارزاقی طوپلامق. حرصدن صایلمماز. دیدی. شعرا دن (محمودوراق) دیورکه :

شعر

لاتبع الدنيا و ايامها ذمّاً وان دارت بك الدائرة
من شرف الدنيا ومن فضلها ان بها تستدرك الاخرة

مأل

باشکده دولاب فلاکت بیه دونسه. ینه دنیایی وایامی ذم و قدحه قالدشمه
دنیانک هسیچ بر شرف و فضیلتی اولماسه. دکیکه مقصداصلی بولونان آخرت
آنکله تحصیل اولونیور. اشومزیت اکا کفیدر .

بیانات سابقه مزدن اکلاشیدی که امور دنیانک . تحصیلی انسانلر ایچون
مرتبه لزومدهدر. شو حالده دنیانک احوال معیشت و جهت انتظامی و اسباب
اختلال و انهدامی خصوصنده بر از بسط بساط بیان ایتمک لازمدر . اوت :
دنیانک صلاح و فسادى . آسایشک استقراری و بونلره متدائر بولنان لوازمی
حقنده قارئین حضراتنه معلومات ویرملکه کسب و تجارت حقنده حیرت
واندیشهلری زائل اولسون. طریق معیشتک. استقرار امن و آسایشک قولای
طرفلری نی کوسترملکه مدنیت خانهسنه قاپودن کیرسونلر . قواعد معیشته
اسباندن صاریلسونلر. قولای طرفی وارکن کوچ طرفنه تشبثله. دوچار مشکلات
اولهرق کندیلرینه کلن سأمت. عطالتلرینه باعث اولسون. معلوم اوله که دنیانک
صلاحی ایکی جهتدن معروض نظر دقتدر.

بری صلاح عمومیدرکه جمعیت بشریهنک علی العموم امر معیشتلرینک محور
انتظامده دورانی . دیکری صلاح خصوصیدرکه افراد بشرک فرادی ، فرادی
منافع شخصیلهلرینک صورت خوشنودیده جریانیدر . شو ایکی وجه ارهسنده
اوله بر تلازم واردرکه بری تحقق ایتمدکجه دیکری ممکن دک. چهره نمای
وجود اوله ماز . مثلاً فرض ایدهملکه بر ادم صلاح خصوصییه مظهر اولمش.
دنیانک فساد عمومیسی واختلال امر دینویسی زماننده . آتش فسادک شراره سی.

اوزرینه صچرامه سندن امین اوله میه جنی . هیچ اولمزه صلاح شخصی و امر معیشتی تحصیل ایچون کیندنن استمداد ایده کلدیکی دنیاده اثر صلاح و انتظام کوره مدیکندن دوچار یأس و حرمان اوله جغندن . صلاح شخصیست : نك در حال قساده انقلابی طبیعیدر . برده فرض ایده ملکه امور دنیا صورت عادلانه دهه . جالب خوشنودی عمومی بر حالده صلاحه مظهر بولمیش . ادبار دائمی یه چارپیش بر بیچاره اشبو انتظام عمومیدن . صلاح دائمیدن بر حصه چیقمایه جغندن لذت صلاح دن بیخبر اوله جنی و اشبو فساد خصوصی . عموم صلاحه منافی بولنه جنی بدیدر . نتیجه . هر ایکی صلاح یکدیگریله متلازم بر حالده در . معلوم اوله که افراد بشر بیننده اختلاف اُمال، تباین اغراض مقرر بولوندیغندن باشلی باشینه بر شخص . مطالب نك تأمیننه موفق اوله میوب همه حال بی نوع نك امداد و معاونتته احتیاجی درکاردر . شو حالده . دنیا کافه اهالی حقنده سعادت و یاخود کافه سی حقنده مدار نحوست اولسه . برنجی صورتده هر کس یکدیگرندن کردنکش استغنا . صورت ثانیده یکدیگرینه معاونتدن عجزی هویدا اونغله . احتیاج بشر صورتیای حصول اوله میه جنی امر اشکاردر . اما بویله اولیوب کیمینه شاهد دلارای سعادت عرض چهره ابتسام . کیمینه ادبار و نحوست مستدام اولدینی تقدیرده . اولکیلر ایکنجیلره مدبازوی معاونت . ایکنجیلرده اولکیلردن برای استعانه . طلب مرحمت و شفقتده بولونه رق هر ایکی فرقه . مختلف غرضلره استناداً یکدیگری نك احتیاجاتی تهوینه شتاب ایدر . بو سایه ده دخی بازار مدنیتده داد و ستد . بوجه انتظام جریان ابده جکی مسلم عقول سلیمه در . ایسته بو اختلاف ارزاق و معیشت خصوصی شوائه جلیله ده بیان بیورلمشدر . (ولا یزالون مختلفین الا من رحم ربك) مفسریندن . امام حسن . اختلافی رزقه صرف ایده رك افراد بشر ك کیم نك غنی . کیمینکه فقیر اولمسنه ذاهب اولمشدر (والله فضل بعضکم علی بعض فی الرزق) قول شریفی اشبو تحالف احوال . تباین اغراض خصوصنده برهان جلیدر .

دنیا نك . افراد بشرده سعادت و نحوست اعتباریله تجلیسی مختلف صورتده بولوندیغنی . عرض ایتدی کمز عقلیات و تقلیات ایله تقرر ایتدیه . ینه امور مقررده

جمله‌سندندرکه. دنیاده صلاح عمومی بولنورسه احسان ایتدکلرینی حقیقه طویوروب
 ایچنه سیکدیره جکی. یاخود بالعکس چهره ادبار کوستروب ویردیکی نعمتلی
 استرداد ایلدکده. ینه رفق ایله آله جنی جهته. اهل دنیا ایچون احسانی کثیر .
 اعراض ایدرسه اوده یسیردر . چونکه فرضمزده صلاح عمومی. انتظامده .
 دائمیدر. شو حالدده افراد بشرک مظهر اولدقلری نعمت. ایچلرینه سیکر .
 حسب القدر بعض سفالت کورنلرده بولونورسده بشرک احوال عمومیه سنده کی
 صلاح. با خصوص دنیانک کوستردیکی انقباض. ملائمتله اوله جغندن بونلرک هر
 ایکسی نظردن کچیریلنجه ادبارک اوقدر تأثیر جانخراشی اوله مر: بویه اولیوب
 صحیفه عالمک شیرازه انتظامی . تندباد فساد و اختلال ایله پریشان اولدقده
 (معاذلله) نوع نبی بشرک کوره جکی نعمت . ایچنه سینمه دیکی کبی تصادف
 ایده جکلری فلاکت. پک اجی تأثیرلر براقیر . اوت تقدیرمز بورده. مادامکه
 کائنات فساد ایچنده یووارلانونوب طورییور . بری طرفده بعض بختیارانه
 دنیا لطفی ابدال ایتسه. عجبا انلر حقیقه او نعمتدن شیر نیکام اولورمی . قابل
 دکل. او بر طرفده بعض مغلوبین سله ادباره کوستردیکی چهره انقباض دخی
 نه قدر اجی نه قدر مؤثر اوله جغنی تقدیر وتعیینده مشکلات کورلیه جکی
 ضروریدر. مادامکه عالم. فساد ایچنده. بویچارده کرداب اضطراب ایچنده . اویله
 اضطرابکه هم انفسی. هم افاقی. ارتق بوندن متحصل آلام یوقاریده کی الامه نسبت
 قبول ایتمز. سعادتمدر. او احسانکه نوع بشرک احوال عمومیه سنک فسادی اره سنده
 بیک درلو مشقته حاصل اولویور . استرداد اولندقده کوکندن قازنبوب
 سیلنوب سوپوریلیور . بویه نعمت نعمتدر . مع ذلك صلاح عمومی دنیا.
 ناس اره سنده امنیت . ظهور شعائر تقوا و دیانت . اعلان حریت کبی انسانلرک
 سعادتلرینی کافل بولونان شیرلی ضامن اولدیغندن اهل دنیا ایچون بیوک نعمت
 بالعکس فسادی دخی. قلت امنیت. ضعف دیانت سلب حریت کبی بشریتک جکرکه
 سعادتق اطلاقه شایان موادی محو ایده جک حالاتق اقتضا ایلدیکندن اهل دنیا
 ایچون پک بیوک فلاکت اوله جغنده شهه یوقدر . شو حقائق . هر وقت کوز
 اوکونده مشهود اولان وقایع . اجر اقلنان فجایع کبی هرکس غندنده رهین راده

شبهوتدر . نتیجه . صلاح عالم کبی احسن المنافع . فسادی کیده . افجع الفجایع
یوقدر .

(ابو بکر بن درید)

الناس مثل زمانهم قدم الحذاء علی مثله
ورجال دهرک . مثل دهر ک فی قلبه و حاله
و کذا اذا فسد الزمان جرى الفساد علی رجاله

مأل

انسانلر زمانی ایله یک عیاردر . نصلکه ایاقلر . کیدکلری نعل ایله متناسبدر .
سنگ رجال زمانک انقلاب و عدم اطرا دده . زمانلرینه بکزرلر . زمان فاسد
اولور . انلرده فاسد اولور .

(سوزی بورالره قدر کتیرمش ایکن . دنیانک مدار صلاحی ، انسانلرک
سبب فوزو فلاحی اولان اشیا حقنده براز تفصیلاته کیریشهلم : بیلنمک
لازمدرکه . دنیانک انتظام احوال والایام اموری بهمه حال شو الی شیئک
حصوله معلقدر . کرچه او الی . داللانوب بوداقلانهرق بر چوق قسملره
دها ایریلیر ایسهده مقصدمز . قوام کائنات . دوام آسایش موجوداته خادم
اولان نوامیسک باشلوجه اساسلرینی بیان اولدیغندن . ذکر اولنان قواعد
عدم انحصار ایله اعتراض قبولی اچلماز ظن ایدرم . کلهلم او الی شیئه (۱)
انسانلر طرفندن کمال انقیاد ایله اجکامنه اتباع اولنه جق دینک وجودی (۲)
قهر و غلبه وفق و رتق اموره مقتدر پادشاهک وجودی (۳) کافئه افراد
بشره . بوخرستیان ، بو اسلامدر دیه تفریق اولنمقسزین شامل اولان عدل
و حقانیت (۴) امنیت عمومی (۵) قحط و غلادن ممالکک محفوظیتله برابر
دائمی اوجوزلق بولونمسی (۶) اهالیده کسب و تجارت ، جلب منفعت خصوصنده
حقانی برامک وجودی ... ایشته صلاح دنیا وفلاح بشر حقنده بولونه بیلان

قواعد اساسيه نك اجمالى بوندن عبارتدر . شمدى بواجمالك . دماغزه بخش ايتديكى آرزوى تفصيلاتى . حيزانجازه چيقارمق ايجون اشبو التى شئى قاعده عنوانى تحتنده برر برر بوجه آتى بيانه كيريشيلور . (قاعده اولى) (ديندر) اوت بقاى انسانيت ، دوام مدنيت ايجون بر دينه اتباع وانك امر ايتديكى قوانينى خطحركت اتخاذه خارجه چيقلمامق . انسانلر ايجون لازمه دندر . زيرا نفوس مكاره يى . شهوات حيوانيه سنك اجراسى اوغرنده هر درلو معالى يى قربان ايتمكدن شدتله صرف ومنع ايدن ، سرائشريه . ميولات ظلميه يى قلوب انسانيه دن قهر و دفع ايدن انجق ديندر . ايشته بو ظلم ارزولرى ، شهوت ميولاتى . شروفساد مهاجماتى . قلبك اعماق خفاسنه . بوصويه كيرمش دشمن كى اويله كيزلنمش . تمكنا ايتمشدر كه انلرى سو كوپ قوپارمق . اساسندن چكوب محو ايلك انجق دينك ناطق اولدينى عذاب اخروى . عقاب دائمينك بخش ايدى چكى تاثيرات معنويه نك كاريدر . ازغين نفسلرى طريق صفه ته سوق ايدن ، پادشاهلرك سيف وسنانندن چكمنيان ، چكمنه بيله ينه كيزليجه اجرأى خباثتدن قاچمىان ظلميه يى تنكيالات اخروى قرشوسنده تيرتير دره دن . صكره ده اصلاح ايدن ديندر : شو حاله دين . انتظامات دينويه ، سلامت عموميه يى تامين خصوصنده عمود عظيم ، طود جسيمدر . ايشته حيطه تقريره . حوزه بيان وتحريره صيغميان دينك شو اهميت عظما سنه مبيندر كه جناب حق . بشريتك مبدأ فطر تدنبرى انسانلرى . حكمنه انقيادايله . اختلاف ارا كوليترلرني . امرينه عرض تسليميتله ارتكاب هوايى منع ايدى چك اعتقاد دينى و تكليف شرعيدن خالى بر اقامشدر .

بو خصوصه اساطين علما ، سلاطين مورخين وحكما متفقدرلر . انجق علما . عقلايه شرعك ورودلرى بر زمانده ميدر . يوقسه عقل سابق . شريعتا كا تابعميدر . بو خصوصه خيلدن خيلى اختلافه دوشمشلردر . بر فرقه سى . عقل . شريعت هر ايكيى بر زمانده وارد اولوب برى ديكرى سبقت ايتديكنه قائل . ديكر فرقه سى دخی . شرعك صحتك شيوته استدلال . انجق كال عقل سايه سنده حصوله كله جكنى اوكه سورهر ك . عقلك سبقت . شرعكه اكا تبعيت ايتديكنه مائل اولمشلردر . بو خصوصه دخی (الحسب الانسان ان يترك سدى) آية

جليله سنی دلیل اولمق اوزره درمیان ایتمشلر. و دیمشلرکه اشبو آیتده جناب حق. انسان بر دین ایله مقید اولمق سزین صالیویر یله جکدر می ظن ایدیور. بویله ظن باطلدر. مطابقت واقعدن عاطلدر. بیوروب انسانک دینسز برافیلیمه جغنی اعلان بیور یورکه بوده عقل کامل حصوله وابسته در. عقلده کمال بولونمزسه دیندن خالی اولوب اولماق خصوصنی کیم اذعان ایده جک، دیمک اولدیکه عقل. شرع (دین) اوزرینه مقدمدر والسلام. امدی عقلاً ثابت اولدیکه دین. صلاح دنیا وعقبانی ضامن و کافل و کندینه تمسکه قواعد و احکامنی محافظه نک وجوبی هر انسانه شاملدر. بونی تأیید مقامنده بعض حکما دیمشدرکه. ادب ایکیدر. ادب شریعت. ادب سیاست. ادب شریعت. فرضی ادا. ادب سیاست ارضی اعمار واحیا ایدر. بونلرک هر ایکیسیده. سلامت سلطنته. عمارت مملکتک سبی بولونان عدله راجعدر. چونکه فرضی ترک ایدن. نفسنه ظالم. ارضی تخریب ایدن غیره ظالم اولدیغدن. هرایکی ادب. عدل خصوصنده اجتماع ایدر. (سعیدین حمید) دین، خلق حسن اولدقجه هیچ بر صحت. جالب منفعت دکدر دیدی .

(قاعدهٔ ثانیه) بر سلطان قاهر درکه خشیه قهری و حسن تربیه سی سایه سنده. انسانلرک مختلف ارزولری جهة جامعهٔ واحده ده کسب تألفه مجبور. هبت و حشمتندن. بعض و عداوت. منافسه ورقابت سببیه تفرق ایتش قلوب. مرکز اخوتده بالاجتماع پرسرور. سطوت غالبه سیله نفوس ظالمه، ایدی متغالبه مقهور و مکسور اوله .

چونکه ناس. سودکلی شیء بشقه سنک الندن قهر و غلبه ایله اخذ و غصب ایتک. کندیلرینه معاند یاشایانلری حقلی حقسز قهر و تنکیل ایتک اوزرینه خلقةٔ مطبوع اولدقلرندن. قارشولرنده سلطان قاهرکی بر مانع قوی بولندقجه مقتضای طبیعتندن کچه مزملر مکرکه اوله بر پادشاهک سیف سطونی قرشیسنده لرزان اولوب. حسب المجبوریة ظلمدن واز کچلر

مبتنی

لا یسلم الشرف الرفیع من الاذی حتی یراق علی جوانبه الدم
والظلم من شیم النفوس فان تجدد ذا عفة فلعامة لا تظلم

مأل

بولونده قان دوکولمديکجه. شرف ورفعة. اذا وتعرضدن سالم قاله مز. ذاتا ظلم. طبع انسانده مرکوزدر. شاید ظلم ايمان بر اهل عفته راست کليرسهک امين اولکجه بهمه حال برعة مانعه دنطولايي ظلم ايتمز. (بز شمدی علت مانعه ظلمک براز تدقيقه کيريشلم) اشبو مانعه درت شينک برندن خالی اوله مز.

(عقل زاجر) (دين) (سلطان قاهر) (عجز دائم) شو دردی. ابووجه دوشوندکده بشنچی ر قسم دها بوله ميه جفکه و ايجلرندن هيچ بری پادشاه قاهرک بخش ايتديکی قوه زاجر ميه بخش ايدمه جکنه امين اول. چونکه عقل ودينک دوچارضعف. مغلوب هوا اولمق. بناء عليه دفع ظلمده اجراي تأييدن قالمق احتمالی واردر سلطان قاهر ايسه سطوتي سایه سنده ظلمک مدافعه سسنه هر وقت قادر اولديغندن هر حالده زجر و منع نقطه مهمه سسنبجه او برلرينه رجحانی بولنديفی کبی اشبو حديث شريف دخی رجحان مزبورى صريحاً اثبات ايلر (ان الله ليزع بالسلطان اکثر مما يزع بالقرآن) يعنى جناب حق قرآن ايله يساغ ايتديکی شيردن زياده سلطان ايله يساع و منع ايدر. ديگر حديث شريفده (ان لله حراساً في السماء و حراساً في الارض فحراسه في السماء الملائكة و حراسه في الارض الذين يقضون ارزاقهم يذبون عن الناس) يعنى اللهک کوکلرده بکجیلری بولونديفی کبی يريوزنده ده بکجیلری واردر. کوکده کيلر. ملائک. يرده کيلر. ناسدن اموال ميريه يي طوپلايوب انکله حمايه نفوس. وقايه ناموس ايدن پادشاهلردر.

ديگر بر حديثده (الامام الجائر خير من الفتنه وكل لاخير فيه وفي بعض الشرحير) يعنى ظالمکار پادشاه. فتنه عظيمه دن خيرليدر. کرچه بوايکينک هيچ برنده خير يوقسه ده. بعض شر واردرکه مافوقنده شر عظيمه نسبتله کندنده خير واردر بيورلمشدر. ابوهريره بيورديکه برکون حضور پيغمبريده اصحابدن بعض ذوات گرام طرفندن ملوک فرس حقنده سب و شتم واقع اولدقده. جناب هدايت ماب افندمن ملوک فرسه سب ايتمه يکيز. انلر بلادی تعمير و اجراي عدالتله خلق

تسریر ایستدیلر بیوروب. ارباب عدل وانصاف اولان ملوک حقنده . دکل اعلان عصیان. زباندرا زلفی بیله منع بیوردیلر. (بعض بلغا) یادشاه کندی ذاتنده بر امام متبوع. سیرت خصوصنده دین مشروع حکمنده در . اگر او ظلم ایدرسه کسه اجرای عدالت یولی، طوتمز چونکه متبوع مفخم. دین مجسم طانیدینی ذات بیله او یله اجرا آتده بولنمور . یوق بالعکس اجرای عدالت ایدرسه کسه نک حدینه می دوشمشکه مظالم اجراسنه یلتنسین. چونکه متبوعنک مقتضای عدالتی. ملکندن ظالم لک کوکفی قازیمقد. دیدی . (بعض ادبا) دعا لری ایچنده اک زیاده اجابته قرین اولان پادشاه صالحک دعاسیدر. حسنات ایچنده اک زیاده ثوابه لایق اولان پادشاه عادلک اوامر مشروعه سنک انفاذینه چالشمقدردیدی . شو ذکر اولنان خصائل . صرف دنیا وما فیها نک انتظامنه تعلق ایدن قدرت سلطانک آثارندن عبارتدر. بوندن صکره سلطانک. دنیا و دینک حفظ و خراستی یعنی دینی تبدیل و تحریفدن. ارباب بنی وعنادی دین حقنده افسادادن. ضعفاً القلوب اولان جهلانی کفر و ارتداددن منع و زجر . ایجابنده قهر و تشکیل ایتمک وظیفه سی وارد رکه سلطان مزبور بویله بروطفه مقدسه اوغرنده . بر اننده قرآن کریم. بر النده ده سیف صارم بولندینی حالده فدا کارلاق ابراز ایتمزسه . دین بر طاقم اهل بدع و اهو انک تبدیل . آراء کاسده صاحب لری نک تحریفدن قور تیه مز .

ذاتاً بر دینک سیاطنته مقدسه و حشمة ذاتیه سی معروض زوال اولدیمی همه حال احکام مقدسه سیده تبدیله. اعلام نفیسه مبارکه سیده انطماسه اوغریاوب بدع و اهو . شورش و غوغا . اولانجه دهشتیله اقطار بلادده انتشار ایلر. بوبویله اولدینی کبی. پادشاه . کندینه اهلینک اطاعتنی فرض. تعاون و تناصری واجب بیلدیرن قلوب امتی کندی اوزرینه عف و میل ایستدیرن بر دینه خادم اولدینی صورتده بنیان سلطنتی مشرف انهدام ، کندیبی محروم صفوت ایام اوله رق سلطان مقهور و بر جبار و مفسد و مندبور او اور کیدر .

وجهین معروضین ایله سلطانک دنیا و دین حقنده نظارت کامله سی ریاست شامله سی بولوندیغندن سلطان وقت. کفیل امت اوله حق بر سلطانک اقامه سی ایله محافظه دین و اجرای احکام شرع کزین قلمق واجب اولدی. آنکی چون عبده بن معتز . ملک . دین ایله قائم دین ملک ایله قائمدر دیدی . . . آنحق . امامک

و جوبنی شرعایی و یا خود عقلاً میدر . بوراده اختلاف واقع اولمشدر . . .
 بر طائفه . عقلاً وجوبنه قائل اولوب مدعی مزبوره شو یولده استدلال
 ایلدی : زمره عقلا . میانلرنده سرزده ظهور اولان اختلافک فصل و حسمی
 و تسویه مصالح خصوصنده . سوزینه اعتماد ، رأیندن استمداد اولنور بر رئیس
 مراجعتله آنک ویردیکی حکمه کردانده انقیاد اولیورلر . شو حالده . قیام مصالح
 امت ، فصل نزاع ملت ایچون بر رئیس عمومی تعییننه لزوم کورولیورکه اوده
 امام عادلدن بشقه برشی دکلدر : دیگر برفرفه . نصب امامک شرعاً وجوبنه قائل
 اولوب شو یولده استدلال ایلدی : نصب امامدن مقصد . اقامه حدود شرعیه .
 استیفای حقوق بشریه اولوب . حالوکه بوا یکی امر شرعی ایله عمل قصد
 اولندیفی تقدیرده . کندیلرندن استغناک جوازی معلوم اولونجه بونلرک حصولی
 ایچون لزوم کوریلان امامدن دخی مستغنی بولنق جوازی باش کوستریر . بوفاسدک
 لزومی . عقلاً ثبوتنه کوره اولونجه . اوده فاسد دیمکدر . امدی بزم مدعایمک یعنی
 وجوب نصب امامک شرعاً ثبوتی لازم کلیر . عیناً بواختلاف . بعثت انبیانک
 وجوبنده دخی جریان ایلدی : نصب امامک عقلاً وجوبنه قائللر . بعثت انبیانک
 وجوبنه . شرعاً وجوبنه قائللر . بعثتک عدم وجوبنه ذاهب اولدیلر : دیدیلرکه
 بعثتدن مقصود . مصالح شرعییه عبادہ تعریف و تبلیغدن عبارت اولدیفی وامور
 مذکورنک عباد ایچون مصلحت اولماسی دخی جائز اولدیغندن بعثت انبیا
 عقلا واجب اولماز بلکه شرعاً ثبوتی محققدر . اما . ایکی و یا خود اوچ امامک .
 بر زمانده . بر بلدهده اقامه . و اجرای سلطنتلرینک ادامه سی . بالاجماع جائز دکلدر
 یالکز اختلاف . یکدیگرندن اوزاق بولویان و مختلف اقطار و قطعاته منسوب
 اولان ایکی بلدهده ایکی پادشاهک اقامه سی جائز اولوب اولیه جنی حقنده واقدر
 برفرقه قلیله . بوتعددک جوازینه قائل اولوب دیمشدردرکه . پادشاهک وظیفه سی
 مصالح عبادک تسویه سی و بلاد مسلمینک حسن محافظه سی اولدیغندن ایکی بلده
 عظیمهده . ارالرنده بعثت بولنق شرطیله . ایکی امامک اقامه سی . مقصد مزبورک
 تأمیننه دهها زیاده خدمت ایده جکی جهتله . تعدد امامده هیچ برأس یوقدر .

برده . ایکی نینک بر عصرده اجتماعیه ابطال نبوت لازم مکلمسونده . ایکی پادشاهک
 اوزاق بلدهلرده اجرای سلطنتلری . ابطال امامته نیچون سبب اولسون . جمهور

علما ایسه . عصر واحده ایکی امامک اقامه و سلطنتلریک ادا مه سنک قطعاً جائز اوله میه جعفری قول و اعتقاد ایله . شو یولده بسط دلانده بولندیلر : جناب رسالتیناه افندمر (ادا بویع امیران فاقتلوا احدهما) یعنی ایکی پادشاهه بیعت اولورسه . بری اولدور و کز بیور مشلدر . دیگر بر حدیثنده . بند نصرکه ابو بکری امیر تعیین ایدر سه کز . دینده قوی . بدنده ضعیف . عمری تعیین ایدر سه کز هم دینده هم بدنده قوی . علی بی تعیین ایدر سه کز . هادی و مهدی بولور سه کز بیور دیلر که حدیثک ظاهرندن اکلایشله جفته کوره . شو کلام حکمت ارتسام محمدیلرله . اوچنکده یا خود ایکسینکده عصر واحده اجتماعلریک عدم جزا زنی بیان بیور دیلر . اگر صحیح اولسه ایدی . ولو اشارتاً اولسون بیان و تنبیه بیور مزنی ایدی : کله پادشاه اوزرینه لزومی محقق اولان شیلرکه مجموعه ییدر (۱) دین محمدی بی تبدیلدن حمایه . وناسی احکام شریعتله عمله ترغیب و اجبار (۲) بیضه بیضای اسلامیه . و امت محمدیه دن اعدای دین و ارباب بغی و عصیانک سوء قصدلرینی منع ایچون تشمیر ساق همت . و دائماً اجرای حراستدر (۳) قلمر و حکومتی و حوزة سلطنتنده بولونان مالکده . اجرای عدالت و تسویه مصالح عباد ایچون طرق و معابر . و مسالک تجارتی فتح و کشاد ایله تعمیراته حصر همت (۴) اخذ و جبات اولونان اموالی . اخذ و اعطا خصمه صند غدر و اعتسافدن منع ایله . برکونا اسرافه میدان ویرمماک (۵) مظالم و دعاوی رؤینده . التزام انصاف ایله . بوکونه یارینه تعلیقندن مبادت (۶) حدود شرعیه کسب استحقاق ایدنلر حقند . هیچ بروجه تجاوز و تقصیر و قوعبولماق سزین حدود مزبور منک در حال اقامه سی (۷) ولات و حکامدن انتخاب و تعیین ایتدیکی ذواتک . امور مودعه سنی حقیقه ایضیه مقتدر . ارباب امنیت . ملتزم عدالت . کسه لردن عبارت اولمسی = امیر المؤمنین . عرض اولنان شرائط سبعة منک نقطه سی نقطه سنده اجرانسه مبادرت کو ستردکده . هم حق اللهی ادا ایتدیکندن طولای نرد الیهده مأجور اولور . همد ترفیه عباد و امن و اسایش بلاده سعی ایتدیکی جهته . خلقک بارگاه سلطنته میل و محبت و شدت ارتباطلرینی جلب ایده جکندن امین بولور عکس تقدیرنده ایسه . روز جزاده مغضوب اللهی . و شایسته جزای نامتناهی اولدقن بشقه . قلوب امته القسای فکر معصیت و کیت کیده سلاح مفسدته

صاريلدرق. امت ناجیه اسلامیه ارمسنده وقایع فجاعت انکیزه میدان حاضرلامش اولور .

بو حقیقت. شوایت جلیلهده بر صورت اعجاز کارانه ایله بیان بیورلمشدر (قل هو القادر علی ان یبعث علیکم عذاباً من فوقکم او من تحت ارجلکم او یلبسکم شیعاً) اشبو آیندهکی مدار تخویف اولان اوچ شیدن . بری عذاب فوقانیدرکه (ظالم امرا) دیگرى عذاب تحتانیدرکه افندیلرینه ، ولی نعمتیرینه ، پادشاهلرینه عصیان ایدن کوله . رعایا مقوله می زیر دستاندن عبارت اولمسنی ابن عباس ترجیح بیورمشلردر یاخود (فوقانی) آسماندن طاش یاغدرمق (تحتانی) یر التندن حرکت ارض سببیه موجب هلاک . مصیبتلر کوندرمکدن عبارتدرکه (مجاهد) بو تأویلی ترجیح ایتمشدر کذا (او بلبسکم شیعاً) ده ایکی تأویل بیان اولونیورکه بونلردن برینی ابن عباس . دیگرینی مجاهد التزام ایتمشدر (ابن عباس) افکارمختلفه ، آراء متشقة ، عقائد زائعهدن عبارتدر دیمش (مجاهد) اهالی ارمسنده نزاع وشقاق ، جنک وجدال وعدم امنیتدن عبارتدر دیمشدر . سلطان انبیا افندمز (ما من امیر علی عشرة الا وهویحی ۱ يوم القيمة مغلوله ۲ یداه الی عنقه . حتی یكون عمله هو الذی یطلقه او یوقبه) یعنی اون کشی اوزرینه امیر اولان بر آدم . يوم قیامتده بهمه حال اللری باغلی . بوینه اصلمش اولدینی حالده کمال مدلتله کلیر . صکره انی عمل صالحی وارسه او عذابدن خلاص ایدر اکر ظلم و عدوان فسق و طغیاندن بشقه عملی یوقسه . قرین هلاک و خسران اولور کیدر بیورمشلردر . دیگر بر حدیثنده (خیرائتکم الذین تجبونهم و یحبونکم و شرائتکم الذین تبغضونهم و یبغضونکم و تلعنونهم و بلعنونکم) یعنی پادشاهلریکزک خیرلیسی . سزاکا . او سزه محبت ایدن . فناسی ایسه سزاکا . او سزه بغض . سزاکا . او سزه لعنت ایدندر بیوردیلر .

شو کلام پیغمبری پک طوغریدر . اوت چونکه پادشاه خیرلی اولیجق . اهالی انی سوه جکی . عکس تقدیرده هرایکی طرفدن بغض وعداوت باش کوستره جکی قانون تقابل اقتضاسندن اولدینی کی . تایخ بزه امثالنی کوسترمشدر .

عمر بن خطاب . سعدبن وقاصه یازدیکه (ای سعد) الله بر قولنی سورسه . آنی مخلوقاتنه سودیرر . شو حالده سنک اوزریکه لازمدرکه جناب حق نظرند

منزلت و اعتباری کلا مرقعاً عقده بولنور سهك. ناس میاننده کی حیثیت و اعتباری کسنجیده میزان تقدیر ایله ده. اندنصره جناب حق عندنده کی قدری بیل. انلر سنی سورلر سه. امین اوله که اللهده سومشدر (و الا) یقیناً بیلکه مظهر غضب اوله جقسك. شو مقاله فاروقیه. حدیث شریفك تفسیری منزله سنده در. اوت بر کسه نك قلبنده خوف الله یرلشمشه. مخلوقات حقه دایماً معامله منصفانده بولونور. خلق ایسه. الانسان عید الاحسان. قاعده سنجه. کندی لرینه حسن معامله بولنای سوه جکلری طبعیدر. بوسایه ده. هم الله هم عباد الله محبوی اولق شرفی چهره نمای موفقی اولور .

ایشته بونک ایچون. ناسك محبتی. کشینك قلبنده خشیه اللهك موجودیتنه. عکس حالنده. او کسه نك شریه و قلبنده خوف اللهك قلته دلیل طوتادی : عمر بن الخطاب . بعض خلفاسنه یازدیغی امر نامه لرده . بن سکا . ناس ایچنده خشیه الهی توصیه، اللهك اوامری ایچون ناسدن قورققدن تحذیر ایدرم. دیدی یعنی ناسك معاملاتی ورؤیه دعاویسی خصوصنده دایماً خوف الهی پیش نظر کدن آیرمه یوب. جور و مظالم اجرا سندن تحذیر ایتدیکم کی. اوامر الهیهك انفاذی خصوصنده خاطره. کوکله باقیوب. ناسدن تحتی و اندیشه ایتیوب متجلدانه طور انمه کی امر ایدرم دیدی .

(عمر بن عبدالعزیز) سودیکی بعض احباسنه . یا هو تقلد ایتدیکم شو امر جلیل خلافت حنمده اللهدن قورققده یم دیدکده. اودات. بن سنك بوخوف کدن قورقام. انجق غرور امارت. نشو سلطنته. بویله عاقبتی سعادت اولان قورقودن واز کچوب جابره دن اولقلنگدن قورقارم دیدی :: اوت حقیقه. اللهدن قورقان کسه لر دن دایماً امنیت برکالدر. کندی لرندن خیانت و ظلم کی شیدرك صدورینه خوف الله مانمدر. شو حالده. او کی ذوات کرامت سماندن اندیشه یه محل یوقدر اندیشه . انجق اللهدن قورقیانلردندر (عمر بن الخطاب) ایله قرنداشنك قاتلی بولونان (ابو مریم سلولی) آره سنده جریان ایدن شو محاوره بو حقیقی واضحاً اثبات ایدر .

(عمر) یا هو. سن بنم قرنداشمك قاتلی اولدیغك جهته. طپراق قانی سومدکجه بنم سنی سومکلکم محالدر (ابو مریم) اوت بو بر امر ضروریدر. هیچ برکسه

یوقدرکه. قرداشنک بغیر حق قانی ایچمش کسه یی سوسین. بناء علیه یی سومیه جککه امینم. فقط. بکا شوراسنی خبر ویر. سنک بکا محبتک اقامق. بنم حقوق شخصیه می استیفا. حریت انسانیه می اجرایه مانعه تشکیل ایدرمی (عمر) خیر. اصلا (ابو مریم) اوپله ایسه اندیشه ایتام. استر. سو. استر سومه. سوپله دن خوشلانان. انجق قادین زمره سیدر. بنم اندیشه م. عجبا عمر. حقوق شخصیه می پایمال ایدرمی. احتماله معطوف ایدی مادمکه او برطرف اولیور. سووب سومامک مسئله سنک نظر مده هیج دکری یوقدر. روایت اولندیکه (حضرت طلحه) ابو بکرک کریمه سی (ام کلثومک) بدل مهری اولق اوزره کوندردیکی یوزبیک در همک. نصلسه حضرت عمر. بیت الماله وضع اولنمسنی امر ایدر. کیفیتی طلحه یه اخبار و بو باده حضرت عمره مراجعت ایلنسنی تکلیف ایدنلره (طلحه) حضرت خلیفه. اوپارده شرعاً بیت المالك حق اولدیغنی. رأی رزین اصابتقرینله کوردیسه. مراجعه تمده فائده یوقدر. یوق اکر بوپله دکسه. اعاده بیوره جقلرینه امینم. چونکه. اوپله بر عادل خلیفه نک کسه نک. حقنه تعرض ایتیه جککه یقینم واردر. جوابی وردی ایرتسی کونی حضرت عمر. مبلغ مزبوری ام کلثومه تأخر کو سترمدیلر.

حکایه اولنورکه (هارون رشید) عصرینک اک کزیده شاعر لرندن و خواص ندما سندن. ابوالعناهیه یی. حبس ایلدی. زوالی شاعر. محبسک دیوارینه شویبتلری یازوب قلب حزیننی تسکینه چالیشدی. وقعیه یی هارون رشیده خبر ویردکلرنده. شدتله آغلایوب. شاعری محبسدن چیقارمش. اللریخی اوپرجه سنه یالواره رق حقنی حلال ایتمه سنی رجا ایلله. عزیمتمده بیک آلتون احسان ایتمشدر.

شعر

وما زال المسیء هو الظلوم	اما والله اذا الظلم شئوم
وعند الله تجتمع الخصوم	الی الدیان یوم الدین نمضی

مال

ای رشید . مادامکہ ظلم شامتلی (اوغورسز) مرد ظالم . اساتیلی (فابر آدم) در قیامتہ خصمہ طوبالانوب داد خواہ اولدقلرنده . بزده سننکله اوراده جمع اوله جغز . ایشته اووقت . ملیک مقتدر حضور نده . ظالمہانکیمز اولدیغنی بیلیرسک . قوام دنیا . صلاح مافیہا ایچون اشتراط اولونان قواعد ستہ دن (اوچنچی قاعدہ) عدالت شاملہ . حقایت کاملہ در کہ بوسایہ دہ . انسانلر بینندہ حسن الفت . پادشاہہ دوام اطاعت . عمران مملکت . نمای اموال . کثرۃ انسال حاصل اولوب سلطان دخی موقعندن امین اولور : آنکچون بر صورت لاقیدانہ دہ پلاس بڑمرده آلتندہ اویویان حضرت عمری (ہرمزان) کوردکدہ . یا عمر . کیفکہ باق . عدالت ایتدک راحت اویقوسی سکا میسر اولدی چونکہ خلق سندن امین اولدیفی کبی . سندہ خلقدن امینسک دیدی : عرض ایتدیکمز وجہلہ . بقای سلطنت دوام امنیت . ہبسی اجرای عدالتہ وابستہ در . ملک خرابی . اہالینک فساد واختلافی موجب اولان شیردن . ظلمدن قوتلیسی یوقدر : سلطان انبیا افندمز : (بس الزاد الی المعاد . العدوان علی العباد) یعنی عباداللہ ظلم وعدوان اجرا ایتک . آخرت ایچون نہ چرکین ذخیرہ در . دیگر بر حدیشدہ (ثلث منجیات ثلاث مہلکات . فاما المنجیات فالعدل فی لغضب والرضا . وخشیۃ اللہ فی السر والعلانیہ والقصد فی الغنا والفقر . واما المہلکات فشح مطاع . وهوی متبع و اعجاب المرء بنفسہ) یعنی اوچ شی . موجب نجات . دیگر اوچ شی دخی سبب ہلاکدر : موجب نجات اولانلر . غضب ورضا حالندہ عادلانہ حرکت . کیزی آشکار . اللہ قورقوسی فقر و غنا حاللرنده اقتصاد اوزرہ حرکت : موجب ہلاک اولانلر . کندینہ اطاعتہ مجبور ایدن بخل ودنائت . کندینہ ہرہہ حال تابع قیلان ہوا ی نفسانی . کشینک نفسنہ عجب ویرہ سیدر . بیور مشلدر . اسکندر . ہمد سفر ندہ الہ کچیردیکی حکما ایلہ . شو محاورده بولدی (اسکندر) یوللریکزی آز کور یورم . نندن عجبا (حکما) بوکا ایکی سبب واردر بریسی . بزحقی نفسمز دن ویرمکہ آلمشمز . یولدن دکل . دیگر ی . پادشاہلر یمنزک بزہ قرشو معاملہ منصفانہ سی (اسکندر)

عدل و شجاعت هانکیسی افضلدر (حکما) پادشاه. عادل اولنجه شجاعتیه لزوم یوقدر . شجاعت. عصبانه قرشو بر قوتدر. عدالت ایسه عصبانی مانعدر . استعمال شجاعتیه لزوم یوقدر. هر شینک کوکی . عدالتدر عدالت . ناسک مدار ائتلافیده عدل وانصافدر . مظالم. ائتلافی اختلافه . صلاحی فسادیه چویرر: (بعض) بلغا) عدل . جناب حقک خلق ایچون وضع = حق ایچون نصب ایلدیکی میزانددر. امدی حقک میزانسه مخالفت . سلطنتنه مقابله ومعارضه ایتمه. عدالت سمتنه ده . قلت طمع. کتوره ورع کبی ایکی خصله ایله کیت دیدی. شوصورتله عدل. قواعد دنیانک مدار انتظامی. صلاح انسانک مابه القوامی اولدیه. بزاولا انسانک کندی نفسنه قرشی عدالتیه باشلایهلم . اندنصرکه بشقهرلی حقنده ده عدالتک تفصیلاتنه کیریشه لم. امدی انسانک. نئسی حقنده عدالتی . انی دایما سمت صلاح وتقوایه سوق واغرا. اجرای قیایحدن منع ایتمک. اندنصرکه ده اصلاح احوالی خصوصنده پک ایلری کیتیموب تجاوز و تقصیر طرفلرینک اورته سنی بولمقددر چونکه تجاوز. برنوع جور و اذا . تقصیر ایسه ظلم وعدواندر . نفسنه ظلم ایدن ادمدن. بشقه سی حقنده عدالت امیدایدیه مز. نفسنه اچیمیان. بشقه سینه هیج مرحمت ایتمز. غیر حقنده عدالت اوچ قسمدر .

(قسم اول) انسانک کندی مادوننده کی کسه لر حقنده حقانیتی کوزتمه سیدر پادشاهک رعایای. رؤسانک اصحابی حقنده کی عادل و انصافی بو جمله دندر. بوده درت شیله پذیرای حصول اولور . برنجیسی . مادوننده کیلره تکلیفی اؤتحمیل ایتمک . ایکنجیسی. موجب کلفت اولان تکالیفی حذف و طی ایتمک. اوچنجیسی. حقلرنده قهر وغلبه سوداسنده بولونماق . دردنجیسی تکالیفینی صورت محقه ده اجرایه سوق ایتمک :: ایشته بوندر برطاقم امور مهمه درکه. ملوک ورؤساده بولونمزسه. ایام نفوذ وسلطنتیری فساد واختلال ایله کچر کیدر. روایت اولوندیکه رسول اکرم افندیمز (ان اشد الناس عذاباً یوم القیمة من اشرکه الله فی سلطانه فجار فی حکمه) یعنی ناسک عذاب جهنمه الک شدتلیسی. جناب حقک. سلطنتده صورتا کندینه تشریک ایدوب بوندن بالاستفاده ناسه اجرای مظلومه بولوناندر بیوردیلر (بعض حکما) ملک. کفرله خراب اولمز. ظلم واعتسافله خراب اولور . دیدی (بعض ادبا) ظالم ایچون قومشو . خانه سی ایچون معموریت

یوقدر. ظالم. دائما خانه خرابدر. دیدی (بعض بلغا) اشیانک الکیقینی. ظالمک خاڭ خذلانه چارپلمی. اوقلرک اک قوتلیسی وهده اصابتیس. مظلومک دعای ضراعت ائتاسیدر دیدی .

نوشروانی . مذنبین و مجرمینی دوچار عقاب ایتدیکندن طولایی عتاب ایتدکارنده (جانم) انلر برطاقم خستهلردر . بز اطا یاز . انلره عفو ایله معالجه ایتمز ایسهک. بشقه کیم تداویدرینه باقه جقدر جواخی ویردی . (قسم ثانی) انسانک مافوقی حقنده کی عدالتیدرکه رعایانک سلطانه قرشو حسب الاطاعته عدالتلری بو جهه دندر . اشبو عدالتک حصولی اوچ شیاه در . برنجیسی خالصانه اطاعت. ایکنجیسی. احماینده بذل نصرت و معاونت . اوچنجیسی. خالصانه محبت. اوت. خالصانه. پادشه عادلّه اطاعت. ملکهک اغنیغنی طولار. نصرت و معاونت. بنیان دولتدن وهن وضعفی ازاله ایدر . صدق محبت سو، ظن ملوکی نفی ایدر. شو حالده رعایا . طرفندن بکلنیلان عدالت . شو اوچ خاڭ کنیدلرنده جمع اولمه سندن عبارتدر . یوقسه انلرده زمره ظالمینه التحاق ایتمش اولورلر . بوکا قرشی سلطان مزبور. انلرک کهف الامانی ایکن یرتیجی جانوارلر کبی قهر و تنکیله مجبور اولور . نصلکه بختری شو بیتله بو حقیقی تذکیر ایشدر .

شعر

متی احر جت ذا کرم تخطا الیک بیعض اخلاق اللثام

مآل

(سن. ارباب کرم و احسانی مجبور ایدر سهک. الحق کسه لرک معاملاتنی سنک حقهکده اجرا ایدر. هنر. اکا سبیت ویر مامکدر) رعایاده. پادشاه قرشی بغیر حق اطاعت سنلرک، محبت سنلرک. بذل معاونتدن استنکاف دوام ایدر سه. معاذ الله. ملکهک شیرازه انتظامی صر صر تفرقه ایله پریشان . صلاح عمومی بشر معروض فساد وعدوان اوله جفته شبهه ایدلاملیدر . انک ایچون (ابرویس) دیدیکه

سن. مافوقک انقیاد ایتکه. سندن اشاغلرده سکا معایع اولسون. ظلم. نعمتی سالب. اطاعتسزک. دهشتلی مصیبتلری جالدر. (بعض حکما) اللهک حقنی ویرمه دکجه قولدن راضی اولمز: اللهک باشلیجه حتی شونلردر. نعمته شکر و محمت. قوللرینه حسن معامله و نصیحت. شریعتہ تمسک و ملازمندردیدی. (قسم ثالث) اقران و امثالک یکدیگرلرینه قرشی عدالتیدرکه بونکده مدار حصولی اوچ شیدر. بریسی چوق کورشمک و مجلسنده اوطورمق کبی اوصاندریحی حالاتی ترک. ایکنجیسی ناز و استغنائی ترک. اوچنجیسی. حقنده اذا ویره جک معامله یی روا کورمه مک. چونکه اوصاندریرجه سنه کورشبه مک الفتی ارتیرر. ترک استغنا. شفقت و مروتی تشدید ایدر. اذاتی ترک ایسه طرفیندن امنیتی تمديد ایدر. بین الاقران شو امور مهمیه رعایت اولونمز ایسه محبتک عداوته انقلابی صورت سریعه ده باش کوستیرر.

عمر بن عبدالعزیز. ابن عباسدن روایت ایتدیکه فخر عالم افندمز. اصحاب کزینه. سزه شرار ناسی خبر ویره می بیوردقد. اصحابک اوت یار رسول الله دیمه لرینه قرشو (من اکل وحده ومنع رفده و جلد عبده) یعنی طعمای بالکمز بین: عطیه سین کسن. کوله سینی بغیر حق ضرب ایدن. بیوردی بوند نصکره بونلردن دهافته الزیده وارد. انلرده. ناسه بغض ایدن و ناسی کندینه بغض ایتدیر نلردر بیوردی: روایت اولوندیکه. عیسا علیه السلام. بنی اسرائیل و عظم ایتدیکی ائنده بیوردیکه ای بنی اسرائیل. جاهلار یاننده. حکمت سوزلرینی قونوشماک. یوقسه ظالم اولورسکمز. اهلانی دخی بولورسه کز اندن دخی صاقینمه یکزکه یینه ظالم اولورسیکمز. ظالم لرله عقد پیوند محبت ایتمه یکزکه فضلکزی ضایع ایدرسکمز. یا بنی اسرائیل. ناس اره سننده دوران ایده کلن امور. اوچدر. بریسی رشد و هدایت اولدینی معلوم اولان: ایکنجیسی بالعکس بطلان و ضلال اولدینی یقیناً مجزوم اولان: اوچنجیسی رشد و ضلال اره سننده مشته اولوب سزی حیرت ایچنده بر اقاندرکه انیده الله حواله ایدک. شومقاله عیسویه آداب عدلی کافه جاهدر.

شعر

مادمت حیا فدار الناس کلام
فانما انت فی دار المدارت
من یدرداری ومن لم یدرسوف یری
عما قلین ندیماً للندامات

آل

دنیا ده یشاد قجه . کافه ناسه مدارایی التزام ایله . چونکه سنک طور دینک دنیا . مدارا خانه سیدر . ذاتاً . عقلی باشنده اولانلر . مدارا به اعتنا ایلر . ایتمیانلرک بقینده خسران و ندامته قرین اولدقلری کوریلور .

(عدل ایچون بیان اولنان طبقات ثلاثه اوزرینه بر طاقم امور خاصته ده تعلق ایدرکه انلرده عدل) تقصیر ایله اسراف حالترینک ارسندیه توسط ایله حصول پذیر اوله بیلیر . چونکه عدل . حد اعتدالی تجاوز ایتمامک معناسنه کلدیکدن نقطه اعتدال اولان وسطدن خارج اولان . عدلدن خارج صایا یاق ضرور یدر . (حکما) فضائل انسانیه . ایکی خصلت رذیله نک اورتیه سیدر . دیشلردرکه . عرض ایتدیکمز حقیقته بونک صورت مفصله سی دیمکدر . شمدی . امور مزبورده کی عدالت ایچون بعض امثله ایراد ایله حقیقتی براز ده ایشاح ایدم . مثلاً (حکمت) شر ایله جهالتک (شجاعت) تهور ایله جباتک (عفة) حرص شهوة ایله ضعف شهوتک (سکینه) سخط ایله ضعف غضبک (غیرة) حسد ایله ناموس سز لگک (ظرف) ادب سز لک ایله خو بسز لگک (تواضع) کبر ایله دنائتک (سخا) تبذیر ایله تقتیرک (حلم) افراط غضب ایله عدم الغضبک (مودة) حیله کارلق ایله خلق حسنک (حیا) لثامت ایله کیندار لگک (وقار) سخریه ایله خفته عقلک . اورتیه سیدر . و بو جهته عدلدن معدوددر .

امدی حد اعتدال دن خلافته فیرالایان شی . عدالتدن خروج اولونجه . افراط و تفریط طرفلرندن اجتناب ایله . حاق وسطده قالمق . هم وصف عدالتی احراز .

همده (خیر الامور اوسطها) حدیث شریفیه عملدر . بناء علیه . عقلايه الزمدر
(بعض بلغا) فنا بلده . ارادل اشخاص ايله علان و خیمه نك اجتماعكاهیدر .
فنا ولد . اسلافنه موجب عار . هادم بیت شرف و وقاردر . کوتو قومشو . اسراری
افشایدر . پرده ناهوسی بیرتار دیمشله . واشیانك . اولادن غیر اولایه خارج
اولانلرینی باب عدالتندن خارج صایمشلدر : ذاتاً عالم . کون و فساد ایچنده
سرنمای دهشت اولان فسادادن هیچ برینی کوره مزسك كه . سبی . زیاده
و نقصان طرفلرینك اورتەسندن غفول ايله ایکی طرفك برینه میلدن منبعث
اولماسین . نتیجه . ظلمدن مضر برشی اولمدینی کی . عدلدن انفع هیچ برشی
یوقدر . صلاح دیایی تأمین ایدن قواعددن (قاعده رابعه) نفوس انسانیه نك
کندینه مطمئن . و همما نك منتشر ، ضعیف و قوینك میل و انهماك ایتدیکی بر نقطه
مهمه درکه اوده کئسانی مفتون چهره تابداري ایدن امنیت عمومیهدر چونکه
دوچار خوف و اندیشه اولانلرده راحت . و دائماً قوشقو طور مغه مجبوریت
حس ایدنلرده طمانیت وجدان مفقود اوله جنی . طبیعی اولمغله امنیت عمومیه
مسئله سی . بشریتك معشوقه وجدانی . محبوبه اذعان دینسره وادر : انك ایچون
(حکما) امنیت برعیش خوشکوار (ایچه سنیریشایش) عدالت الك قوتلی عسکردر
دیمشلدر . اوت . حکمانك بوسوزی عین حقیقتدر . زیرا خوف
و اندیشه . نامی تسویه مصالحندن . تصرفات مستقه سندن حجر و منع ایده جکی
و احتیاجات بشریه لرینك مدار قوامی وجهه سنك مابه الاتظامی اولان مواد
لازمه نك اسبابی استکمالدن الیقویه جغندن . هر حالده صلاح عالم . فلاح ملل
وام ایچون امنیت عمومیه نك تأمین و اجبه دندر : شمدی . بر سائل چیقوب
دیسسه که . عدالت . قواعد مزبور دن صایلدینی . انکده امنیتدن اغنا ایده جکی
جهتله . امنیت عمومیه یی آیروجه تعداده لزوم یوقدر . بزشو جوانی و یریرز . جور
ایکی قسمدر بری مقاصد ادمینه تعلق ایدن ماده لرده حاصل اولان جوردرکه
بو . عدالته مغایر بولندینی جهتله عدالت قاعده سی بوکا برسد ممانعه تشکیل ایدر
دیگری مقاصداً ادمین و مفاسد بشریه دن منبعث اولیوب بلکه بولردن ماعدا
اسباب حادثه د نطولانی ظهوره کلان جوردرکه بولردر . انسانلرک دخلی اولمدینی
جهتله جور مزبور بغير عدالت اولمدیغندن . قاعده عدالت بوکا سد ممانعت

چکدمز. چونکه عدله مغاير دکدر شو حالده اشجو جوړه مانع اوله جق برده امنيت عموميه قاعده سنک اعتبارينه شدت لزوم کورينور .

نتيجه. عدالت اخص. امنيت عموميه اعمدر. اخصک ذکرى ايسه ايروجه اعم اولان امنيتک ذکر بنه مانع اوله ماز. امنيتى اعتباره لزوم حس اينديرن خوفيده براز اجمالاً تدقيق ايدلم. خوف ايکي قعددر. خوف عام، خوف خاص. خوف خاص انسانک نفسنه يا خود ماليه. اولادينه عياله تعلق ابدن خوفدر (خوف عام) بونلرک هيت مجموعهنه تعلق ابدن خوفدرکه برنجيسنه مثال. يالکز عرضنک يا خود يالکز مالکک معروض هتک و تلف اوله سمندن خوف ايدن. ايکنجيه مثال. هم مالى. هم جاني. هم عرضنک معروض تعرض اوله سمندن انديشه ايدن کمسددر. شونوعلرک هر برى ايچون قلب انسانده ايراث حزن و الم ايتمک نقطه سنجه تأثير مخصوصلى واردر. بعضکده. اسبابنک اختلافى، جهاتنک تحالف و تباني اعتباريله خوفدرده. اختلاف و تنوع ايلر: و بو خوفلرک يکديکرى اوزرينه شدت جهتيه تفوقى. او انديشه ايديلان شيئک مرغوييتى نسبتنده تجلى ايدر (مثلا) عرضک. معاذالله معروض تعرض اوله سى قورقوسيله. مالکک معروض نهب و غارات اولمى انديشه سى. بربريله مقايسه ايديلير ايسه. اولکيک دهشتى. ايکنجيدن قات اندرقات افزوندر: بواجلن. اشياء مزبوردهن هر برينک ايرى ايرى فقدانى زماننده ايراث ايدمچکى حزنى بر مقدار مخصوص ايله توصيف (شوندن حاصل حزن نه ايسه اما. او برندن حاصل حزن. طاقتفرسادرکي) جائز اوله مز. چونکه بوراسى. عرض اولندينى وجهه. صاحبنه اجرا ايلديکى تأثير نسبتنده بونى تعيين. اکا عاندر: کرچه بو باده الک تعيين ايتمسيدنه بر فائدينى مفيد اولمز. انجق کندينه قرشى تأثيرينى بيان ايتمش اولور. يوقسه نفس الامرده شو حزن. شوندن افزوندر. ديمک قابل اوله مز. باخصوص. هر وقت نفسمزده و بشقه لده منظور ديدم مشاهد مز اولمده درکه بر شيدن قورقان و بر بلايه مبتلا اولان بچاره. همتى انجق اوشيئه حصر. فکرى غيردن صرف و منع ايدرک ظن ايدرکه. شو قورقودن بيوک بر قورقو. و قورقدينى شيدن مدهش بر مصيبت يوقدر. و بو ظن اوزرينه بنای فکرايه خاطر و خيالندن کچميان نيجه مصائبک انميزن هجومندن غافل

بولنور. و حال حاضرده او مصائبدن محفوظیتندن طولانی شکر ایتمک خاطرینه کلز : نصل کلسین. او . دردندن بشقه بر درد تصور ایتمورکه . بو آدم برخسته به بکزرکه مثلاً ستمه به دوچار اولوب بوندن فرسخ فرسخ دهشتلی . انسانک جگر کاهنی محو ایدن ورم علتندن قاص غافل بولنورده . یارب چوق شکر و حمد اولسونکه بی بوندن دهشتلی و قابل تداوی اولمیان خسته لکلره دوچار . ایتمک کبی تضرع لره یناشمز . حکایه ایدر لرکه . بر آدم . براعرابی یاننده . اوف . دیش اغریسی نه فناشیدر دیدکده . صوص انسانک هر مبتلا اولدینی اغری . اغریلرک اک شدتلیسیدر دیمشدر .

کذلک . امن عام ایچنده بولونان . یعنی هروجه امن وسلامت ایچنده بولونان کسه . مبتلای خوف و اندیشه اولمده . نعمت امنیتک قیمتی تقدیر ایده مز . نصلکه مبتلای مصیبه اولمیانلر . باشلرینه کلدکجه . نعمت صحت و سلامتک مزیه تی تقدیر ایتمز . آنکچون حکما . بر نعمتک قدری . ضدینه چار پلدمده بیلنه مز . دیمشلردر حکمانک شوسوزلرینی (ابوتام) شویله نظم ایشدر .

شعر

والحادثات وان اصابك بؤسها فهو الذي انباك كيف نعيمها

آل

حادثات کونیهنک شدتی . براز سنی صار صوب . ایختسه بیله . نعمت دنیانک قیمتی تقدیر ایتدیرن . ینه اودر .

امدی عقلایه الزم اولان حال . هنکام مرض وزمان شدتنده . امن وعافیتک قدرینی خاطر لیه رق . شمذیلک مبتلا اولدینی ده شتلی بالاری پیش تأمله آله رق . شکایتی شکره . جزعی صبر و تحمله تبدیل ایتمکدر . حکایه اولونورکه جدالانیا یعقوب علیه السلام . مخدوم مکرملری یوسف ایله ملاقاتی ایتداسنده او غم . بندن آیریلدقد نصکره نصل فلاکتلر . ماجرالر کچیردک . دیمش وقرندا شلرینک حقنده روا کوردیکی معاملاتی براز ایضاح ایتدیرمک ایسته مش . یوسف

عليه السلامه : بکا قرداشلر نيك يادقلرندن صورمه. ربك حقمده ابدال
بيورديقي نعم جليليه صورت مظهر يتمدن صور بيورمشلر

لاتس في الصحة ايام السقم فان عقي تارك الحزم ند

مال

صحة زماننده ايام مرضى اونوته. بويله حزم واحتياطي ترك ايدنلرك عاقتي
ندامتنن بشقه برشي دكلدر (قاعده خامسه) بلاد وقراده اوجوزلق بولتمقدر كه
آنك سبيله نفوس انسانيه ضيق معيشتدن خلاص اوله رق خوشحل و ارباب
ثروت ايله فقر و ضرورت اصحابي يك عيار ويك مثال اولورلرده بوسايله
زوكورتلكدن حاصل بغض وعداوتلر. حسد و منافسلر اورتهدن قالقار انسا.
نلرك بريرينه قرشي مواسات و مبراتي چوغاله رق. براخوتدر دوامه باشلار.
برده. اوجوزلق غنايه. اوده سيخايه مرجع اولدبغندن. صلاح عالم. فلاح ايم
ايچون داعي قوي عد اولتمق مناسبدر (عمر بن خطاب) ابوموس الاشعرييه
يازديكه. صاقين منصب قضايه. ارباب حسب و شرف و ثروتدن ماعداسني كچيرمه
چونكه حسب طاهر اولان. و خامت اخرويه دن قورقار. و دنياجه رذالت
توجهندن انديشه ايدر. ارباب ثروتك ايسه غيرك مالنده كوزي اولمز. منصب
جليل قضا. بوصفتلري حائز كسه لره محتاجدر. بناء عليه. امرمك انفاذينه دقت
ايت. ايشته شو مقاله عمريه. ثروت و غنانك مدار امن و سخا اولديغني اثبات
ايدر =

شعر

ولم اربعد الدين خيراً من الغنى ولم اربعد الكفر شراً من الفقر

مال

دندن صكره غناندن ايورشي. كفردن صكره ده. زوكورتلكدن كوتو برشي
كورمدم.

نخلانك امساكى ايله اعطاسى. ارباب سخاكت جريان عطاياسى. غنائسبتنده در
شعرادن (دعبل بومعناي شويله) نظم ايلدى .

شعر

لئن كنت لاتولى ندى دون امرة فلسنت بمول نائلاً آخر الدهر
واى انا لم يفض عند مائه واى بخيل لم ينل ساعة الوفر

مأل

زنکین اولمدقچه احسان ایتیه جکسهك . محشره قدر ایتیه جککته امین
'ول . هانکی چناق وار که . طولسون طاشمه سون . هانکی بخیل واردر که
هنکام ثروته احسان ایتسون . هنر . انی ثروتسر زمانده اجرا ایتکه
چالشمقدر = اوجوزلق . صلاح مللی نصل تأمین ایدیورسه . ویانغین
باصدیرجه سنه . فسادى نصل قالدیریورسه . ضدکاملی اولان قیطلق دخی اونسبتده
اسباب فسادى تهینه واحضار ایدر . ناس آره سنه حسد ومنافسه تخملرینی صاچار
تیجه . اوجوزلق بخش ایتدیکی صلاحده عمومی . قیطلغك فسادیده عمومیدر
برشیکه وجودی . صلاح عمومی بی . عدمی فساد عمومی بی داعیدر قواعد صلاح
دنیدن واسباب استقامت بشردن معدود اولمق الیقدر . اشبو اوجوزلق ایکی
قسمدر بری کسب وتجارته اوجوزلق . دیکری لوازم بشردن اولان اشیانك
اوجوزلوغیدر . بونلرك برنجیسی . ایکنجیسنك نتایجندن . اوده امنیتك
نتایجندن =

صلاح دنیانك قواعد سته سندن التنجی قاعده . قلوب انسانیه یه طرف
ربانیدن . عمارت دنیا قصدیه قذف و القا اولنمش اولان امندر . اشبوامل . عمر
انسانك استیعاب واحاطه سندن عاجز قالدینی شیری کسب واقتنایه . ارباب حیاتك
ادراکی مأمول اولمیان مرغوبات دنیویهك تخصیله انسانلری باعث ومشوق
اوله جق درجهده فسخته مالکدر . برکره دوشونهلکه . شو عالم کون وفساد

ایچنده کاروان وجود افراندن بولونان انسانلرک صکره کانلری. اول کانلرک انشا ایتدکاری ابنیه و مساکن. تسویه ایتدکاری طرق و معابر. تمديد ایتدکاری کوپرلره دسترس وصول اولماسه نردی هر عصرک اهاالیسی. عرض اولنان احتیاجاتی کندی کندینه استحصاله مجبور قالیرلردی بونلرک ایسه. شواو فاجق حیاته مالک اولان عصر واحد اهاالیسی ایچون احضار وتهینه سی غیر قابل امکندر. بوکا مبنی جناب حق انسانلرک دائره آمانی توسیع ایدره برقرن آدملری هیچ اولمیه جکلمش کی مساکن و اراضی نی اعمار و تیاره قویولورلرده آنسزین هجوم ایدن اولوم سببیه آثار عمرانیلرینی اخلافه براقیرلر کیدرلر اندرده ر زمان. اولکیلرک براقدقلری کرته دن باشلا یوب هنوز ناتمام قالان بقیه آتاری. مجبول اولدقلری فسحة امل سوقیه ذروه بالای ترقیه ایصاله چالیشوب چالارلر. و بر درجه یه قدر مظهر توفیق اولورلر سده. اندرده قرن سابق اربابی کی. ساربان موتک اوردینی کوس اجله اجابت ایله راحله بند عالم اخرت اولدقلرنده. قرن ثالث اصحابی. بولدقلری آثار عمرانک ناقص قالان بعض جهتیلرینی اکاله چالیشه چالیشه اولکیلره بالجبوریه التحاق ایدرلر. بورسمه. احوال دنیا. تکرر اعصار سببیه کسب التیام و شیرازه بند انتظام اولور. اکر بونلرده. فسحة آمال بولنمیب هر شخص وقوم. اقوات یومیه سنی تدارکله یارینه برشی حاضرله مق سوداسنده بولنمسه ایدی اخلافه. آثار عمران یرینه. خرابه زار. نصیب یرینه. قضیب. ترک ایدر. اندان صکره کلنلرده اشبو خرابه زاری کندیلرینی اسکیده جک قدر مدت بارینغه صالح صورتده تعمیر ایله. احلافنه دهها چیرکین برحاله ترک ایدر دیده. کیت کیده چمنزار عالمده. نبات یرینه ممت. اقامه یرینه. اماته قائم اولورودی: ایشته بو حقیقت. بوحدیث شریفله مویددر. سلطان انیافندمز (الامن رحمة لامتی ولولاه لما غرس غارس شجرة ولا ارضعت ام ولداً) یعنی امل بنم اتم ایچون بر رحمة سبحانیه درکه شاید اولماسه ایدی کمه بر اغاچ دیکمز. هیچ برانا. چو جو غنه سود امز رمز بیور مشلدردر.

شعر

والنفوس وان كانت على وجل من المنيته آمال تقويها
فلله يسقطها والدهر يقبضها والنفس تشرها والموت يطويها

مال

نفوس انسانیه‌ک اولومدن قورقوسی وار ایسه ده . بری طرفدن عزمنه
مسانت ویره‌جک نیجه املر واردرکه . کشی انلری اچار . زمان یومار . نفس
بر طرفدن اندری اوزاتیر . او بر طرفدن اولوم کلیر محو ایدر بتیرر .
(دنیا حقنده کی املک حالی بو مرکزده در : امور اخرتده امل . اخرتدن
غفلت و اوراسی ایچون جاضرلق تهیسه‌سندن واز کچمک اسباب‌سندرکه شرعاً .
عقلاً جائز دکدر : ایشته (لید) کبی بدوی برشاعر . هر ایکی املی ساحرانه
بر طرزده سویله آیردی .

شعر

وا کذب النفس اذا حدتها ان صدق النفس یزری بالامل
غیر ان لا تکذبها بالتقی و اخزها بالبرلله الاجل

مال

نفسک ایله قونوشدیغکده یالان سویله . یعنی نفسکه . سن املکه نائل
اوله‌مزسین دیمه‌که . سعی واقدا نه قور که‌سین . بلکه مقصودینه نیل و بلوغنی
ترویج ایدرک تحدیث و تخیل ایله که تزئید نشاطنه مدار اولسون . لکن
تقوا خصوصنده تسویف و تأخیر ایله امله دوشورمه . بلکه حسناتک سرعتله
اجراسنی تکلیف ایدرک قهر و تنکیل ایله . شو ایکی ییتی بویله ترجمه .
قاموسک کذب ماده‌سنده . عاصم افندی‌نک تصریح‌اتنه مبنیدر . مراجعت
بیورلمسنی توصیه ایدرم . اکثریا کتب اخلاقیده ذکر اولونور . برده امنیه
واردرکه . امل ایله میانه‌لرنده فرق . املک اسباب ایله مقید اولمسی . امینه‌نک
ایسه بویله بر قید ملاحظه‌سندن مجرد بولونمه‌سیلدر . مثلاً بر آدم . ترلانی
سورر . تخمی اکر . الله‌دن یغمور و برکت امید وانتظار ایلرکه ایشته بوکا

امل دینور . دیگر بر آدمده وارددرکه . ترلایی سوروب تخم صاچمقسزین
محصوله انتظار ایلر . ایسته بونک امیدینه امنیه تعبیر اولونور: یوقاریدن بری
تفصیلاتیه اوغراشدیغمز قواعد سته مزبوره . ایسته بونلردن عبارتدرکه . احوال
دنیا نك صلاح . وامورینك انتظامی . آنلره وابسته بولونمشدر: فقط شوراسیده
انكار قبول ایتمیان حقاقتدندرکه . امر دنیا . هروجهله تام و کامل . صلاح وانتظامی
عام وشامل بولنق امر بعیددر . دنیا نك وضع اساسی مادامكه تغیر وفنا . تصرم
وانقضا اوزرینه در . آرتق اوندن صلاح کامل بلكه مك معقول دكلدر . حکمادن
بریس . برکسه نك . الله دنیایی ترس چویرسین دیو . کویا بد دعا ایلدیکنی
ایشتدکه . ای اوغل . مقصدك بد دعا ایسه بویله دیمه . چونکه دنیا . ذاتاً ترس
اولدیغندن . بردها ترس چویریلیرایسه دوزملیر . عکس مطلبکی انتاج ایلر دیمشدر

شعر

ومن عادة الایام ان خطوطها اذا سر منها جانب ساء جانب
وما اعرف الایام الا ذميمة والالدهر الا وهوللثار طالب

مال

دنیا نك عادتندندرکه . احوالنك بر طرفی انسانی سوبندیرر ایسه .
اوبر طرفی مطلقاً ایخیدر . بن . ایام دنیایی مذموم . ودائماً طالب انتقام طانیرم: :
صلاح عمومی حقنده کی تفصیلات ، بوندن عبارتدر . بوندنصکره . برارده انسانلرك
دنیا ده بولوندقلمری مدتجه . صلاح خصوصیلرینی تأمین ایدیه جك اسبابی آراشدیرلم
شوالده . دیرزكه . انسانلرك مدار صلاح دنیویسی اوچشیدن عبارتدرکه اشیاء
مزبوره . انسانك قواعد امری . ونظام حاله متعلقدر . برنجیسی . جانب رشد
وسدداده سوق اولندقدده اطاعت . بغی وعصیاندن زجر ومنع اولندقدده قبول
نهایت ایدن نفس مطیعه : : ایکنجیسی . قلوب بشرك میلانی جامع . مکاره
وشدائدینی دافع بولسان الفت : : اوچنجیسی احتیاجات بشریه یی کافل ماده
کافیه . سرمایه وافیددر . شمدی شو اوچ حقنده . برارز تفصیلات ویرلم : : اوت .

هر انسانك صلاحی. و تاهمین فلاحی ایچون نفس مطیعہ صاحبی اوله سی لازمه دندر
زیرا نفس. صاحبنه اطاعت ایدر سه. صاحبی اکا مالک اولور. ایستدیدی سمت
هدایته سوق ایده بیلر. یوق بالعکس عصیان ایدر و بو خصلتده دوام ایدر سه
زواللی صاحبی. مالک اوله جغنه. مملوک اولور.

نفسنه مالک اوله میوب بالعکس اکا محکوم و مملوک اولان برعاجز. بشقه سنه
هیچ مالک و متصرف اوله میه جفی درکار. کندی نفسنک عصیانی دفعه قادر
اوله میان ییچارمنک بشقه سنک عصیانی دفعه قادر اوله میه جفی آشکاردر. نتیجه .
هانکی بر آدمکه . نفسنه محکوم و مغلوبدر. اُنک تصرفت سائر دنیویه سیده
دائماً مغلوبانه جریان ایدر. کسه امرینه رام اولمز کندی اولاد و عیالی. خدمتچی
و اوشاق مقوله لری بیله کندنده اثر مهبات کورمه یه رک عصیانه باشلار لر .
ذاتاً حکماً دیمشلددرکه . نفسنی دائره اطاعتنه اُلیان عاجزلر. بشقه سندن اطاعت
وانقیاد بکله مسونلر .

شعر

اتطمع ان یطیعك قلب سعدی وتز عم ان قلبك قد عصاك

آل

هم کندی قلبک سکا عصیانندن بحث و شکایت ایدیورسک . همده
(سعدی) نام نازینک. سکا رام اوله سنی امید ایدیورسک. نه خیال محال .
نفسنی رام ایده میان ، محبوبه بالاپروازی اوج استغنادن نصل ایندیره بیلر .
نفسک طاعتی. ایکی شمله پذیرای حصول اولور بری نصیح. دیکری انقیاد
(نصیح) نفسک شوعالم عبرته حقائق اموره . چشم عبرتین ایله باقوب رشد
وسدادی. رشد وسداد بیلوب استحسان. و تحصیلنه شتابان اوله سی. بئی وعیمانیده
قییح بیلوب اندن روگردان اوله سیدر . بوده نفسک دواعی هوادن سلامتیه.
صدق وصفاسنه محتاجدر. (من تفکر ابصر) اما انقیاد نفس دیدیکمز. نفسک
مأمور اولدینی طوغریلق جانبانه سرغته اقبالی. نهی اولوندینی درکه شقاوتدن در حال
انزجاریدر... قال الله تعالی (ویریدالذین یبعون الشهوات ان تمیلوا میلاً عظیماً)

نفس ایچون بر طاقم آداب بیان اولونمشدرکه . تمام طاعت . وکمال مصلحتنی متضمن اولدینی جهته . کتانبزدن بر باب مستقل . انکچون اییرمشسزدر . . . صلاح خصوصینک ایکنجیسی اولان . الفت جامعه دنده لازمدر . چونکه انسان . مقصود بالاذیه ، محسود بالنعمة اولدیغندن ابنای جنسیله کرما کرم الفت وسینه صاف محبت اولیزسه . حاسدینک پنجه ظالمانه سیله زده لیر . دشمنلرینک افکار فاسده تزویراته محکوم اولورده . نه بر نعمتک لذتی . نه زماننک صفا و راحتنی طویامز . بالعکس . ابنای جنسیله همبزم مودت اولورسه . حائز اولدینی نعمتک خوف و خطر دن سلامتی . مدت حیاتنک ذوق مسرتنی حقیقه تأمین ایتمش اولور . (ابن جریج) عطادن . اوده (جابر دن) اوده سلطان انبیا اقدمزدن روایت ایلدیکه (المؤمن ألف مألوف ولاخیر فیمن لایألف وخیر الناس انفعهم للناس)

یعنی مؤمن . اخوانه الفت ایدن . انلرده کندینه مجلوب الفت اولاندر . بویه اولیان طفره فروشان بی اذعان کروهنده خیر یوقدر بیوردیلر . ینه روایت اولوندیکه . سید الکائنات اقدمز (ان الله تعالی یرضی لکم ثلاثاً یرضی لکم ان تعبدوه ولا تشركوا به شیئاً وان تعصموا بحبله جمیعاً ولا تفرقوا وان تناصحوا من ولاه الله امرکم ویکرم لکم قیلاً وقلاً وکثرة السؤل واضاعة الاموال) یعنی جناب حق سزک اوچ شیککزدن راضی . دیگر اوچ شیککزدن دخی خوشنود دکدر . کندینه عبادتی حصر ایدوب ریا طریقیله عبادته اکا شریک اتخاذ ایتمامکزدن . یکدل یکجهت اولدرق حبل متین هدایت صاریلوب تفرقیه دوشمامکزدن . امیرکزمه حب و موالات ایتمه کزدن راضیدر . . . قیل وقال یهوده کزدن . کثرة سؤل الکزدن . اسراف اموال ایتمه کزدن راضی دکدر بیورمشلردر . . . اشبو حدیث شریف . امتنی یکدیگریله الفت واتحاد تشویق واغرا معرضنده سرد اولونمش مقالات حکمت آیات محمدیه جمله سندندر . انک ایچوندرکه عرب . قلیل اولان ذلیل اولور دیمشلردر .

قیس بن عاصم

ان القداح اذا اجتمعن فرامها بالکسر ذو حق وذوبطش
عزت فلم تکسر وان هی بددت فالوهن والتکسیر للمبتدد

مأل

او قلك بش اون دانه سى طوپلانوب. شدت وقوت صاحبي كسه لر طرفندن قيرلق ايسته نيرسه. ممكن دكل قيرلنز. اما آيرى آيرى بوكولورسه. پارچه لانير. امدى، الفتك اسبابنى بيان معرضنده مطالعات آتیه ي درميان ايمكه لزوم كورندى. اسباب الفت. قاعده معاشرت بشدر. (۱) دين (۲) نسب (۳) مصاهرة (۴) مودة (۵) برو احسان ... شمدي بونلرى تفصيل ايدملكه مقام استدلalde بيان اولنان ادله عقليه. آيات كريمه. اشعار ادبيه. قلوب اهل ايمانى جانب اتحاد سوق. وكريوه تفرقه دن عوق ايله سين ... اسباب الفتك اولكيسى ديندر چونكه انسانلرى يكديكرينه نصرة ومعاونته مأمور ايدن. قطع رحم. بغض وعداوت كې شيلردن زجر ومنع ايدن. آنجق ديندر. ايشته مؤسس اركان دين مبين اولان فخر عالم افندمرك. الفت وموانستك لزومى حقنده بيان بيوردقلى وصايدن بريسى شو حديث شريفدر. (لا تقاطعوا ولا تدابروا ولا تحاسدوا وكونوا عباد الله اخواناً لا يحل لمسلم ان يهجر اخاه فوق ثلاث) يعنى. اى امت واحبايم. قطع رحم. حسد و منافسه. بغض وعداوت ايمه ييكده بر يركزله قرن داش كې بولونك. بر مسلمك دين قرن داشنه اوچ كوندن فضله طارغين طورمه سى حرامدر بيورديلر. حديث مزبور. مأخذ دين اولان رسول الله بن شرفصادر اولدينى جهته. اتحادك ديناً مأمور اولديغنه برهان قوى تشكيل ايدر.

كرچه اصحاب كزنيك رابطه توحيد ايله برلشمه سى. ذات رسالتنا هينك نهى بيوردقلى شيلرى حسب الديانته ترك ايمه نرينى اقتضا ايدرسده. حديث مزبورك زمان ورودينى پيش مطالعه يه آيرسحق. نهى مذكوره باشليجه لزوم بولنديغنى تصديقده كوجلك چكميز. چونكه فخر عالم افندمرك بعث اولنديغى هنكام پر احتشام. عربك قبيله قبيله يكديكرلرينه بغض و عداوت و قطع رحم و مخالفت ايله مألوف اولدقلى زمانه مصادف ايدى. حتى بر درجه كه. بر بابانك

اولادلى احزاب كثيره تحزب و افتراق ايدر ، يكديكرلى علمنه . اعدانك بيله ايقاع ايمدىكى فالقلى ايقاعده تردد. كوسترمزلىدى . قبائل مزبوره . ايچنده . خصوصيله اوس و خزرچ قيبلىرى ارسندهكى سنه لجه فاجعه لى . بى سبب وقعه لره ميدان اچان اختلاف وتباين. اقوامك سائرينه فائق ايدى :: اختلاف مزبور . بارقه اسلامك افق عربدن لاهوتى بر قوتله شعشه پاش اجلال اولديغى زمانه قدر سوردى ايسهده مؤخرأ قانون شريعتك بازوى اهل ايمانه ربط و بند ايلديكى تعويذ اخوت . ظلام ضاللدن شهراه ايمانى بولوب انك نور فيضا فيضى ايله مستير اولان كوكلردن. عداوت و بغضاني سو كوك چيقاره رق. يرينه اخوت و ائتلافى اقامه ايتمش وبوسايلهده . هربرى اخوان متناصرين. اعوان متواصلين. وصفنه شاين بيورلمشدر. ايشته حديث شريفك ورودى. هنوز ديجور جهالتدن . ساحه فسيح هدايته اصحابك ايلك خطواتنى ائدقلى زمانه مصادف اولوب عادات جاهليه كسب ممارسه ايتمش قبلردن بستون او چركين كوره نكلى ازاله بيورمق فكر مقدسه مبيدر :: اصحابك سلسله ايمان ايله دائره ائتلاف و اخوتده جمع اولنمى حقنده طرف سبجانيدن اشبو آيه جليله ايله امتنان بيورلمشدر (واذكروا اذ كنتم اعداء فالف بين قلوبكم فاصبحتم بنعمته اخواناً) يعنى جاهليت زماننده بربريكزه دشمن ايكن. اسلاميت سايه سنده تاليف قلوب بيورلوب قرداش كچي صباح اسلامه داخل اولديكز . سرك بونعمتى خاطر لايوب شكر ايتمكز لازمدر. ديكر برأيتده (انالذين آمنوا وعملوا الصالحات سيجعل لهم الرحمن وداً) بيورلمش (يعنى حباً) :: دينك بخش ايلديكى مقانت اتحاد . هانكي سويدهده ايسه . ينه اختلاف دين سبيله حاصل اولان عداوت وتباين اونستندهدر . دين اسلام اربابندن. آدم واردركه. اولجه يار مشفق ، محسن و منفق اولديغى . و جناح حمايه سنه الهرق هر نوع مهلكيه قرشو سپر صيانت قالديرديغى كمهينى . ينه دين سائقه سييله . كندينه دشمن جان. خصم بى امان صايار . ايشته (ابو عبيدة الجراح) دينى و طاعة اللهى نسب و طاعت اب اوزرينه ترجيح ايله . اك شفقتلى . و اك اطاعتلى اولادى اولديغى حالده . ضلال و كفرى . هدايت و ايمان اوزرينه ترجيح ايله . كفرنده ثبات . ضاللدن انهماك كوسترن باباسنى قتل و اهلاك ايدوب . علويه دين مينه قرشو

عناد و استکبار کو سترن باشنی. صالایه صالایه حضور پیغمبری به کتور مشدر و قعنه بدرده ظهوره کلن بوحادثه نی متعاقب. جناب حق. شوائیه جلیله نی کوندردی (لا تجد قوماً یؤمنون بالله والیوم الآخر یوادون من حاد الله ورسوله ولو كانوا أبائهم أو ابنائهم أو اخوانهم أو عشیرتهم) معنای جلیلی حبیهم . سن اللهه . یوم آخرته ایمان ایدنلری . اللهه و رسولنه منازعه ایدن کافرله دوستلق ایدر بوله مزسک. گروه منازعه. مؤمنینک بابالری، اوغللری، قرداشلری ، خصملری بیله. اولسه ینه نظر اعتباره ألوب دوست اتخاذا یتمزلر :

بعضکره. بر دین اربابی آراسنده مذاهب. شتی ، اختلاف آرا . سرزده ظهور اوله رق اختلاف مذهبنک ایراث ایلدیکی عداوت : اختلاف دینک ایراث ایلدیکی عداوت و بغضادن کیرو قالله دینی کوریلور . اتحاد دین و مذهبک اقوای اسباب الفت اولدینی فصل قابل انکار دکلسه. بونلرک اختلافک دخی اونسبتده موجب غیظ و عداوت اولدینی ده قابل انکار دکلدر چونکه بر دین ایچنده . مذهب اختلافی یوزندن حصوله کلن نزاع و منافسه یه . برده کفو، ممانته محاسده زیده قاتیلوب عداوت قتمرلشدرک تفرقه و منازعه نک دائره سی توسع ایده چکی امور طبیعه دندر :: ذلک تقدیر العزیز العالیم . اسباب الفتک ایکنجیبی . نسبدر :: اوت نسب. مدار اتحاد و الفتدر :: چونکه. میانه لرنده قرابت نسبه بولن ان کسه لری. تعاطف ادحام . حمیت قرابت. غربای اجانبک اقربا اوزرینه تسلط و استیلا سی خوفندن و بالآخره کافه سنه تعلقی بولونان عار و ناموس ملاحظه سندنطو لای یکدیگر لریله تعاون و تناصر و عقد الفتیه باعث . غوغا و فرقه کبی ردالتلردن مانع اولور :: رسالتبناه افندمزدن روایت اولوندیکه (ان الرحم اذا تماست تعاطفت . یعنی قرابت حاصله اولدجه . مرحمت و عاطفت حاصله اولور بیور مشلردر : قرابتک موجب حمایه اولدیغندنطو لاییدرکه . اقوام عرب. بادیه نشین. و قونار کوچر بر حالده بولونوب ارباب تغلبی قهر و تنکیل. و ظلم و عدوان و اذایی کف و منع ایسه جک بر پادشاهک تحت قیادتیه کیرمکدن امتناع ایده کلدکلرندن کنیدلرینه عداوت ایله. تحت قهره المقی ایسته. لره قرشو تعاون و تناصر مقصدیله حفظ انساب خصوصنه هر قومدن زیاده اعتنا اید کلشدردر : حتی بر درجه ده که حفظ ایتدکلری انسابک بخش ایتدیکی الفت و اتحاد سایه سنده : ارباب ظلم

و عدوانك شمشير قهرلرينى اوزرلرندن دفع ايله . بياغى قوه قاهره مساحي دولترده كوريلان تحكم و استبداده نائل اولمشلردر . بونى يابان . نسبك بخش ايلديكي الفت و انحاددن بشقه بر شى دكلدر .

نسبك قوه الظاهر اولديغندن دكليدر كه . لوط عليه السلام بيله . غلامان برى پيكران قياقتنده كلان ملائكه كرامه تسلط خيئانهده بولنق مقصد خائنانه سييله هجوم ايدن قومى . قهر و تنكيل ايجون مقام تميده (لوانلى بكم قوه او آوى الى ركن شديد) يعنى أم . نه اولانديده . بنم سزه قارشو استعمال ايدجك قوه قاهره . ياخود بر قبيله مانعهم اولسه ايدى : بيورمشلردر :: ابوهريره روايت ايلديكه جناب رسالتپناه افندمز (رحم الله لوطاً لقد كان ياوى الى ركن شديد) يعنى الله لوطه رحمت ايلسونكه . باشى طاره كلدكه ركن شديده رجوع ايدر ايدى بيورديلر . ديكر بر حديثنده مابعت الله من بعده نبياً الا في ثروة من قومه . يعنى لوط عليه السلام دنصكره كوندرديكى پيغمبرانى جنابحق . ثروت قوميه يه مالك يعنى كثره عشائر احبابندن اولانلره حصر بيوردى . مفسريندن وهب بن منبه ديديكه لوط عليه السلامك بوندای تحميرنه قارشو . مسافر صفتيله تشریف بيوران ملائكه كرام . مراق ايمه . سنك ركنك . سطونك شديدرد ديديلر . بونك اوزرينه براز تنفس استراحتى متعاقب . ماجرا كندينه تفصيل اولنهرق قرآن كرمده متعدد سورهلرده بيان بيوريلان حادثه . سرزده ظهور اولدى . روايت اولونديكه (فخر عالم افندمز) احبابدن هيچ برينى برقبيله اتسابسز براقه يوب همه حال بر يره مال ايدردى . ايشته بونلرك كافهسى . امتنى بلای تفرقه دن تبعيد . الفت جامعه يه ترغيب . حكمته مبتيدرد . انكيجون : (من كثر سواد قوم فهو منهم) يعنى بر كمسه بر قومه التحاق ايله كثرته يارديم ايدرسه . جنابحق آنى اوزمره ناجيه دن صايار بيورمشلردر : نسب . بودر جده انسانلر آره سنده مدار الفت اولدينى حالده : اكاده بعض عوارض حيلوله ايدر كه الفت مقصامنده فرقت . مودت مكاننده عداوت نتيجه سنى كوستيرر بناء عليه . شئون عجيبه ايله تجلى يه معروض اولان نسب حقنده براز تفصيلات اعطاسنه كنديمزده حق كوريبورز : نسبلى اوج قسمدر . والدون . مولودون . مناسبون

شواوچك. آیری آیری هر برینك بر واحسانی اولدینی کبی عرض اولدینی وجهله موانعك حیلوله سنه بناء. عصیان و عقوقی، قطع رحمیده واردر، والدون. معلوم اولدینی اوزر. بابالر، آنالر. دده لر نینه لر درک بونلر سلامت احوال. صحتیه وجدان و باله مالک اولدق لری حالده. ایکی درلو صفت ایله موصو فدر لر که بریسی طبعاً لازم غیر اختیاری. دیکری ایسه بالا کئساب حاصل و اختیاریدر: طبعاً لازم و غیر اختیاری اولان حال. مسلم اولان شفقه و مرحمتلریدر که بوحال. انادن بابادن هیچ بر وقت، هیچ بر سببله انفکاک ایله مز. بو بر حقیقتدر که هر کسه نك کوزلرینك ایچنده تجلی ایتمک قوتنده ظاهر در.

روایت اولندیکه افدمن صلی الله علیه وسلم (الولد مبخله مجبهة مجبنة) یعنی چو جق. پدرینی بخیل. جاهل. قورقاق. محزون ایدر. بیورمش و طبع والدینده کی شفقت و حذرک شو درت صفتی جالب و کاسب اولدینی بر صورت بلیغانده تصویر ایشدر... حتی بر قوم. طبعاً لزومی درکار اولان اشبو صفتلری دفعه قدر تیاب اوله میه جقلرینی پیش ملاحظه الیقندر. چو جق ایسته مکدن استنکاف ایشدر. یحیا علیه السلامه. سکا نه اولیور که چو جق ایسته میورسک دیدک لرنده. نه بیایم چو جق. صاغ قالیرسه مشقت ویرر. وفات ایدرسه تحسیریه بنای وجودیمی صار صار. جوانی ویرمشدر... کذا. عیسا علیه السلامه. تزوج تکلیف ایتدک لرنده. بز تکاری یعنی عائله ثروتی آخرتده آرزو ایدرز. جوانده بولمشدر... طبعاً لازم اولمایوب بالا اختیار حادث اولان حال. والدینک قلبنه. لحظه لحظه نشوونما بولان. حالنک تغیریه متغیر بولونان. اولاد سوکیسیدر که بونک حقنده سید الکائنات افدمن (الولد انوط) یعنی محبت اولاد. اعماق درونه حلول ایدیجیدر بیورمشدر... دیکر حدیثده (لكل شیء ثمرة و ثمرة القلب الولد) یعنی هر شینک بر ثمره سی واردر قلبک میوه سیده ولدر بیوردیله. والدینک بعضکره محبت اولاددن واز کچدک لرینه تصادف اولنور سه ده. بوحال. بغضدن ناشی اولمایوب ولد جاننده وقوعولان قصور وسیله سیله. قلب والدینده حاصل اولمش بر نوع صوغو قلقدرد. بوده شفقت طبعیه سنی قلبندن چیقاره جق قوتی حائر دکدر. بوکا مبنی (محمد بن علی) علم ازلی الهیده والدینک اولادینه ایده جکی معامله معلوم اولدیغندن اولادیکزه

شفقت ايله معامله ايدىكز دهر ك. آنره برامر نازل اولمىدى. لكن اولادك والدينه معامله سندن راضى اولمىغىدن. آنره . والدينه اطاعت وعدم عقوق ايله امر سبحانى شرف نزول ايتدى. بناءً عليه . كوتو اولاد. والدينه عقوق وعصيان ايدندر. باللك كوتوسيده. اولاده محبت خصوصنده حد افراطه واراندردى. والذين . امر شفقتده هر ايكسيده مشترك ايسده حين ولادت و تربيه سنده اقتحام ايتدىكى اجيلره نظراً والدنك شفقتى پدردن افزون اولمى ايجاب ايدر. شو حالده. والديه قرشو كوستيله جك برواحسانه . پدردن زياده اعتنا اتمك . اولاد اوزرينه لازمه هالدىر . گرچه جناب واجب الوجود (و وصينا الانسان بوالديه حسناً) آيه جليله سيلاهرايكسىنى جمع ايتمش ايسده . افعال شاقه نسبتده مكافات ايديله جك اولورسه . والدنك حصه سنه دوشن مواسات و احسان دهه زياده اولماسى لازمدر .

روايت اولنديكه بر آدم . حضور فخر عالمه كلوب . يا رسول الله بنم بر والدم و اردركه حقنده هر درلو حرمة لازمه نك ايفاسندن صكره صيرتيمه بنديروب كزديررم ، خاطرينى ايجيده جك حر كتمده دخى بولنم عجباً شو خدمتلىریمه مكافأتاً حق اموتمى ايفا ايدمى بيلمى دير . فخر عالم افندمر . خاير . دكل هر حقنك ايفاسى . هنكام وضعده كى بر حايقيرمه . كوكس كچيرمه نك بيسله حقنه مقابله ايدمى مرسك بيورور لر . بونك اوزرينه رجل مزبور بومهم كيفيتك سببى اكلاه قايسته دكده . اكده . چونكه . اوسنى نشو ونما بولدرمق ايجون داتما كلكى كوزليه رك خدمتى التزام ايلش . سنك اكا خدمتك بويله دكلدر چونكه موتنه انتظاره مقروندر ... جانم بوقادين يارين . اوپر كون اولمك اوزره در بارى خاطرينى خوش ايدمى فكريله خدمتمنده بولنورسك شو ايكي خدمت ييننده فرق ايسه نسبت مقاييسه يى قبول ايتيمه جك درجه ده عظيمدر جوابى ويرديلر . ينه دفتيه اسرار الهى . سفينه درياى فضل غير متناهى افندمر . بر حديثده (انها كم عن عقوق الامهات و اولد البنات و منع وهات) يعنى . اى اتم بن سزى . والدينكزه عصيان و عقوقدن . عادات جاهليه دن اولان قيز اولادلىرى حياً طيراغه كومكندن . حقيق واجبه الهيه نك منعندن . محتاج اولمىغىكز بى لزوم شيلرى طلبدن نهى وزجر ايدرم بيورديلر . خالد بن مقدم ديديكه . بن

رسول الله ﷺ شو کلمات محمدیه لرینی . دهان عنبر افشان مصطفویه لریندن
چیقاردقلرینی ایشتم : (ان الله یوصیکم با مہاتکم بالاقرب فالاقرب) یعنی
جناب حق . سزه . امہاتکزه ایولک واطاعت ایلہ . اندنصرکہ . علی الدرجات
اقربا کزه بر واحسان ایلہ توصیه ایدر .

انسانک ایکنجی قسمی مولودوندرکہ . اولاد و اولاد اولاددن عبارتدر .
بونلر . سلامت احوال شرطیلہ ایکی خصلة ایلہ ممتازدرکہ بری لازم غیر منفک .
دیگری منتقل . لازم غیر منفک اولان خصلة . بالاردن قورقق وانلرہ دائما
صفت عظمت ویروب علیهنده فنا سوزلر سویلندکده جان سپارانہ . مدافعة ناموس
پدر وظیفہ سیلہ میدان جلادته اُتیلماقدرکہ . اولادده کی بوحال ، پدرده کی اولادہ
قرشو لازم غیرمنفک اولان شفقت پدرانہ مقابلیدر . ایشته . ابوتام شو معنای
مقابلہ بی شو شعرندہ ملاحظہ ایلشدر .

فاصحت یلقانی الزمان الاجاہ باعظام مولود واشفاق والد

مال

او ممدوح سایہ سنده . زمان بکا . اولادک بابایہ تعظیمی کبی تعظیم . بابانک
اولادہ شفقتی کبی شفقت ایتکہ باشلادی .

(خصلة منقلة) چوجنک پدرینہ قرشی ناز واستغناسیدرکہ بوحال .
پدرده کی محبت مقابلیدر . چونکہ پدرک اولادی حقندہ بسلیکی چیلقینجہ
دیہ جنک درجہ ده کی محبتی مقابلندہ . اولادده دخی پدرینہ نازلانمق . استغنا
ایک خصلتی موافق حکمت اولدیغندہ تردد ایدیلہ مر .

روایت اولوندیکہ . حضرت عمر . یارسون الله . بزه نه اولویورکہ . بز .
اولادمزه دائما رقت کوستردیکمز حالده . انلردن . بزم حقمزده رقت کورہ میورز .
دیدکده . چونکہ بز اولری طوغوردق . بناءً علیہ رقتہ طبعاً مجبورز . انلر
بزی طوغورمدقلرندن . رقتلری جبلی دکدر بیوردیلر . چوجقلر . کبرسنہ
واصل اولوب چرجقلق . دورہ سنی اشیرمش بولندقلرنده . کندیلرنده چوجقلغه
خصوص اولان ناز واستغنا . دیگر ایکی حالہ انتقال ایلر : اکر چوجق من

طرف الله رشد و کياست و ميل طريق استقامت ايله فطور بولنور . بوكافر شیده پدري چو جغه رحم و شفقتی . احسان و عطفی خصوصنده اثر تکاسل کوسرمرسه . چو جغک ناز و استغنا خصیصه سی . پدینه اطاعت . خدمته مبادرت . حس تعظیم و مهابته انتقال ایلر . اوت . بر پدرک . اولادینک اطاعتی خصوصنده . کنديک قانون مروت و شفقتی رعایتک پک بیوک دخلی واردر . روایت اولونديک فخر عالم افنديز (جریر بن عبدالله) خطاباً : (ان حق الوالد علی الولد ان یخشع له عند الغضب ویؤثره علی نفسه عند النصب والسغب فان المكافی لیس بالواصل ولكن الواصل من اذا قطعت رحمها وصلها) یعنی بابانک اولادی اوزرنده حق . بابانک غضبی زماننده خشوع ایتک . اخلق و مشقت اثناسنده نفسی اندری اقتحامه حمایده رک پدیرینی انلردن قورنارمق در . ایولکه قارشو ایولکه مقابله ایدنه ، واصل دینز . مکافی دینور . انجق واصل صفت نجیه سی . قطع رحم اولندقدده صله رحم ايله قارشوله یانلره مخصوصدر . بیوردیلر : بالعکس چو جق عاصی و یاخود پدري حیتمز ، جفا کار برکسه ايسه چو جغک ناز و استغناسی عقوق و قطع رحمه منقلب اولور . انک ایچون فخر عالم افنديز (رحم الله امراً اغان ولده علی بره) یعنی الله رحمة ایتسون اول بابایه که چو جغنی کندينه اطاعته سوق ایده جک معامله ده بولوندی بیورمشدر . عمر بن الخطاب حضر تیرینه . چو جغک طوغدی دیو تبشیر ایتدکلرنده . او . شمدی اوپوب قوقلیه جغم بر فسلکندر . صکره بقالم نه اولور . یا اطاعتی اولاد یاخود دشمن بدنهادر اولور دیدی . منتور حکمده دیندیکه . اولادلرک عاصیلغی بابانک اناسنی اغلا دیر بلادر . اولاد یدی یاشنه قدر کوزل قوقولو ریچاندر . اندنصکرده یدی سنه ده اطاعتی خدمتکاردر . اندنصکره یدی سنه وزیر آمردر . اندنصکرده . یا و فاشعار صديق . یاخود جان آلیجی دشمندر .

انساک اوچنجی قسمی . ابا و ایلادن ماعدا عصبه . و رحم جهتیله قرابت اربابیدر . بونلر کرچه نصرة و معاونته وسیله اولان حیتملری ايله . بسبتون اجانبیدن ممتاز ايسهلرده . مابه الامتیازلری اولان حیت . انجق کسر ناموسه تعلق ایدن ماده لرده وسیله مدافعه . و بادئ نصرة و معاونت اولوب دائره مدافعه سی . شرف و حیثیت محافظه سنه قدر توسیع ایدمه دیکندن ، هم ناموس همده شرف

وحیثیت . مواد مهمه سنی مدافعه یی در عهده ایدن (انفه) دن بر درجه ناقصدر بناء علیه ابوت . بتون مرتبه لری . حمیت و انفه دواعیلرینی جامع اولدیغندن . عرض اولونان قرابتدن . من جهة المدافعه بالاتردر . اشبو قرابت عصبیه سایه سنده تأسس ایده کلن حمیت . اجانب اوزرینه غلبه و نصرته داعی ایسه ده ینه خصم و خویشاوندانه مخصوص اولان حسد و منافسه دن کلیاً تطهیر ایده منر . اگر هر ایکی طرفدن ملاطفه و مواصله یه اعتنا ایدیلهرک . حمیت نسبه موده خالصانه ايله تأکد ایدرسه او حالده اسباب الفتک اک قوتلیسی الله ایدلش اولور . بعض قریشه صور مشلرکه . قرداشیکمی زیاده سورسک یوقسه دوستکی می . جواب ویرمشکه قرداشاغه دوستلق منضم اولورسه قرداشیمی زیاده سوء حکم طبعیدر ... مسلمه بن عبدالملک . علمده خوش یاشامی . اوچ شیئه حصر ايله مشدر کنیش خانه ، خدمتجیلرک کثرتی ، اهل و اولاد ، اقران و اقربانک طبعه موافق دوشمه سی . اقربا و خصم لر اُرهمده لُحْمُ نسب و حیمه قرابته اعتماد ایدیلهرک لازم کلان ملاطفه و مواصله کی قرابتک وارلغنی ماده کوسه تریجی شیلرک تعاطیسنده اهمال ایدیلور ایسه . در حال حسد و منافسه قبولی آچیلوب . مناسبته . عداوته . قرابت . بیکانه لکه انقلاب ایدهرک باران تفرقه و مصائب صاچیلور (کندی) دیدیکه . بابا . رب . قرن داش طوزاق . عم . غم . دای . وبال . اقارب عقاربدر (عبدالله بن المعتز) .

شعر

لحومهم لحمی وهم یا کلونه و ماد اهیات المرء الا اقاربه

مآل

اقربام . بنم اتم . انلرک اتندن عبارت اولدینی حالده . اتیمی بیکه دوام ایدیورلر ذاتاً کشینک اقرباسندن ماعدا دشمنی یوقدر اقربا اُرهمده نفاق و شقاق قریب الاحتمال اولدیغندندرکه شوأیه جلیله ده . صله ارحام ايله فرمان بیورلدینی

کبی. اجرا ایدنلرده مظهر ستایش سبجانی اولمشلردر. نه بیوک سعادت. نه بیوک دولت (والذین یسلون ما امرالله ان یوصل و ینحشون ربهم و ینحافون سوء الحساب .

مفسرین (ما امرالله به) یی . صلهء رحم ایله (و ینحشون ربهم) جملهء جلیله سنی . قطع رحم حقنده کی خشیه ایله. سوء حسابی . قطع رحم اوزرینه ترتب ایده جک عقاب ایله تفسیر ایشلردر : (عبدالرحمن بن عوف) روایت ایلدیکه سلطان انبیا اقدمز بیوردیلرکه جناب حق . بن رحمانم. رحمی اسممدن مشتق قیلدم. کیم صلهء رحم (اقرباسنه ایولک) ایدرسه. بنده اکا صله ایدرم . کیم صله یی قطع ایدرسه بنده قطع ایدرم بیوردی دیگر بر حدیث شریفده صله الرحم منماته للعدد (مثناة. للمال محبة فی الاهل. منساة فی الاجل) یعنی صلهء رحم. تکثیر عدد قوم ، ثروة مالیه. محبت اهلیه. تزید عمره بیوک مداردر بیوردیلر (بعض بلغا) صلهء رحم ایدیکنرکه . او سایهده اصولکنز چورومز. فروعکنز پریشان اولماز. اقرباسنه ایولک ایتیمان. اجانبه هیچ ایتمز . اقرباسندن دفع مضرات ایتیمان. دیگرندن هیچ ایتمز. شوخالده بویله آدملر. جمعیت بشریه ایچنده وجودلری زائد بی لزوم منزله سنده در دیدی (محمد بن عبدالله ازدی) .

شعر

وحسبك من ذل وسوء صنیعته
ولكن اواسيه وانسى ذنوبه
ولا يستوى فی الحكم عبدان واصل
مناواة ذی القربى وان قیل قاطع
لترجمه یوماً الى الزواجه
وعبد لارحام القرابة قاطع

مآل

فسالق . و مذلة جهتیله . اقربايه طارغیلق . و قطع رحم صفتیه اشتهار ایتمک سکا کافیدر . هیچ بر فنا لک اولمه. بو بسدر لکن بن بویله یا یمام. دائماً ایولک ایله مقابله ایدرم. فنا لقرینی اونوتورم. البت بر کون اولورده بکا مراجعتیه مجبور اولورلر. حکم الهیده . صلهء رحم ایدن ایله قطع رحم ایدن البت بر اولمز.

اسباب الفتك او چنجیسی مصاهر تدرکه . ایکی غانه اراسنده . یکیدن یکی به پیدای مواصله و مزج مناسبتدر بونلرک هر ایکسی . طرفینک رغبت و اختیارندن صادر . و خیر اوزرینه منعقد اولدقلری جهته . مصاهرته اسباب الفت و مواد مظاهرتک اجتماعنه سبب اولمشدردر (قال الله تعالی و من اياته ان خلق لکم من انفسکم ازواجاً لتسکنوا الیها وجعل بینکم مودة ورحمة) مأل منیفی . واجب الوجودک علامات قدرندن بریسیده . سزک ایچون مدار سکون و استراحت اوله جق ینه کندی جنسکزدن . اشلر (قادینلر) خلق ایدوب . اړه کزه (مودة) محبت (رحمت) شفقت القا بیورمه سیدر . ایشته بوا یته جلیله مصاهرته اسباب الفتدن اولدیغنه برهان باهر العنواندر .

دیگر آیتده (والله جعل لکم من انفسکم ازواجاً وجعل لکم من ازواجکم بنین وحفدة) بیورلمش . مفسرون . حفده کلا سنده اختلاف ایدرک . عبدالله بن مسعود (حفده) برکمه نك داماد لیدر دیمش . ابن عباس ايسه . ولد وولدينک ولیددر . دیمشدر . ابن عباسدن دیگر روايته کوره . کشینک امرئه سنک زوج اولندن حاصل . اولادیدر دیمش (حفده) تعبیرینک سببی دخی . سعی و خدمتده کی سرعتلریدر بیورمشدردر . قنوت دعا سنده کی تحفدنک معناسی سرعت ایدرز دیمک اولوب حاصل معنا . یارب . عمل طاعاتکه سرعت ایدرز مؤداسیدر . قوم نجیب عرب . میانهلرینه مصاهرت پیدا ایدرک بوسایده اوزاق اولانلری یقین . دشمن اولانلریده کندیلرینه دوست ایتمک اعتنا ایده کیشدردر . بعضکره ایکی کشینک اره سنده متحصل اولان مصاهرت . قوجه مان ایکی قبیله نك . بیله دوستلغنه باعث اولدیغی کورلمشدر . حکایه اولنورکه . خالد بن یزید بن معاویه . بن آل زبیرک دهشتلی بدخواهلرندن ایکن . آنلردن تزوج ایتدیکم (رمله) نام حرم سببیه بوکون الک زیاده خیر خواه دوستلری بن بولنیورم دیمش . وشو بیتلری سولمشدر .

شعر

احب بنی العوام طراً لا جلیها و من اجلها احبت اخوالها کلیاً
فان تسلمی نسلم و ان تاتصری یحط رجال بین اعینهم صاباً

مأل

بن. زبیر بن عوام اوغللرینی. آنلردن آلدیغ (رمله) نام زوجهم ایچون سورم. داییلری (بنی کلبه) دخی محبتم آنک ایچوندر. ای نازنین سن اسلام اولورسهک. هیمز آنده ثبات ایدرز. یوق تنصر ایدرسهک نیجه کسهلر. کوزینک اوکته بوتلر آصاجقلردر. (۱)

ایشته بونک ایچوندرکه. کشینک دینی. زوجه سنک دینیدر. دینشدر اوت. چونکه زوجک. قبیله سی افکارینک عینی اولان زوجه سنک فکرینه متابعاتی بالاخره قبیله مزبورہک فکرینی قبول دیمکدرکه. بوده اتحادک معنای دیکریدر شو حالده ایکی. قبیله آرمسندہ کی مخالفت قبولرینی قبا یوب. امتزاج دائمی اساسلرینی تشکیل ایدن، مصاهرت مسئله سیدر. امدی نگاه سببیه تأسس ایدن مصاهرت. تأمین الفت. و تمکین بنای محبته بیوک وسیله بولوندیه. عقد مصاهرت و ازدواجک اسباب و شرائط لازمه سی و محسناتنه دائر. عقلی و نقلی بعض تفصیلات ویرہلم که اساس بحثمزہ مدار کلی اولان مصاهرت. سوء تلقیہ اوغرامسونده. قوی و مشروع اسباب اوزرینه تأسس ایتسون.

اسباب مزبورہ. مال، جمال، دین، الفت، عفت اولمق اوزره. بش قسمه منحصردر. ابو هریره دن مروی اولدینی وجهله. سیدالکائنات افندمز. تنکح المرأة لاربع. مالها و لحسها و لدینها فعلیک بذات الدین تربت یداک (یعنی) قادین درت شی ایچون نکاح اولونور. مالی، جمالی، حسی. دینی، دین صاحبه سی اولان قادینی ألمغی التزام ایت. هی الھدن بولاسی. بیور مشلردرکه

(۱) اوست طرفی شویلهدر

تجول خلا خیل النساء ولااری لرملة خلخالاً یجول ولا قلباً
فلا نکثروا فیہا الملام فانی تخیرتھا منھم زبیرۃ قلباً

روایت اولندیکه عبدالملک خالدہ صورمشکه بودرنجی بیتکده قائل سمنسک. بونک اوزرینه خالد. الله اونک قائلنه امنت ایتسون جوابی ویرش کامل المبردک ۲۰۴ نجی صحیفہ سنہ باق

حدیث مزبور . بزه تقسیم سابقمرك منبع قدسیت نشاید . امدی تزوج ایدن ذات . اسراء مخطوبه نك . مجرد ثروت مالیه سنی نظر اعتباره الهرق نکاحنه رغبت کوستیر ایه . قادی نیکل . مالی نکاح ایلش اوله جفتدن . اسباب الفتدن بشقه بر سبب . عقده مقارن اولورسه ثبات عقد . دوام الفت مأمولدر . یوق ، بالاده ذکر اولنان اسباب الفتدن هیچ بریمی بولنیوب . عقدك یکانه سبی . زوجك حرص و طعمی اولدی ایه . الفت زوجینك زوالیه عقدك انحلالی . اساسی ، حرص و طمع کبی فکر فاسد تشکیل ایتش برایشانه نك محو و خراب اولماسی قویاً مأمولدر . باخصوصکه زوجك طعمی غالب . زوجه نکهه قلت و فاسیله برابر ، ماله محبت فطریه سی وار ایه . اولوقت کیفیت انحلال عقد . کسب قطعیت ایتشدیر دیه بیلیرم . چونکه زوجه سنك مالی مدار استفاده اتخاذا ایدهرک عقده تثبیت ایدن بو حریص زوج ، ایکی صورتدن وارسته بولنمه جقدیر . (یا) او . کوز دیکدیکی ماله . امید ایتدیکی کبی اینه بویسه تصرفات اجراسنه قدرت بوله جق . یا خود بوله میوب طریق تصرفنه بعض مانع لر . مداخله لر . سد اوله جق . اولکی صورتده . سبب الفت . باعث عقد مودت اله کیردیکندن طولانی زوج . زوجه سنه قارشى تکاپویه لزوم حس ایتیه رک مستبدانه . مسرفانه صرف و استهلاك ايله . هوا و هوسنك اجراسنه اموال مزبوره یی وسیله اتخاذا ایتیه باشلار . بوده بالآخره دوام ایدهمیوب یاواش یاواش زوال محبت . انحلال عقد مودت مقدماتی تشکیل ایلر . نهایت مالنك بلا موجب . ناسزا محللرده صرف اولندیغنی کورن زوجه نك اعتراضیه . زوجکده شمدییه قدر کورمیدیکی حالات اعتراضیه قرشو درشانه معامله سیله ، برکون اهنك محبتك بسبتون بوزولدیغنی . او الفت لر . محبت لر ، قهقهه لر ، شمعشعلر برینه . تفرقه لر . لعن و نفرینلرک قائم اولدیغنی مع التأسف مشهود اولور . انکچون مشهور سوزدرکه سکا برشی ایچون محبت ایدن کمسه . مطلوبه نائل اولورسه یوز چویره جکته امین اول . زوج مزبور دخی نائل تصرف اموال اولونجه . انجوی الوب صدفندن یوز چویره جکی . بوکاده زوجه تحمل ایدهمیه جکی جهته . فرقت محققدر .

ایکنجی صورتده (زوجه نك مالده ایتدیکی کبی تصرف ایدهمیدیکندن)

شدت امله بولونوبده . انجمنده مایوس اولانلرک دوچار اوله کلدیکی اینج صقیندیسنه دوچار اوله جنی ضروریدر . ارتق . بدایت عقدده بوقدر مستحکم طمعدن صکره کلن خسرانک اجیسیله حاصل اوله جق عداوتک انتاج ایده جکی نتایج وخیمه یی . وصلته مقابل فرقه . الفته معادل نرتدن بشقه برشینه تعین وتخمین ایدمیز . ذاتاً حکیمانه سویلنمش بر سوزدرکه . سنی امید طمعله سون کسه لر . ضرورتک زمانسده حقیر کورورلر ؛ اکر عقد نکاح . جمع مال سوداسیله اولیوب . رغبت جمال سوقیله اولدیسسه . جمال بردرجیه قدر صفته لازمه . مال ایسه صفت زائله اولدینی جهتله دوام الفتک . رغبت مال اوزرینه مؤسس اولان نکاحدن زیاده اولسی مأمولدر . انک اینچون حسن صورة الک برنجی سعادتدر سوزی اقوال مشهوره دندر . روایت اولدیکه . سندالاصفیا افدمنر . قادیلرک برکتجه زیاده سی . یوزی کوزل . مهری از اولانددر . مالنده (اعظم النساء برکة احسنهن وجهاً اقلهن) مهراً بیوردیلر . امدی رغبت جمالیله . عقد اولونان قادین . اوصانیله یرجه سنه ، حددندن زیاده ناز ، استغنا خصلتندن سالمه اولورسه . زوجین اره سنده دوام الفت . قوام حسن مواصلة . شدتله مأمولدر . عقلای سلف . غایه جماله مالکله اولان قادینک تزوجنی خوش کورمزلر ایدی . بونکده سببی . عرض اولوندینی وجهله ، اقران وامثالنده کورمیدیکی جاذبه حسن وان . انسانی بیقدیر یرجه سنه ناز واستغنایه سوق ایتمک ملاحظه سی ایدیکه . حقیقه ، محبوبه نك نازیه منبسط اولان . انجمنده ذلتله منقبض اولور دیندیکی کبی . احیانا بویله ناز واستغنا معامله سی . قانون محبتک اقتضاسندن ایسه ده . چوق ناز . عاشقنی اوصاندریر منظوقبجه ، حد معروفنی تجاوز ایدرسه ، موجب ملال اوله جنی طبعیدر . یاخود هر کسک کوزل قادینه طبیعی اولان رغبت وانهماکای جهتیه باب منافسه اچیلر ویک درلو فلاکتلرله قیادیه میه جفی مطالعه حکیمانه سبدر . حکایه اولورکه ، تأهل نیتده بولنان برذات . حکمادن بریله استشاره ایتمش . حکیم مزبور . صاقین کوزل قادین المیه سک . چونکه ايو مرعادن هرکس اوتلامق ایستر دیمش . تأهل ایده جک ذات براز ده ا ایضاح ایسته دکده حکیم شو ییتی اوقویوب . ختم باب مشورة الیشددر .

شعر

ولن تصادف مرعى ممرعاً ابداً الا وجدت به آثار منتجع

مال

سن هیچ برکوزل مرعایه تصادف ایده مزسک که او مرعاده ینمش ،
اوتادلمش یر اولمسون . همه حال قیسنندن ، کوشه سندن حیوان دیشی
اوغرامش یر بولنه جقدر .

یاخود شهوة سوقیله . ارباب عقولک دائماً اندیشه ایده کادیکی . قادیلره
شدت میلان خصو صیدرکه . حقیقه شومطالعه . کوزل قادین تزوجندن
واز کچیره جک قوتی حائزدر . اوت . میلان بولونور . بزنی حس ایدن اومحبو به
جاذبه دار دخی . تکالیف نابجاسنی اجرا ایچون بیک درلو سرزنشله باشلارسه
زواللی زوج . ناموسدنی کچسین . نازنیندی کچسین . نازنیندن کچمز .
چونکه حسن سلاحرانه سنک مفتونی اولمشدر . آره یه عشق وابستلا کیرمشدر .
حیاتندن کچوب معشوقندن کچمیانلر چوق کورلمشدر . بناءً علیه . اندن
کچمز . ناموس مسئله سی ایسه ، حیاتدن قیمتدار اولدیغنده ارباب ناموسک
ترددی یوقدر . شو حالده ناموس وحیاتی تهلکیه دوشورمک احتمالی اولان
کوزل قادین تزوجندن صرف نظر ایتمک . عاقلانه متبصرانه حرکتدر (بعض
حکما) صاقین قادیلره اختلاط ایتمه انلرک کوزلری اوق . سوزلری سم قانلدر
دیدى . حکمادن برى . برکوزل قادین ایله قونوشان بر آوجیه تصادف ایله .
دیرکه . اوغلم سن اوجیسک ، لکن سنی اولایه جق چوق اوجیلر وارددر . بریده
اشبو قادیندر . صاقین سنی اولامه سون . عمر بن الخطاب . برقادینک شوییتی
اوقودیغنی ایشتدی .

شعر

ان النساء ریاحین خلقن لكم وکلکم تشتهی شم الریاحین

مال

قادینلەر سەزك ایچون یارادیلش فەسلەندەر . ھەبەر انلری قوفلەمق ارزو
ایدەرسەگز . ای رەجال زەرەسی، بونەمقی تەقیدەر ایدیکەر . . بوکا قرشو حضرت
عەر شو جواپی ویردی .

شعر

ان النساء شیاطین خلقن لنا نعوذ بالله من شر الشیاطین

مال

قادینلەر . ارکەکلەر ایچون یارادیلش شیطانلەردەر . انلرک شەردن اللەھ التەجا
ایدەرز .

اگر عقد نکاح ، منکوحەنک دین و صلاحنە رەبەلە انعقاد ایتش ایسە
عقودک الکصاغلامی و دوام الفت ، محمودیە عاقبت ، نقطە نظرئە حائز اھمیتەر .
انکەچون . سیدالکائنات افندەمز . برروایتە (فاضلەر بذات الدین تربت یداک)
امر جایل ئمخدیسیلە ، متدینە قادین آرامەنک لزمنی بیان بیورمشلەردەر . اشبو
(تربت یداک) دە ایکی تاولیل واردر بری ذات دین قادین بولە مازسەک ، یازقسکا
نەبدیخت ایمشسک دیمک ، دیکری ، عریک (فاتلک اللە) سوزی کە مقصد بد دعا
اولیوب . صرف مبالغە اوزرینە مدار کلام اولەکلش برسوزدر . تکرار دە های
اللەھدن بولاسی سوزی کە . اگر عقد ، رەبەت الفت سوقیلە انعقاد ایتش ایسە .
بوندە ایکی وجە متصوردر . چونکە اشبو عقد ایلە ، یا ایکی قومک اراسندە
ابتدائی مناسبت پیدا ایتمک و بوسایەزە حصول بولان کثرە افراد ایلە .
یکدیگرە معاونت و مظاهرت قصد اولئور . مثلاً ایکی قوم ارەسندە مناسبتک
بوصورتلە تأسسندن صکرە . خارج بر قوم . هجوم کوسترکدە ، ایکی قوم ھمدست
وفاق اولەرق ، مدافعە خصمە موفق اولورلەر . یاخود . بربرینە خیلی زماندر

دشمن اولان ایکی قومک ارمه سنده کی عداوتی رفع وازاله، پیدای الفت و مخاندن قصدیله اولورکه . وجه اوله داعی، رغبت، وجه ثانی به داعی . رهبتدر . برنجیده کثره و قوته رغبت کوستریلور . ایکنجیده دفع سطوت قصد اولونور امدی بویکی داعی دوام ایتدیکجه دوام الفت، مقرردر (والا) زوال) محققدر مکرکه اسباب الفتدن، دیگر بر سبب انظام ایدرسه، بقاسندن امنیت اولنه مزسده قویاً امید اولونور . اگر عقد نکاح ایله مقصود . زنا . لواطه و سایر محارم اللهدن تعفف و توقی ایسه نکاحک مقصود شرعی و مبتغای دینیسی کوزهدلمش دیمکدر . روایت اولورکه (یاایهاالناس اتقوا ربکم الذی خلقکم من نفس واحدة وخلق منها زوجها) آیه جلیله سی شرفنزول ایتدکده ، باعث ایجاد کائنات افندمز . ارکک طپراقدن خلق اولندیغندن . همتی طوپراغه، قادین رجلدن خلق اولوندیغندن ، نظر و همتی ارککه منحصردر مألنده (خلق الرجل من تراب فهمه فی التراب و خلقت المرأة من الرجل فهمها فی الرجل) بیوردیلر (عطیه بن بشر) (عکافدن) روایت ایلدیکه . فخر عالم افندمز یاعکاف زوجه ک وارمیدر دیو صوروب (خایر) دیدکده . اوله ایسه شیطانک خالص دوستلرندنسک . اگر رهبان نصارادن ایسه ک انلرک یانه کیت . یوق، معاشر پرمفاخر اسلامیه دن ایسه ک . نکاح بزم سنتمز دندر . اجرا ایت . مألنده (یاعکاف الک زوجه قال لا قال اذا انت من اخوان الشیاطین . ان کنت من رهبان النصارى فالحق بهم وان کنت منا فالنکاح من سنتنا) بیورمشلردر . اشبو حدیث شریف . ترک فساده ترغیب . اولادایله تکاثر و عفت و استقامتی تأمین مقصدیله تأهله تشویق معرضنده بیوک بر اساسدر . ایشته بو معنایه مبنیدرکه فخر عالم افندمز ، اصحاب کزینک محاربه دن عودت بیورقلرنده (اذا افضیتم الی نساءکم فالکیس الکیس . یعنی حرملریکزه مقارنت ایتدیککزده ، ارباب دین و صلاح و عاقل . کیاست مند چوجق ایسته ییکز . بیورورلردی . امدی فکر عفتپورانه ایله انعقاد ایده جک عقده ، دوام عفته مدار اوله جق دواعی بی جامع منکوحه تحر یسینده تکاسل ایتماک و جوب مرتبه سنده در . دواعی مزبورده . ایکی نوعدرکه بر نوعنک شروطنی حصر و احاطه . ممکن، دیکرینک اختلاف اسبابی . و تغایر

شروطندن طولانی، حصر و احاطه سی دائره امكاندن خارجدر. امدی عفت
ایچون عقدایدیلان نکاحده. شدتله تحریمی لازم اولان شرائط محصوره اوچدر
(برنجیسی) انسانلری ستر و عفته مؤدی ، قناعت و کفایته موصل و مفضی
اولان دیندر. آنکچون فخر عالم افندمز (لایعذل مؤمن مؤمنته ان کره منها
خلقاً) یعنی مؤمن اولان کسه، اهل ایمان اولان قادینی یرمهز. چونکه مادامکه
اوقادین اهل ایماندر . برخویندن خوشلانمزسه. خوشلانمحق دیگر برخوینده
بولنه جفی ضرودیدر. بیورمشلردر. حدیث شریفدن استنباط اولونیورکه عقد
نکاحده، مادامکه تأمین عفت و تمکین الفت نظر اعتباره آلینور. بویکی خصلت
ودها نیجه خصائل عالییهی تأمین ایدمچک. انجق دیندر . شو حلاله متدینه قادین
تحریسنده قصور ایتماک لازمدر . اوت . عفت آرزو ایدن بر ارککک اولجه
قادیندن بکلیه جکی خصلت، تستر و عفت دکلیدر بونی تأمین ایدمچک نه در
(دیندر) قادین دینسر ، مبالاسز اولورسه، قاعده تستری انکار، اوزرندهکی
چارشفی چول کی استحقار ایدمچکنده شیهه یوقدر. بو حقیقت، نظرگاه
مشاهده مزدن کچمکدهدر. دین اولیمان قادینده عفت ، استقامت، تسره رعایت کی
خصائل مجلهیهی آراماق لازمدر .

ایشته سکا برعبرت (عبداللہ بن عباسک) دائره عصمتنده پرورشیاپ اولمش
برکنج قزه . کنجلردن بری طالب بولونور . وکیفیتی بالذات ابن عباسه عرض
ایدر . میانه لرندهکی محاوره شویلهدر (کنج) امر الهی ، سنت سنیه محمدی
و فتنجه ، آغوش تربیه کزده بولونان فلانهیهی طالب اولیورم . تزویجیه رغبت
بیوریر میسکیز (ابن عباس) بن اوقزی سکا مناسب کورهم زیرا سزدهکی
مزیت اکا طالب اولقندن بالاتردر (کنج) جانم سزک دائره تربیه کزده بولنوب
عفتی طبعی اولان بر قزک بکا عدم مناسبتی نردن لازم کلسون (ابن عباس)
اوت عفته دیه جکم یوقدر. فقط کبر و غروری واردر. تشرف و تعالی داعیه سندهدر
بناء علیه ، سزه مناسب کورهم (کنج) جانم . او بکا قارشو قررولسون .
قیر یلسون. بن الندیرمم . بو جهتله الفتمزه نقیصه کمز (ابن عباس) اولیله ایه
سنی اکا مناسب کورهم . بو فکرده بولان ارکک، نظرمدده قادینک مزیتانندن

بیه محروم دیمکدر (قسمتکنزی بشقه یردن اراییکز بومعنایه اولوق اوزره)
 (علما) خیرسزلرک صحبتنه راضی اولانلرک صحبتنه . خیرلی کیمسه لر راضی
 اولملر دیمشلدردر . تیجه . مادامکه محافظه عفت . و محرماتدن توقی قصب اولونیور
 صاحبه دیانت اراملیدر والسلام (ایکنجی شرط) انسانه دائما طوغری تدبیرلر
 کوستریر . یادیغی ایشلری مظهر تقدیر و آفرین ایدن عقلدر . بوندن محرومه
 اولان قادینی تزوجده . عفتک دوامی معروض تهلیکددر . دکلیکه عقلی یوقدر .
 فرض ایتکه هیچ برشیئی یوقدر . روایت اولوندیکه فخر عالم افندمز (العقل
 حیث کان ألف مألوف) یعنی عقل هر زرده اولورسه اولسون بادی الفت
 داعی انستدر بیوردیلر . دیگر بر حدیثده (علیکم بالودود الولود ولا تنکحوا
 الحلقاء . فان صحبتها بلاء وولدها ضایع) یعنی ارککنی سوچی ، طوغوریجی قادین
 اراییکز . احمق قادیندن صاقینکنز . نکاح ایتمه ییکز . انلرک صحبتی بلای مبرم .
 طوغوردینی چوجق ضایع مثابه سنده در (اوچنجی شرط) دفع شین وعار .
 حصول استکثاره مدار اوله جق کفوی نی بولمقدردر . یوباده (فخر عالم افندمز)
 (تخیروا لنطفکم ولا تضعوها الا فی الکفاء) منیلریکز ایچون ، کفو اولان نسایی
 انتخاب ، ماعداسندن اجتناب ایدیکنز . بیوردیلر روایت اولوندیکه (اکثم صیفی)
 اولادینه خطاباً . اوغللرم قادینلرک جمالینه الدانوب تحریء نسبندن غفلت ایتمه ییکز
 ایو عائله یه منسوب اولان قادینلر . سلم ارتقای مجدوشرف . عکسی ایسه چاه
 هلاک و تلفدردر . دیر ایدی (ابوالاسود الدیلی) اوغللرینه خطاباً . بن سزک
 کو چو کلککنزده ، بیوکلککنزده . بلکه سز طوغمدان ، سزه ایولک ایتمدن کیری
 قالمدم دیمش . انلرده ، بز طوغمدان نصل ایولک ایتدیکی اکلات . دیدکلرنده
 بن سزه اولیله (انا) انتخاب ایتدیمکه . نسبی طاهر . حسبی شریف اولدیغندن
 کسه نک ، سوکمه کدیلی واره مز . جوانی ویرمشدردر (ریاشینک) شوییتی بوه ضمونئی
 ناطقدردر .

شعر

فاول احسانی الیکم تخیری لما جده الاعراق با دعفافها

مال

بسم سزه ايلك احسانم . عرق نسي طاهر ، عفت و دياتي ظاهر بر انا
اتخامدر .

شو اوچ شرطره ، بعض شرطلر دها علاوه اولونوركه ، انلر قادينك
صفات دانیه سنه . احوال روحیه سنه متدائر اولمقه برابر . تعفف نیتند بولنان
كسهلر ایچون انتخاب ازواج خصوصنده نظر دقتدن دور طوتمامق لازمه دندر
چونكه صور و اشكال انسانیهك ، احوال روحیه ، اوصاف مضمره سنه بیوك دلالتی
واردركه ، عرض اولنه جق صفاتك صاحبه سنده خیر کور یله میه جکندن ، احترازی
موافق مصالحتدر (فخر عالم) افندیمز ایله (زید بن حارثه) آراسنده شویله
بر محاوره جریان ایشدر (فخر عالم) یازید ، اولمیسك (زید) خیر یار سول الله
(فخر عالم) اولن . تا كه سنك عفتك آلدیك قادینه عفتنی محافظه ایلسون
لكن قادینلردن بش زمره دن صاقین

(زید) هانكي قادینلردر انلر یار سول الله (فخر عالم) شهره ، لهبره ، نهبره
هبدزه ، لفوت (زید) بونلك كیملر اولدقلرینی لطفاً ایضاح بیوریر میسکز
(فخر عالم) (شهره) كوك كوزلی ، كوهزه . (لهبره) اوزون ، اریق . (نهبره)
یاشنی المش ، قوجه قاری (هبدزه) قره ، قیصه بویلی . (لفوت) بشقه
قوجه سندن چوجنی اولان قادینلردر بنی سلیم قبیله سندن بر شیخ . اوغلنه
وصیتند ، اوغلم (رقوب) (غضوب) (قطوب) قادینلردن احتراز ایت . (رقوب)
زوجنك اولومنه انتظار . میراثیه استیشار ایدن (غضوب) معلوم (قطوب)
یوزینی اكشیدوب ، چین جبین کوسترن قادینلردر . دیدی . امر اینك بری ، اوغلنه
خطاباً (حنانه) (منانه) (انانه) قادینلردن صاقین کندیکی دیمش (حنانه)
اولمش اسکی قوجه سنه اغلایان (منانه) مالی قوجه سنك باشنه قاقان (انانه)
دائماً خسته لقلی حال کوستره رك هر معامله سنده عطالت صورتی الان قادینلردر
دیدی (اوفی بن دلهم) قادینلر حقنده شویله بر تقسیم یادی (نسا) درت
قسمدر (۱) جست وچالاك . اداره امور بیتیه ده ماهره . ایشنده مقدمه (۲)

مضرتی چوق منفعتی یوق (۳) طاغیدیر . طوپلامق عادتندن محرومه (۴)
اوغرادینی اراضی بی سبزه زارایدن یاغور کبی، واردینی خانه بی نعم کونانه مستغرق
ایدن یملی قادین .

شعر

اری صاحب النساء یحسب انها سواء و بون ینهن بعید
فمنهن جنات تفيء ظلالها ومنهن نيران لهن وقود

مأل

صحت نسوانده بولونان ذات . ظن ایدرکه . قادینلر اخلاق خصوصنده
هپسی برسویه دمدر . حالبوکه اره لرنده چوق فرق واردر . انلرک ایچنده . سایه
عصمت و درایتنده کولکه لنه جک، انتفاع اولنه جق، صاحبات الجمال و الکمال .
جنت کییلری بولندی بی کبی، اخلاق ذمیمه سیله نیجه جانلر یقاجق، خانمانلر
سوندیره جک جهنم کییلری ده اکسیمک دکلدیر .

ابو زید

ان النساء کاشجار نبتن معاً منهن مر و بعض المر مأ کول
ان النساء ولوصورن من ذهب فیهن من هفوات الجهل تحیل
ان النساء متی ینهن عن خلق فانه واجب لابد مفعول
وما وعدنک من شرو فین به وما وعدنک من خیر فمعتول

مأل

قادینلر . صره واردی دیزلمش . منظره حسناء عرض ایدن اغاچلر کبیدر .
ایچلرنده معاشرت جهتیله طائلیسی اولدینی کبی . اجیلریده اکسیمک دکلدیر . التوندن
دوکولمش صورت کبی . مالکة حسن و بها اولسه لر بیله، همه حال برایشده
جهالتلریله خطادن، خالی قالمزلر . منع اولندقلری شیلری واجب کبی بیلرلر

اجرا سندن کری قالمالزر. شری وعد ایدرلر سه وفا کاردرلر. خیر وعد ایدرلر سه اویالایوب اونوتدرمق ایستلر .

داعیه تعفله انعقاد ایدن نکاحک نوع دیکرینک شروطنی تحت انحصاره المق ممکن اوله مز . چونکه بونوع عقد . انسانلرک تحولاتی . واحوال زمانک تقلباتیه تحول وتخلف ایلیه جکندن. شرائط لازمه سی شودر دهرک. جف القلم تحدید وتعیین قابل اوله مز . اوت . انسانکه نفس اماره صاحبدر . کاهیجه ا کا موافقت . شهوتنه متابعتدن خالی اوله مز و بو شهوة سائقه سیله درکه . نفس ایچون بر شبکه اصطیاد اولان عقد نکاح تأسس اییدیور . بو سایه ده زوجین اره سنده دوام الفت و قوام مواصلة تحت تأمین الینیور . فقط مادامکه انسانک هر خصوصده کی رأی وعزمی بر علتله معلولدر. علة مزبور نک طوراً بعد طور تخلفاتی سببیه. انسانده. یا زیاده وکمال، ویاخود نقصان وزوال، جانلرندن بر طرفه اغدیر مقندن وارسته بولونه مز. یا بستیون عقلنه متابعتله ذرؤ کاله واصل اوله جق، یاخود مشتهیات نفسانیه سنی هدف مقصد بیه رک درکه سفلا ی نقص وزواله بالیدر کولور یو وارلانه جقدر. نتیجه، انسان ایچون یا کمال، یا نقصان، ایشته حضرت علی ایله بر ذات ارسنده جربان ایدن شو محاوره ظرافتمندانه، بو حقیقت ایچون بر وثیقه در .

(رجل) یا علی . بن هم سنی هم خصمک معاویه یی سورم (حضرت علی) اویله ایسه: سنک کوزلریکک بریسی کورددر. شو حالده سنک ایچون ایکی حال متصوردر یا محبتکی بتون بتون معاویه یه حصر ایله هر ایکی کوزک بردن کور اولوب اعما اولورسک، یاخود اولانجه محبتکی ائدن صرف ومنع ایله بکا قصر ایدرک هر ایکی کوزک بضیر اولور. یوخسه هم ا کا، هم بکا عرض محبتله، بر کوزک کور مثابه سنده قاله جفکه امین اول، امدی سنک ایچون یا کمال، یاخود بستیون زوال محققدر . عقدک بو نوعنک اسبابی حقنده ممکن مرتبه ایضاحات آتییه یی بسط و تمهید ایدم. سبب مزبور، اوچه منحصردر (سبب اول) عقدک طلب ولد، ابقای نسل ایچون اولماسیدرکه اشبو غرضک حصولی ایچون منکوحه ده حادث سن، وبا کره لک شرط مثابه سنده در چونکه ولادت، بوا یکی خصیصه نک

وجودنی مستلزم کبیدر. کرچه حصول ولد. طول و بر درجهیه قدر کچکین
قادینلرده دخی مأمول ایسه ده. اکثریتله، حدیثه السن و باکره لرده حصولی
درکاردر. روایت اولوندیکه، سیدالکونین افندمز، امته خطاباً (علیکم بالابکارفانین)
اعذب افواهاً وانتق ارحاماً وارضی بالیسیر) یعنی، اوله نیرسه کز، باکره لری
اتخاب ایدیکنز. چونکه انلرک اغزی طاتلی. رحملری چوجغه زیاده مستعد.
و آزه قناعتلیدر بیورمشلردر (معاذین جبل) باکره ایلکزرکه قوجه لرینه محبتی
چوق و فسادلری آزدردیدی.

اوج سبیک اک اعلاسی. واجراجه اولاسی بودر. چونکه نکاحک
موضوعی. شهوت حیوانیه نیک تسکین و قضاسی دکل. بلکه بقای نسل ایله تحکیم
نیان بشریتدر. شریعت غراده بونی ناطق و امردر. سلطان انبیا افندمز
(سوداء ولود خیر من حسناء عاقر) یعنی طوغورمان سیاه قادین. قیصر
کوزلردن خیرلیدر بیوردیلر. (عربلر) طوغورمیان عورتلر. اناسندن
طوغمه سونلر، دیرلر. و طوغوره جق قادین اتخابی ایچونده، اقربادن حذرله
اجانبه مراجعت ایدرلردی. و اقربادن قز آلق. طوغاجق چوجغک اخلاسلرلی
وضعیفلکی و نجاتسزلکنی موجبدر. بو خصوصده نه قدر اوزاغه کیدیلور
ایسه چوجغک نجات و حسن خلقنه او قدر خدمت ایدلش اعتقاد ایدرلردی.
روایت اولوندیکه فخر عالم افندمز (اغربوا ولا تضوا) یعنی قیز آلق ایچون
اجانبه یعنی سزه قرابتی اولمیانلره کیدک. اقربا کزدن الوب، چوجغک خیره
وچلمسز اولماسنه سبیت ویرمه یک بیوردیلر.

شعر

تجاوزت بنت العم وهی حبیبة مخافة ان یضوی علی سلیلی

مأل

چوجم چلمسز اولور خوفیه. او قدر حسن و بهایه مالک اولان عوجه مک
قزینی براغوبده، اوزلردن اولندم. (حکماء متقدمین. چوجقارک حسن

صورة و اخلاق نقطة نظر نجه . اناسنك ياشى يكرمى ايله اوتوز . باباسنك اوتوز ايله قرق آره سنده اولمىنى پك ذيمدخل طانىديلر (عربلر) ار ككنى چوق قيصقنان قادينك چوجنى خلق و نجيپ اولمز . ار ككه چوق ميلى اولميان قادينلرك چوجنى نجيپ و خلوق اولور ديرلر . وار كك ، قادينى قورقودوب زور و جبر ايله جماعك نتيجه سنده طوغان ار كك چوجى . نجات فوق العاده صاحبه سى اولور اعتقاد ايدرلر (ايكنجى سبب) قادينلرك اكثريا تدبير منزل و تصرفات امور بيتيه خصوصنده كوستردكلرى عهده كارلقدركه مبدأ عقدده . زوج بونى ملاحظه و قصد ايدهر ك عقدده تشبث ايدر . كرچه خدمه بيتيه عرف و عادتده قادينلره تحمیل اولونه ككش ايسه ده ، نفس الامر اويله دكلدر . مشهور سوزدركه . قادين قوقيله چوق فسلكندر . يوقسه (حارات) و كيلخرچ دكلدر . حقيقت بويله اولدينى حالده ، عقدده ملاحظه سابقه نك نه دينه . نه مروته منافات و مضرتى يوقدر . مادامكه بويله نيت واردر . تدبير منزل خصوصنده ، عادات رجالى اوكرشمش . تجارب عديده كورمش . كوجلى . قوتلى ياشلى باشلى قادين طالب اولمليدركه مطلوباتى اسعافه كوجى يتسون . امور بيتيه يى يالكرز باشنه اداره ، ترونازه و ناز نيين يچاره نك كارى دكلدر . (اوچنجى سبب) عقد نكاح ايچون ولد . و كثره نسل و ياخود امور بيتيه نك تدبيرى نظر اعتباره النيوب ، مجرد شهوات حيوانيانه اجراسنه محل ارامق . و تخيل . بى اساس انجاسى خمار اولان موقت بر لذت ايچون . اولنكه تشبث اولنقدركه بو سبب غير معقول . اسباب ثلاثه مزبور نك الك مذمومى و بنیان مروتك دشمن مشئومى اولديغندن ، بويله افكار حيوانييه . زمرة عقلاده بولمىز . انلرك نظرى . تكثير اولاد و تدبير منزل كې اسباب معقوله يه مصروفدر ، يوقسه اخلاق بهيمه . شهوات ذيمه نك زنجير اسارتنه كيرنلر . حكمت و تدبير اربابى ايچون تهيشه اولنان مقام مروته ير بوله منزلر . (حارث بن لنضر الازدى) نكاحلرك الك چيركېن و مشئومى . شهوة سوقيله انعقاديدن قسميدر (ديدى) . اما بوفكرينى عاقد ، شهوتك غلبه و ازديادى و كنديسنه عدم انقيادى ، بلكه طريق فجوره انسلاكه اصرار و عنادىنى كورهر ك قوه قاهره سنى كسر و امحا و كنديسنى ضعيف دوشوروب طريق نجات و سلامتته اماله ايچون اجرا ايدرسه ، مذموم اولمق دكل

ممدوح اولور . نه یابسون . شهوة بی امان ایچون ، بر هجوم ناکهانیسییه بنیان ورع وتقوایی ییقماق هیج بر شیدن دکدر . بونک ایچون سلاح مدافعه . تأهلدر . یالکز بوفکره تبعاً عقد ایدیلان نکاحلرده ، مادامکه مقصد . نفسه مقاومت ارزوسیه شهواته محل آرامقدر . بویله بر فکر خسیس ایچون حره اولان قادینلری استبدال ایتمکدن ایسه ، جاریه الوب ، مکفات شهوانیه سنی انده اجرا ایتک شعار مروتن صایلمشدر . حره اولان قادینلر حصول ولد . تکثیر انسال امت ایچون یارادلش برر مزعه در . یوقسه صرف شهوات خسیسیه مصرف اولماق ، کیفیات نفسانیه آلت اولماق ایچون یرادلماشدر . قضای شهوت فکریله انعقاد ایدن نکاحلر . امرأه منکوحه ایچون خطرناک بر استقبال حاضرلر . چونکه شهوت ایچون بر غایه واردر . زوجک آزعینجه سینه حرکاتی اورایه وصولنده ، در حال او یوزدن عرض ایتدیکی محبتلر اعاشلر هپسی محو اوله رق ، محبت ابتدائی ، کراهه انتهائی ایله نتیجه لیر . ایشته زمره نباتک ، شهوت پرست بعض کسه لرك محبت موقته لرینه آلدانه رق تسکین شهواتی عقیننده قربان غدر وکین اولدقلری . عربلرك نظرکاه تأسفنده اولدیغندن وانلرده . بومقصد خادما کسه لرك کثرتلیجه بولوندیغندن . قیز اولاد لرینی کریمه کوررلر . قیزک طوغدی دیو تبشیر ایدنلره ، تنذیر ایتیش نظریله باقارلاردی . نهایت ، حیت جاهلیه لرینه مغلوباً ، اسیر شهوت کسه لرك أغوش ابتدالنده محو اولمقدن ایسه ، اتلاف ایدمک اوحالی کورمه مکی عادت جاهلیه لرینجه خوش کوررلر ایدی . بهار حیاتنک ایلک دوره سنی هنوز کورمدن ، زواللی قیزلر ، پدری طرفندن باغیرده ، باغیرده ، قبرستان فنایه کوملور کیدردی .

(عقیق بن علقمه نك) (جرباء) نام قزینی خطبه ایتدکلرنده . بیک درهم کوش مهر) اون دوه جهاز سوق اولمقدن . قزیمک قبره . دفن اولمسی ، عنده ارچدر . کلام جاهلانده سنده بولوندی (عبدالله بن طاهر) .

شعر

لکل ابی بنت یراعی شئونها ثلاثة اصهار اذا حمد الصهر
فبعل یراعیها وخدر یکنها وقبر یواریه و افضلها القبر

مأل

قیز بابالرینک ، اوچ دامادی واردر . بری قیزینک زوجی . بریده ستر ایدم جک چارشف . دیکری قبردرد . اک افضلی بودر . (فصل) لسانم زده صاغدیجلاق تعبیر اولمقده بولسان (مواحه بالموده) اسباب الفتک دردنجی قسمنی تشکیل ایلر . اشبو سبب . طرفینک یکدیله عقد پیوند مودت ایدم رک میل و اخلاص و وفای خاص الحاصنی مستلزم اولدیغندن مراتب الفتک اک اعلا سیدر . انکچوندرکه ، خواجه کائنات افندمز . تزید آفت و تشید بنای مظافرت و معاونته مدار اولسون دیهرک ، اصحاب ییننده عقد مواخات اصولنی تطبیق و ا) تبار دقت و اعتنا بیوررلردی . روایت اولوندیکه ، اصحاب کزیننه خطاباً (علیکم باخوان الصفا فانهم زینة فی الرخاء و عصمة فی البلاد) یعنی ارباب صدق و صفادن . اخوان پیداسنه چالیشیکزکه ، هنکام وسعتلرده زینت . زمان ابتلا کزده سبب عصمت و محافظه کز اولسون بیوردیلر . دیکر بر حیدینده (المرء کثیر باخیه و لاخیر فی صحبة من لا یری لک من الحق ماتری له) یعنی . کشی صادق دوستیله نائل کثره . مظهر معاونت اوله بیلر . سن . حقنده خیر خواه اولدیغک حالده ، سکا خیر خواه اولیان دوستده خیر یوقدر . بیوردیلر (عمر بن خطاب) ملاقات احبا . دفع الالم و احزان ایچون جلاء قلوبدر . دیدی (خالد بن صفوان) ناسک عاجزی . دوست قزاقمقدن قاصر اولان ایسهده دوستی قزانوب . نهایت ایقاع ایتدیکی مناسبتسزک یوزندن الندن قاجبران امتزاجسزلر ، دها عاجزدر (دیدی) جناب ساقی کوثر . مخدوم مکرملری حضرت حسنه . (خطاباً) اوغاجغزم . وطن جدا اولانلر ، غریب دکادر حقیقه غریب . صادق دوستلردن محروم بولساندر . بیوردی (ابن المعتز) کندینه اخوان قزانان . مصیبت زمانی ایچون کندینه نصیر و معوان قزانمشدر . ذخائرک اعلاسی . یاروفا شماردر (دیدی) (بعض بلغا) موافق دوست . تأمین ظفرده ، بیهک و بازو کییدر (دیدی) .

شعر

هموم رجال في امور كثيرة وهمي من الدنيا صديق مساعد
تكون كروح بين جسمين قسمت فجسمها جسمان والروح واحد

مأل

انسانلرك دنيادن امللري پك چوقدر . بنم امل . انجق دنيادن . موافق
براحبا به نائل اوله بيلمكدر . هم اوله احبابكه ، بر روح پارچه نمشده ايكي جسمه
تقسيم اولنمش كي ، يدكريمزله متحدا لافكار والحركة اولمق ارزو ايدرم .
صديق . صدقندن مشتقدر . بناءً عليه . صداقت صاحبي اولمسنى لازمدر
(عدو) قوشمق معناسنى حاوى اولان (عدو) دن مأخوذدر . بناءً عليه .
دشمن . سنك حقه كه تجاوز ايچون سكيدرده جكندن امين اول (خليله) خليل
تسميه سى . محتى قلبكه قارشديغندندر . بر درجه كه . طولما دق ير قالماز
(ديمشلدرد) (رياشى) بشارك شو بيتنى انشاد ايلدى .

شعر

قد تخلفت مسلك الروح منى وبه سمى الحليل خليلاً

مأل

(اى نازنينم . سن بنم روحمك ايشلديكي يوللره قدر كيردك ، ايشلديك .
ذاتاً خليلك وجه تسميه سیده بودر) ناس بيننده وقوعبولان مواخات ومودت ،
ايكي وجهله جلوه نماي صحنه شهوددر . بريسى اخوت مکتسبه نامى التنده ايسده
هان اضطرار مجراسنه جارى . تصادف نوعندن حاصل اولان اخوت .
ديكرى . قصد واختيار واسطه سيئه مکتسبه اولان اخوتدر . قسم اولك بيانده
شروع و اتمامدنضكرده ، قسم ثانی ايله تعقيب ايتك موافق جريان مصاحبت

گوروندى . شمدليك واقف اوله بيلديكم اسبابنك بيانندن باشلايه رق صكرده مراتب سبعة منقسم اولان غايه احوالى تفصيله مبادرت فكر نديم .

شعر

ماهورى الاله سبب يبتدى منه وينشعب

مال

(كائناتده هيچ بر عشق وهوا يوقدر كه برسپه مستند اوله سون . واوسپده بر طاقم شعباته منقسم بولنسون) اسباب اخوتك برنجيسى . ايكي شخصك كنديسنه اجتماع وكسب ائتلاف ايلديكي بر حالده ، واقع اولان مجانستلريدركه مجانست مزبورده قوت بولدجه ، الفتده كي قوتدخي اونسبتده ارتار . كذا مجانست ضعيفلشدجه ، ائتلاف دخي ضعيفلر ، مكر كه . ائتلاف مزبورى تقويه ايدمك ديكر بر علة حادث اوله رق ، مجانستك ضعفتدن متحصل ائتلافك ضعفى تلافى ايله . اوت . الفتك تزايد وتناقصى ، مجانستك ضعف وقوتيله متناسبدر . چونكه ائتلاف ، شخصين ارمه سنده تشاكل ومشابهته . اوده مجانسته وابسته اولدوغندن . برجهتدن مجانست معدوم اولنجه . مشاكته اونسبتده عدمه كيدر . بوده ، ائتلافك بسبتون اعداميله نتيجه لنير . امدى مجانست . اخوتك اصل الاصولى وكاشانه الفتك عموذ متينى اولدينى ثابت اولدى . (حضرت عائشه) روايت ايلديكه فخر كائنات افدمز (الارواح جنود مجنوده ، فما تعارف منها ائتلف وما ، تناكر منها اختلف) يعنى ارواح بشر . وقتيله صحراى عدمه تحشيد ايتمش جنود الهيه در . اوراده بربريله بيليشن بوراده ايتلاف ايدر . يوقسه اختلاف ايدر . بيورمشلردر . حكم منوره دندر كه . بربريله ضد اولان اشيا . ممكن دكل اتفاق ايدمز . ارمه لرنده مشاهت اولان اشخاص هيچ تفرقيه دوشمزم (بعض حكما) اخوانك يكر يكديله سینه صاف مواصلة اوله سي . ارمه لرنده كي مشاكته ايله حاصلدر ديدى

شعر

فلا تحتقر نفسی و انت خلیلها فکل امرئی یصبو الی من یشاکل

مأل

سکا محبت ابراز ایلدیکمدنطولایی نفسیمی خور کورمه. زیرا هر آدمک،
مشاکله میل وانها کی، قانون طبیعت اقتضاسندندر

شعر

فقلت اخي. قالوا اخ من قرابة فقلت لهم ان الشكوك اقارب
نسبي في رأی وعزمی و همی وان فرقنا فی الاصول المناسب

مأل

بن اكا قرداشم دیدکجه. کیفیت قرابتدن صور دیلر. بن جواباً دیدمکه
بزم یکدیگریمزه مشامتمز، برنوع قرابتدر. ذاتاً بر برینه بکزمه یلرک کافه سی، اقربا
مثابه سنددر. او بنم رأیمده. عزم و متانمده بکا همپادر. امانسبجه ایری
ایمشیز، بوده بزم سبب فرقتمز اوله مز... مجانست سببيله بر کره الفت تأسس ایتدیمی.
اندنصکره یکدیگره قرشو آره صره موصلت. واحسانلشعق. خصوصلری
حادث اولمغه باشلارکه. مراتب اخوتک، الفتدنصکره. ایکنجی راده سی بودر.
(حاصل کلام) موصلت و مواساتک سببی. ایکی کشینک اتفاقدر. امدی
مواصله، تجانستک نتیجہ سی اولدینی کبی. سبی دخی اتفاقک وجودی اولیور.
چونکه، مسلم برکیفیتدرکه اتفاقسزلق دائماً موجب نفرتدر

شعر

الناس ان وافقتهم عذبوا اولاً. فان جناهم مر
کم من رياض لانیس به ترکت لان طریقها وعمر

مال

ناسه. موافقت کوسستیرر ایسه، طاتلی اولور لر . عکس حالده دخی. میوه
مودتلی آجیر. نیچه بانچه لر واردرکه. یوللری صرب اولدوغندن کسه، اوغرا مز...
صکره. مواصلدن، رتبه ثلثه اخوت بولونان مؤانسه حاصل اولور که باشلیجه
سبی انبساطدر. بوندنه، رتبه رابعه اخوت اولان مصافات، سرغای حدود
اولورکه، بونکده سبی خلوص نیتدر. و برده رتبه خامسه دن عبارت اولان مودت
حاصل اولورکه اونکده سبی. ثقة واعتماد. اشبو ثقة رتبه سی. احوال اخوتک
ادنای کلیدر. صایدیغمز دمنکی قسملر. هپ بوکا عائد اسبابدن عبارتدر.
امدی بوقسمه. یکدیگره معاونت ومعاوضه اقتران ایدرسه. نامی صداقتدر.
صکره. مودتدن بررتبه سادسه دهها حاصله اولورکه، نامی محبت. باشلیجه سبی
بکنمک دیمک اولان استحساندر. اشبو استحسان. فضائل نفسیهیه (علم وعرفان
و ظرافت، وطیب وجدان کی) متعلق اولورسه بر رتبه سابعه حادثه اولورکه،
اوده، مظهر استحسان اولان ذاتی اعظام واحترامدر. فضائل نفسیهیه تعلق ایتیموب
قدوقامت، حسن صورت، شیوه رفتار، متعلق اولورسه، در حال رتبه ثامنه باش
کوسستیررکه، آنکده نامی عشقدر، سبی، طمعدر.

مأمون

اولالعشق. مزاح وولع
کل من یروی وان عالتبه
ثم یزداد ازا زادالطمع
رتبه المملک لمن یروی تبع

مال

عشق اولی اطائف قیلندن ایکن. طمع زیاده لندجه، عشقده زیاده لنیر
کشی پادشاه بیاه اولسه، معشوقه سینه تبعیه مجبوردر... ایشته بورتبه عشق. مراتب
محبتک غایه سیدر. بونک اوته سندنه حدوبیان. تقدیر و تعیننه صیغار بر مرتبه

یوقدر. عشق، غلیان واشتداد ایتدججه. کیفیت و تأثیری تعیین اولمز رادهیه واصل اولور. عشق. او یله بر تأثیر واجباره مالکدرکه، ایکی عاشق و معشوقک روحلری اولدرجه یکدیگریله امتزاج ایلرکه. امتیاز. انجق اجساد انحصار ایدر. یوخسه روحلر، امللر، دوشونجهلر. هبسی بر در. کورینن آریلق. یالکز بنده در. روحلرده دکل. عشق. برحالت وجدانیهدرکه غایه سنه وارمق، نهاییه سنی بولق بلکه هویتی تعیین ایتک، امکاندن خارجدر، دمنجک عرض اولونان اتحاد روحیه بر نمونه درکه. (ابوبکر صدیق) زمان خلافتنده (طلحه بن عبداللهه) اراضیدن بر بارچه تملیک ایدر. وبوکا لازم اولان شاهدلرماننده. عمر بن الخطابیده یازار. برای تمهیر (طلحه) سندی حضرت عمره کوتورر. حضرت عمر مهرله مینجه، غضبناک اوله رق ابوبکره بالمراجعه، والله بیلیمورم، شاشیردم، خلیفه سنمیسک. یوخسه عمرمیدر. دیدکده (ابوبکر) خلیفه. عمر در. لکن، عمر دیدیکک، بندن بشقه بر آدم دکلدر. او بن. بن اویم بیوردیلر. ایشته عشقده. عاشق و معشوقی جسماً مفارق، روحاً متحد قیلار. ۱۱۱

مثنوی

جسم خاک از عشق بر افلاک شد
طور در رقص آمد و چالاک شد

قصد و اختیار ایله صادر اولان مواخاة مکتسبه ایچون، همه حال. دواعی و بواعتدن لازمدرکه، بوده، خلاصه ایکی وجهک بر یله حاصل اولور. بری رغبة. دیگری فاقه در (رغبة) بر طاقم فضائلک انساندن ظهوری و سیله سیله بشقه لرینی کندیسيله مواخاته رغبته مجبور ایتمه سیدرکه، صفات مزبورده نک تکلف سزجه ظهورندن طولانی اشبو حاله. وجه ثانیدن عبارت بولونان حالتدن ده قوتلیدر. یالکز اندیشه ایدیلرجهک بر نقطه وار ایسه. اوده شخص

(۱) مترجمک غزلندن بر بارچه.

کیریشمه عشقندن محته غرام ایله سم تصویر
مداد خامه چالاک بر عیان ایدر پیدا،
حدیث شوق ایلر بر نیجه شهنامه لر تشکیل
مقال حکمت بالله بر دیوان ایدر پیدا

موصوفك كندینى تصنعاته بوغورق فضائل اخلاقیهك ترقیمی اوغرنده ریا و تکلف درکهنه دوشمهسی خصوصیدر . چونکه . اظهار خیر ایدن هرکسه . اوخیرك اهل اولق امور طبیعیدن دکلدر . فضائل اخلاقیه ابراز ایدن هر آدمك . اخلاق مزبوره اوزرینه خلقة مطبوع اولسی . هیچ لازم دکلدر . بناءً علیه . بر قاچ دفعه . خلق نظرنده محاسن اخلاق یوزندن مظهر ستایش اولاندرک . دهـا زیاده مظهریتنی ایلر یلتمک سوداسیله . بر طاقم یامه جقلره . قویولهسی . جداً اندیشه ایدلمک شایندر . مکرکه تکلفاتنده دوام و اصرار ایلدیکی اخلاقنه ، طبیعة ثانیة حکمنی آلدیرنجیه قدر ثبات ایدرک . ریادن خلاص اوله ، کرچه تکلف ، نه قدر اولسه . طبیعة نشئه سنی ویره مز ايسه ده . هیچ اولمزه ریاکار عنوانندن تخلیص ايله ، متطبیع نامنی قزانمقدن محروم ایتمز . الویریرکه . حصول ممارسه سایه سنده . طبیعة ثانیة . حکمنی آلسونده ریادن قور تولسون . دائره یی براز دهـا توسیع ايله . دییه بیلریرکه ، مزایای انسانیهك باشلیجه سببی اولان اخلاق حسنه . هیچ بر انسانده کاملاً مطبوع اوله رق بولونه مز (انبیا مستثنا) بلکه او اخلاق ، قسماً یارادیلش اثری ايسه ده . قسم دیگرى . تحصیل و ممارسه سایه سنده طبیعة ثانیة حکمنی آلان شیلردر . مشهوردرکه ، عادة ، طبیعة ثانیة در دیرلر (ابن رومى) .

و اعلم بان الناس من طینة یتصدق فی الثلب لها الثالب
لولا علاج الناس اخلاقهم اذا لفاح الحماء اللازب

مال

انسانلر بر طینتله خمردرکه کورنلرک لوم و تمیب یتدکلرند . صدقلری تسلیم اولونور . آنلر ، اخلاقنی تصفییه خصوصنده معالجه ایتمه سـلر . هیچ بر مزیتلری قالمایه رق . خیر اصلیلری اولان ، چامور قوقغه باشلاردی برکت ویرسونکه . تصفییه سنه اعتنا ايله . اوقوقونک نشرینه میدان ویرمه یورلر مزیت انسان ، اخلاقی ايله در .

وجه ثانی فاقه درکه انسانک یالکزلقدن حصولی طبیعی اولان وحشت

الجالسیه . جانی صیقلدقده . مجلس انس و الفتنه . باشی طاره کلدکنده امداد و معاونتنه قوشاجق بر بار و همدم آرامه سیدرکه ، حکما ، دوست قزانمغه رغبت ایتیمان . مبتلای عداوت و خذلان اولور . سلامتہ رغبت ایتیمان . دوچارشداند زمان اولور . ناسه ایولک ایتیمکه رغبت ایتیمان . معروض ندامت و خسران اولور (دیمشکر) و حال انفراد و وحشتده قالانلرک . بر انیس و همدم تحریرسندہ مجبور و مضطر اولدیغنی بیان ایتیشلردر . حیاته یمین ایدرمکه ، بو عالم کیرو دار ایچنده قزانیلان ذخائر نفیسه نکه اک اعلاسی . صداقتله موصوف اخوان وفا عنواندر . کشینک هیچ بر ثمره سعی . تحصیل اخوانک بخش ایتدیکی ثمرات نافعہ یی تأمین ایده مز . آنکچون (حکما) صداقتلی دوست وفاسز . مروتسز قرداشدن دها مودتلی در ، دیمشلردر . (معاویه) حضرتلرینه صوردیلرکه . عللمه اک زیاده سودیکک کیمدر . بیوردیلرکه . بنی ناسه سودیرن دوستی . هرکسه دن زیاده سورم .

شعر

لمودة ممن يحبك مخلصاً خيرمن الرحم القريب الکاشح

مأل

سنی جانندن سون دوست . یوز چویرن اقربا کدن خیرلیدر . بورامی غیر قابل انکار بر حقیقتدر . امدی شو عالم معاش ایچنده . حضور حال . و فراغ بال ایله . گذارش حیات آرزو ایدن کسه لر ایچون ، صادق ، وفاکار دوستلر اتخا ایتک لزومی . حوائج ضروریه راده سنده درکار اولدی ایسه . اتخا اولنه جق دوستک اتخابی خصوصنده غایت اعتناده بولمق . اونسبتنده لازمدر . امدی . بالدیری پاچایی صیغایوب . اخوان تحریرسینه چیقان بر آدم . پیدای اخوت ایتزدن اول . احوال خصوصیه لرینی ایجه دن ایجه نظر تدقیقدن کچیرملیدر . تاکه بکه نیلان استفاده یرینه ، بالاخره مضرت نتیجه سی حاصل اولمسون . آنک ایچون (حکما)

دیدیلرکه . بر ذاتی امتحان ایت . تا که احوالندن خبردار اوله سین، وحدت
عالمده کوکلنه کلن فتور فحرت سوقیله . تجربه سز . تنقیض هر مجهول الاحوالک
أغوش مودته ائلمقدن شدتله توقی و بو خصوصده ایجاب ایدرسه نفسی
تضیق واجبار اتمه لیدر . یوخسه یالکزلفک صیقندیسندن قاچارکن
اوله فتور وملال ، سامت وکلله مبتلا اولورکه . تخلیص کریبان ایتک بیوک
سعادت اولق اوزره تلقی اولونورده . اوده اله کیزمز (معاذالله) .

شوراسیده شایان قید وتدکاردرکه . احبا قیافتنده کوزوکه چالیشان بعض
ارباب ریا واردرکه ، امر انتخابده ، اوکی ریاکارانک تکلفات محبانهرینه قاپلامق
لازمدر . انلرک صفة کشفه لری اولان تملق وریا . عقول صافیة احبابنک
صیدی ایچون قورولمش دام تزویردر . ترتیب ایتدکلری حیل وتدلیس .
فطانت اولی الالباب ایچون موجب تشویردر . بلای نفاقه مبتلا اولانلردن .
خیر مأمول اولهمیه جنی ایسه . مسلم ناقد بصیردر . انک ایچون . برکسه یی
کلامیله امتحانه قالقشمه ، بلکه افعالی پیش مطالعه وتجربه یه آل . قول حکیمانه سی
حکما ییننده مشهوردر . (خالد بن صفوان) دیدیکه . دوستلریمک نزنده
محبتمک رواچی . انلره قرشو نفاق وتزویر استعمال ایتماککمدر .

شعر

مادمت فی دنیاک فی یسر	کم من اخلك لیس تنکره
یلقاک بالترحیب و البشر	متصنع لك فی مودته
دهر علیک عدا مع الدهر	فاذا عدا والدهر ذو غیر
یقلی المقل وبعشق المثری	فارفض باجمال مودة من
فی العسرا ما کنت اوفی الیسر	وعلیک من حاله واحده

مأل

چوق احبا واردرکه ، سن حال یسرده بولوندجه ، کندیسندن دلگیر
اولمزسک . سکا قرشو درلو تکلفات ایله عرض مودت ایچون بشوش ، مبتم

بولونور . اما . برده زمان، معتادی وجهله، سندن یوز چویردیمی . دوستکده اکا اویارق، اکشی یوز کوسرتیر . اقبالک ادباره دوندیمی . اوده سندن یوز چویرر . اویله . فقیره بغض ایدن . زنکینه ابراز موده ایدن، میمون اشتہالی دوستی، کوزلککه براقده . ثروت وغنا . اقبال وادباری نظر اعتباره المیوب محبتنده ثبات ایدن مرد محاصه صاریل (تکرار ایدرمکه . انتخاب اخوان خصوصنده احتیاطکار بولمالیدر . کشینک قرینندن صادر اولان اقوال وحرکات، ایواولسون، فنا اولسون، بالاخره اوکشی یهده اسناد اولنمقده وسرایت اخلاق قانونی . ناس آرمسده نقطه سی نقطه سنه، مرعی الاجرا بولونمقده در . بریندن برشی صادر اولدیمی . درحال فاعل مشترک حکمتی یوروتورلر . فخرعالم افندمر (المرء مع من احب) یعنی کشی سودیکی دوستیه برابر همحالدیر . بیوردیلر (علی ابن ابی طالب) کشینک دوستی . کندیسيله اخلاقی خصوصنده متناسب اولور بیورمشدر . (عبدالله ابن مسعود) هیچ بر شتک دیگر شی اوزرینه . حتی دومانک بیه اتش اوزرینه دلالتی . بردوستنک حالنک دیگر دوستنک حالنه دلالتی قدر قوتی حائز دکلدیر (دیدی) حکما، دوستنک دوستلرینه باقده اویله انتخاب ایت، دیدیلر .

عدی بن زید

عن المرء لا تسئل و ابصر قرینه فکل قرین بالمقارن یقتدی
اذا کنت فی قوم فصاحب خیارهم ولا تصحب الاردی فتردی مع الردی

مال

کشی نی، اخلاق جهتیه اکلامق استرسه ک، احوالی صورمه . کورشدیکی ارقداشنی صور، انک حالی . سکا جواب شافی حاصل ایدر . چونکه هر کمسه مقارن اولدینی کمسه یه اقتدا . وحر کاتنده همیا اوله جفی درکاردر . بر قومک ایچنده بولوندیفکده . اولرینی انتخاب . کوتولرندن اجتناب ایتکه . کوتولرله برابر دوچار هلاک اولمیه سک .

امدی خلقك لسان ملامتی . ارباب ذم و فدحك غیتمدن دامن ناموس
وعصمتی محافظه آرزوسنده بولنانلر، اخلاق ذمیمه . و اوصاف رذیله ایله
اشتهار ایتمش کسه لرك بزم انس و رفاقته داخل اولمقدن شدتله قاچنمق لازم
اولدینی کره کی کبی ثابت اولدی . اصل اهمیت بوراسنده دکل ، اهمیت . ایولری
کوتوردن فرق و تمیز ایتمک جهتنه معطوفدرکه . بود . کوروشیلن کسه لری
تکرار بتکرار تجربه دن کجیرمک و انتخاب ایدیه جک ذات حقنده بر حکم قطعی
ویرمک ایچون چوق دوشمنک . احوال روحیه سنی ایی تدقیق ایتمک . حاصلی
حکم مزبور . شواهد یقینه اوزرینه بنا ایتمکسزین حصول بوله مز . بوبابده
بر میزان اُرانیسه . اوده شریعتدر . کوروشیله جک ذاتک احوال و حرکاتی
او میزان مقدسه طاریلیر . اکثریتله . احکام حلیه سبجانییه تطابق ایستیکی
حالده مظهر انتخاب اوله بیلر . یوخسه . قالبی ، صورة زیباسیله خلق اغفال
واضلال ایدن اخلاق رذیله صاحب لری . دیوان مودتده برمزیت قزانه مدقلری
کبی . حرکاتی . صورت حکیمانه ده اجرا ایدن مدبرین ، انلرک کلیسا دیوارینه
بکزه یین صورتلرینه اُلدائمز لر . انلری مجلوب محبت . مجذوب مودت ایده جک
برشی وارسه ، اوده حرکات ظاهریه ، آینه مجلاسی اولان ایمان . صفوت وجدان
کبی . شریعتک اس الاسانه مالک اولان ذوات مبعجهدر .

شعر

قالب صوره ده ره نیجه انسان دو کولور بیکده برکاملی چیقماز چوغی نقصان دو کولور
(ذوالرمة) نام شاعرک . ظاهری زیب و زینتله بزمنش . باطنی ایسه بیک
درلو عقائد رذیله ایله مردار اولمش کسه لر حقنده کی شو ییتی . بین الادبا ضرب
مثل کبی اشتهار ایلشددر .

شعر

الم تر ان الماء یخبت طعمه وان کان لون الماء ابیض صافیا

مأل

صو لرك بعضيسنده صفوت ، بياضلق بولونديغي حالده . طادنده كي أجيلق .
ارباب ذوفك معلوميدر . احتشام ظاهر يمي ، خبائت باطنيه سيله اويمايان كمسه لرده
بويله در .

(بعض حكما) چهره سي كوزل . اخلاقي چركين بر آدمي كوردكده .
خانه كوزل اما ، ايچنده او طوران چركيندر . ديمش شعرا دن (جحظه) نام
ذات . شومعنايي آلوب شويله نظم ايلدي .

شعر

رب ما بين التباين فيه منزل عامر وعقل خراب

مأل

اخلاف ذميمه و هيئات محتشمه اصحابك بنيان وجودلري معمور ، بناي عقللري
خرابدر . يارب بونه عجيب تضاددر .

شعر

لا تركن الى ذي منظر حسن فرب رائقة قدساء مخبرها
ماكل اصفر دينار لصفرتة صفر العقارب ارداها وانكرها

مأل

منظره حسنه ارباني كوروب . صحبتلرينه اتيلمه . چوق كوزل قادين
واردركه ، لدی التجربة ، فحشى ميدانه چيقار . زير اسنك هر كورديكك صارى . التون
دكلدر . صارى عقربلرده . اولونه . مالكدرا اما . مهلكات حيواني نك اك
دهشتلي سيدر . حكمه ديمش لدر كه ، بر كمسه تجربه سز بيان اعتمادايدنلر كمودت لرينك
عاقبتى ندامته منجر اولور (بعض بلغا) تجربه ايتمدن ، قونوشوب انجامى طارلقدن

ایسه. هیچ پیدای مناسبت ایتمک خیرلیدر دیدی (بعض ادبا) تجربه ایتمکمزین احبابکه اعتماد ایتمه. تحصیل قدرت ایتمکمزینده، دشمنکه مجادلهیه قالدشمه، دیدی

شعر

لاتحمدن امراءً حتى تجربه ولا تذمه من غیر تجرب
خمدلالمراء، مالم تباه خطاً و ذمه بعد حمد شر تکذیب

مآل

برکسهیی، تجربه سزمدح و ذم ایتمه، چونکه تجربه سزمدح، خطا اولدینی کی مدح ایتدکدنصکره ینه ذم ایتمک. کندی کندی تکذیب دیمک اوله جغندن، مدح و ذم خصوصنده احتیاط و تجربهیه دقت ایتملیدر. امدی مقدمات معروضه دن، اتخاذ اولونه جق اخوانک انتخابنده، اخلاق خصوصیه لرینی امتحان ایتمک لزومی استنتاج اولوندیسه. مدار امتحان اوله جق خصائلک مشاهیرندن، بعضیلرینی بوجه زیر عرض ویانه مبادرت اولوندی، خصائل مزبورده، درتدر (برنجی خصله) انسانی مابه الارشاده هدایت، طریق استقامته سوق و دلالت ایدن عقیدر (اوت) برکسه نک دوست ایدینه جکی آدمده. ایلك آرادیفی شی. عقل اولمق لازمدر چونکه عقلک ضدی بولان حماقتله اتصاف ایدن کسه لرده، متین محبت، دائمی مودت بولونه میه جغندن، دوست اتخاذندن مطلوب اولان ثمرات نافعیهیی ویره مدکدنبشقه، آجی، آجی، نتیجه لر تولیدینه باعث اوله جقلرنده شبهه یوقدر بو حقیقی مؤید اولمق اوزره. روایت اولوندیکه، فخر عالم افندمز (البذاء لوم و صحبة الاحق شوم. یعنی فحش کلام. اچقلقدر. احقک صحبتیده موجب شامتدر. بیوردیلر (بعض حکما) عقلی دشمنک عداوتی، احقک دوستلغندن حاصل. مضرتدن آزدر. چونکه احمقلر، ایقاعنه مقتدر اولدقلری مضرتی ایقاعدن چکنمز لر. عاقل دشمنلره کلنجه، بونلر، ایقاع مضرت تصمیم ایتسه لر بیله، حدینی تجاوز ایتمز لر، دیمک اولویورکه، عقل، عاقلک اضرارینه بر حدمعین تعیین ایدیورده، اوتسه نه خطوه انداز تعدی اولسنه مساعده ایتیور، احقده، بوکی قوه مانعده دن

عبارت بولنان عقل نعمتی مفقود اولدینی جهته . ایقاع ایده جکی مضرات و بلیاتک تعینی قابل دکلدر . ایشته بو جهته ، عدو عاقلک ، صدیق جاهلدن ، بالنسبة خیر اولسی تظاهر ایلر (منصور) (مسیب بن زهیره) عقلک مایه سی نهدر دیه صور دقده ، عقلا ایله همبزم الفت اولمقدردر . جوانی ویرمشدر (بعض بلغا) جهلا ایله صحبت ، جهالتدن منبعثدر . ارباب حیل و دسیسه ، واحساب شوکت و اقتدار ایله نچه لشمک ، محالات جمله سندندر . دیدی

(بعض ادبا) سکا ، جهلا و عجزه یه احسان ایت ، دیه توصیه ایدن ، یاشمن عاقل ، یاخود احمق دوستکدر ، چونکه بوسوزیله ، حقکده مضراولان شیئی کوستریور . بونی یاپان ، عاقل دشمن ایله ، جاهل دوستدن بشقه سی اوله مز .

شعر

اذا ما كنت متخذاً خليلاً فلا تشقن بكل اخي اخاء
فان خیرت بينهم فالصق باهل العقل منهم والوفاء
فان العقل ليس له اذا ما تفاضلت الفضائل من كفاء

مأل

دوست ایدیئک ایسته دیکده ، هر کسه بی دائرة حقوقکه اله . بوبابده صورت حقندن کورینان کسه لره اعتماد ایتمه ، انتخاب ایتدیئک احسانک ، عقل و وفا صاحبلی اولمنه دقت ایت ، فضائل انسانیه ایچندن هیچ برشی . عقله مثل و عدیل اوله مز (ایکنجی خصله) صاحبنی خیرات و حسنات ، مواسات و مبرات سووق ایدن دیندرکه ، موجب سعادت دارین اولدینی امر مجزوم ایکن ، انی ترک ایدوب ، دینسرلکی التزام ایدن کسه نک ، کندی نفسنه عداوتی ظاهر ایکن ، دوست اتخاذا ایدوب مودت بکه مک ، خلاف عقل و اذعان ، مباین صفوت وجداندر بناءً علیه ، انتخاب خصوصنده ، دینی نظراعتباره آلوب ، متدین ، صالح دوست بولمغه چالشمق شدتله لازمدر

بعض حکما ، احران ایچندن ، دین و حسب ، رأی و ادب صاحبلینی انتخاب

ايت كه، احتياجك زماننده سكا معين، مصيبتك اواننده، مدار مدافعه وسطوتك، وحشت دملرنده همبزم انس والفتك، عافيتك زمانلرنده زيب وزيتك اولسون ديديلر. حسان بن ثابت، شو بيتلري نه كوزل نظم ايشدر.

شعر

اخلاء الرضاء هم كثير ولكن في البلاء هم قليل
فلا يغرك خلة من توافي فمالك عند نائبة خليل
وكل اخ يقول انا وفي ولكن ليس يفعل مايقول
سوى خل له حسب ودين فذاك لما يقول هو الوفي

مأل

هنكام وسعنده دوستلريك چوقدر. لکن بلا زماننده هيچ بريسی سکا دوست دکلدر. سکا عرض اخوت ايدنلرء اعتياد ايمه، چونکه فلاکتک زماننده دوست اوليانک، وجوديله عدمی مساويدر. أنلرک هپسی، وفا کارلقلرندن بحث أچارلر. لکن سويلديکني اجرا ايدن هيچ بريسی يوقدر. اما حسب ونسب ودين و مذهب صاحبي دوسته ديه جکم يوق. أنلر، ديدکلريني بهمه حال اجرايه شتاب ايدرلر .

شعر

من لم يكن في الله خلة فخلياه منه على خطر

مأل

دوستلغى الله ايجون اوليانك . دوستى هلاك وخطره معروضدر (اوپنچي خصلة) انتخاب اولنان دوست، اخلاق حميده. افعال مرضيه اصحابندن اولقله برابر . دائما خيرى شره ترجيح و خيرى خوش كوروب أنكله خلقه آمر . شرى چركين بيلوب ، خلقى اللدن كلديكي قدر اندن زاجر اولق صفتلريني حائز بولمقدر . بو صفتلري حائز اولان كمسلردن . مادی و معنوی

استفاده ملحوظ اولدیغندن . الحق، اخوت خصوصنده انتخابه شایاندی. چونکه. خیر بیلیمزسدک اوکره تیرلر، و اجراسنی توصیه ایدرلر. ارتکاب مناهیده کورورلرسه. لسان مناسبله. حسب الاخوة نهی و منع ایدرلر. بویله سنه نازل اولمق. سعادت طالعک برهان جلیبدر . یوق. بالعکس اوصاف مزبورک عکسبله موصوف اولورسه. اوکی اشخاص، مفسد اخلاق، جالب عداوت و نفاق. مورت مذمه و شقاق اولدیغندن. دکل صحبت و مودتلینی آرزو ایتمک. کندیلرندن و صحبتلرندن، شدتله مجانب لازمدر (عبدالله بن معمر) دیور که اخوان شرور . طورنج اغاجنه بکزرلر . طورنج اغاجی کنیدی کنیدی یاقدینی کی . شر و مفسدت دوستلری، یکدیگریک اخلاقک فسادینه معاونت ایدرلر (بعض حکما) فنا کسه لاله الفت و مخالطت، موجب خطر در . صحبتلرینه ملازمت، مخالف هواد. کمی یینمکه بکزر. انسان بوغولمقدن قور تولسه بیله . اندیشه دن خالی اوله مز . دیدی .

شعر

مجالسة السفیه سفاه رأی ومن عقل مجالسة الحکیم
فانک و القرین معاً سرء کما قد الادیمن من الادیمن

مال

سفه ایله قونوشمق ، عقل و رأیک بوزو قلفغنددر . حکیم آدم لرله الفت ، بالعکس سلامت عقلنددر . سختیان ، سختیاندن کسیدلیکی کی. سنده قونوشدیغک آدمک پارچه سی مثابه سنده سک ، آنده کی فنالق، بالآخره - کما اسناد ارلنه بیلیر. (دردنجی خصله) هراکی طرفدن. یکدیگریک صحبت و مودتنه میل و رغبت، اقبال و مبادرت بولمقدرکه، اشبو صفة مشترکه، احوال مواخاتی تأکید ، اسباب مصافاتی تشییده . مدار یکانه در. چونکه هر مودتی آرزو اولنان، صحبت و محبتنه رغبت کوسرتیلان ذاتک، مقابله طالب مودت ، راغب الفت اوله جنی قطعاً معلوم اوله مدیغندن، وسندن اعراض ایدنه یوز سزجه سنه عرض محبت

ايتكە، احتياجك زمانده سكا معين. مصيبتك اواننده، مدار مدافعه وسطونك،
وحشت دملرنده همبزم انس والفتك، عافيتك زمانلرنده زيب وزيتك اولسون
ديديلر. حسان بن ثابت، شو بيتلرى نه كوزل نظم ايشدر.

شعر

اخلاء الرضاء هم كثير ولكن فى البلاء هم قليل
فلا يفررك خلة من توافى فمالك عند نائبة خليل
وكل اخ يقول انا وفى ولكن ليس يفعل مايقول
سوى خل له حسب ودين فذاك لما يقول هو الوفى

مأل

هنكام وسعتده دوستلر پك چوقدر. لكن بلا زمانده هيچ بريسى سكا
دوست دكلدر. سكا عرض اخوت ايدنلر اعماد ايتمه، چونكه فلاكتك زمانده
دوست اوليانك، وجوديله عدمى مساويدر. انلرك هيمى، وفا كارلقلرندن بحث
اچارلر. لكن سويلديكنى اجرا ايدن هيچ بريسى يوقدر. اما حسب ونسب ودين
ومذهب صاحبي دوسته ديهجكم يوق. انلر، ديدكلرينى بهمه حال اجرايه شتاب
ايدرلر .

شعر

من لم يكن فى الله خلة فخلياه منه على خطر

مأل

دوستلنى الله ايجون اوليانك . دوستى هلاك وخطره معروضدر (اوپنچى
خصلة) انتخاب اولنان دوست، اخلاق حميده. افعال مرضيه اصحابندن اولمقله
برابر . دائما خيرى شره ترجيح و خيرى خوش كوروب انكله خلقه آمر .
شرى چركين بيلوب ، خلقى الدن كلديكى قدر اندن زاجر اولمق صفتلرينى
حائز بولمقندر . بو صفتلرى حائز اولان كمسهلردن . مادي و معنوى

استفاده ملحوظ اولدیغندن . الحق، اخوت خصوصنده انتخابه شایاندلرلر . چونکه . خیر بیلیمزسهک اوکره تیرلر ، و اجراسنی توصیه ایدرلر . ارتکاب مناهیده کورورلرسه . لسان مناسبه . حسب الاخوة نهی و منع ایدرلر . بویله سنه نازل اولمق . سعادت طالعک برهان جلیلدر . یوق . بالعکس اوصاف مزبورهک عکسیله موصوف اولورسه . اوکی اشخاص ، مفسد اخلاف ، جالب عداوت و نفاق . مورث مذمه و شقاق اولدیغندن . دکل صحبت و مودتلیرنی آرزو ایتمک . کندیلرندن و محبتلرندن ، شدتله مجانب لازمدر (عبدالله بن معز) دیورکه اخوان شرور . طورنج اغاجنه بکزرلر . طورنج اغاجی کندی کنیدی یاقدینی کی . شر و مفسدت دوستلری ، یکدیگریک اخلاقک فسادینه معاونت ایدرلر (بعض حکما) فنا کسه لرله الفت و مخالطت . موجب خطردر . صحبتلرینه ملازمت ، مخالف هواد . کمی یه یینمکه بکزر . انسان بوغولمقدن قور تولسه بیه . اندیشه دن خالی اوله مز . دیدی .

شعر

مجالسة السفيه سفاہ رأى
ومن عقل مجالسة الحکیم
فانک و القرین معاً سراء
کا قد الایم من الایم

مال

سفاها ایله قونوشمق ، عقل و رأیک بوزو قلعنندر . حکیم آدم لرله الفت ، بالعکس سلامت عقلندر . سختیان ، سختیاندن کسیدیلکی کی . سنده قونوشدیغک آدمک پارچه سی مثابه سنده سک ، آنده کی فنالق ، بالاخره سکا اسناد ارلنه بیلیر . (دردنجی خصله) هرا یکی طرفدن . یکدیگریک صحبت و مودتنه میل و رغبت ، اقبال و مبادرت بولمقدرکه ، اشبو صفة مشترکه ، احوال مواخاتی تأکید ، اسباب مصافاتی تشییده . مدار یکانه در . چونکه هر مودتی آرزو اولمان ، صحبت و محبتنه رغبت کوسرتیلان ذاتک ، مقابله طالب مودت . راغب الفت اوله جفی قطعاً معلوم اوله مدیغندن ، وسندن اعراض ایدنه یوز سزجه سنه عرض محبت

ایتمک موجب مشقت ، و انحامنده مستلزم خسران و خیت اوله جغندن ،
هر حالده جاذبه محبت هر ایکی قلبده حس اقبال اویندر مق ، شرائط اخوت
جمله سندندر . یوقسه بری اقبال، او بری ادبار ، بری عرض چهره ابتسام،
او بری ترش ورو بر حالده تأسس ایدن محبتک ثبات ودوامی اوله مز. چونکه
محبت ، عداون . متقابله در .

شعر

بحتری

وطلبت منك مودة لم اعطها ان المعنى طالب لا يظفر

مال

سنک بکا میلک اولمدینی حالده ، بن سندن مودت او میورم ، بهوده
کندی دوچار مشقت ایدیورم ، ذاتاً طریق محبتده بوشنه مشقت چکنلر .
ظفریاب مطلوب اوله مز لر .

عباس بن احنف

فان كان لا يدنيك الاشفاة فلاخير في وديكون بشافع
واقسم ماتركي عتابك عن قلبي ولكن لعلمي انه غير نافع
واني اذا لم يلزم الصبر طائعا فلا بد منه مكرها غير طائع

مال

ای نازنینم، سنک بنه الفتک ، خیر خواهانک شفاعتیه اوله جقسه . لزومی
یوق. چونکه شفاعت ایله حصوله کله جک محبتده تمایل یوقدر. یمین ایدره رک
سویله بیلر مکه . سنی بوبنده لوم ایتدیکم، قیزدیغمدن دکل ، بلکه لوم وعتابک
بر فائده سی اولیه جغنی بیلدیکم سندندر. سندن ایریلمغنی، ایستیه رک قبول ایتسه میله،
ایستر ایسته مز، صبره الجا اوله جغفم .

امدی شو خصائل اربعه یی نسخه ذاتنده بالاستکمال ، جمعه موفق اولان
کسه نک ، اخوت و محادثه و هر وجهه دوست اتحادینه لایق اولدیغنی تصدیق
واجب ، و خصائل مزبورده ترقیاتی نسبتنده کنینه میل و اعتماد کوسترمک
لازمدر . مع ذلك ، بونلردن هانکی برینک . طبعنه غلبه سی حس اولندقدده دائره
مودتنه . او یوزدن ملازمت ایتک قانون محبت اقتضاسندندر .
ناس ایچنده تباین احوال و اختلاف شیم و اخلاق بر درجه درکه . بوبابده زمره
اخوان . شرذمه خلان ، طبقات مختلفه و انواع متشعبیه تفرق ایدره ک هر بری
بردرلو حال ایله ممتاز ، دیکری ایسه اونوع خالدن پراحتراز بولنقدده در . دکل
اشخاص متعدده ، شخص واحدک بیله مطبوع بولندیغنی احوال . نسبت
واحدده اولموب بهمه حال برینه اختصاص و مواظبتی . دیکرینه مناسبتندن
ازیددر . اُنک ایچون ، حکما دیمشدر درکه ، انسانلر ، اغاچلره بکزره ، صولری
بر اما ، ویردکاری میوه لر مختلفدر . شعرا دن ، منصور بن اسماعیل ، شومضمونی
الوب شویله نظم ایلیدی .

شعر

بنو آدم کالبت	ونبت الارض الوان
فنههم شجر الصندل	والکافور والبان
و منههم شجر افضل	مایحمل قطران

مال

یریوزنده بیتان نباتات ، انواع مختلفیه منقسمدر . کیمی صندل ، کیمی
کافور ، کیمیده بان آعاجیدر ، آعاج وارددرکه ، قطراندن بشقه برشی
حاصل دکلدر . انسانلرده بویله در ، هر بریمی بردرلو اخلاق ایله
متخلقددر . برنده بولان اخلاق ، او برنده بولنماز ، حال بومرکزده ایکن ،
جمعیت بشریه ایچنده ، احوالنده اختلاف بولنمیان . هر حالی نسق واحدده اولان
اخوان تحریرسیزده بولونان ، ایوبیسونکه ، امر محال تمیسنده بولونمش و هر
حالی نسق واحدده اولوب حرکاتی هیچ بردرلو معروض اختلاف اولمامش

کسه لرك وجودی تقدیرنده ، نظام مدنیت قوام بشریتہ خلل تطرق ایدہ جگنی دوشونه مشدر دیمکدر .

چونکه واجب الوجود ، انسانلری دائما یکدیگرندن استعانه ایلہ تأمین معیشتہ وصوللرینی تقدیر بیوروب، برکشینک ایسه کهندندن استعانه اولونان هرشیئی بتمامه ایفایه مقتدر اوله میه جغیده ضروری اولملاه، جمعیت احبابه مراجعت چار وناچار الویرمش، آنلرکده کافه سی بر خوینده ، برنشئده ، بر شنشئده بولونوب، عرض ایتدی کمز اختصاص مزبور بولونمسه، جمعیت مذکورہ شخص واحد حکمنده . قاله جنی طبعی بولوندیغندن اختلاف اخلاق ، تباین شیم سبیلہ همدست وفاق اوله رق یکدیگرینک حوایجنی قضا ایتملری هرزمان نظرکاد عبرتمزده جلوه قیلان شیوه حکمت مقتضاسندن بولونمشدر انکچون حکما مجلس معاشرتہ حسب الاحتیاج دخیل دوشنلره احسان ایلہ مجامله معروف ایلہ معامله ایتیمان زمره عقلاذن خارجدر دیدیلر (مأمون) دیدیکه ، اخوان ، اوچ طبقه در . بر طبقه سی حیات بشرک ادامه سنه یاردم ایدن غدایه بکزرلرکه برمه حال وجودلری الزمدر . بر طبقه سیده . حیاتی تهدید ایدن امراضه مدافعه ایدن علاجاره بکزرلرکه . آره صره کندیلرینه احتیاج کوزوکور . دیگر طبقه سیده مرض کیدرکه . اصلا کندینه احتیاج آرزو اولنمز . حیاته یمین ایدرمکه ، ناس مأمونک دیدیکی کیدر . لکن بزم موضوع بحمز اولان اخوان . ناسدن بفرقه مخصوصه درکه . انلرده بواوچنجی طبقه نك وجودینه راضی اولمیز . طبقه مزبوره بر طاقم اعدای بدخواه لردرکه ، کندیلرندن حذر اولنور ، شرلرندن خلاص ایچونده . مدارا اولو بور . صوره ظاهره ده اخوان صفا ، حقیقته اعدای نحوست انمادن معدوددرلر ، بعض حکما . یوزیکه کولن دشمن . یاپیراغی یشیل ، صوی سم قاتل اولان ابو جهل قارپوزی کیدر . دشمنک معامله دوستانه ایلہ یاقلاشمه سنه آلدانه . صو نقدر قیزدیرلسه ، ینه آتشی سويندر مکدن واز کچمز . دشمنده بویله در . سکا مقارنت ایتکله برابر . خانمانکی سوندر مکدن کچمز . دیدیلر .

یزید بن حکم الثقفی

تکاشرنی ضحکاً کانک ناصح وعینک تبدی ان صدرك لی دوی
لسانک معسول ونفسک علقم وشرك مبسوط وخیرک ملتوی
فلیت کفافاً کان خیرک کله وشرك غنی ما ارتوی الماء مرتوی

مال

یوزووه کولومسہ یهرک ، کندیکی خیر خواه کوسترمک ایستہ یورسک ،
کوزلرک ایسه . درونکده کی کلخن حسدک اشتعالنی کوستریبور . لسانکدن بال
أقیبور . قلبک ابو جهل قارپوزی کی أچی ، شرک بول ، خیرک معدوم ،
خیرک نفقه کافیہ کی چوق اولسده . شرک . برصوسزک صویہ قانہ جنی مدت
قدر از اولسہ ایدی نہ کوزل اولوردی :: امدی مقالہء مأمونیہ ده کی اوچنجی طبقہ ،
اخوان صرہ سندن چیقاریلوب اهل عدواندن صایلدیسه ، اصل ماهیت اخوتک
فردا کلی اولان اولکی ایکی صنفلر قالدیکہ ، بری قوام نفسی تأمین ایدن غذایہ ،
دیگری صلاح بدنی تأمین ایدن دواہ تشبیه ایدلش و کندینہ احتیاجک
کثر تندنطولایی . غذایہ بکزمہ یں اخوان . دواہ بکزمہ یندن افضل طائمشدر .
اخوان ، بو صورتله تمیز ایتدیسه ، هر بریسی . ممتاز اولدینی خصلہء واسباب
مودتک قوتی نسبتده . صحنہء محبتده کندیلری ایچون بر منزل مخصوص ممتازہ
تنزیل اولمق . وائسای صحبتده علی الدرجات تعظیم وتبحیل قیلنمق لازمہ دندر کندیلرینہ
ایدیلہ جک اعتماد دخی بو نسبتده در .

شعر

ما انت بالسبب الضعیف وانما نجیح الامور بقوة الاسباب
فالیوم حاجتنا الیک و انما یدعی الطیب لشدة الاوصاب

أل

مقاصد و أماله وصول . اسبابك قوتی نسبتنده در . سن بزم ایچون برسب
قویسک . بوکون سکا شدت احتیاجز درکاردر . دوکتورک جللی دخی امراضک
شدتی سببیلله اولدینی آشکاردر . زحم احتیاجزه . مرمهم لطف احسان . سورمکزی
حمیت اخوت نامنه رجا ایدرز .

شایان تدقیق اولان مسألهدن بریده . احبابک کثرت ویاخود قلتنک هانکیسی
دها زیاده موافق حکمت . مطابق مصلحت اولمه سیدرکه ، بوبابده ناس ایچون
مذاهب مختلفه واردر . بعضلری ، مدافعه اعدا خصوصنده قوه الظهر اولمق ،
لدی الاقتضا معاونت و تأمین احتیاجاته مدار اولمق فکریله . کثرت اخوان واحبا
طرفی التزام ایتمش و بو فکریده . حکمانک شو سوزلریله موید بولونمشدر . حکمادان
برینه صور مشلرکه . آسایش نهدن عبارتدر . جواب ویرمشکه ، اقبال زمان ، عزت
سلطان . کثره اخواندر . کشینک اسباب زیب وزینتی ، کثره اخوان واحباسیدر .
ناسک دیکر بر فرقه سیده تقلیل ائقال و کلفت . تحفیف منازعه و مخالفت خصوصنده
مدار اولمق اوزره ، ممکن مرتبه احبابی ازالتمق لزومی توصیه ایتمشدر درکه
(اسکندرک) انتخاب و تجربه سز . احبابی چوغالتانلر ، برطاقم اغیر طاشلری
یوکلنمکه چالیشان حمقاه بکزرلر . انتخاب و تحریده اوشنمه یوب دوست ایدینه جکی
ذوائک ، احوال خصوصیه لری . اینجه الکدن کچیره رک . ممکن مرتبه ازالتانلر .
جواهری انتخاب و تقید ایدن بختیارانه بکزر . سوزی (وعمر و بن عاصک) احبابی
چوق اولانلرک . الاجقیلیرده چوقدر کلامی (ابراهیم بن عباسک) زمره
اخوان . آتش کبیدر . آزی منفعت ، چوغی موجب مضرتدر . مقاله سی اشبو
فکری تأیید ایتمکده در . (ابن الرومی)

شعر

عدوک من صدیقک مستفاد فلا تستکثرن من الصحاب

فان الداء اكثر ماترا
يكون من الطعام والشراب
ودع عنك الكثير فكم كثير
يعاف وكم قليل مستطاب
فما اللجج الملاح بمرويات
وتلقى الرى فى النطف العذاب

مأل

دشمنك دوستلر كدن چيقار . بشقه يردن كلز، امدى اجايى چوغالتمقندن
حذرايت . امراض متنوعه نك چوغى . يمك وايچمك دن حاصل اوليور . بونى
كورديك وبيلديك كبي . دشمنلر كده . طعام وشراب منزله سنده اولان
اخوان اراسنده ظهور ايده جكنى كلامه ليسيك . سن احباب چوقلغندن
واز كچ . نيجه چوق واردركه ، موجب اكراه وندامتدر . نيجه از واردركه
مستلزم رغبت ونفاستدر (دكنز) چوقدر . فقط طوزلى واجى اولديغندن منفوردر
ياغمور صولرى ازدر . لكن صوسزلرك امدادينه يتشديكنندن ، مرغوب
ومحبوبدر .

بيت

خيالندن كلور غم خاطره جانانهدن كلز
ستم هپ اشنالردن كلير بيكانهدن كلز

بيت

اجا شيوه يغماده مبهوت ايلر اعدايى
خدا كوسترمه سين ائماراضم حلال بريده
(بعض بلغا) شويله نصيحت ايدييور . اتخاز ياران . انتخاب اخوان
خصوصنده دائما مطمح نظر ك . كنديكه معين وياور اوله جق كمسه لرى چوغالتمق
اولسون . يوقسه عدد چوغالتمق دكل . تحصيل منفعت اولسون . تحصيل جماعت
دكل . تايمين منافع ايدن بر دوست . منفعتسز قورى غلبه لكدن خيرليدر .

بالاده بروجہ تفصیل ، نکاشته قلم فقیر اولدینی اوزره ، قواعد اخوت واسباب مودتک بریده ، تجانس و تشاکل اولدیغندن . وفرت عقل . فرط فطانت . بولوندینی ذاتی . قلة اخوانه مبتلا ایده جکی آشکاردر . چونکه فطین مزبور تجانس و تشاکله رعایت داعیه سیله فضل و کمال و عقل و عرفانده کنیدیله اوموز اوپوشه جک کسه لری آرایه جق . هر شینک کزیده سی آز بولنق ضروری اولغله . بر قاج دانه امثال فضلنه راست کله بیلر سده ، بیکلرجه اصحاب حق و بلادته . سوری سوری سبک مغزانه تصادف ایده جکی طبعیدر . امدی بوذات . هر حالده تقلیل اخوان جانبی التزامه مجنور قاله جقدر . شو تقلیل کوستری رکه اهل فضلك مستجمع شرائط . اخوانی آزدر . چونکه کنیدیلریده آزدر . اهل نقص وجهلك اخوانی چو قدر . چونکه کنیدیلریده . اورکو تمه دن صاییه مز . ایشته بو حقیقی ، شاعر شو بیتلریله نه کوزل نظم ایله مشدر .

شعر

لکل امریء شکل من الناس مثله فا کثر هم شکلاً اقلهم عقلاً
و کل اناس ألفون لشکلهم فا کثرهم عقلاً اقلهم شکلاً
لان اکثر العقل لست بواجد له فی طریق حین یسلک مثلاً
و کل سفیه طائش ان فقدته وجدت به فی کل ناحیه عدلاً

مآل

هر کشینک ، ناس ایچنده مشابه و مشکلی واردر . مشابه و مشکلی چوق اولانلر ، عقل و اذغانجه ناقص اولانلردر . هرکس مشاکله مونس و الیف اوله کلک شهده . عقلی چوق اولانلرک مشابهی آز بولینیور . کثیر العقل اولانلره مسلک داش ، از بوله بیلر سک . لکن سفیه و سرسم اولانلردن برینی غائب ایتدکی هر طرفده اکام عادل چوق سفیه تصادف ایده جککه امین اول :: حال شو مرکزده اولونجه . دیه بیلر زکه اخوان عدادنده معدود اولان اشخاص درتدر . (برنجیسی) هم معین ، هم مستعین ، یعنی یاردم ایدر . و یاردم ایستر (ایکنجیسی)

نە ياردەم ايدىر . نە ياردەم ايسىتر (اوچىنچىسى) ياردەم ايسىتر، لىكن كىندى ايتىز (دردنجىسى) ياردەم ايدىر . لىكن كىندى ياردەم ايسىتەمز . امدى شو دىرت قىسمى . بىرر بىرر تەفصىل ايدەلمەكە، احوال خىصوصىيەلىرى كىرەكى كېي تەظاھرايدەرك انتخاب اخوان خىصوصىيەسىدە، سەھو و غەلپە دۇچار اولىنسۇن (قىسم اول) واجىبە دىمت اخوت اولان معاوتى ايفا و كىندىك احتىياجى رونما اولدۇقە استىفا ايلدىكى جەھتە. قىرضاً پارە وىرەن كەسەيە بىكزركە، لىدى الاىجاب و بىرر . وعدەسى حلولىندە استىرداد ايدىر . طرانباجىيە بىكزركە . هم ألىر هم وىرر . معاوتى درىغ ايتىدىكىندى كىندى تەشكر اولونور .

طلب معاوتى ايتىدىكىندى طولايىدە معذوردر . اخوان اىچىندە زىيادە عادل اولمى اوزرە قبول اولنور (ايكىنچى قىسم) اشىخاىس . خىر و شىردى بىبەرە اولدىغى جەھتە. دوست دىكلدر . كىندىسىندى بىرشى اومولسۇن ، دىشمى دىكلدرە غدىر و كىندى اندىشە اوانسۇن (مغيرة بن شعبه) بوىكىلر حقىندە ، تارك اخوان اولدۇقلىرىندى، ترك اولونمىغە شاياندر دىدى . امدى بونلر ، بىر دىست مەھارتك سىطىح دىوارە نقىش ايتىدىكى صورتە بىكزىرلرە . حسن و بىھجت موھومەسىيە باقانىلرى دۇچار عىجب ايدىر ، نفع و استىفادە سىندى محروم اولدىغى جەھتە ، خائىن صىفتى قىزانورلر . كىندىلرىندى خىر اومولزركە ، تەشكر اولنسۇن ، شر و مفسىدتىنلردىن قورقۇلۇركە ، ذم و قدح اولنسۇنلر . اما . شىعار مەروىت انسانىە بولنان . غىرە معاوت خىصىصە سىندى محروم بولندۇقلىرى جەھتە . ارباب و جدانك لومىندى بىردىلو خلاص اولەمىزلر .

شعر

واسواً ايام الفتى يوم لا ىرى له احد ىزىرى علىه وىنكر

مال

كىشىنك اك فنا كونى ، كەسەنك كىندى حقىندە مدح و ذمىنە دائر تەنۇھاتدە بولمىدىغى كوندىر

لكن ابنای زمانك صوك درجده مشهود اولان فسادى ، طبایعك بنی
وتعدى ده اصرار و عنادى ، خيرندن وازكچیهرك . شری اولسون طوقونمان
بوکچی اشخاصه مجبور شکران ایتمکدهدر (منبی) شو حقیقی شو بیتله نه کوزل
تصویر ایدر)

شعر

انا فى زمن ترك القيسح به من اکثر الناس احسان واجمال

مأل

برزمابده بولونیورزکه، انسانلرک شرنندن امنیت ، لطفلرندن صایلیور .

بیت

کچدک احسانلرندن امرای عصرک بر مضرتلری دکمرسه عنایت کیدر

اوچنچی قسمی تشکیل ایدن اشخاص دنیه ، بر سوری اصحاب لثامت
و حقارتدرکه کندیلرندن خیر اومولدیغی جهته، رغبت منقطع اولدیغی حالده .
شر و مکیدنلرندن امنیت مفقوددر . بوکیلرک اخوتدن نصیبی اولدیغندن ،
مأمونک دیدیکی کبی (داء الاخوان) اطلاقه بحق شایاندر (بعض حکما)
کرمانک شری، اسعاف مأمولده بخل ایتهلری، لثیامک خیری. شروضررلرخی کف
ومنع بیورملریدر. دیمشدر. ابن رومینک شونشیدهسی بوخصوصده پک لطیفدر.

شعر

عذرنا لئلا نخل فی ابداء شوک یردبه الانامل عن جناه
فما للعوسبح الملعون ابدی لسا شوکا بلا ثمر نراه

مال

بز، شجرهٔ بارور اولان خرما اناجنگ میوه سنی طوبالارکن ، دیکنلریله
پرمقلمیزی ایختدیکنده، معذور کورورز ، چونکه میوه سیله شیرینکام اولمقده یز
میوه سندن محروم اولدیغمز. سنجان نام دیکنگ بزى ایختیمکه نه صلاحیتی واردر
دردنجی قسمی تشکیل ایدن کرماى امت ، کرامت طبع ، اناله خیر و منفعت
ودفع شر و مضرت صفتلرینی حائر و خفیف الروح اولدقلری جهته ، کسه
طرفدن قیل کورملزلر . بلکه هنگام مصیبت ، وزمان نکبتلرنده ، لطفیده لری
وبشقه لری طرفدن مظهر معاونت اولورلر ، زمان. بوکی دریتیم و کبریت احمر
وصفنه بحق شایان اولان اشرف اخوانی بخش و انعام ایتدکده ، درت اللره
صاریلق. و ازی دیشلره محکمه طوتمق، واقتضا ایدرسه اموال و ذخائر مدخره یی.
یوللرنده ابدال ایلله دوام محبتنه چالشمق لازمدر. چونکه. بوکی اخوانک نفی عام،
مال ایسه. ویره جکی منفعت خاص اولدیغندن، اوغورلرنده فدای مالک. دکری بیله
یوقدر (فرزدق) بوکی نوادر امتک تقدیر قیمتی شو بیتیه توصیه ده بولونیور

شعر

یمضی اخوک فلا تلقی له خلفاً و المال بعد ذهاب المال مکتسب

مال

احباب . فوت اولدقده . بدلنی مقامنه اقامه ایتمک محالدر . اما ، مال
تلف املورسه قزائمق ممکندر .

دیگر

لکل شیئی عدعته عوض و ما لفقد الصدیق من عوض

مأل

هانکی شیئی ضایع ایتسهك بدلی بولنه بیلیر. اما ، صادق دوست غیب اولورسه .
برینی دها بولمق زوردر

بعدالانتخاب ، اتخاذ ایتدیكك دوستكده ، اخلاق جمیله و شیم حمیده سنه
مقابل. برایکی شیمه نك بولونمسیله در حال. قطع مودت ایلک ، هیج بروجهله شعار
حیت ، و موافق قانون مودت دکلدر. بلکه اخلاق کامله سنه نسبتله ذره مثابه سنه
قالان خلق ذمیمه نك عفو وصفی قولایدرا ما ، کافه اخلاقی کوزل ، هر بر شیمه سی
مطبوع و مستحسن دوست بولمق هان غیر قابلدر انک ایچون (کندی) طبایع
اربعه صاحب اولان احبابکدن ، خلق واحدی نصل امیدایدرسك ، دیهرک طریق
عفو و مجامله یی توصیه ایلشدر. مع مافیه انسانک کندی نفسی بیله نفوس سائرهدن
زیاده کندینه اشتبک و اختصاصی و تدبیر و تصرفی ید اختیار و اداره سنه وابسته
بولوندیغی حالده ، هر ایستدیکنه انقیاد ، هر سودیکنه تشبند مطاوعت کوسترمیدیکی
معلومدر . نرهده قالدیکه بشقه سنك نفسی . دلخواهك وجهیه حرکتیه منقاد
قیلمق ، شو حالده دوستكك اکثر احوالی نظر اعتباره الهرق ، موافق شرع
و حکمت بولدقده . جبل مودتك عدم انقطاعنه چالیشمق لازمه دندر .

(ابو الدرداء) احبابك عتابنه تحمل ایتك . یوقلغندن خیر لیدر . یوخسه
هر وجهیه طبعك موافق احبابی نرهده بوله جقسك دیدی)

ابوالعتاهیه

أخى من لك من بنى الدنيا بكل أخيك من لك
فاستبق بعضك لا تملك كل من أعطيت كلك

مأل

قد داشجغزم ، ابنای زمان ایچنده ، هر وجهیه سکا موافق احباب نرهده در .

سن احبابكه كوكلكى بىستون تملك ايمه، چونكه اكا مقابل، بتوننه مالك اوله جفك
بر يار موافق بوله ميه جفكه امين اول (بعض بلغا) طبعندن خوشلانديغك ،
فضلنى اعتراف، عقلنه اعتماد ايتديك كمسه دن، حسب البشرى صادر اولان عيوبنى
كثره فضائلنه باغشلايه رق. عفو ايله معامله ايتك لازم در. زيرا عيوب وذنوب دن
معرا وهر وجهله مهذب كمسي، بوشنه آرامه ، بوله مزسك ، بر كره كندى
نفسكى نظر اعتباره آل كه. عيوب و ذنوبه مبتلا بولنان كمسه لرى نظر عفو ايله
باقعه سنى مجبور ايلسون ، اما نفسك احوالنه نظرك ، هواسنه ميل، واحوالنى
تحسين ايله اولماق شرطيه مشروط در. يوخسه نفس ، كندى احوالنى مهذب
كورمكدن چكنمز .

شعر

ومن ذالذى ترضى سبحانه كلها كفى المرء نبلاً ان تعد معايبه

مأل

هر خويندن ممنون قاله جفك كيمسي بوله مزسك ، كشينك عيوبنك قابل
تعداد اولسى، عقل واذعاننه شهادت نقطه سنجه كايد در .

نابغة الذبياني

ولست بمستبق اخاً لائله على شعث اى الرجا المهذب

مأل

سن، اخوانك احوال غير مرضيه سنى كورمك طرفدارى بولونديغك حالده
هيچ بردوستك مودتتى ابقا ايدمه مزسك انسانلر. ايجنده، قصورسز كيم واردر.
بو سوزلريمز، بالاده توصيه ايتديكمز خصائل اربعه ايله موصوف احباب
انتخابنه. منافى ومناقض دوشمزم. چونكه بوراسى. شاين عفو اولان اوافق تفك

قصور و معایبه کوره در. شو حالده اخوانك بعضیسنده . حیائاً نشئه سزلك
سوقیله، فتور و قصورك صدوری زماننده اسائت ظنی ، اوهامی ایلری کوتور ووب
بر طاقم مناسبتسن احوال توهمیله. قطع پیوند مودته حمل ایتك جائز اوله مز
بلکه انسانه عروزی طبیعی بولنان فترات نفوس و استراحتات خواطره
و طور غولغه حمل ایله. دوام محبتنه چالیشمق لازمه در :

چونکه انسان ایچون ، زمان کلیرکه کنندینه اك یقین اولان نفسنه بیله
مراعاتدن طور غولق حاصل اولور . بونکده انسانك کندی نفسنه عداوتدن
ناشی اولدیغی بداهتاً معلومدر . شو حالده ، احبابکده کی طور غولغی همان
طارغیلغه حمل ایتك. موافق عقل و حکمت اوله مز (منشور حکمده) یقیناً صلاحی
بیلیکك احبابکدن ، سوء ظن سنی چویرمه سین. دینمشدر (جعفر بن محمد)
چو جقیرینه شویله وصیت ایلردی . اوغللرم ، سزه اوچ دفعه غضب ایدوب
فنا سوزده بولونمیان احبابکزه ایو صاریلکمز :

(حسن بن وهب) اخوانی عفو ایله قوللانمق ، قصورلری وارسه . کوز
یومق ، حقوق مودت اقتضاسندندر دیمشدر .

ابن رومی

هم الناس والدنيا وابدمن قذى یلم بعین او یکدر مشرباً
ومن قلة الانصاف انك تبغی المذهب فی الدنيا ولست المذهباً

مأل

ناس ایله دنیاك حالی بویله در . هیچ بر صوکوزی ، چشمه پیکاری
یوقدرکه، ایچنه چورچوب دوشمه سین ، ایشته. انسانلر بو حالده در. البت مشرب
و اخلاقده خلل بولناده اولور . بر انسانك هر خونی کوزل اولمق. نادر
بولونور . کندك هر وجهه کوزل خویلی اولدیغك حالده اخلاقی هر وجهه
کوزل احباب ارامقده انصافسزلق ایدیورسك .

شعر

تواصلنا على الايام باقى ولكن هجرنا مطر الربيع
يروعك صوبه لكن تراه على علاته داني التزوع
مماذالله ان نلقى غضاباً سوى دل المطاع على المطيع

مأل

بزم. احبابله مواصلمنز دائميدر . طارغينلغمزده ، بهار ياغمورى كبي اُزدر .
تيز كلير كچر . كرجه اُنك كورولتيسى سنى قورقودرسده چابوق كچه جكندن ،
اندیشهك در حال امنيته تحول ايدر . يكديكر يمز ناز و استغنا مستثنا طوتولدينى
حاله . دائماً غضوبانه بولونمقدن اللهه التجا ايدرز .

ازدى

لا يؤيسنك من صديق نبوة ينو الفتى وهو الجواد الحضرم
فاذا نبا فاستبقه و تانه حتى تقى به وطبعك اكرم

مأل

دوستكدن صادر اولان خطا ، سنى مايوس ايمه سين ، سخاوتده دريا كبي
اولاندر بيله . بعضكده بخنده خطا ايدرلر . سن احبابكده بو حالى كورنجيه . تاانى
طرفنى التزام ايله ، بر زمان كلوب كريم اوله رق اكا رجوع ايدر سك .
اخوان ايچنده بر زمريه ده ا تصادف اولونوركه ، ارايش مودتلىرى . قماش
پزمرده اوزرنده كي يالديز كبي دمبدم تغير و زوالده ، و بر حاللى ديكرينه
اويماز صورتده . تحول وانقلاب اوزره در . لسان تركيده ، ميمون اشتهالى تعبير
اولونان بوكي ناكسرك اغوش و دادينه اُتيلمق ، اُتسه اُتيلمق قدر خطرنا كدر .

ابن رومی

شعر

اذا انت عابت الملول فانما تخط على صحف من الماء احرفاً
وهبه ارعوى بعد العتاب لم تكن مودته طبعاً فصارت تكلفاً

مأل

سريع التغير اولان اطرادسز احبابه ، نه قدر عتاب ايتسهك . صو اوزرينه
يازی يازمق کبی کارکر تأثیر اولمز . فرض ایتسهک عتابکدن متأثراً برمدت موقته
ظرفنده ابراز مودت ایتسه بیله ، بوده طبیعی اولمدیغندن تکلفدن بشقه برشیله
توصیف اولونه من .

ایشته اخوانک بو زمره سی . ایکی نوعدر ا نوع اول کندیلرینه عارض
اولان مالد و کدردنطولایی آثار ادبار کوسترنلدرکه . بونلر هنکام فتور
و اضطرابلرنده حاللری اوزره ترک اولونه رق . حال صحوه عودتلرنده اخوت
قدیمه لرینه رجوعلرینه انتظار اولونور . کرچه بونلرک کیفی کلنجیه قدر محبتلرینک
عودتی بکه مک جان صیقار . واو محبتنده واز کچیریر ایسه ده . صبرایتمک جهتی
ترجیح اولنور .

شعر

وقالوا يعود الماء في النهر بعدما عفت منه آثار وجفت مشارعه
فقلت الى ان يرجع الماء عائداً و يعشب شطاه تموت ضفادعه

مأل

چایک صوی قورویوب آناری بیله قالدقندسکره ، ینه صو کله رک ، اولکی

حاله رجوع ایلر دیدیلر. بن دیدمکه ، صوكلوب . نهرک اطرافى ياشارنجيه
قدر . قوربغالر اولور . او وقت صويک هيچ بر فائدهسى کوريله من .
لکن بر طاقم اوهام و ظنونه قاييلهرق احوالک دكيشمه سنده ، محبتک
زواله ، جفالقلم حکم ايدويورمک روا دکدر .

شعر

فان تک زلّة منه و الا فلا تبعد عن الخلق الكريم
اذا ما حال عهد اخيك يوماً وحاد عن الطريق المستقيم
فلا تعجل بلومك واستدمه فان اخا الحفاظ المستديم

مأل

دوستک عهد و پمانى زمانى کلوب. طريق وفادن انحراف ايدرسه . بردنبره
لوم ايتمکده عجله ايمه . چونکه اصحاب عهدود. دوام محبته منتظر اونق لازمه دندر
اکر بو انحراف ، زله و خطا طريقيه واقع اولديسه غفو ايله . قصداً اولديسه
خلق کریمانه ايله متخلق اول . شان وفا شعاران بويله در .

{ نوع نانى } ملال و تغیرلری. کندیلرینه عارض اولان غم والمدن طولاي
اوليوب مجرد اخلاقسزلقارى آثارى اوله رق بردها باريشمه مق عزم جديسيه
طاريلان کچ طبعان بی اذعان کروهيديرکه بونلر نظرنده . سنه لرجه صدق
وصميميته ايله دوام ايتمش حقوق قديمه نک هيچ دکرى يوقدر . بردفعه طارغينلق
طوتدردیلر می . نه عهد و پمان ، نه نان و نمک خاطره کلز ، بالعکس هيسنک
اوزرينه پرده کفران چکيله رک يرينه بغض و عدوان قائم اولور

{ عمر ابن اشجع الاسلامی }

انى رأيت لها مواصلة کالم تفرغه على الشهد
فاذا اخذت بعهد ذمتها لعب الصدود بذلك العهد

مأل

بن اونا زیننی. حین وصالنده بال اوزرینه زهر دو کر کوریورم. طانی طانی
وعدلرینی ایفا طلب ایتدی کده. در حال آجی آجی خلفلر و اعراضلرله اوینامغه
باشلار. ایشته عرض اولنان ایکی نوع اخوانک. شایان قدح و مذمت اولانی. اک
چیرکینی. بو نوعی تشکیل ایدن اُلقلردر. محبتلری و ساوس شیطانیه
عوارض شهوانیه ایش که سریع الزوال اولویور، بوکیلرله اختلاط ایدوب
عاقبتنده ورطه هولناک هجرانه دوشمک و برزمانده چاره وصالنی دوشمک و سبب
هجراتنی اراشدیرمقدنسه، اولجه هیچ سمتلرینه اوغراماق، چارچابوق
یقیللاجق بر مودت صوریه بغلاماق، حاصلی. صحتلرندن اساساً پرهیز ایلک
موافق حزم و احتیاطدر.

تدارکت نفی فجزیتها - وبغضتها فیک أمالها
وماطابت النفس عن سلوه - ولكن حملت علیها لها

مأل

نفسمی سندن منع وزجرا بتم، سندن اومدیغی امللری. چرکین کوستردم
نفسم سندن صوغومنی ایسته مدی اما، بن آنی زورله صوغوندم بوکیلرک
حال وشانی (ابراهیم بن حرمه) نک تصویر ایتدیکی حال وشانک عیندر.

شعر

فانک واطرا حک وصل سلما - لاحری فی مودتها نکوب
کثا قبه حلی مستعار - لاذینها فشانهما الثقوب
فادت حلی جارتها الیها - وقد بقیت باذینها ندوب

مآل

مجتندن دونهسی محقق اولان سلمانك مودتنه ، عشق و غرامنه ، وعد ایتدیکی وصالنه میل ایتمهك ، قومشوسندن عاریت کویه آلوب قولاقلرینی دلایره رك، ایرتسی کونی اعاده ایتدیکنده ، قولاق دلیکندن بشقه برشینه مالکه اوله میان قادینك حالنه بکزر .

امدی یوقاریدن بری تفصیل ایلدیکمز احوالی بعدالتحقیق ، شرائط لازمه یی مستجمع ذواتی بولدقنصکره ، دوست اتخاذایده جك کسه اوزرینه . حقوق مودته رعایت ، دوستی حقنده لازم الاجرا بولونان حالاته موظبت لازمدر . چونکه بوقدر امتحان وتجربه دنصکره اله کچمش برصدیق . الدن قاجیر مامق چاره سنه توسل ، قانون محبتك مواد مهمه سننددر . یوخسه . اوقدر امکمر هبابه کیده جکنه شبه یوقدر .

(عمر بن مسعد) کولهك . رقیئتندن عبارت اولان دکلدر . اصل کولهك . انسان کندی دوستنه صداقت خصوصنده کوله کبی بولمقددر . دیدی (بعض حکما) دوستاغنی سکا ابدال ایدن ، سنی نفسنه اورتق ایتمش دیکدر دیدی . شمدی اویله اجابه قرشی . محافظه سی لازم اولان شرائط . شونلردر . مودتی اعتقاد (یعنی کولکدن محبت باغلامق) احوال غیر مشروعه مستثنا طو تولدینی حالده کندیسنه دائما ابراز بشاشت ، یوزندن آرقه سنندن خیر خواهی اولمق ، برطاقم اغیر تکلیف لده بولونوبده . یار اوله جق یرده ، بار اولماق ، دوچار اولدینی نکبت و مصیبت زماننده معاونته شتاب ایتمک ، یوخسه یوزینه قرشی خیر خواه . معین و یاور اولوب ، اثنای فلا کتنده ائدیرمامق منافققددر . سلطان انبیا افندمز (حیر اصحابك المعین لك علی دهرک و شرهم من سعی لك بسوء) یعنی احبابك خیرلیسی . سکا معین اولان ، شریلیسی دخی . یوزیکه نیکخواه اولدینی حالده . غیابنده اجرای تزویرات ایدندر بیوردیلر . جناب رسالتپناه افندمز صور مشلرکه . احبابك هانکیسی ایودر ! سن انی ذکر ایتدکده یاردم ایدندر ؟ بونك ده اعلاسی سن انی اونوتدیغك حالده اوسنی یاد ایدندر بیوردیلر (حضرت علی)

بیوردیلرکه اخوانک خیرلیسی سکا یولک ایدندر. اندن خیرلیسی مکافات ایدندر دیدی. ابوهریره شویله دعا ایدردی. یارب، شہواتمه موافقت ایله مودت خالصه عرض ایدن، بوکونکی سرورمی ملاحظه ایله آخرتده پریشان اوله جغمی دوشونمہین، احبادن سکا التجا ایلرم (بعض بلغا) غدارک عقدایتدیکی دوکوم چوزیلور، عہد و پیمان بوزوقدر دیدی.

شعر

وکل اخي عندالھوینا ملاطف ولکنما الاخوان عندالشدائد

مأل

سعادتك زمانندہ. سکا ہرکس لطف ایله معاملہ ایدر. اصل. صادق دوست شدت و مصیبت زمانندہ بللواولور (صالح بن عبدالقدوس) فنا دوستک محبتی. زمانہ تابعدر. زمان. اقبال کوستررسہ. اودہ اقبال ایدر، ادبار ایدرسہ. اودہ ایدر،

شعر

شر الاخلاء من کانت مودته مع الزمان اذا ما خاف اورغبا
اذا وترت امراً فاعذر عدواته من یزرع الشوک لا یحصد به عنباً
ان العدو وان ابدی مسالمة اذا رأى منك يوماً فرصة وثباً

مأل

اخوانک کوتوسی، اقبال وادبارده زمانہ تابعدر. برکیمسہدن اینجیندیکمی. عداوتندن حذر اوزرہ بولون، زیرا دیکن اکن. اوزم محصولی یچہ من. دشمن سکا. نقدر صلح و سلم کوستریر ایسہده. ہنکام ادبارکده اوزریکہ صجرا یوب خفرہ ہلاکہ دوشورمک ایستر دوستک محبت و مودتک دوامندہ و شرائط لازمہ نک استجماعندہ عنایت

واهتمام اولونديغى كېي . محبتى خصوصندە دە افراطپورانه حر كىدن شدتله اجتناب ايتك لازمەندەر .

چونكه هر شىئك افراطى . داعى تقصير و نقصان اوله كلديكندن . شجره محبتك . صديقين يىننەنشو و نما بولسى ، افراط سببيله كو كىدن صارصيله رق ، عداوتە انقلاب ايتەسندن خيرليدر . ابوهريره . روايت ايلديكه . سيدالكائنات افدمز . امته خطاباً (احبب حببيك هوناً ما عسى ان يكون بغيضك يوماً ، ما ، و ابغض بغيضك هوناً ما ، عسى ان يكون حببيك يوماً ما) دوستكه محبتده افراط ايتە مأمولكه بركون كلرده . دشمنك اولور . دشمنكه بغض خصوصندە دخى افراطه وارمه . مأمولكه بركون دوستك اولور . بيورمشلردر .

(عمر بن خطاب) دوستكه محبتك . عشق و غرام رادهستنه وارمه سين . دشمنكه بغضك . موجب هلاك اوله جق مرتبهه چيقماسين ديدى .

ابوالاسود الدبلى

فانك راء ، ما علمت و سامع	و كن معدناً للخير و اصفح عن الاذى
فانك لاتدرى متى انت تازع	و احبب اذا احببت حباً مقارباً
فانك لاتدرى متى انت راجع	و ابغض اذا ابغضت غير مبين

مال

دائماً معدن خير اول . اذادن وازكچ . چونكه ياپدبغك اذالك عىنى ، كورب ، ايشيده جكسك ، محبت ايتدكده ، افراطه وارمه . بيلمز سك كه بركون . او سوديكك آدمدن يوز چويره جكسك . عداوت خصوصندە . افراطدن صاقين . بيلمز سك كه بركون . سومديكك آدمه رجوع . ايله دوستلغنى الترام ايدە جكسك . صكرە ندامت الويرر .

عدى بن زيد

لاتأمن من مبغض قرب داره ولا من محب ان يمل فيبعدا

مال

سو مدیکک. آدمک جار ملاصق . صدیق موافق اوله جفندن. امیدیک کسه
 زمان کلیرکه بویله اولور. سودیکک دوستکک دخی. سندن بیقوب قاچه جفنه
 امین اوله . زمان کلیرکه دشمن اولور . نه دوستکک محبتنه کوکهن . نه دشمنک
 عداوتندن محبتنه دونه جکندن مایوس اول. انجیق حق اخوتی ایفا. دائما دوستنه
 خیر خواه اولق. ماجرای حقوق قدیمیه رعایتده متناهی بر صورتده مبادرت
 قیلمغه وابستدر . اشبو تناهی. نه قدر قوت بولورسه سائر صفتلر کبی. حد
 معروفی اشدقده . حسنی قبیحه تحویل ایتمز. بلکه ازدیاد ایدر. خیر خواهلر .
 رعایت حقوق. بو کرته یه کلدکده . هر ایکی دوستکک حضور و غیبتی. نزدلرنده
 مساوی اولورده. مواجههٔ فصل یکدیگرلرینه خیر خواه ایسهلر. غیاباً دخی عین
 معاملهده بولونورلر. اما غیابک. حضوره راجح بر شکل آلهسی. اخوت نقطه
 نظر نجه شایان تقدیردر . حضوری غیاب اوزرینه ترجیح ایدوب . یوزدن
 معاملهسی اوزرینه راجح بولنان کسه . صفت لثامته موصوف اولدینی کبی .
 عکسیله موصوف اولانلر. کرم ایله مشهوردرلر . هر ایکی طرفک مساواتی ایسه
 حفظ اخوتدن معدوددر .

شعر

تبیذ الیالی و هولیس یبید	علی لاخلوانی رقیب من الصفا
فسیان منهم غائب و شهید	یذکر نیم فی مغیبه و مشهدی
قرباً وان اجفوه و هو بید	وانی لاستحی اخی ان ابره

مال

مراقبهٔ اخوان ایچون. اوزرمده بر بکچی وارکه. کیجهلر کیدرمحو اولورده.
 اوکچمز ، اوبکچی . کرک یوزلرینه قارشی. کرک آرقه لرنده. آنلری بکا دائما

خاطرلتیر . یوز ، ارقه . انلر ایچون مساویدر . ایشته بو بکچی انلره قرشو
 بنم اخلاصمدر . هم بن . یوزه قرشی ایولک . ارقه دن ، کوتولک ایتمکه حیا ایدرم .
 محبت خصوصنده افراطدن توقی لازم اولدینی کبی . زیارة خصوصنده
 عدالته رعایتدن آیرلاملیدر . چوق زیارت ایدوب اوصاندرمامه لی ، بسبتون
 اره سنی کسوب . محبتی هجرانه تبدیل ایتمه ملیدر . چوق زیارت . موجب ملال ایه .
 بسبتون ترک زیارت . مستلزم نقصان محبتدر . انک ایچون . سلطان انیا افندمز .
 ابوهریره . (زرغباً تردد حباً) یعنی یا اباهریره . بنی کون آشیری زیارت ایله که
 محبت جهتیله زیاده اوله سک . بیوردیلر .

توقف عن زیارة کل يوم اذا اکثرت ملک من تزور
 دوستکی هرکون زیارتدن وازکج . چوق زیارة ایده جک اولورسه ک . سندن
 اوصاندرده . سبب هجران اولور .

شعر

افقل زیارتک الصدیق ولاتطل	هجرانه فیلج فی هجرانه
ان الصدیق یلج فی غشیانه	لصدیقه فیمل من غشیانه
حتی تراه بعد طول سروره	بمکانه متشاقلاً بمکانه
واذا توانی عن صیانتہ نفسه	رجل تنقص واستخف بشانه

مال

دوستکی زیارتی ازاله . اما بتون بتون ترک ایدوب . آنکده هجرانده عنادله
 مقابله سنه سبیت ویرمه . بر آدم دوستنی زیارتده انهماک کوستیریرسه . دوستیده آندن
 ملال کوستیریر . بر درجه به واریرکه . اولجه ملاقات اثناسنده الدینی طرز مسرت .
 بالآخره ثقلته چویریلور . نفسنی صیانتده تکاسل ایدن آدمک استخفاف واستثقاله
 شایان اوله جفنده شبه یوقدر .

دوستدن برقصور صادر اولدقده لوم و عتابنده اسراف ایتمامک . لوازم
 مودتدندر . زیرا مناسبلی . مناسبسز . عتابه فویولمق . سبب هجراندر . بسبتون ترک

عتاب ایسه | علةالمعادات. قلةالمبالات | قاعدهسنجه. دوسته قرشی اهمیت ومبالات
بسله ماملکی اندیر اجغندن. مستلزم عداوتدر. شو حالده. بوخصوصدهده طریق
وسطی التزام ایتمک. موافق مصلحت اخوتدر. اره صره زمین بوله رق. خطالرینه
قرشی عتاب ایله. اصلاحنه چالشملی. بعضکردهده. خطالرینی نظر مسامحه ایله
کوره رک. اجرای سماحتدن کیره قالمامغه چالشمه لیدر. بو تدبیره توفیق حرکت
اولونورسه. دوست اتخاذا ایدیلان ذات. نه بتون بتون شیاریر، نه بسبتون
صوغویه رق. غیظ وغضی قباریر.

منصور نمری

اقلل عتاب من استربت بوده لیست تنال مودة بعتاب

مأل

مودتندن شهیدلندیکک کمسهیه. عتابی از یاب. چونکه عتاب ایله کیسه نیک
مودتی الیه ایدیه من.

بشار بن برد

اذ اكنت في كل الامور معاتباً صديقك لم تلق الذي لا تعاتبه
وان انت لم تشرب مراراً على القذى ظمئت وای الناس تصفو امشاربه
فعمش واحداً اوصل اخاك فانه مقارف ذنب مرة و مجانبه

مالل

هر ایشده. احبابکی عتابه قالفیشرسه ک. مظهر عتاب اولمایه جق کسه یی
بوله میه جفک جهته. احبابسز قاله جفک شهیه یوقدر. اوستنده چور چوب واردر
دیه. صو ایچمزسه ک. انلردن خالی منبع بوله میه جفک مقرر اولمغله. صوسزلقدن
بیزار قاله جفک کبی. متنوع مشریده کی احبابی عتاب ایتدی ککده. اخوانسز قاله جفک
شهیه یوقدر. علمده هانکی آدم واردرکه. مشرب صاف صاحبی اولسون. یایالکز

باشامغه راضی اول . یاخود. دکه برشیلری لاقیدانه کوره رک. دائره مودتلینه کیر. چونکه انسان. گاه ارتکاب ذنوب. گاه اندن مجانبت ایده گلشدر. مراعاتی لازم اولان حقوق اخوتدن بریسی دخی. اخوانک واقع اولان هفواتی عفو و اغضاء زلاتنی ستر و اخفا ایتمکدر بویله یایمیوبده. قصور و خطادن عاری احباب ارا نیله جق اولورسه. عنقای مغرب کبی امر محال تخریسیله بوشنه اتعاب نفس ابدلش اولور. بناءً علیه. حسب البشریه صادر اولان سهو و خطالری. کورمزدن کلک. تداییر اخوان خصوصنده بیوک سیاستدر .

حکما دیمشدر دکه. هانکی عالم واردرکه. خطایه دوشمه یه سین. هانکی قیلچ واردرکه. یوزی هیچ دونه سین. هانکی آت واردرکه ایاغی سورجه سین. حکمانک شوسوزلری. قصور و خطاسز اخوانک وجودی عدی الامکان اولدیغنی تعریف معرضنده سویلنمشدر . ینه بو وادیده . حکما شویله برتمیل ظریف اجرا ایتمشلردر. دیورلرکه. رابطه مودتی اصلاً چوزلمز خطا وزله سی قطعاً کورولمز اخوان ارایان ییچاره لر. اثنای سفرده. منزل مقصودینه موصل طریق غیب ایده رک. بولق ایچون نفسنی یوردقچه. سمت مطلوبندن اوزاق دوشن کسه لره بکزر. هراکیسنده اتعاب نفس. اضطراب بدن طبعیدر. خالدین صفوانه. هانکی دوستکی چوق سورسک دیدکلرنده. خطیئاتی عفو. علل و امراضیمی دفعه شتاب. امالیمی ترویجه اقدام ایدنلری چوق سوهرم جوابنی ویردی.

شعر

ما کدت افحص عن اخي ثقة الا ندمت عواقب الفحص
محبته کو که نیله جک احباب تخریسنه دوشدجه . ندامتدن بشقه برتیجه. اله
کیرمدی اربع ا امام شافعیدن شو بیتلری روایت ایلدی .

شعر

احب من الاخوان کل مواتی وکل غضیض الطرف عن عثراتی
یو افقنی فی کل امر اریده و یحفظنی حیاً و بعد مماتی

فمن لی بهذا. لیت انی اصبته ففاسمته مالی من الحسناتی
تصفحت اخوانی وکان اقلهم علی کثرة الاخوان اهل ثقاتی

مال

اخوان ایچنده. کوردیکی عیلمی ستر. ومطلع اولدینی خطالرمدن کوزیومان.
أرزو ایتدیکم نقطه لرده بکا اویان. صاغلمده. ووفاتمدن صکره ناموسی محافظه ایدن
احبابی پک سورم. اما بویله احبابی بکا کیم بوله جق. آه کاشکی بوله بیلمده. مال
واملا مک یاریسنی ویرسم. بن زمره احبانک هپسنی نظر تدقیقدن کچیردم.
چوقلق لریله برابر. مودت لرینه کوکنیه جک پک آزینه راست کله بیلدم.

ثعاب

إذا انت لم تستقبل الامر لم تجد بكفیک فی ادباره متعلقاً
إذا انت لم تترك اخاك و زلة اذا زلها او شكمتا ان تفرقا

مال

سن حزم و احتیاط ایدوب. کندی ایشیکی. کال اعتنا. وایکی الکه قرشوله مرزه ک.
آرقه سنی چو یروب قاچدیغنده. یایشوب کیرو چو یرمکه قادر اوله مرزه ک. احبابی
وقوعبولان زلاتیله. حاله ترك ایتمه یوب. عتابه قالفشیرسه ک. پک چابوق ایریله جفکز
مقرر در... اصمعی. بعض اعرا بیدن نقل ایلدیکه. اخوانک مساوی احوالی
کورمزدن کل که. دوام محبت تأمین اولنسون. سن قانون مودتی محافظه ایت.
اما احبابک ایتزمش ضرری یوق. دوستکه ایولک و مواصلة ایتکه چالش.
اما. اوسنی بویله قرشوله مزمش. ینه ضرری یوق. دیدی. ایاد قبیله سندن بر آدم.
یزیدن مهلبه خطا باشو یتلری سویلدی

شعر

اذا لم تجاوز عن اخ عندزلة فلست غداً عن عثرتي متجاوزا
وكيف يرجيك البعيد لنفعه اذا كان عن مولاك خيرك عاجزاً
ظلمت اخا كلفة فوق وسعه وهل كانت الاخلاق الاغرائاً

مأل

سن قرنداشك زله سندن كچمديكك حالده . بنم خطا لرمدن كچميه جكك
طبيعيذر . كندی يقينلر كدن خيرك اوزاق اولديني حالده . بيكانه لر نصل اميد منفعت
ايلر . طاقك فوقنده . احبابكه تكليفده بولور سهك ظلم اتمش اولورسك . ذاتاً
اخلاق ده امر جيليدر . رضينك كآبي . ابومسعود . ديوركه مجلس رضيده بولنديغمز
اثناده . اركان مجلسدن برى . دوستندن شكاييت ايتدى . رضى جواباً شوييتلرى
اوقودى .

شعر

اعذر اخاك على ذنوبه واستر وغط على عيوبه
واصبر على بهت السفه وللزمان على خطوبه
ودع الجواب تفضلاً وكل الظلوم الى حسبه
واعلم بان الحلم عند الغيظ احسن من ركوبه

مأل

احبابكي ذنوبى اوزرينه معذور طوت . عيوبنى ستر ايت . سفهانك ادا سنى .
زمانك شئون جفا سنى . صبر ومتانتله قارشوله . ظالميره قارشى جواب مقابله ده
بولونمه . منتقم جباره حواله ايت . معلومك اولسونكه حلم . غضبدن خير ليدر .
حكايه اولونوركه . عبدالله بن مطيعك قزى . زوجى طلحه بن عبدالرحمانه . ديديكه . بن

سنگ اخوانکدن اشاغی بر قوم کوردم . سن انله احسان ایدیورسک . حتی بو حالک هر کسجه مشهوردر . انلر سکاقرشی هیج بر حس معاونده بولونمورلر (طلحه) زوجه سنه دیدیکه . واز کچ بویه عتاب ولومدن . انلراویله کریم کسه لردرکه . قوه قاهره من زماننده یاقلا شیرلر . ضعف و مغلو بیتمز زماننده قورقو تمامق ایچون یانمزدن ایراغ اولیورلر لیم اولسه لردی باشمزه چوکر . هلاکزه قوشارلر ایدی . بویه کرمايه لیم دیمک . حق ناشناسقدر شو حکایه . ایوجه دوشونولورسه . طلحه نک مفطور اولدینی فطرت عالیجنابانه . شهرتندندها افزون اولدینی . نظر انصافده تجلی ایلر . طلحه نک . شو حالی . هانکی ییکتک کاریدر دوستلرینک شایان قدح و مذمت اولان حاللرینی . برطرز مستحسنده ابراز و بین و بدیی بولوتان غدارقلرینی وفا صورتنده اظهار ایتک کبی . اعجاز طبیعت کوستردی . الحق . محض کرم و لب فضائل انسانیه اولان شو حال . اومزیتله ممتاز اولوق آرزوسنده بولونان کسه لره . شایان امثال برنمونه در

شعر

اذا مابت من صاحب لك زلة فكن انت محتالاً لزلته عذراً
احب الفتی ینفی الفواحشه سمعه کان به كل فاحشه وقرأ
سليم دواعی الصدر لا باسط اذی ولا مانع خیراً ولا قاتل هجرأ

مأل

ارقد اشکدن برزله صدورنده . لومه قالدشمه . بلکه معذرت معقوله تحریسیه غفوه چالش . ییکتک اعلانی . قوه سامعه سی فناسوزلری طویعاید . طویار . لکن قولاغنده صاغراق وارمش کبی . کوزوکور . نه اذا ایدر . نه مانع خیر اولور نه هرزه تکلم ایدر . دائماً سینه صافانه معامله ایدر . طلحه نک اشبو تاویل کریمانه سنه سبب . ایکی شیدر . بری تغافدرکه . برشیئیلوب ییلمز لیمک . فطانتدن ایلری کلیر . دیکری آرزوی الفت . دوام صحبت فکریدرکه . بوده وفا کاراق خصلتندن ایلری کلیر . آنکچون . بعض حکما . دنیا ایشلرینی تغافلر کچیشدیرمک قابل اولمز بر حالده اولدینغی کشف ایتدم . دیدی .

اکثم بن صیفی دیدیکه. اخوانه قرشی شدت کوسترن. منفور. خطالری
مواخذده تراخی کوسترن. الفتلیله مسرور. اما خطالری بستیون عفو ایدن.
طبقات اخوتک اک شرفلی مرتبه سنی احراز ایتشد. .
اشیب بن شیه ا عاقل مدبر. انجق اخوانک عیوبندن غافل می بولوناندر
دیدى .

ابو تمام نائی

شعر

لیس الغی بسید فی قومه لکن سید قومه المتعابى

مأل

احمقر. قومی ایچنده نائل سیادت اوله مز. لکن فطین اولوب کن دینی احمق
کبی علمک عیوبندن غافل کوسترن لر. سید در .

ابوالعتاهیه

ان فی صحة الاخاء من الناس و فی خلة الوفاء لقلة
فاليس الناس ما استطعت على النقص والالم تستقم لك خلة
عش وحيداً ان كنت لا تقبل العذر و ان كنت لا تجاوز زلة
من اب واحد وام خالقنا غير انا فی المال اولاد عاة

مأل

ناسک اخوتک حجتی. وفالرینک متانتنده. قلت واردر. کورشمک ایسترسه ک
ناسی نقصانلریله قبول واختلاط ایله. یوقسه هیسج بر دوست بوله مزسک. قبول
عذر، عفو خطیئات صفتلرینی حائر دکسه ک. تنهانشین عزلت اولمق. سنکچون
موجب سعادتدر. بز. آدم و حوا کبی. بر انا بابادن حاصل اولمشز اما. مال جهته
کلنجه. اولاد ابوین مدله سی ارمه مزدن کیدر. دشمنلر حقنده معامله نوازشکارانه

اجراسیله. بوسایهده بغض و عداوتلرینی محبته تحویله چالیشمق. موافق حکمت و مطابق سیاستا خوتدر. اوت. شو عالم فانیده دشمنسز. حاسدسز کسه یه تصادف اولنه مز. بر درجه که. نعمتک از دیادی نسبتنده اعدانک کثرتی. حاسد لرك و فرتی لازم غیر مفارق ایتش کبی. زده براهل نعمت و فضیلت کورولسه. قرشوسنده بر قاج حسدجی، او نعمتک زوالنه قلباً انتظار ایتدکلری. وهیچ برمناسبت بولنفسزین عداوت ابرازینه چالیشدکلری چشم تأسفه چاربار .

بحتری

ولن یستبین الدھر موقع نعمة اذا انت لم تدل علیها بحاسد

مال

زمان. سنی بر حاسدک طاشیله طاشلانمه دجه. نعمتکی میدانه چیقارمز... امدی مظهر نعم سبحانی اولوب. ظهوری طبیعی بولنان اعدا و حاسد لرك طعنه سینه معروض بولنان کسه. حسب الامکان لطف و احسان ایله. تألیف قلوبه یانغین سوندورورجه سینه چالشمزسه. انلرك حلیم اولانلرینک. ال التندن اجرا ایتدکلری مکرو حیلی. سفیه اولانلرینکده بادره اذیت سفاهتلی اولانجه تخریباتیله هجوم ایدهرک. نعمتک نغمته ریاستنک ملاته. انقلابی محقق کیدر. انکچون سلطان انبیا اقدمز [رأس العقل بعد الايمان بالله التودد الى الناس] یعنی ایماندن صکره کار آشناق. ناسه کندینی سودرمکه چالیشمقدر بیوردیلر [سلیمان] علیه السلام. اوغلنه وصیتی ائناسنده. اوغلم. بیک دوستک بولونسه. چوغونسه مه. چونکه اوده از دربر دشمنک اولورسه ازنسه مه. چونکه اوده چوقدر. دیمشدر شو مضمون سلیمانی بی. ابن رومی نظم ایله شو بیتلری سویلشدر .

شعر

فکثر من الاخوان ما استطعت انهم بطون اذا استنجدهم و ظهور
ولیس کثیر آلف خل و صاحب و ان عدواً واحداً لکثیر

مأل

کوجک يتديكى قدر اخوانى چوغالت . اونلر فریاد و استمداد زماننده بطون و ظهوردر . یعنی سنك ایچون ظهیر و معاوندرلر . بیک دوستك وارسه ینه آزدر . بر دشمنك وار ایسه . ینه چوقدر . حذر ایت .

عبدالملك بن مروانه صورمشلرکه . زمان سلطنتکده نه قزاندك . جوابنده . خلقك مودتنی قزاندیم . دیمشدر . بعض حکما . دشمنی اصلاح و تأدیب سوداسنه دوشن . بیهوده یره چوغالتش اولور . دوستنی طارلدان کسه . سونلری آزالتمش اولور . دیدی .

(بعض ادبا) قلمبنده کنیره دیکی عداوتك غلیاننه مغلوب اوله رق . مهمات امورنده ایشینه یارایه جق عقل و کفایت اربانی طرح والقا ایله . اظهار ایتدیکی محبت صوریه سنه مجلوب اولوب بر طاقم عجز و جهل اصحابنی حریم التفات وانعامنه الان اذعانسزلره شاشارم . چونکه بونلرک . کندیلرینه عداوت ایدن عاقلی . انعام ایله دائره صلاحه نجلب ایتمک . اقتدارلری داخلنده اولدیغی حالده آنلری بر طاقم اوهام سوقیله بر طرفه براقوب . نا اهللره یوز و یرمه لری . زمین شوره زاره تخم اکمک قیلندن اولدیغی جهته شاشماق الدن کلز دیدی (عبدالله بن زبیر) حکمای عربك اقوال حکمیله لرینی جامع و قلوب مستعمده یه نافع اولان (صلاة بن عمره) منسوب بولان شو بیتلری انشاد ایتدی .

شعر

بلوت الناس قرناً بعد قرن فلم ارغیر ختال وقال
وذقت مرارة الاشياء جمعاً فما طعم امر من السؤال
ولم ارفی الخطوب اشد هولاً واضعف من معاداة الرجال

مأل

بن ناسی . لحظه بلحظه امتحان و تجربه دن خالی قاله دم . نتیجه ده . مکر و حیل . بغض و عداوت اربابندن بشقه سنی کوره مدم . هر شینك آجیسنی طاتدم . خلقدن

برشی ایسته مک دن زیاده. آجی برشی اولم دیغنی جزم ایتدم. مصائب کون ایچنده .
رجاله عداوتدن کوچ بر شیئی کورمدم | قاضی تنوخی | شویله سویلیدی .

شعر

الق العدو بوجه لاقطوب به یکاد یقطر من ماء البشاشات
فاحزم الناس من یلقى اعاده فی جمع حقد وثوب من مودات
الرفق بمن وخیر القول اصدقه وکثرة المزح مفتاح العداوات
دشمنه چین جبین. وترش رو کو سترمه. دائماً ماء بشاشته طعمه دیر یوز ایله
کورین. ناسک حزم احتیاط ایله حرکت ایدنلری .جسمی حقد وکین ایله
طولمش ایکن. مودت کسوه سنه بورونه رک . دشمنلرینی قارشیله یاندر. رفقه
معامله. موجب میمنتدر . سوزک خیرلیسی طوغریسیدر. چوق لطیفه عداوت
اناختریدر .

شافی

لما عفوت ولم احقد علی احد ارحت نفسی من هم العدوات
انی احیی عدوی عند رؤیته لادفع الشرعی بالتحیات
واظهر البشر للانسان ابغضه کأنما قد حشی قلبی محباتی
الناس داء دواء الناس قریهم و فی اعتزالهم قطع المودات

مأل

دائماً عفو ایله معامله. وقلبی کسهیه قرشی حقد وکیندن تخلیه . ایتدمه
او صورتله، نفسی عداوت ناسدن راحت براقه بیلدم . بن دشمنی کوردکده
شرینی دفع قصدیه ، سلام ایله قرشولرم. سومدیکم ادملره ، قلم سوکیلرله
طولمشده طاشیورمش کبی. شن کوستیریم. نه پیایم . انسان برمرضدرکه علاجی
حسن الفتدر . کرچه عزلت ایتمکده ، برچاره ایسهده اوده قطع مودتی موجب
اوله جفندن، موافق حکمت کوره مم. اعدانک بوضورتله تألیف قلوبی و سمت
صلاحه یناشدیرلمسی قابل ایسهده . بوخصوصده افراطه کیدیلرک بتون بتون

اعتماد ايله، آغوش مودتلىرىنه صميمى بر طرزده آتيلماق . ظن خيال قىيلندن بولان عهد و پيمانلىرىنه بل باغلامق حزم و احتياط قاعدهسنة مغايردر . چونكه عداوت . طبيعة ثانية حكمنى آلير جهسنة جبلت انسانيهده يرلشمشدر . اويله جعلى تأليف و مقاربت . عرض اخوت و محادثته حقيقى دوست موقعى الموق صلاحيتى انلرده مفقوددر . انجق . حسن معاشرتك تأثير كوستره چكى بر نقطه وار ايسه اوده طبعاً ياقيجى . جان آجيدىجى اولان آتشك صو ايله مضرت احراقى دفع و طعام بشوريله رك اولوجهله منافى اقتطاف اولوندينى كى . اعداى بدخواهكده تأليف قلوبى . اظهار عداوتلىرىنه مانع و مضرت ملحوظلرني دافع اولمق خصوصيدر .

شعر

واذا عجزت عن العدو فداره و امزح له ان المزاح و فاق
فالنار بالماء الذى هو ضدها تعطى النضاج و طبعها الاحراق

مأل

دشمندن عجزك ظاهر اولدقده . مدارا ايدرك ، ليطفه طريقتى التزام ايت
چونكه لطيفه . موجب موافقت قلوبدر . باقسك آتش . طبعاً محرق اولدينى
حاله ، ضدى اولان صو سبيله . هم مضرت احراقى دفع . همده يمك بشورمك
منفعتى تأمين اولنيور .

الطافكك اجزاسنى يارب تمام ايت

ناقص قومه آتارىمى مشكين ختام ايت

جودت قولوكى ايلمه ابترله پيرو

كامللك ارواحنه تبليغ سلام ايت

جزو اولك فهرستی

صفیحه	
۳	سبب تألیف کتاب و کیفیة ترتیب ابواب
۴	عقلک سریتی . هوائک مذمتی
۵	عقل غریزی و عقل مکتسبک تقسیماتی و بونلرک ماهیتلرینک بیانی حقننده علماک اختلافی
۶	عقل عرضمیدر، جوهرمیدر، محلی دماغمیدر، قلمیدر، بوکا متدائر بین العلما مباحثات دورادور
۹	عقل مکتسبک ایضاحی طولایسیله (عامر بن طفیل) ایله (علقة بن علامه) نک دهات عربدن . (هرم بن قطبه) و ابو جهله مراجعتلرینک بیانی
۱۰	حضرت عمرله ابن زبیرک بر ماجرای غریبی
۱۱	شعراى عربدن فرزدق ایله جریرک بر مبارزه شاعرانه لری و سلیمان بن عبدالملکک انکشت بر دندان حیرت قالیشی
۱۵	عقل و ذکاوتک تناهیبی انسان ایچون فضیلتیدر یوقسه مستلر حزن و کاتمیدر
۲۰	حق و بلاهتک قبح و شناعتی و بوکا دائر حکایات عجیبه
۲۱	احق بر والینک کلب حقننده قصاص اجرایی و بونی ناطق هجویه ل
۲۲	عقل بالملکة ، عقل بالفعل ، عقل هیولانی ، عقل مستفاد قسملرینک مترجم طرفندن علاوة بیانی
۲۸	مخلوقاتى اوجه تقسیم ایدن بر حدیث شریف ایله . مثنویدن پارلاق بر بارچه نک علاوة ایرادی
۳۵	(طارق) ایله ابن شبرمه نک عجیب بر وقعه سی
۰۰۰	(باب ادب العلم
۳۶	عالم ایله جاهلک مساوی اولدیغنک . هل یستوی الدین یعلمون . آیة سیله تأیید . واقوال حکما و اشعار ادبا ایله دانشین بر طرزده تشبیدی
۳۷	جهلانک علمایه نقرتله باقه لرینک اسبابنک تدقیقی
۳۸	بزرجه رک علم ایله مال مقایسه سی حقننده بر مقایه حکیمانہ سی
۳۹	طلبه دن بریله مشاهیر علمادن بر ذاتک . نتیجه سی غریب بر ملاقاتی
۴۱	علمک . فرض عین . فرض کفایه قسملرینک بیانیله . عالم قیافتنده جهلانک ظهور ایدمچکی حقننده شرفوارد اولان احادیث ایله . اوکی دجابه نک
۴۲	سادهدلان عوامی اغفال ایتمه لرینه سد چکمه نک علما اوزرینه فرض اولدیغی
۴۲	انسانلرک چراکام عالمده بوش براغیلیموب قلاده شریعتله : مقید اولدقلرینک صورت حکیمانده بیانی

صحیفه

- ۴۳ علم دینده حساب . هنده سه . تصوف . علوم ادبیه نك ذیمدخل اولدیفنك امام شافعی طرفندن ایضاحی جهلا . بوقدر رذالت ایقاع ایتدکاری حالدہ اشتہار ایتیموب عالمدن صدورنده . طنطنہ فضاحتك عیوقہ چیتمه سنك فیلسوفانه تدقیق
- ۴۸ کبرسنه اوغرامش کسانك تحصیل علمدن حیا ایتمه لرنك . معقول اولمديفنك ایضاحی
- ۴۹ مأمون ایله عموجه سی آره سنده برحاوره فیلسوفانه
- ۵۰ تحصیل علم ایچون وقتم بوقدر دییان اهل حرف وتجارترك درمیان ایتدکاری عذرک مقبول اولمديفنك بیانی
- ۵۴ بزر جهرك دیگر بر مقاله حکیمانه سی
- ۵۸ بحث وجدول و بین العوام اشتہار غرضیله تحصیل علمك نتیجه سی وخیم اولدینی
- ۵۱ بعض علمانك دوچار اولدقاری مضایقه معیشتی کوروب. علمدن یوز چورنلره قرشی جوابلر
- ۵۹ نیته صحیفه مقرونه اولان مباحثه نك جائز اولدینی
- ۶۰ بعض فنونك مقدمات اولیه سی پراقوب طوغریدن طوغریه
- ۶۱ مقاصده شروع ایتمه نك اسبابیله اشبو حرکتك بالوجوه بطلانی
- ۶۶ فهم کلامه مانع اولان اوج عاتك بیانیله بوکا مترتب ایضاحات لازمه
- ۶۸ مواضعه عامه ومواضعه خاصه نك تفصیلی وکلام آره سنده رمز وانزکی شیلرک استعمالی
- ۷۸ خط وکتابتک بدایت ظهوری حقنده تفصیلات
- ۸۱ کلامدن بعض الفاظک اسقاطیله استخراج معناسنك مشکل اولدینی
- ۸۷ طالب علمك علنی اذتیره حق شروط لازمه نك بیانی
- ۸۸ معلم ومتعلم اوزرینه رعایتی واجب اولان احوال
- ۹۳ استاده حرمت خصوصنده برحد معین بیانی
- ۹۶ علمایه تواضعك وعجب وغروردن احترازك لزومی
- ۹۸ مؤلفك ایکی بدوی عرب ایله استفتا حقنده سرگذشت عجیبی وبخصوصده مرحومك علوکعبنك تظاهری
- ۱۰۰ عمری متناهی اولان بشرک . کافه علومی احاطه سی ممکن اولمديفنك بیانی
- ۱۰۳ علمایه علیه علمك لزومك براهین عقلیه ایله بیانی
- ۱۰۵ علی آلدہ عملیه قارشمه دییان مبالا تسزلره قرشو حجج الزامیه
- ۱۰۸ علمده بخل ایتك. وخیم نتیجه لر تولید ایده جکی
- ۱۱۱ شاگرد. محروم فطانتدر دیهرک تعلیمندن چکتمك. موافق شیعه مروت اولمديفی
- ۱۱۲ عالم فاجرایله صوفی جاهل حقنده احادیث شریفه
- ۱۱۴ حضر ایله موسائک محاوره عبرت آمیزلی
- ۱۱۵ پادشاهلره معلم اولان بعض ناپخته لرك احوال غریبه سی وتعلیم سلاطین حقنده آداب مخصوصه

تھیفہ

- ۱۱۶ بعض دالقاو قلوک بادشاہلرہ قرشی حرکات غیر مشروعہ لری
 ۱۱۷ علمایہ لزومی درکار اولان علوجنابہ دائرہ بر منظومہ بلیغہ
 ۱۱۸ معینک شا کردہ قرشی درشت معاملہ دہ بوائیہ سنک شرعاً و عقلاً مذہوم بتی حقندہ
 احادیث و اقوال حکما
 ۱۱۹ بابادب الدین
 ۱۲۰ عبادات ایچندہ تجلی ایدن منافع مادیہ و معنویہ نک بیانی و تعبدات دینیہ نک مأخذینک
 عقل متبوع و شرع مسموعہ تقییمی
 ۱۲۲ قرآن کریمہ کی تکالیف الہیہ نک اوچہ انحصارینک کیفیت (۱) اعتقادی لازم
 اولان (۲) احترازی لازم اولان (۳) ایشلہ مسی لازم اولان
 ۱۲۴ فرائضک صورتہ ترتیبیلہ نمازک اسراری حقندہ مطالعات صوفیانہ و مشنویدن بر پارچہ
 ۱۲۷ نماز ایچون اوقات تعیینندہ کی حکمتک بیانی
 ۱۲۸ صومک اسراری حقندہ کی حکیمانہ فکرلر

فهرست جزو ثانی

صحیفه

- ۲ انسانك عجز و احتیاجی حقنده . حسن بصیرتك علم منافع الاعضایه موافق بر نطق بلیغی
- ۳ زكاتك رضیتك حكمتی . وفوئدمادیه و معنویه سی . سماحتك مدایحی ، بخل وامساكك قبایحی
- ۴ اسرار حكاك بیانیله . مدینه و مكه ك مواقع معلومه سنده حجاج كرامه خطاباً شرفورود ایدن برندای جبروتینك آیانی و شرعاً منهی اولان محرماتك تقسیمی
- ۹ فعل منكری ارتكاب ایدنلك ایکی قسمه تقسیمی
- ۱۰ نهی عن المنكر حقنده مطالعات عمیقہ و تمثیلات ظریفه
- ۱۲ آخر زمانده خروجی منتظر اولان مهدی حقنده تفصیلات لازمه ، مترجم طرفندن علاوه در ،
- ۱۴ انسانلك اوامر الهییه اطاعت و نواھیدن مباحثت خصوصنده درت صنفه تقسیمی
- ۱۷ توراتدن مأخوذ بر مقاله نفیسه
- ۱۸ بعض كمسه لرده فعل طاعتك بخش ایتدیكى عجب وغرورك نتائج وخیمه سی
- ۲۰ مؤلف مرحومك بر مقاله نصایح اساله ی
- ۲۱ مكلفین طرفندن عباداتك صورت اجراسی حقنده تقسیمات عقلیه و بوكا متدائر حكما و بلغاتك مقالات بلیغه سی
- ۲۲ امر عبادانده تكاسل ایدنلك درت صنفه تقسیمی
- ۲۸ ریانك قبح و شناعتی و (ان الله یامر بالعدل) آیہ سنك وجوه تفسیرییه سی
- ۲۹ بعض مرأییلرك موجب خنده مسخره اقلری
- ۳۰ حضرت عمرك منبرده خطبه ایرادی اثناسنده كندیله عارض اولان برحات بشریه . دنطولایی . جماعته قرشی بلیغ براعتداری
- محمد بن كعبك . عمر بن عبدالعزیزه و عطفی
- ۳۲ اعمال خیرییه اعتباریله انسانلك درت صنفه تقسیمی
- ۳۳ تزید اعمالده افراطه واران متكلفلك حركاتك یاكشانی و بوبابده شریعتك علوشانك تظاهری
- ۳۴ حب دنیا حقنده کی احادیث و كلمات حكما و حضرت عیسانك غدای روح و صفنه لایق بروعطی
- ۳۹ نفس حب دنیادن كچیرمه نك ثمرات نافعه سی
- ۴۰ مذهب زندقه نك موجی (مزدكك) برزمرمه = عبرت انگیزی

- ۸۵ هارون رشید ایلہ ابولمناہیہ نیک برماجری عجیبی
- ۸۶ قوام دنیا نیک. اوخچی قاعدہ سی بولسان عدلک تفصیلاتیلہ حضرت عمرلہ هرمرزان. اسکندرلہ حکمای هندک مناظرات غریبه لری
- ۸۹ شرار ناس حقندہ بیانات پیغمبریہ و حضرت عیسانک بنی اسرائیلہ قارشى مواعظی
- ۹۱ انتظام دنیا نیک دردنجی قاعدہ سی اولان امنیت عمومیه نیک ایضاحی
- ۹۴ اوجوزلقدن عبارت اولان. بشنجی قاعدہ نیک بیانی و حضرت عمرک ابو موسی الا. حرى یه مکتوبی
- ۹۵ آلتنجی قاعدہ بی تشکیل ایدن اعمار بلاد حقندہ سیاسی تفصیلات
- ۹۸ انسانلرک سعادت خصوصیه لر نی تأمین ایدمک اوج قاعدہ نیک تشریح و ایضاحی
- ۱۰۱ اسباب الفتک تفصیلات اقسامنه شروع. ولزوم اتحاد حقندہ اوامر محمدیه و ذاتاً رابطه توحید ایلہ برلشمش اصحابک بوکی اوامریله مخاطب اولملر نیک. تاریخی و اجتماعی بیانی.
- ۱۰۴ نسباً اتحادک قوه الظهر ومدار ظفر نولدیفک شرعاً و تاریخاً اثباتی ونسب حقندہ تفصیلات مکملہ
- ۱۰۶ حقوق والدینک بیانی حقندہ کی احادیث ایلہ. حق والدہ نیک حق پدردن افزون اولمه سنک حکمتی
- ۱۰۹ اقربا حقندہ تقسیمات کاملہ. وصله رحمت مزیتی
- ۱۱۱ خالدين یزیدک. حرى رملہ حقندہ کی شعریلہ. کامل المبرددن بر بارجه

(مترجم طرفندن علاوه)

- ۱۱۲ ازدواجک اسباب و شرائط لازمه سی. و محسناتنه دائر عقلی و نقلی تفصیلات
- ۱۱۳ ازدواجده قادی نیک ثروتی نظر اعتباره ألانلرک عاقبتی
- ۱۱۴ قادی نیک حسن و بهاسنی نظر اعتباره ألانلرک عاقبتی
- ۱۱۵ کوزل قادی نیک آلمق. موافق حکمت اولمدیفنک فلسفه سیله. حضرت عمرک بر قادی ن ایلہ مشاعرہ سی
- ۱۱۶ قادی نیک دین و صلاحتی نظر اعتباره ألمه نیک محسناتی
- ۱۱۷ ایک قبیله آراسنده پیدای ماسبت. و ایجابنده همدست وفاق اوله رق دشمنه مقاومت فکریلہ. ازدواجک نتیجه سی و ترغیب نکاحه دائر احادیث
- ۱۱۸ ابن عباس ایلہ بر دلیقانلینک محاوره سی
- ۱۱۹ محروم عقل اولان قادی نلرله ازدواجک و خاتمی. و ابوالاسودک اولادینه قرشی امتنان دلپذیری
- ۱۲۰ فخر عالمک زید بن حارثه بی بش نوع قادی ندن منعی
- ۱۲۲ معاویه حقندہ حضرت علی ایلہ بر ذاتک محاوره سی و ازاله شهوت سوقيله تأهلک نتایجی و افساسی

صحیفة

- ۱۲۴ شریمتک قادینلرک حقوقنی محافظه خصوصنده اعتناسی
- ۱۲۵ عرب جاهله نك. قیزلرینی دیری دیری طوبراغه کوممه لری
- ۱۲۶ اسباب الفنک دردنجیسی اولان مواخات مودتک بیانی
- ۱۲۸ اسباب اخوت حقنده مؤلفک موشکافانه تدقیقی
- ۱۳۰ عشق حقنده عاشقانه صدالر، شاعرانه ادالر
- ۱۳۳ صادق دوست آرامق حقنده بیانات صادقه
- ۱۳۸ انتخاب اخوان ایچرین اُرانمسی لازم اولان درت خصلتک بیانی
- ۱۴۴ تقسیم اخوان حقنده مأمونک بر مقاله سی
- ۱۴۶ احبابک چوقلغنی ویاخود ازلغنک هانکیسی نافعدر .
- ۱۴۸ زمره احبابک درت قسمه تقسیبی وبونلر حقنده تفصیلات کامله .
- ۱۶۱ احبابک مودتنه اعتماد . موافق حکمت معاشرت اولدیغنک بیانی .
- ۱۶۳ چوق زیارت . موجب ملال اولدیغنک حکمتی .
- ۱۶۴ احبابک خطالرینی یوزینه اورمق جائز اولدیغنی کبی . بوسبتون مسامحه ده . .
- قانون محبت اولدیغنی .
- ۱۶۸ طلحه ایله زوجہ سی اُرہ سنده . حرز جان ایدلمک شایان بر محاوره .
- ۱۷۰ سلیمان علیه السلامک . اوغلونه حکیمانہ بروصیتی .

